











Colleg paris forset fixu

# TRAICTE

FEV ET DV SEL

EXCELLENT ET RAR

Opuscule du sieur Blaise de Vigent E Bourbonnois, trouué parmy ses papiers apres son decés.



A PARIS.

Chez la veufue ABEL L'ANGELIER, au premier pilier de la grand' salle du Palais.

M. DC. XVIII.

AVEC PRIVILEGE DV ROY.





### AV LECTEVR.

NTRE les œuures du feu sieur de Uigenere, tant paracheuées, qu'autres apres son decés, mises és mains de desunët l'Angelier Libraire, pour les donner au

public; sestant rencontré ce Traicté DV FEV ET DV SEL, la recherche en a semblé si curieuse, le subject si beau, de la doctrine si peu commune, qu'encores que l'Auteurny eust apporté la dernieremain, ne donné l'entiere polifieure; neantmoins tel qu'il est on l'a estimé digne de vous estre presenté; de le sant en ferez, pareil iugement. Receuez-le donc es en faictes cas, sil vous agrée; vous persuadant que comme au tableau de Venus esbauché par Apellés, l'excellence des traits fait perdre l'esperance de le pouvoir assez dignement paracheuer.

#### PRIVILEGE DV ROY.



O V'S PAR LA GRACE DE DIEVROY DE FRANCE TO RINAYA RE A DOSAME CONCILIES GRASCAME NOS Cours de Parlemens, Preuoft de Paris, Bailly de Roûten, Senéchaur de Lyon, Thoulouze, Bordeaux, Poistou, & Le Maine, leurs Lieurennas, A tous autres nos luges & Officiers "u'il appartiendra, Salut, Nostre bien, aimée Françoisé de Loquain, veus diede feu Abas L'Anos Lisa, Viandam tharchant

Libraire en l'Université de Paris, nous a faich remonstrer qu'ayant auec beaucoup de fraiz & labeur recherché les œuures du fieur de Vigenere, elle auroit recouuert vn liure dudit sieur iutitule Traille du feu & du fel, lequel elle feroit volontiers imprimer, fi elle ne craignoit que quelque Libraire & Imprimeur voulust faire le semblable, la frustrant par ce moyen de son labeur, & du recouurement de ses frais : Nous requerant à ces fins lettres necessaires. A ces causes, desirant bien & fanorablement traicer ladite veufue l'Angelier, luy auons de nos graces & authorité royal, permis & accordé, permettons & accordons împrimer ou faire imprimer ledit liure, iceluy vendre & distribuer par tout cestuy nostre Royaume, & terres de noffre obevillance, sans qu'autres que ceux qui auront d'elle charge se puissent entremettre en l'impression, vente & distribution d'iceluy soubs pretexte de quelconque changement, desguisement, cause & occasion que ce soit, si ce n'est de son gré & consentement, ou que les liures qu'ils exposeront en vente avent par elle esté imprimez: Et par le temps & terme de dix ans, à compter du jour qu'il aura efté acheué d'imprimer, à la charge d'en mettre deux exemplaires en nostre bibliotheque des Cordeliers de ceste ville de Paris, auparauant que l'exposer en vente, suivant nostre reglement. Declarant à ces fins tous autres liures & exemplaires acquis & confisquez à ladite veufue l'Angelier, qu'elle pourrafaire faisir nonobstant oppositions ou appellations quelconques. Voulant en outre que les contreuenans foient mulctez par amendes, & condamnez aux despens, dommages & interests, & autres peines de droict. Si vous mandons que du contenu en ces presentes, vous faictes, fouffrez & laissez iouir ladite veufue l'Angelier plainement & paissiblement, & à ce faire souffrit & obeyr de tous ceux qu'il appartiendra, en mettant par ladite veufue au commencement ou fin dudit liure ces presentes ou bref extrait. Voulons qu'elles soient tenues pour deuëment signifiées. Car tel est nostre plaisir. Donnéà Paris le 7, iour d'Octobre l'an de grace 1617. & de nostre regne le huictième.

Par le Roy en son Conseil.

RENOVARD

#### Extraich des Registres de Parlement.

V è v par 1 c'hambur des vacatigas les letten patentes du fepsifante du prefent mol le 200-è re, fignées par 1, et von en 10, et 200-è re, fignées par 1, et von en 10, et 200-è re, fignées par 1, et von en 10, et 200-è re, fignées par 1, et von en 10, et 200-è re, fignées par 1, et 200-è re, fignées par 1,

Signé Dy TILLET,



## TRAICTE' DV FEV ET DV SEL

PAR LE SIEVR BLAISE DE VIGENERE.

PREMIERE PARTIE.



GYTHAGORE, celuy fans doubte de tous les Ethniques, qui du commun confentement & aducu de tous, a le plus profond & auec moins d'incertitude penetré és fecrets tant de la diuinité que de la nature,

l'ayant beu à pleins traits dans la viue source des traditions Mosaïques; parmy ses symboles, où à la lettre il touche vne chose, & mystiquement y en est soubs-entenduë & comprise vne autre; (en quoy il imite les Egyptiens & Chaldées, ou plushost les Hebrieux dont le tout leur est prouenu;) en met ces deux-cy: Neparler de Dieu sans lumiere, est d'appliquer en vous ses sacrifices est offrandes du Sel. Ce que de mot à mot il a emprunté de Moyse, comme

A

nous le deduirons cy-apres; car nostré intention

est de traicter icy du F e v & du S e L.

Et ce sur ce passage du ix. de S. Marc, sur lequel nous auons basty le present traicté, não 30 met à la sancy orgo. Tout homme sera sallé de seu; en toute victime sera sallé de sel. En quoy quatre choses viennent à estre specifiées; l'homme, & la victime; le Feu, & le Sel; qui neanmoins se reduissent à deux, comprenant soubs soy les deux autres; l'homme, & la victime; & le feu, & le sel, & le

AV COMMENCEMENT Dieu crea le Ciel & la Terre; ce dit Moyse tout à l'entrée de Genese: Surquoy Aristobule Iuif, & quelques Ethniques, voulans monstrer, que Pythagore, & Platon auoient leu les liures de Moyse, & de là tiré la plus part de leur plus secrette Philosophie; alleguent que ce que Moyse auroit dit, Que le Ciel, & la Terre furent créez tous les premiers, Platon en son Timée, apres Timée Locrien, auroit dit, Que Dieu assembla premierement le feu, & la terre, pour en bastir cest vniuers: (nous le monstrerons cy-apres plus sensiblement du Zohar au lumignon d'vne chandelle allumée; car tout consiste de la lumiere, qui est la premiere creature de toutes) ces Philosophes se presupposans que le monde consistoit, comme il fait à la verité, de quatre elemens, qui font aussi bien au Ciel, & plus hault encore, com-

me en terre; & plus bas, mais diuerfement: les deux plus haults, l'air & le feu, estans compris soubs le nom du Ciel, & de la region etherée; car aj 9 p vient du verbe a/90, luire & enflammer, les deux proprietez de ces elemens: & soubs le mot de terre, les deux plus bas, terre & eau, incorporez en vn seul globe. Mais combien que Moyse mette le ciel deuant la terre (& notezicy qu'en tout le Genese, il ne touche que les choses sensibles, des intelligibles c'est vn cas à part) neantmoins on n'est point bien d'accord de cela, Iuifs ny Chrestiens. Sainct Chrysostome Homelie premiere; Voyez un peu de quelle dignité la nature diuine vient à reluire en sa maniere de proceder à . la creation des choses. Car Dieu aurebours des artisans, en bastissant son edifice, espandit premierement le ciel tout autour, puis planta la terre au dessous. Il trauailla premierement au comble, & par apres Vint aux fondemens. Mais la façon des Hebrieux est, que quand ils ont à parler de plus d'vne chose, ils mettent ordinairement la derniere en ordre, qu'ils pretendent toucher la premiere: & le mesme se practique icy; où le ciel est allegué deuant la terre, qu'immediatement il vient à descrire apres. In principio creauit Deus calum of terram; terra autem erat inanis & vacua. De mesme en a vsé sainct Mathieu tout à l'entrée de son Euangile : Le liure de la generation de IESVS-CHRIST, fils de David, fils d'Abraham. Abraham engendra Isaac, &c. Car on sçait combien long temps Abraham fut deuant Dauid. D'ail-

leurs, il semble que Moyse vueille particulierement demonstrer que la terre fut faicte deuant le ciel, par la creation de l'homme, qui est vne image & portrait du grand monde, en ce qu'au 2. de Genese Dieu forma l'homme du limon de la terre, c'est à dire son corps, qui la represente. Et puis inspira en sa face, ou luy boursoussla l'esprit de vie, lequel se rapporte au ciel. A quoy bat aussi ce qui est escrit en la premiere aux Corinth.15. Le premier homme de terre est terrestre, & le second homme du ciel est celeste : le premier homme Adam a esté fait en ame viuante; et le dernier Adam en esprit viuissant. A quoy se rapporte la generation de la creature, qui par six fepmaines apres sa conception, n'est qu'vne masse de chair informe, iusqu'à ce que l'ame qui y est infuse d'enhault la viuifie.

Les quatre elemens au reste dont tout est basty, consistent de quatre qualitez; chauld, & sec; froid, & humide; deux d'icelles accouplées en chacun d'iceux. La terre, à sçauoir, de froid & de see: l'eau, de froid & humide: l'air, d'humide & de chaud: & le seu, de chaud & de sec; dont il se vientioindre auec la terre: car les elemens sont circulaires, comme veut Hermes; chacun estant entouré de deux autres, auec lesquels il conuient en l'vne de leurs qualitez, qui luy est appropriée: comme la terre entre le seu & l'eau, participe auec le seu en scicheres (e. & auec l'eau en froideur. Et ainsi du reste.

L'HOMME donques qui est l'image du grand

DV FEV ET DV SEL. monde, & est delà appellé le microcosme ou petit monde; comme le monde qui est fait à la ressemblance de son archetype, est dit le grand homme; estant composé des quatre elemens, aura aussi son ciel; & sa terre. L'ame & l'entendement sont son ciel; le corps & la sensualité, sa terre. Tellement que cognoistre le ciel & la terre de l'homme, est d'auoir pleine & entiere cognoissance de tout l'Vniuers, & de la nature des choses. De la cognoisfance du monde sensible, nous venons à celle du Createur, & du monde intelligible : Per creaturam creator intelligiur, dit sainct Augustin. Le feu au reste donne au corps le mouuement; l'air, le sentiment; l'eau, la nourriture; & la terre, la subsistance. Le ciel outreplus designe le monde intelligible, & la terre le sensible: chacun desquels est soubs-diuisé en deux (en tout cas ie ne parle qu'apres le Zohar, & les anciens Rabbins) l'intelligible au paradis, & à l'enfer; & le sensible au monde celeste & l'elementaire. Origene fait en cest endroit vn fort beau discours tout à l'entrée de Genese: Que Dieu fit premierement le ciel, ou monde intelligible; fuiuant ce qui est dit au 66. d'Isaie: Le ciel est mon siege; & la set. 7. terre mon marchepied. Ou plustost c'est Dieu auquel habite le monde; & non pas que le monde soit l'habitacle de Dieu: In ipso enim viuimus, & mouemur, Att. 874 & sumus: car le vray siege & habitation de Dieu est sa propre essence: & auant la creation du monde,

comme met Rabbi Eliezer en ses chap. il n'y auoir

rien que l'essence de Dieu, & son nom, qui ne sont qu'vne mesme chose. Apres donques le ciel ou monde intelligible, poursuit Origene, Dieu sit le firmament, c'est à dire ce monde sensible; car tout corps a ienc sçay quoy de ferme & solide, & tout solide est corporel. Et comme ce que Dieu proposoit de faire consistast d'esprit & de corps; pour ceste cause il est escrit, que Dieu sit premierement le ciel, c'est à dire toute spirituelle substance, sur laquelle ainsi que sur quesque thrône il se reposast. Le firmament pour noître regard est le corps, que i. cor.3. le Zohar appelle le temple; & l'Apostre aussi; Templum Dei estis vos. Et le ciel qui est spirituel, est nostre ame, & l'homme interieur: le firmament est l'externe, qui ne voit, ny ne cognoist Dieu que sensiblement. De maniere que l'homme est double: i.cor.15. (est corpus animale, & est spirituale) l'vn interieur, spirituel, inuisible; celuy que sainct Marc en ce lieu designe par l'homme: l'autre exterieur, corporel, animal, qu'il denote par la victime; lequel ne comprend point les choses qui sont de l'esprit de Dieu, mais le spirituel discerne tout. Tellement que l'homme exterieur animal est comparé aux bestes brutes, dont Pseau. 48. se prenoient les victimes pour les sacrifices. Com-Ecclesiaste paratus est iumentis insipientibus, & similis factus est illis. Nil enim habet homo iumento amplius : le charnel & animal faut entendre, qui consiste de ce corpsvisible, lequel meurt aussi bien que les bestes; se corrompt & retourne en terre. Dont fort

bien auroit dit Platon, còn ësti viò Des mos ri opiquiou, Que ce qui se voit de l'homme, n'est pas proprement l'homme. Et en l'Alcibiade prem. Plus distinctement encore; é repor Dia à viò Des mis têst vi è eur vi si public, L'homme est ie ne se suy uny autre que n'est soncorps; à sçauoir l'ame, comme il suit apres. Ce que Ciceron auroit emprunté au songe de Scipion: Tu verò sic habeto; te non esse mortalem, sed orpus hoc: non enim tu es quem forma illa declarat, sed mens cuiusque is est quisque, non ea sigura que digito demonstrari potest. Et le Philosophe Anaxarque, pendant que le Tyran Nicocreon de Chypre le faisoit broyer dedans vn grand mortier de marbre, crioit à haute voix; Broye fort, broye l'escorce d'Anaxarque, car ce n'est pas luy que tu broyes.

M E fera-il icy permis d'apporter quelque chose des Metubales? Tout ce qui est, est ou inuisible, ou visible: l'intellectuel, ou sensible; l'agent, & le patient; la forme, & la matiere; l'e-sprit, & le corps; l'homme interieur, & l'exterieur; le seu & l'eau; ce qui voit, & ce qui est veu. Mais ce qui voit est bien plus excellent & plus digne, que ce qui est veu; & n'y a rien qui voye que l'inuisible; là où ce qui est veu est comme aueugle: parquoy l'eau est vn subiect propre & conuenable, surquoy le feu ou esprit puisse estendre son action: aussi l'ail esseie pour son domicile & demeure: car fy introduisant, il l'esseu en hault en nature d'air contigu à luy. Lequel esprit inuisible

(Spiritus domini ferebatur super aquas; ou plustost, incubabat aquis) voyoit le visible; mouuoit l'immobile, car l'eau n'a point de mouuemet de soy; il n'y a que l'air & le feu qui en ayent: & parloit par les organes d'vn muet; tout ainsi que quand par nostre vent & haleine entonnant vne flutte nous la faisons refonner quelque muette qu'elle soit. Ce corps & esprit, eau & feu, nous sont designez par Cain & Abel, les premieres creatures de toutes autres, engendrées de semence d'homme & de femme; & par leurs sacrifices; dont ceux de Cain prouenans des fruicts de la terre, estoient par consequent corporels, morts, & inanimez; & quant & quant prinez de foy, laquelle depend de l'esprit; & se resoluoient par le feu en vne vapeur aqueuse, ainsi que pour l'aller trouuer en sa sphere & domicile, pour de nouueau patir foubs luy. Mais ceux d'Abel estoient spirituels, animez, pleins de vie, qui reside au sang; & de pieté & deuotion : aussi, ce disent Aben-Ezra, &l'Autheur de Fasciculus myrrha, vn feu descendit d'enhault pour les recueillir; ce qui n'aduint pas à ceux de Cain, que deuora vn feu estrange; & par là estoit denoté l'homme exterieur, sensuel, animal, qui doibt estre sallé de sel; & Abel l'interieur, spirituel, de feu. Lequel est double, le materiel & essentiel; l'actuel & potentiel, comme és cauteres. Tout ce qui est sensible & visible, se purge par l'actuel; l'inuisible & intelligible par le spirituel & potentiel. Sainct Ambroile au traicté d'Ifaac,

saac, & de l'ame: Qu'est-ce que l'homme, l'ame d'iceluy, ou la chair, ou l'assemblement de ces deux? car autre chose est le vestement, & autre ce qui en est reuestu. A la verité il y a deux hommes; ie laisse le Messihe à part; Adam qui fut fait & formé de Dieu quant au corps, de pouldre & de terre; puis-apres inspiré de luy de l'esprit de vie : s'il se fust gardé de mesprendre, il estoit fait participant à pair des Anges, de la beatitude eternelle; mais son peché l'en deposseda. L'autre homme est celuy qui vient à naistre successiuement de l'assemblement de l'homme & la femme; lequel pour son offence originaire est rendu fubiect à la mort, à peines, trauaux, & mesaises; parquoy il faut qu'il retourne dont il est venu: mais quant à l'ame qui vient de Dieu, il demeure en son franc arbitre : si elle veut adherer à Dieu, elle est capable d'estre admise au rang de ses enfans: Qui non ex sanguinibus, neque ex Voluntate carnis, neque s. Iean I. ex voluntate viri, sed ex Deonati sunt. Tel fut Adam deuant sa premiere transgression.

L'A ME donques qui est l'homme interieur, spirituel, & le vray homme, celuy proprement qui vit; car le corps n'a de soy point de vie, ny de mouuement, & n'est autre chose que comme vne escoree & reuestement de l'interne, selon le Zohar, allegant cecy là dessus du 10. de 10b; Tu m'as reuestu de peau corde chair. A quoy semble battre aussi le 6. de S. Mathieu, où pour nous monstrer combien l'ame nous doibt estre en plus grande recommandation que le

Ŧ

corps, comme plus digne & precieuse; le SAVVEVR dit; N'ayez point soucy dequoy vous reuestireZ vostre corps; le corps n'est-il pas plus que le vestement? Et par consequent l'ame plus que le corps, puis que le corps n'est que comme vn vestement de l'ame; lequel est subiect à se deperir & vser ( amnes sicut vestimentum veterascent: Et l'Apostre en la 1. aux Corinth. L'homme exterieur se dechet, mais l'interieur se renouuelle de iour à autre.) Car il se laue, poursuit le Zohar, par le feu, ainsi qu'vne Salemandre: & l'exterieur par l'eau, auec des sauons & lexiues, qui consistent toutes de sels. Desquelles deux manieres de repurgemens il est ainsi parlé au 31. des Nombres. Tout ce qui pourra supporter le feu, sera purgé par iceluy: & ce qui ne le peut soustenir, sera sanctifié par l'eau de la purification. Ce qui estoit vne figure de ce que le Precurseur dit au 3. de S. Mathieu; Bien est vray que ie vous baptise d'eau à penitence ; mais celuy qui vient apres moy vous baptisera au S. Esprit, & en feu.

MAIS voicy comme en parle plus particulicrement le Zohar: Si ainsi est, Adam qu'est-il : Que si vous dites que ce n'est que peau & chair, & os en restis il ne va pas de ceste sorte: car pour en parler à la verité, l'homme n'est autre chose que l'ame inmortelle qui est en luy. Et la peau, chair, sang, os & ners, sont les vestemens esquels elle est enucloppée, ainsi qu'une petite creature n'agueres née dedans les couches & langes de son bersean. Ce ne sont qu'ustancilles & instrumens octroyez aux ensans

des femmes, & non pas l'homme ou Adam. Car quand cest Adam ainsi fait est enleué hors de ce monde , il est - despouillé de ces instrumens dont il auoit esté suruestu & accommodé. C'est la peau dont le fils de l'homme est enueloppé, auec sa chair, sesos, es nerfs: es cela consiste au secret mystere de la Sapience, selon que l'a enseigné Moyse és cortines du tabernacle, qui sont le vestement interieur, & le tabernacle l'exterieur. A ce mesme propos l'Apostre au side la 2. aux Corinthiens: Nous scauons assez que si nostre habitation terrestre de ceste insirme cahuette vient à estre destruitte, nous auons viredifice qui n'est point basty de main d'homme, ains est permanent eternellement là hault és cieux : dont nous desirons d'estre reuestus de nostre domicile au ciel; si toutesfois nous sommes trouuez vestus, co non nuds. Par ainsi Adam, quant au corps, est vne representation du monde sensible; ou sa peau correspond au firmament (exten- Psedume dens calum sicut pellem.) Car comme le ciel couure & 103. enueloppe toutes choses, de mesme fait la peau tout l'homme: en laquelle sont introduites & affichées ses estoilles, & signes, à sçauoir les traits & lineamens és mains, au front, au visage; par où se reuelle aux hommes sages & qui le sçauent discerner, l'inclination de son naturel, imprimée en l'interieur. Et qui delà ne le coniecture, est comme celuy à qui le ciel estant ainsi que couuert de nuages, ne peut apperceuoir les constellations qui y sont; ou bien qui seroit offusqué de sa veuë. Et encore que les sages & experts en ces choses, y puissent au-

cunement remarquer ce qui est denoté par ces traits & lineamens de la paulme de la main, & des doigts, au dedans d'iceux; car par le dehors c'est vn cas à part, & ne s'en maniseste que les ongles, qui ne sont pas vn petit secret & mystere; parce qu'elles s'offusquent en la mort, & ont toussours vn luisant lustre durant la vie; au poil, és yeux, au nez, & lévres, & tout le reste de la personne. Car comme Dieu a fait le Soleil, la Lune, & les estoilles, pour y remarquer au grand monde, non tant seulement le lour, la nuict, & les faisons, mais les mutations des temps, & beaucoup de signes qui doiuent apparoir en terre: aussi a-il fait & marqué en l'homme, le petit monde, certains traits & lineamens tenans lieu d'estoilles& astres; par où lon peut paruenir à la cognoissance de fort grands secrets, non vulgaires, ny cogneus de tous. C'est par là que les Intelligences du monde superieur influent & decoulent comme par certains canaux leurs influences, dont les effects se viennent rebattre, & accomplir leurs effects icy bas: De la mesme sorte que des choses tirées d'vn arc roide & puissant se viendront planter dedans vne butte, où elles farrestent.

MAIS pour reprendre le propos de cest homme double, & au vestement d'iceluy, l'Apostre en la 1. aux Corinth. 15. Il y a des corps celestes, & des corps terrestres: neantmoins autre est la gloire des uns & des autres. Il y a un corps animal, & n corps spiri-

Genef.2.

tuel. Est-il seme corps animal? il ressuscitera corps spirituel incorruptible. A cestuy-cy se resere le feu, & au

corruptible le sel.

DE ces vestemens au surplus l'occasion se presente de s'y estendre plus au long, pour mieux monstrer qui doibt estre sallé de feu, & qui de sel; lequel est icy exprimé par la victime, à qui l'homme exterieur corporel correspond, selon l'Apostre aux Rom. 12. Ie vous prie, mes freres, par la misericorde de Dieu , que vous luy offriez vos corps en vne hostie vi-uante, saincte, qui luy puisse plaire , & estre aggreable. Ce qu'elle ne sçauroit, si elle n'est pure, nette, incontaminée, pour se rendre le domicile du sainct ESPRIT. Ne sçauez-vous pas que vostre corps est le 1.Cor.6. domicile du S. Esprit qui est en vous? lequel est communément designé en l'Escriture par le feu, dont nous debuons estre intérieurement sallez, c'est à dire preseruez de corruptio. Et de quelle corruptionedes pechez qui putrefient nostre ame.Origene liu.7. contre Celfus, parlant des vestemens d'icelle, met qu'estant de soy incorporelle & inuisible, en quelque lieu corporel qu'elle se retrouue, elle a besoin d'vn corps conuenable à la nature de ce lieu où elle reside. Comme lors qu'elle est en ce monde elementaire, il luy faut vn corps elementaire aussi, qu'elle prend quand elle s'incorpore au ventre de la femme, pour en naistre; & delà viure ceste basse vie auec le corps qu'elle en a pris, iusques au terme limité; lequel expiré, elle se dépouille

de ce vestement corruptible, bien que necessaire en la terre dont il est venu, (suyuant ce que Dieu dit à Adam en Gen. 3. Tu es pouldre, ce su révourneras en pouldre,) pour se reuestir d'vn incorruptible, dont la perpetuelle demeure est au Ciel. Car il saut que ce corruptible soit reuestu d'incorruption; & que ce mortel soit reuestu d'immorralité. Et ainsi l'ame se despoüillant de son premier vestement terrestre, en prend vn autre trop plus excellent là hault en la region etherée, qui est de nature de seu. Iusques iey Origene, à quoy rien ne se sçauroit trouver de plus consorme, que ce qu'en met Pythagore vers la sin de se vers dorez,

H'v o' Znorellas owna, és ajtep golfepor g'has, E'area a'farales reis, a'nteporos, cèn éta Irarés.

Si delaissant ce corps mortel tu passes en vn air etherée libre; tu seras un Dieusmmortel, incorruptible, & non plus
subiect à la mort. Comme s'il vouloit dire, qu'apres
que ce corps materiel corruptible se sera despoiillé de son vestement terrestre & impur, la parfaite
portion d'iccluy se demessera de ses ordures & immondices, & s'en ira là hault au Ciel adherer à Dieu;
ce qu'il ne pourroit faire qu'estant pur & net, ny
cecy essectuer que par le seu. A ce messme propos le
Zohar: Quand les elemens se dessirussers, vn corps etherée succede en leur place, qui les suruest; ou pour meux
parler, le corps etherée qui essoit suruest, ou pour parler, le corps etherée qui essoit suruest d'iceux, s'en
dessoit les Et cela nous est representé au 15. chapitre
d'Esther, où il est dit, qu'au troissesme leur elle osta ses

I.Corine

vestemens dont elle souloit estre accoustrée, & se reuestit de ceux de sa gloire, pour comparoistre deuant le Roy; qui designe le S. Esprit, & Esther l'ame raisonnable, dont les vestemens sont les vestemens du Royaume des sieux, desquels celuy que Daniel chap.3. dit estre semblable au fils de Dieu qui en couronne les iustes, & les orne de vestemens Royaux pour les amener en la prèsence du Roy des Roys au paradis de Volupté, éuenté de l'air d'enhault, que l'Esprit sainct y aspire. Origene en la 2. Homelie sur le Pseaume 36. C'est la mode de l'Escriture saincte d'introduire deux sortes d'hommes ; l'interieur à sçauoir, & l'exterieur : chacun desquels abesoin endroit soy de ses vestemens, tout ainsi que de nourriture. L'homme exterieur corporel se maintient de Viandes qui sont corruptibles, à luy propres & familieres, ayans toutes besoin de sel, outre le leur connaturel : mais il y a außi vne viande pour l'interieur, dont il est dit au 8. de Deuter. L'homme ne vit point de pain seulement, mais de toute parôle qui part de la bouche de Dieu. Et pour le regard du breuuage, l'Apostre en la prem. aux Corinth. 10. Nos peres ont tous mangé d'une mesme viande spirituelle, & ont tous beu d'vn mesme breuuage spirituel; car ils beuuoient de la pierre spirituelle qui les suiuoit; & ceste pierre estoit le CHRIST: lequel parlant de ce breuuage en S. Iean 4. dit, qu'il est la fontaine d'eau viue, & qui boira de l'eau qu'il luy donnera, n'aura iamais soif. Il y a aussi deux manieres de vestemens pour le regard de l'homme inserne. S'il est pecheur, il est dit au Pseau. 108. Il a vestu malediction ainsi qu'vn accoustrement;

qu'elle luy foit donques en lieu d'habit dont il foit couuert; & comme vne ceinture dont il est touf-iours ceint. Et au rebours, l'Apostre aux Golos. 3. Ne mentez point les vns aux autres, ayans despouillé le vieil homme auec ses actions & comportemens, & vestu le nouueau; ains soyez reuestus de miscricorde, de benignité, humilité & douceur d'esprit.

CE SONT ces vestemens que le Zohar dit estre les bonnes œuures, & les accoustremens nuptiaux de l'ame; qui ne se lauent & nettoyent sinon au feu (Quia in igne reuelabitur vniuscuiusque opus; & quale sit ignis probabit) auquel ils persistent sans s'empirer ne consumer, ains f'y purifient quand & l'ame qui en est vestuë; de l'escume immonde dont en pourroient estre restées quelques taches, que le feu paracheue de nettoyer, les consumant & effaçant. Mais quel feu est-ce? Celuy dont il est dit au 4. & 9. de Deuter. Dominus Deus tuus est ignis consumens. Ce qu'Irenée interprete, que c'estoit pour donner crainte & terreur aux Israelites: & ce apres l'Apostre aux Hebrieux 12. Seruons à Dieu pour luy estre agreables, auec reuerence & crainte; Car nostre Dieu est vn feu consumant. Pource qu'ils auoient assez entendu que le monde estoit vne fois pery par le deluge vniuersel, & qu'il ne debuoit plus encourir de tel accident; ains souffrir sa derniere extermination par le feu: Ioint qu'au 33. la loy Mosaïque est appellée la loy de feu, qui est en la dextre du Tout-

r.Cor.3.

toute remplie de menaces, d'espouuantemens & frayeurs, autant que la Chrestienne l'est de douceur & misericorde: In dextera illius ignea lex. Ce que le Paraphrase Chaldaïque interprete pour ce qu'elle auoit esté donnée du milieu du feu sur le mont Horeb, selon ce qui est dit au 4. à propos de ceste frayeur: Le Seigneur parla à moy me disant ; Assemble-moy là bas les peuples, afin qu'ils oyent mes paroles, & apprennent à me redoubter. Alors vous-vous approchastes du bas de la montaigne, qui brussoit iusques au Ciel, & le Seigneur parla à vous du milieu du feu. Et au 3. d'Exode, le buisson ardent auquel Dieu apparut à Moyse, ne se consumoit point. De ce seu consumant au reste parle ainsi le Zohar conformément à ceste maxime receuë en la naturelle Philosophie; Qu'vne plus grand' flamme deuore & esteint vne moindre: Comme nous pouuons sensiblement apperceuoir d'vn flambeau allumé qui s'amortist aux raiz du Soleil: & d'vn réchauld mis aupres d'vn gros feu qui le succe & attire du tout à luy. Il dit donques sur ce texte du 35. d'Exode, Vous n'allumerez point de feu en pas-vne de vos maisons le iour du Sabath. A quel propos, dit Rabbi Simeon, a esté ordonné cela; & pourquoy n'est-il loisible d'allumer du feu ce septiesme iour? par-ce que quand on allume du feu, il tend tousiours de son naturel contremont; & est remuant sur toute autre chose, suyuant ce qui est escript en la Sapience 7. où elle est accomparée au feu. En la Sapience est l'esprit d'in-

telligence; le sainct, vnique, abondant, subtil, modeste, eloquent, mobile, remuant, non souillé: car elle est mobile sur toute autre chose, & atteint par tout à cause de sa pureté.Deux proprietez que le feu a, d'estre remuant & pur, ne receuant aucune immondice: & tout remuement est vne espece d'action & operation, defenduë par exprés au iour du Sabath. Le feu donquesmontant en hault, y emporte auec soy les impuritez designées au 10. du Leuitique par le feu estrange, qui est là deuoré par celuy lequel sort de la presence du Seigneur. Et seroit autant que d'y attirer de soy-messime le iugement de ses offenses, qui ne doibt point estre renouuellé en la sanctiscation du Sabath; de peur que le feu du courroux de Dieu ne deuore & confume celuy de nos iniquitez, & nous quant & quant: si ce seu nostre n'est premierement repurgé par vn plus fort feu, qui consume & deuore le moindre & plus foible. Tout cela parcourt le Zohar. Et sur le passage dessusdit du 4. de Deuter. Deus tuus ignis consumens est, il dit encore: Il y a double feu, l'un plus fort qui denore l'autre. Qui le veut cognoistre, qu'il contemple la flamme qui part & monte d'on feu allumé, ou d'one lampe & flambeau : car elle ne monte point qu'elle ne soit incorporée à quelque corruptible substance, & ne s'onisse auecques l'air dont elle se paist. Mais en ceste flamme qui monte sont deux lumieres ; l'vne blanche qui luit & esclaire, ayant sa racine bleuë aucunement : l'autre rouge, qui est attachée au bois, & au lumignon, qu'elle bruste. La

blanche monte directement en hault; & au dessous demeure ferme la rouge sans se departir de la matiere, administrant dequoy flamber & luire à l'autre ; mais elles se viennent là-endroit ioindre & vnir ensemble; l'une bruslant, l'autre brussée, tant qu'elle se conuertisse en celle qui la predomine & maistrise , à sçauoir la blanche , tousiours une mesme sans se changer ny varier comme fait l'autre; qui tantost noircist, puis deuient rouge, iaulne, inde, perse, azurée; renfermée en hault, & en bas: en hault de la flamme blanche; en bas de la noirceur de la matiere, qui luy fournist dequoy brusler , & en est en sin consumée. Ĉar ceste flamme azurée, rouge, & iaulnastre, comme plus großiere & materielle qu'elle est, tend tousiours à exterminer & destruire ce qui la nourrist & maintient; ainsi que font les iniquitez, la conscience qui les heberge; afin de se constituer la perdition & ruine de tout ce qui luy adhere en bas; tant qu'elle mesme à la parsin demeure esteinte : là où la lumiere blanche y annexée, n'est point amortie eternellement, ains s'en va librement là hault, & retourne au lieu propre de sa demeure, apres auoir accomply son action en bas; sans changer sa lueur en autre couleur que la blanche. En cas pareil est-il d'un arbre qui a ses racines attachées dedans la terre, dont il prend son nourrissement, comme le lumignon fait le sien du suif, cire, ou huille qui le font ardoir. La tige qui succe son suc ou sceue par sa racine, est de mesme que le lumignon, où le feu se maintient de la liqueur qu'il attire à soy : & la flamme blanche sont ses branches & rameaux reuestus de fueilles : les fleurs & les fruicts où tend la fin finale de l'arbre,

sont la flamme blanche où tout se vient reduire. Parquoy Moyse a dit, Que ton Dieu est on feu consumant, comme il est de vray, car le feu consume & deuore tout ce qui est au dessous de luy, & surquoy il exerce son action: & pourtantily a fort proprement au texte Hebrieu, ELO-HENY ton Dieu; & non pas ADONENY ton Seigneur, à cause que le Prophete estoit en ceste lumiere blan-Che superieure, qui ne deuore ny n'est deuorée. Et les Israelites estoient la lumiere bleuë, qui taschent de s'esleuer & vnir à luy soubs saloy. Car l'ordinaire de ceste lumiere bleue inclinant à noirceur plustost qu'à blancheur; bien est vray qu'elle est constituée comme au milieu; est de perdre & destruire ce qu'elle empoigne, & où elle adhere. Que si les pecheurs sy soubsmettent, lors la lumiere blanche sera dicte A DONEN v nostre Seigneur, & non ELOHENV nostre Dieu, pource qu'il la predomine & deuore. Et est ceste flamme bleuë designée par le petit & dernier n he du sacré venerable tetragrammaton inouah, laquelle s'assemble es vnist auec les trois premieres. In iehu, la lumiere blanche, qui luist en vne tres-claire simplicité Trin' vne; ayant soubs soy la noircissante, la rougeastre, & la perse a Turée de la petite nhe, qui est la nature humaine consistant des quatre elemens : si qu'elle est quelquefois representée par quatre 7 daleth, la quatriesme lettre de l'alphabet, & qui marque le nombre de quatre. Te vous ay icy, direz-vous, apporté vn prolixe lieu du Zohar. Iele vous aduouë; mais qui auroit besoin de plus ample explication; carily a de grands mysteres cachez là dessous; taschant ce Rabbi superlatif à tous

les autres en ses profondes & abstraites meditations qui transcendent tout, de nous esleuer les esprits par la similitude d'une lumiere, à la cognoissance des choses spirituelles qui ne sortent point de nostre propos principal qui est le feu, & les effects. De ceste lumiere blanche, & de ses collaterales, parlent encore d'autres Rabbins, comme Kamban Gerundense; Que par la caballe il nous appert l'escriture auoir esté vn feu obscur & caligineux, sur le dos d'un feu blanc, & resplendissant à merueilles. C'est le feu, disent-ils, de l'Esprit sainct, consumant nos iniquitez denotées par l'ardeur rouge enflammée; & la flamme bleuë & inde, qui sont le feu estrange, comme l'interprete fort bien S. Ambroise en l'epistre 4. à Simplician : Le feu estrange est toute ardeur de lubrique concupiscence, d'auarice, haine, rancune, enuie. Et de ce feu l'homme n'est point expiéne purgé, mais trop bien brussé: Que si on l'offre en la presence du Seigneur, le feu celeste le deuorera, comme il sit Nadab, & Abihu. Et pourtant qui veut purger son peché, il faut qu'il reiecte de soy ce feu estrange, & qu'il s'expie de celuy dont il est dit au 6. d'Isaye; Un des Seraphins s'envolla Hierarch. Vers moy, tenant en sa main un charbon ardent, qu'il chap.13. auoit tiré de l'autel auec des pinsettes, & m'en toucha la bouche, disant; Voicy que l'ay touché tes levres de ce feu cy; dont ton iniquité sera offée, & ton peché nettoyé & purge. Ayant dit peu auparauant, que toute la maifon estoit remplie de fumée, qui est comme vn excrement & vapeur du feu, soit deuant qu'il s'allume

& enflamme, soit apres qu'il est amorty & esteint: dont vient à se procréer la suye, dont il n'y a rien de plus ennuyeux & moleste aux yeux; ayant emporté quand & soy vne partie de la corruption adu-Itible, qui administroit au feu son nourrissement, & pasture. Cela se peut voir en la distillation de la suye, où se manifeste vne notable quantité d'huille inflammable; ce qui est cause de la faire encore brusser: & de ce brussement viendroit à naistre vne fumée, qui se concréeroit derechef en suye bruslable comme auparauant, mais non tant. Ce sont les reliquats du peché, dont il estoit demeuré quelques taches empraintes en l'ame, iusqu'àce que finablement par la successiue repurgation du feu, elle soit reduite à ce poinct d'vne complette pureté, dont il est dit és Cantiques 4. Tu es toute belle, ma bien-aimée; on'y a aucune macule en toy. Ce que denote la flamme blanche, qui est le plus hault degré de l'embrasement. Le sçauent assez ceux qui manient le feu; car quand vn fourneau commence à l'eschauffer, il noircist, puis renforçant le feu, il rougist; & finablement se blanchist quand il est au supreme & dernier degré de chaleur, où il persiste en sa blancheur de plus en plus. Telles sont les actions du feu: Mais il y a de grands mysteres là dessous; mesmement pour monstrer l'aduantage & la precellence qu'a la couleur blanche par dessus la rouge; tout ainsi qu'a la foy Chrestienne, designée par l'eau qui Epoc. 4. est blanche; ( Au milieu du thrône y auoit comme vne

O 15.

mer de verre semblable à crystal) par dessus la loy ludaïque, rouge, embrasée de rigueur & seuerité, de-signée par la colonne de seu, qui conduisoit durant la nuice les Ifraelites par les deserts; & la nuée Exode 15. blanche de iour. En la secrette Theologie Hebraïque, le rouge denote toussours gheburah, austerité; & la blancheur, ghedulah ou misericorde. Elie fut transporté & rauy en hault dedans vn chariot de 4 des feu, attellé de cheuaux de mesme : mais en la transfiguration du SAVVEVR ses vestemens deuin- S.Maih,. drent blancs comme nege. Et en l'Apocalypse 3. les esleus sont tousiours habillez de blanc: Et au 6.parlant des Saincts martyrisez pour la foy de leur R E-DEMPTEVR, leurest donnée à chacun vne belle aulbe blanche. Peu auparauant ayant mis, que l'Ange à qui auoit esté octroyée la victoire, & la couronne, estoit monté sur vn cheual blanc; (comme au 19 & 20. le thrône de Dieu est paré de blanc) & celuy qui estoit monté sur le cheual rouge, auoit vn grand coutelas tout sanglant au poing, afin qu'on fen massacrast I'vn l'autre. Mais plus expressément encore au prem. d'Isaie: Quand bien vos pechez seroient aussi rouges que fine escarlatte, si seront-ils blanchis comme nege. Et ores qu'ils fussent plus rouges que vermillon, ils deuiendront blancs comme laine.

M A Is voicy beaucoup de choses, me pourralon dire, qui peu à peu se destournent de nostre propos principal, & sont tout ainsi que parergues mesme extrauagans. Non du tout certes, mais

comme pour monter quelque roidescarpé penchant il faut tournoyer à l'entour pour y aller plus à son aise, & euiter les creuaces & precipices; de mesme sommes-nous contraints de faire par fois de petites courses & digressions, pour faciliter nostre theme. Les riuieres qui vont tournoyans, font plus commodes à nauiguer, que celles qui fescoulent impetueusement de droit fil en bas. Îl n'y aura rien à la parfin, Dieu aidant, d'inutile ny hors de propos. Tout cecy donques rouge & blanc n'est que feu & eau; la colonne de feu nocturne, & la nuée blanche sur iour; en laquelle, comme dit l'Apostre, s. cor.10. tout le peuple Iudaique fut baptisé. Et en ceste nuce la Sapience diuine establit son thrône. C'est la loy Mosaique, & celle de grace; le feu, & le sel. Le Zohar parlant des deux premieres Tables de Moyfe, qui furent rompuës pour l'idolatrie du veau d'or ; met deux colonnes; l'vne de feu, representant la shaleur naturelle dont toutes choses sont viuisiées; & l'autre d'eau, qui est l'humide radical qui maintient la vie. (De cecy ne s'essoigne gueres l'Apocalypse au 15. où il dit, Qu'il vit comme une mer de verre, meslée de feu) lequel humide radical fut peruerty & alteré au deluge, par l'vniuerselle inondation, si qu'il ne fut du depuis si vigoureux qu'auparauant; mais il sera acheué d'exterminer de tous poincts à la fin du siecle par la conflagration finale. La premiere mutation rencontra quelque misericorde; l'humain lignage n'ayant pas lors esté du tout

Ecclesia-Stigue 14.

esteint, ains s'en sauuerent les reliquats en Noé auec les siens: mais la seconde n'en aura point; car tout perira par la seuere rigueur du feu. A propos de ces deux substances, les Assyriens, & autres peuples Orientaux adoroient le feu, comme celuy qui leur representoit la chaleur naturelle; & les Egyptiens auec tous les Meridionaux le Nil, qui est l'humide radical, lequel s'en va rendre en la mer empreignée de sel, pour la preseruer en sin de corruption: car pour cest esset toutes les humeurs du corps animal, sang, pituite, vrine, & le reste sont sallées; sans cela tout se corromproit d'vn instant à autre. Voyez la difference qu'il y a de nos sainctes lettres, qui appliquent les meditations des choses sensibles aux mysteres sacramentaux; & des ratiocinations de l'aueuglé Paganisme, qui ne faisans que tournoyer par dessus l'escorce, ne penetrent point plus auant, que ce que le sens incertain & doubteux leur peut faire comprendre, sans passer plus outre à la relation des choses diuines, où le tout se doibt en fin referer à la spiritualité : ressemblans proprement en cela vne austruche, qui bat assez des aisses, comme si elle vouloit s'esseuer iusqu'au ciel, mais ses pieds ne quittent pas pour cela la terre.

L A Theologie Phenicienne n'admettoit qu'vn feul element, le feu; qui est le principe & la fin de tout; le producteur & destructeur de toutes chofes. Ce qui ne s'esloigne pas fort de ce que le Pseau-

me 118. appelle ignitum verbum; par lequel les siecles furent formez. Heraclite aussi mettoit le seu pour vne premiere substance qui informoit tout, & dont se tiroient de puissance en action toutes choses, tant superieures qu'inferieures, celestes & terrestres. Car le chauld & le froid, l'humide & le sec n'estoient pas substances, ains qualitez & accidents, dont les Philosophes naturalistes se seroient forgez les quatre elemens; là où à la verité il n'y en a qu'vn, qui selon les vestemens qu'il reçoit de la qualité accidentalle, prend diuerles appellations: Si de la chaleur, c'est de l'air; de l'humide, eau; du sec, la terre; lesquels trois ne sont qu'vn feu, mais reuestu de diuers & de differents vestemens. Par ainsi le feu s'estendant en tout & par tout, aussi toutes choses se viennent rendre à luy comme au centre; Si qu'à bon droict le peut-on appeller vne infinie & non terminée vigueur de nature; ou plustost la viuisication d'icelle; car sans luy rien ne se pourroit comprendre, veoir ny obtenir en hault ny en bas. Celuy qui'esclaire est celeste; qui cuit & digere, aëreux; & qui brusle, terrestre; qui ne peut subsister sans quelque grossiere matiere venant de la terre, qu'il reduit finablement en icelle: comme on peut voir és choses brussées, conuerties en cendres; dont apres l'extraction du sel, il ne reste plus qu'vne pure terre: le sel estant vn feu potentiel & aqueux, c'est à dire vne eau terrestre empreignée de feu, d'où se viennent à produire toutes sortes de

mineraux; car ils font de nature d'eau. L'experiment s'en peut veoir éseaux forts, qui sont toutes composées de sels mineraux, alums, salpetres; lesquelles brussent comme le seu. Qui se produit des exhalations chauldes & seches, agitées des vents, & faciles à s'enssammer: des cailloux aussi, du ser, & du bois; & des os frayez, mesmement de ceux du lyon, ce dit Pline. Dont on peut recueillir que

par tout il y a du feu en puissance.

Non fans cause donques Pythagore ordonnoit apres Moyse, de ne parler de Dieu, & des choses diuines, qu'il n'y eust du seu; car il n'y a rien de toutes les choses sensibles qui symbolise & corresponde plus à la diuinité, que le feu. Aristote escriuant à Alexandre, luy ramentoit qu'il auoit appris des philospe, de la vie Brachmanes, qu'il y auoit vn cinquies me, element d'Appli, ou essensible qui est vn feu où reside la Diuinité; siure 3, parce que c'est le plus noble & le plus pur de tous chap. II. les elemens; & lequel purge toutes choses, selon Zoroastre. Plutarque allegue que ceste Diuinité est vn esprit de certain seu intellectuel, qui n'a point de forme; mais transforme en soy tout ce qu'il attache; & se transsnuë de messime en tout, comme souloit faire Protée le genie d'Egypte;

Omnia transformat féfe in miracula rerum: Et de ce feu, selon Zoroastre, toutes choses son engendrées. C'est la lumiere qui habite, ce dit Porphyre, en vn seu estherée; car l'elementaire dissipe tout. Mais plus authentiquement S. Denys au 15, de

D ij

la hierarchie celeste: Le feu, d'autant que son essence est despoüillée de toute forme, tant en couleur comme en figure, a esté trouné le plus propre pour representer la diuinité à nos sens, entant qu'ils peuvent conceuoir & apprehender de la nature & essence diuine. L'escriture mesme en infinis endroits appelle Dieu & les Anges seu: 🖅 non seulement nous propose des chariots & rouës de feu, mais des animaux ignées, des fleuues & torrents ardents; & des Charbons, & des hommes tous embrasez. Tous les corps celestes non plus ne sont que lumieres flambantes; & les Thrônes & Seraphins tous de feu : tant il y a d'affinité 🔗 de conuenance auecques la Diuinité. Car le feu que le sentiment apperçoit 👉 sent , est separé, quant à sa substance, de toutes autres qui ne se peuuent ioindre & mester auec luy, sinon de la matiere à quoy il est incorporé pour ardre. Il luist, & s'espand de costé & d'autre: & en se recueillant en soy, de sa lumiere il illustre tout ce qui est proche, ne se pouuant toutes sois veoir sans la matiere où il adhere, & exerce son action, non plus que la diuinité que par ses effects: ny arrester, ny empoigner, ny mesler à rien, ny changer tant qu'il est en vie : là où il empoigne toutes choses, & les tire à soy, & à sa nature. Il renouuelle & regaillardist tout de chaleur vitale, illuftre & illumine tout; tendant tousiours encontremont d'vne agilité & vistesse incomparable. Il communique son mouuement à tout ; sa lumiere , & sa chaleur, sans aucune diminution de sa substance, quelque portion qu'on en emprunte, ains demeure tousiours en son entier. Il Vient soudain, & fen reua tout aussi tost, sans qu'on puisse sçauoir

doù il vient, & où il fen va. Auec plusieurs autres belles considerations de ce seu commun, qui nous esseuent à la cognoissance du seu diuin, dont ce materiel est comme vn vestement & couuerture; & le sel la couuerture du seu, qui au sel s'appaise & accorde auec son ennemy qui est l'eau; comme la terre au salpetre fait auec son contr'opposé l'air, par le moyen de l'eau qui est entre-deux: car le salpetre participe de la nature de soulphre & de seu, entant qu'il brusie; & du sel en ce qu'il se resoult dans l'eau, propium enim, dit Heber, salium & aluminum essi in aqua solui, cum ab illa oriantur. Mais de cela plus à propos cy-apres en son lieu.

L'Es meditations de ces couvertures & reuestemens ne sont pas de peu d'importance pour monter des choses sensibles aux intelligibles, car elles sont toutes enueloppées l'vne dans l'autre, comme vne encychie, ou lune spiralle. Le Zohar sait ces reuestemens doubles; l'vn en montant & se despoüllant, (deponite veterem hominem, & induite nouum) car nulle chose spirituelle descendant en bas, Ephos. 4. n'opere sans quelque vestement. (Vos sedete in Hie-s. 12424; rusalem, quoad vsque induamini virtute ex alto.) Et en ce cas le corps enueloppe & reuest l'esprit; l'esprit, l'ame; l'ame, l'intellect; l'intellect, le tem-

ple; le temple, le thrône; & le thrône, la Sechinah, ou la gloire & presence de Dieu, qui reluisoit au tabernacle. En descendant, ceste gloire est renclose du thrône, & de l'arche de l'alliance, qui est dedans le tabernacle, ou intellect: le tabernacle dans le temple, qui est nostre ame; (templum Dei estuvos) le temple est en Hierusalem, nostre esprit vital; Hierusalem en la Palestine, nostre corps; & la Palestine au milieu de la terre, dont nostre corps

est composé.

DIEV donques estant pur Esprit, desnué de toute corporeité & matiere, (car nostre ame estant telle, à plus forte raison le doit estre celuy qui l'a faicte à son image & ressemblance) il ne peut estre en ceste simple & absoluë nudité compris ny apprehendé de ses creatures, sinon par quelques attributions qu'on luy donne, qui sont autant de vestemens; que les Caballistes particularisent à dix sephirots ou numerations: trois au monde intelligible; & sept au celeste, qui viennent à se terminer en la lune ou malchut, la derniere en descendant; & la premiere en montant du monde elementaire en hault; car c'est vn passage d'icy bas au ciel: si que les Pythagoriciens appelloient la lune la terre celeste; & le ciel ou astre terrestre toute la nature d'icy bas au monde elementaire estant au regard du celeste; & le celeste de l'intelligible, ce dit le Zohar, feminine & passible, comme de la lune enuers le soleil; duquel d'autant qu'elle s'essoigne, iusques à venir à son opposition, d'autant croist-elle de lumiere pour nostre regard icy bas; & en diminuë en sa partie regardant en hault. Là où au contraire en la conionction qu'elle nous demeure toute ob-

scurcie, la partie d'amont est toute esclairée: Pour nous monstrer que tant plus nostre entendement se rabaisse aux choses sensibles, de tant plus s'essoigne-il des intelligibles, & au rebours. Cela fut cause qu'Adam ayant esté logé au paradis terrestre pour y vacquer à la contemplation des choses diuines, quandil s'en cuida destourner apres les fensibles & temporelles, en voulant goulter du fruict de l'arbre de science de bien & de mal, par où il se departit de celuy de vie pour l'assubiectir à la mort, ilen fut banny & mis hors. A ce mesme propos le Zohar met encore, que deux vestemens nous viennent du ciel en ceste temporelle vie; l'vn formel, blanc, & resplendissant, masculin, paternel & agent; car tout ce qui agist tient lieu de forme, de masle, & de pere: & cestuy-cy nous vient du feu, & de la clarté des estoilles, pour en illustrer nostre entendement. L'autre est rouge, maternel, feminin pour l'ame, prouenant de la substance du ciel, qui est plus rare que des corps celestes. Celuy de l'entendement est logé au cerueau, & l'autre de l'ame au cueur. L'intellect ou entendement est ceste partie de l'ame raisonnable faite & formée à l'image & semblance de son Createur; & l'ame en soy la faculté animale ditte nephesch; la vie à seauoir qui reside au sang. Et comme le ciel contient les estoilles, ceste cy contient l'intellect; qui nous est au reste commune auec les bestes brutes: mais l'intellect ou ame raisonnable est propre & particuliere aux

hommes; celle qui peut meriter ou demeriter : parquoy elle a besoin de repurgation & nettoyement des macules qu'elle attire & conçoit de la chair où elle est plongée, suyuant ce qui est dit en Gen. 8. Le sens, & la cogitation du cueur de l'homme sont enclins à mal dés saieunesse. Et puis qu'il est question de nettoyer ce vestement qui est de nature de feu, il faut aussi que cela se face moyennant le feu; car nous voyons par experience qu'vn feu chasse l'autre, comme il a esté desia dit cy-deuant; si que quand on se brusle, il n'y a point de plus prompt remede que de se rebrusser au mesme endroit, endurant la chaleur du feu le plus qu'on pourra; qui tire à soy l'inflammation hors de la partie: ou bien la trempant dans de l'eau de vie, où il y ait du vitriol calciné dissouls, dont les Chirurgiens n'ont point trouué de plus souuerain remede pour oster le feu des harquebuzades, & les garentir d'istiomene, & gangrene; & neantmoins ce sont deux feux ioints ensemble. Mais celuy qui doibt durant ceste vie repurger nos ames, est celuy dont parle ainsi sainct Augustin au 29. sermon de verbis Apostoli: car il y en a vn autre apres. AllumeZ en vous une scintille d'une bonne & charitable dilection; & la Soufflez 🔗 éuentez ; car quand elle sera parcreuë à vne grand' flamme, elle vous consumera & foin, & bois, & chaulme de toutes vos charnelles concupiscences. Mais la matiere dont ce feu se doibt entretenir, sont les prieres, & les bonnes œuures, lequel en doibt tousiours ardre sur vostre autel:

autel; car c'est celuy dont le SAVVEVRadit; IE svis VENV METTRE LE FEV EN TERRE, QVE VEVX-IE DONQUES SINON QU'IL S'Y ALLVME? Fly a au surplus deux feux; l'on de la mauuaise part, à sçauoir de la concupiscence charnelle ; l'autre est de la bonne , qui est la charité; lequel deuore tout le mal, ne laissant que le bon, qu'il esteue en hault en vne fumée d'odeur agreable. Car le cueur d'vn chacun est comme vn autel, ou de Dieu, ou de l'aduersaire. Et pourtant celuy qui est allumé de la flamme de charité, se doibt toussours de plus en plus augmenter par de bonnes œuures, afin qu'il nourrisse en soy l'ardeur que nostre SAVVEVR aura daignéy embraser; & que par ce moyen s'accomplisse ce que dit l'Apostre; Que I Esvs- Eph. 5. CHRIST s'est approprié une Église, n'ayant point de tache nyride, ains qui est toute saincte, pure & nette, sans macule. Car ce que l'Eglise est en general & commun enuers Dieu, la conscience de chacun de nous en particulier est de mesme, quand elle est syncerement preparée comme il est requis; & que sur le fondement d'icelle, on edifie de l'or, de l'argent, & des pierreries, vne ferme foy à sçauoir & creance, . accompagnée de bonnes œuures, sans lesquelles la foy est morte & enseuelie: le tout sur le modelle & patron de la Ierusalem celeste, designée au 21. de l'Apocalypse, qui est le type de l'Eglise; comme est aussi l'ame raisonnable, où il faut qu'arde tousiours du feu sur l'autel; & qu'à l'imitation des sages S.Manh. & prudentes vierges, nous ayons nostre lampe 25. preste, & bien allumée, & garnie de ce qu'il luy

faut pour en maintenir la lumiere attendant l'Epoux; selon que le commande le SAVVEVR en saince Luc 12.

LE ZOHAR au reste fait ce repurgement de l'ame estre double; ce qui ne s'esloigne pas fort de nostre creance: l'vn pendant que l'ame est encore au corps; il appelle cela selon ses anagogiques facons de parler, la conionction de la lune auec le foleil, lors que pour nostre regard d'icy bas elle n'est point illuminée : car pendant que l'ame est annexée dans le corps, elle iouïst bien peu de sa clarté, estant toute offusquée d'iceluy, ainsi que si elle estoit emprisonnée dans quelque sombre obscure chartre. Et consiste ce repurgement en repentance de ses mesfaits, satisfaction d'iceux, & conuer--fion à meilleure vie; en ieusnes, aumosnes, prieres, & autres telles penitences qui se peuuent exercer en ce monde. L'autre est apres la separation de l'ame & du corps, qui se fait au feu purgatif; que les Iuifs, ny Mahometans, ny Ethniques n'ont iamais reuoqué en doute.

Eneide 6.

Quin & Jupremo cùm lumine vita reliquit,
Non tamen omne malum miseris, nec sunditus omnes
Corporeæ excedunt pestes s veter úmque malorum,
Supplicia expendunt : aliæ panduntur inanes
Suspensæ ad ventos; aliis sub gargite vasto
Insectum eluitur scelus, aut exuritur igni.

To oil sont remarquez trois elemens repursatis:

Par où sont remarquez trois elemens repurgatifs; l'air, l'eau, & le feu. Mais il ne faut pas entendre, dit

fainct Augustin, au 3. sermon des Trespassez, que par ce transitoire feu soient purgées les griefues & mortelles offenses, & pechez capitaux, si lon n'en a fait penitence en ceste temporelle vie, pour en esbaucher l'expiation par delà, où le reste se parfait au feu; comme homicides, adulteres, faux tesmoignages, concussions, violences, rapines, iniustices, infidelité & obstinations erronées, & autres semblables, qui s'opposent directement aux diuins commandemens & preceptes; ains les menues fautestant seulement, qu'on appelle pechez veniels; comme manger & boire par excés, parolles vaines, fols desirs, & deprauées concupiscences non paruenuës à effect; n'exercer les œuures de misericorde, où la commune charité & commiseration nous appelle; & autres telles fragilitez; dont si nous ne faisons quelque penitence en ce monde, le feu les repurgera en l'autre, & plus asprement. Les Hebrieux à ce propos font vne triple distinction des pechez: Chataoth, sont ce que nous mesprenons contre nous-mesmes, sans faire tort à personne qu'à nous; gourmandises, lubricitez, paresse, oisiueté, courroux, despit: Les Auonoth faddressent à nostre prochain, qui ne s'effacent & pardonnent sinon moyennant la reparation: Et les Peschaim, les transgressions, prevarications, & impietez qui s'addressent directement à Dieu. Ils tirent cela premierement du 34. d'Exode, Pardonnant les iniquiteZ, la rebellion & les offences. Plus du 105. Pleaume; Peccaui-

mus, inique fecimus, impie egimus. Et du 9. de Daniel; Chatanu, veauinu, vehirsannu Il y a des pechez, dit le Zohar, imprimez en hault, d'autres en bas, & d'autres en l'vn & en l'autre. En hault, contre Dieu; en bas, contre nostre prochain, & en l'vn & en l'autre, contre nous-mesmes: le corps & les biens, tant de nostre prochain que de nous, denotans le bas; & l'ame le hault, qui est faite à l'image & semblance de Dieu. S'ils font effacez en bas, ils le font là hault. (IESVS-CHRIST apres sa Resurrection souffle 5.1ea 20. fur ses Disciples, & leur dit: Recenez le S. Es PRIT. A tous ceux ausquels vous pardonnerez leurs pechez, ils leur sont pardonnez: & à quiconques vous les suspendrez, ils seront aussi suspendus. Ce que vous lierez en ter-

re, il sera lié au (iel.)

Mais pour retourner aux reuestemens, & en dire encor quelque chose, le superieur est tousiours reuestu de l'inferieur; le monde intelligible du celeste, qui en est comme vne adombration; & le celeste de l'elementaire. Et neantmoins il sembleroit que ce fustainsi qu'au rebours, par la figure d'Hypallagé; comme au Pleaume 18. Dieu a mis son tabernacle au soleil, pour dire; Il a mis le soleil en son tabernacle, qui est le Ciel. Car Dieu ne reside pas dans le monde; c'est plustost le monde qui reside Actes 17. dans Dieu, qui le comprend tout; In ipso enim viuimus, mouemur, & sumus; aussi le monde intelligible deuroit reuestir le celeste, & le celeste l'elementaire; mais c'est pour demonstrer que nous ne pou-

uons pas bien comprendre le Ciel, qui est si esloigné de nous, que par ce qui est exposé à la cognoisfance de nos fentimens icy bas ; ne ce qui est des intelligences separées, que par les choses sensibles. Non est in intellectu quin prius fuerit in sensu, dit le Philosophe; & l'Apostre aux Rom.prem. Que les choses inuisibles de Dieu se voyent de la creature du monde par celles qui ont esté faites. Cela tout conformément au Zohar. En toy, dit-il, en la priere d'Elie s'addressant à Dieu, n'y a ny ressemblance, n'image quelconque interieure ny exterieure; mais au reste tu as creéle Ciel, & la terre, & produit d'eux le soleil, & la lune; les estoilles, (+) les signes du Zodiaque; & en la terre les arbres, & herbes , dedans vn iardin de delices ; quec les bestes , oiseaux, & poissons; & les hommes finablement; afin que de là les choses superieures se puissent cognoistre; & des superieures, les inferieures; ensemble la sorte dont les vnes & les autres sont gouvernées. Plutarque au traicté d'Osiris allegue, qu'en la ville de Saïs en Egypte y auoit vne telle inscription dedans le temple de Minerue, née du cerueau de Iupiter; laquelle n'est autre chose que la Sapience du PERE: ﴿ وَمُ وَالِمَا سَوْنَ مَ مُوكِونَا وَ مِنْ وَاللَّهِ عَلَى اللَّهِ عَلَى اللَّهِ اللَّهُ اللَّهُ اللَّهِ الللَّهِ الللَّهِ الللَّهِ الللَّهِ اللَّهِ الللَّهِ اللَّهِ اللَّهِ الللَّالِي اللَّهِ الل και έσο μομον, και τον έμον πεπλον σόδεις πω Ανηνός άπεκαι λυ-Jer. Ie suis tout ce qui fut, & ce qui est, & ce qui sera : & pas un de tous les mortels n'a encore iusques iey descouuert mon voile. Car la diuinité est tellement enueloppée de tenebres qu'on ne peut voir le iour à trauers:

αυτον of 8 χ δροω, το D νέφος ές her Cy.

Ie ne le voy pas, car il est offusqué d'une trop espoisse nuée,

dit Orphée: & le Pseaume 17. Qui posuit tenebras latibulum suum. Plus au 4. de Deuter. Vous vous approchastes au bas de la montaigne, qui brusloit iusques au Ciel; er là y auoit des tenebres, des nuages espois, er obscurité. Car pour le regard de Dieu enuers nous, la lumiere & les tenebres ne sont qu'vne mesme chose; Pseau.138. sicut tenebra eius, ita & lumen eius: & en Isaïe 16. Pone quasi noctem ymbram tuam in meridie. Tout de mesme que l'affirmatiue & la negatiue, par laquelle, qui equipolle aux tenebres, nous pouuons mieux apprehender quelque chose de la diuine Essence, que non pas par l'affirmative qui se rapporte à la lumiere, comme le dispute fort excellemment Rabbi Moyfe Egyptien au 57. chap: du premier liure de son Moré. Carla lumiere diuine est insupportable du tout à ses creatures, mesmes les plus parfaites, suyuant ce que met l'Apostre en sapremiere à Timothée 6. Dieu habite vne inaccessible lumiere, que nul des hommes n'a peu voir : De sorte qu'elle nous est en lieu de tenebres, ainsi que la clarté du soleil à des chauuesouris, chahuans, & autres oiseaux nocturnes; lesquelles tenebres sont les reuestemens & comme bornes & clostures de la lumiere. Car representez-vous quelque phanal assis au hault d'une montaigne: Tout autour d'icèluy, comme d'un centre à sa circonference, sespandra égallement sa clarté, entant qu'elle se pourra estendre; si qu'en sin où elle ne pourra arriver, l'obscurité la terminera; car les ténebres ne sont autre

chose qu'vne absence, & priuation de lumiere. Tout de mesme l'homme exterieur, charnel, animal, est la couuerture, voire obscurcissement de l'intérieur spirituel; à guise de quelque lanterne de bois, ou de pierre, & autre telle matiere opaque, qui engarde que la lumiere y renclose ne puisse efpandre sa clarté en dehors; la lanterne symbolisant au corps, & la lumiere qui est dedans, à l'ame. Mais si le corps est subtilié à vne nature etherée, c'est delà en auant comme si la lanterre estoit de quelque clair crystallin, ou de corne bien transparente; car l'ame & ses fonctions y reluisent lors tout à descouuert sans obstacle. Puisque donques à l'vn de ces deux, l'homme interieur à sçauoir, est attribuéle feu, qui respond à l'ame; & le sel à l'exterieur, qui est le corps; comme la victime ou homme animal est le reuestement du spirituel designé par l'homme, & le feu; le vestement de ce feu sera le sel, auquel le feu potentiellement est renclos; car tous sels sont de nature de seu, comme estans engendrez de luy; Ex omni enim re combusta sit sal, dit Geber; & par consequent participant de ses proprietez, qui sont purger, dessecher, retarder la corruption, & descuire; ainsi qu'on peut voir en toutes les choses sallées, qui sont comme à demy-cuites, & se gardent plus longuement sans corrompre qu'estans crues : és cauteres potentiaux aussi, qui bruslent, & ne font autre chose que sels.

Novs sera-il loisible d'apporter icy vn passage

entier de Rhaies au liure de la secrette Triplicité? caril n'est pas communà tous, & nous insisterons fort en ce nombre, pour raison des trois seux, & trois sels, desquels nous pretendons traicter; aussi qu'il y a vn mystere en ce nombre de trois, qui ne fait pas à oublier, par ce qu'il represente l'operation, dont le feu est l'operateur. Car 1. 2.3. font six; les fix iournées efquelles Dieu à la creation du monde paracheua tous ses ouurages: & la septiesme il se reposa. Ily a, dit Rhases, trois natures, dont la premiere ne peut estre cogneuë ny apprehendée que par vne fort esleuée meditation; C'est Dieu le tout bon, tout puissant, autheur, & la cause premiere de toutes choses. L'autre n'est ny voyable ny tangible, quand bien on seroit tout contre , à scauoir le Ciel en sararité. La troisiesme , qui est le monde elementaire, comprenant tout ce qui est dessous la region etherée, s'apperçoit & cognoist par nos sentimens. Dien au reste qui fut de toute eternité, & auec lequel auant la creation du monde rien n'estoit fors, son propre nom, de luy seul cogneu, & sapience; ce qu'il crea en premier lieu fut l'eau, en laquelle il messa la terre, dont vint à se procréer puis apres tout ce qui a estre icy bas. Et en ces deux elemens espois & grossiers, perceptibles à nos sentimens, sont compris les deux autres plus subtils & rares, l'air & le feu: Estans tous ces quatre corps, si corps on les doit appeller, liez ensemble d'un tel messange, qu'ils ne se sçauroient parfaictement separer. Deux desquels sont fixes, à sçauoir la terre & le feu, comme estans secs & solides; & les deux autres volatils, l'eau & l'air, qui

sont humides & liquides : de maniere que chaque element conuient auec les deux dont il est borné & enclos ; & par mesme moyen en contient deux en soy; l'un corruptible, l'autre non, lequel participe de nature celeste. Et pourtant il y a deux sortes d'eaux; l'une pure, simple & elementaire; & l'autre la commune dont nous vsons, des lacs, puits, sources & rivieres; pluyes, & autres impressions de l'air. Il y a tout de mesme vne terre grossiere, orde & infecte; & vne terre vierge crystalline, claire & luisante, contenuë (t) renclose au centre de tous les composez elementaires, où elle demeure reuestuë & couuerte de plusieurs enueloppes l'une sur l'autre; en sorte qu'il n'est pas bien facile d'y arriver, que par une caute & bien graduée separation par le feu. Il y a aussi vn feu qui se maintient presque de soy-mesme, & comme de rien; si petite est la nourriture dont il a besoin; dont il vient d'estre plus clair & lucide: W vn autre obscur, caligineux, bruslant & exterminant tout où il s'attache, & soy-mesme en sin. Vn air d'autrepart pur ( ) net, auec vn autre corruptible fort de leger; car de tous les elemens il n'y en a point de plus aisé à se corrompre que l'air. Toutes lesquelles substances ainsi contraires & repugnantes, meslées és corps elementaires, sont la cause de leur destruction. Parquoy il faut de necessité que ce qui y est de pur & incorruptible soit separe de son contraire le corruptible & impur : Ce qui ne se peut faire que par le feu, qui est separatif & purificatif. Mais les trois elemens liquides, eau, air & feu; sont comme inseparables les vns des autres; car si l'air estoit distrait d'auec le feu., le feu qui en a l'on de ses principaux maintenemens

o pastures, s'esteindroit soudain : o si l'eau estoit separée de l'air , tout s'enflammeroit. Que si l'air estoit du tout attiré hors de l'eau, d'autant que par sa legereté il la tient aucunement suspenduë, tout en demeureroit submergé. De mesme si le feu estoit separé d'auec l'eau, tout seroit reduit en deluge. Ces trois elemens neantmoins se peuvent bien dissoindre d'auec la terre, mais non pas du tout qu'il n'y en reste vne partie, pour donner consistance au corps, & le rendre tangible, par le moyen d'une tres-subtile & deliée portion d'icelle qu'ils enleueront auec eux, hors de la crassisude grossiere qui demeure en bas; comme nous pounons voir sensiblement au verre, qui par un industrieux artifice du feu se dépure de l'opacité qui estoit és cendres, pour de là passer à une clarté transparente, qui est de nature d'un sel fixe & indissoluble; accompagnée d'un ferme & solide espoississement, qui n'a point de transpiration ny de pores.

MAIS pourquoy n'enfilerons-nous icy tout d'vn train ces tant belles meditatiós Zoharines, puis que le tout depend d'vn mesme propos? Diev forma Adam du limon de la terre; lequel mot de Former appartient proprement aux potiers, qui sa connent de terre ce que bon leur seinble. Et quant à la pouldre, c'est pour nous rabattre l'orgueil duquel nous nous pourrions enser, quand nous nous ramenteurons ceste vile & corrompuë matiere dont nous sommes faits quant au corps; qui n'est autre chose que boue & sange. Considere dont nous four boue & sange. Considere dont nous four boue & sange.

Genes.2.

ques trois choses, dit le Zohar, & tu ne tomberas point en transgression. Recognois dont tu es venu, d'vne si orde & salle estoffe: où tu dois en fin retourner; en pouldre, vers, & pourriture: & deuant qui tu as à rendre compte & raison de tes actions & comportemens; qui est le Iuge souuerain Roy de tous, qui ne laisse nul méfaict impuny, ny aucun bien-faict irrecompensé. Adam donques fut fait, auecques toute sa posterité, de la pouldre terrestre, qui auoit desia esté humectée de ceste fontaine ou vapeur qui auoit esté enleuée enhault des raiz du soleil, pour en arrouser la terre, & la destremper. Car la terre estant de soy seche & froide, est du tout sterile & infructueuse, s'elle n'est empreignée d'humide & chaleur, dont prouient la fecondité. De maniere qu'Adam fut basty de terre & eau messées ensemble; ces deux elemens denotans double faculté en luy, & double formation; l'vne du corps pour le regard de ce siecle; & l'autre de l'ame en l'autre monde. L'eau denote la celeste meditation où nostre esprit se peut esseuer: & la terre immobile de soy, & qui ne peut iamais bouger d'embas, ne se mesle pas volontiers auec les autres trois elemens volatils, à cause de son extreme secheresse, ains ne fait que se rendurcir à l'action du feu, & fy rendre plus rebourse & intraictable, par l'esprit de contradiction dur & refractaire de la chair contre l'esprit; si qu'elle reiectezoit l'eau qu'on y cuideroit inserer, si ce n'estoit

moyennant la subtile humidité de l'air qui y interuient, & fy mesle, la penetrant par ses plus menuës parties: lequel estant empreint dans l'eau, contraint la terre de s'en empaster, & l'enclorre en soy, comme si elle le vouloit detenir prisonnier; & par ce moyen en demeure enceinte comme la femelle du masle; car toute chose superieure en ordre & degré tient lieu de masse enuers celle qui luy est inferieure & subiecte. Que si l'air s'en absente, qui les associe & vnit ensemble, come en estant suppedité &banny, humide & chauld qu'il est, de l'extreme secheresse & froideur de la terre, elle se parforcera de tout son pouvoir de reiecter l'eau, & se reduire à son premier dessechement; ainsi qu'on peut apperceuoir au fable, qui iamais ne receura d'eau qu'elle ne s'en separe aussi tost. Par ainsi la terre est tousiours rebelle & contumace de soy à se ramollir, soit par l'eau, par l'air, par le feu. Et de ceste sorte fut introduit en Adam l'esprit de contradiction & desobeissance, par le moyen de la terre dont il auoit esté formé, comme sa compagne & luy le monstrerent, quand à la suggestion du serpent, le plus terrestre animal de tous autres, ils contreuindrent si legerement à l'extreme defense qui leur auoit esté faite de ne taster du fruict de science de bien & de mal. Pour punition dequoy il est dit au Genes.3. serpent; Tu mangeras la terre tous les iours de ta vie: Ce qu'Isaïe resume au 65. Puluis panis tuns. Et à Adam, que la terre ne luy produiroit qu'espines,

ronces & chardons; au moyen dequoy fil en vouloit viure, il falloit qu'il la cultiuast à la sueur de son visage, iusqu'à ce qu'il retournast en elle, dont il auoit esté tiré; car estant de pouldre, il deuoit retourner en pouldre. Mais l'eau qui denote les diuines speculations, desirant se mesler & vnir auec toutes choses, à qui elle donne commencement, & les fait croistre & multiplier, est comme vn vehicule ou vestement de l'esprit, suyuant ce qui est dit tout à l'entrée de la creation, que l'esprit de Dieu estoitespandu sur les eaux, ou comme le mot Hebrieu de marachephet le porte, voltigeant au dessus d'icelles, & les fomentant & viuifiant, ainsi qu'vne poulle fait ses poulcins, de sa chaleur connaturelle: Car le mot d'elohim importe ie ne sçay quoy de chaleur & igneité. Par l'eau donques l'esprit docile & obeissant aux semonces de l'intellect, s'insinua dedans Adam; & par la terre le refractaire & opiniastre, qui regimbe contre l'esperon. Car comme la terre soit le plus ignoble element de tous autres, l'eau la reiecte & dedaigne, ne pouuant compatir auec elle, ainsi qu'à vne lie & excrement; si que l'esprit pur & net demeura dans l'eau, où il esseut sa residence. Car des trois natures de terre, l'eau pour le moins ne se ioint iamais auec les deux, à sçauoir le sable pour son extreme secheresse, qui cause sa discontinuation de parties; & l'argille, pour estre grasse & onctueuse. Il n'y a que le seul limon, auec lequel quelque empastement & messange qu'il F iii

fen puisse faire, l'eau à la parfin le laisse resider en bas, & luy surnage; comme estans de contraire nature: I'vne du tout immobile, solide & compacte; & l'autre fluide, se remuant, & coulant ainsi que le sang par les veines, auquel resident les esprits, qui se peuvent facilement esseuer pour estre de qualité ignée, tendant toussours encontremont. Tellement que l'eau qui denote l'esprit interieur, tasche de se despouiller de ceste coagulation externe; cartoute coagulation est vne espece de mort; & la liquorosité, de vie; & ne sy voudroit iamais plus rasfocier, ny s'en reuestir à cause de sa contumacité, si ce n'estoit que le souuerain maistre & seigneur Adonai par sa prouidence, pour la propagation des choses, tant qu'il luy plaira maintenir en son estre ce bel ouurage de ses mains, contraint ces deux, terre & eau, de l'accorder aucunement par son Ange & ministre qui preside à l'air. L'homme au reste a pardeuers luy son arbitre franc & libre en Genis 4. son plain pouvoir & disposition; L'appetit du peché sera soubstoy; & auras la domination sur luy. Que fil est adherant à la terre, c'est à dire aux charnels desirs & concupiscences, où il-est le plus incliné, il ne fera iamais que mal: Si à l'esprit designé par Eseau.64. l'eau, tout son fait ira bien : Flumen Deirepletum est aquis. & au 44. d'Isaïc: Ie respandray des eaux sur celle qui aura soif; & des rivieres sur celle qui se trouvera seche & aride. Ierespandray mon Esprit sur sa semence, & ma benediction sur sa lignée. Si que tant que l'eau

compatist & demeure vnie auec la terre, le bon esprit reste auec l'homme; dont nous sommes admonestez par le Sage és Prouerbes 5. de boire l'eau de nostre cisterne, & les ruisseaux qui decoulent de nostre puits. Mais quand la terre par sa rebelle & repugnante secheresse reiecte l'eau, il n'y demeure que la dure obstination refractaire; iusqu'à ce que par le moyen de l'air, l'esprit qui les ioint & vnist enfemble, (ce font les sainctes inspirations,) elle se soit de nouveau ramollie & destrempée : au moyen dequoy quand nous auons ce bon esprit d'eau salutaire, dont il est escrit en l'Ecclesiastique 15. Aqua sapientia salutaris potabit illum; il nous faut garder de la reiecter, & nous rendre du tout terre seche & sablonneuse, qua non satiatur aqua; & ne produit Prouerb. rien pour cela. Mais tout nous en est plus aperte- 30. ment exprimé en l'Euangile, où par le moyen de ceste cau viue fructifiante, nostre SAVVEVR, qui est la source intarissable, le SAINCTESPRIT se vient introduire en nos cueurs, qui destrempe la dureté de nostre terre, & l'arrouse & courroye pour produire des fruicts meurs de bonnes & charitables œuures. (L'eau que ie vous donneray, dit-il, s. lean 4. sera faite une fontaine reiaillante en vie eternelle.) De ceste eau les Prophetes en auoient clairement parlé; comme Dauid au 35. Quoniam apud te est fons vita; or in lumine tuo videbimus lumen. Voyez comme il ioint l'eau auec la lumiere, qui est le feu; si que ceste digression semblera moins impertinente. Et au

12. d'Ilaïc : Vous puiferez des eaux en ioye, des fontaines du falutaire. Plus en Ieremie 2. fls m'ont delaissé moy qui suis la fontaine d'eau viue, pour se creuser des cisternes

creuées, qui ne peuuent tenir les eaux.

En ce que dessus du Zohar sont compris les principaux secrets & actions du seu, & mesmement en son contraire & patient qui est l'eau; Namaclus actiuorum in patientis sunt dispositione, dit le Philosophe; car les essects ne se seçautorient mieux discerner, que où ils agissent. Le seu au teste a trois proprietez; mais il faut en cest endroit reprendre la

chose de plus hault.

COMME donques tout ce qui est, soit departy en trois qu'on appelle mondes, ou cieux (il ne faut pas trouuer estrange si nous repetons cela plus que d'vne fois, car delà dependent toutes les secrettes sciences) l'elementaire à sçauoir icy bas, subiect à vne perpetuelle alteration & vicissitude de vie & de mort: le celeste là hault au dessus du cercle de la lune, incorruptible quant à foy, tant pour sa pureté, & vniformité de substance, que pour son continuel & egal mouuement, rien n'y predominant l'vn sur l'autre: lesquels deux constituent ce monde sensible: Il y a puis-apres l'intelligible, abstrait de toute corporeité & matiere, que l'Apostre appelle le troissesme ciel, où il fut rauy, ce dir-il, si ce sut en corps, ou hors d'iceluy, Dieu le sçait: carnon seulement le monde & le ciel sont mis l'vn pour l'autre, mais le ciel encor pour l'homme;

Cali enarrant gloriam Dei, selon que l'interpretent la pluspart des Peres : & l'homme au reciproque pour le ciel; comme met Origene au 25. traicté sur sainet Mathieu. Le cueur de l'homme moralement ell appellé ciel, 🔗 le thrône, non ia de la gloire de Dieu, comme est le temple, mais de Dieu propre. Car le temple de la gloire de Dieu est celuy auquel comme en vn miroir nous voyons par enigme; mais le ciel qui est par dessus ce temple de Dieu où est son thrône, est tout ainsi que de le voir face à face. Ce qu'il a presque transcrit mot à mot du liure d'Abahir au Zohar, & autres anciens Cabalistes, dont il consiste la plus grand' part. Il y a de plus, que les Cieux sont quelquefois mis pour Dieu mesme; comme au 32. du Deuter. Audite cali qua loquor: & au 8. chap. du 3. des Roys, selon la verité Hebraïque, en l'Oraison du Roy Salomon en la dedicace du Temple; Exaudi ô calum. En ce troisiesme ciel ou monde dont parle l'Apostre, encore que Dieu soit par tout, neantmoins le siege de sa diuinité est là plus speciallement estably que non pas ailleurs, auecques ses Intelligences separées qui luy assistent pour executer ses commandemens. Benissez le Seigneur, tous ses Anges puissans en vertu, qui faites ce qu'il vous ordonne, oyant la voix de ses paroles. Parquoy les Theologiens l'appellent le monde Angelique, hors de tout lieu, & de tout temps; que Platon en son Phedre, dit n'auoir onques d'homme mortel esté assez conuenablement celebré selon son excelléce & dignité; estant tout de lumiere,

qui delà l'espand & deriue ainsi que d'vne inexpuisable source en toutes sortes de creatures, selon mesme que le portoit l'ancienne Theologie Phenicienne, que l'Empereur Iulian le Parabate allegue en son Oraison au Soleil; Que la lumiere corporelle procede d'une incorporelle nature. LE MONDE celeste participe de tenebres, & de lumiere, dont luy prouiennent toutes ses facultez & vertus qu'elle luy apporte. E'T l'elementaire est tout de tenebres, designé pour raison de son instabilité par l'eau, l'intelligible par le feu, à cause de sa pureté & lumiere: & le celeste par l'air, où le feu & l'eau se viennent conioindre. La terre à ce compte demeureroit pour les enfers, comme à la verité ceste habitation terrienne n'est qu'vn vray enfer. Mais Moyse par le Ciel a entédu le monde intelligible,& par la terre le sensible: attribuant les deux plus hault esleuez elemens, air, & feu, au ciel, pource qu'ils tendent tousiours contremont; & à la terre l'eau & la terre, qui pour leur pesanteur s'agrauét en bas. Mais tout cela a esté de luy encore plus mystiquement adombré, comme le monstre le Zohar, par l'admirable construction de son tabernacle, dont il n'y a rien de plus spirituel; l'or, l'argent, & les pierreries dont il estoit composé, representans le monde sensible: & le Bezeleel qui fut le conducteur de l'œuure, l'intelligible, & l'ouurier; remply d'vn esprit diuin, de sapience, intelligence, sçauoir, & toute la plus accomplie doctrine; comme presque

le mot le porte, tissu de Bezel ombre, & El Dieu.

L E S Poétes prophanes ont party le monde sensible en trois, car ils ne se sont party le monde sensible en trois, car ils ne se sont pas tant souciez de penetrer à l'intelligible; & assigné la superieure portion d'iceluy depuis ce cercle de la lune en sus asupiter; la basse terrestre à Pluton; & la moyenne, qui est depuis la terre, à la Lune, à Neptune; que les Platoniciens appellent la vertu generatrice, à cause de l'humidité empreignée de sel qui prouoque sont à generatió, selon que le mot de salus les comme met Plutarque question 4, des causes naturelles, & au traiété d'Osiris. C'est pourquoy les mesmes Poètes attribuent vne plus seconde lignée audit Neptune, qu'à nul autre de tous leurs Dieux.

CHACWN de ces trois mondes au reste a particulierement sa science, laquelle est double; l'vne vulgaire & triuiale; & l'autre mystique & secrette. Le monde intelligible a nostre Theologie, & la Caballe; le celeste, l'Astrologie, & la Magie; & l'elementaire, la Physiologie, & l'Alchimie; qui reuele par les resolutions & separations du seu, tous les plus cachez & occultes secrets de nature, és trois genres des composez: Compositionem enim rei aliquis seire non poterit, qui destructionem illius ignoranerit, dit Geber. Mais ces trois diunes sciences ont esté par la deprauation des ignorans & malins esprits, détournées en vn descriement, qu'à peine en oseroit on parler, si lonne veut quant & quant encourir le bruit d'estre vn atheiste, sorcier, & faux-mon-

G 1

noyeur. Nous disons donques apres Empedocle, & Anaxagoras: Singula hac nostra ratio disputat per iter compositionis & resolutionis, Vltrò vitrò, susque déque gradiens. Que toute la science elementaire consiste en la mixtion & separation des elemens; ce qui se parfait par le feu, auquel verse du tout l'Alchimie; comme le declare bien apertement Auicenne en son traicté de l'Almahad, ou divission des sciences: Et Hermes en celuy des sept chapitres; Intelligite, filij sapientum, quatuor elementorum scientiam, quorum occulta apparitio nequaquam significatur nisi prius diuidantur, & componantur; quia ex elementus nihil fit vtile absque tali regimine : nam vbi natura desinit suas operationes, ibi ars incipit. Prenez tel composé elementaire que vous voudrez, herbe, bois, ou autre semblable, surquoy le feu puisse exercer son action; & le mettez en vn alembic ou cornuë; Premierement fen separera l'eau, & puis l'huille, si le feu est moderé: Si plus pressé & renforcé, toutes deux ensemble; mais l'huille furnagera à l'eau, qui f'en separera bien aisément par vn entonnoir de verre. Ceste eau est dité le Mercure, lequel de soy est pur & net; & l'huille le soulphre adustible & infect, qui corrompt tout le composé. Au fonds du vaisseau resteront les cendres, desquelles par vne forme de lexiue auec l'eau f'en extraira le sel, que l'eau & l'huille couuroient au precedent, apres que vous en aurez retiré l'eau par le bain Marie, comme on l'appelle; car les onctuositez oleagineuses ne montent

pas par ce degré de feu; ny le sel non plus, ains moins encore; & les terres indissolubles priuées de toutes leurs humiditez, propres à se vitrisier. Omne enim priuatum propria humiditate nullam nisi vitrificatoriam prastat fusionem, dit Geber. Ainsi il y a deux elemens volatils, les liquides à sçauoir, eau & air, qui est l'huille; car toutes substances liquides de leur nature fuyent le feu, qui en esleue l'vne, & brusle l'autre: Mais les deux qui sont secs & solides, non; qui sont le sel, auquel est contenu le seu; & la terre pure qui est le verre: Sur lesquels le feu n'a plus d'action que de les fondre & affiner. Voila les quatre.elemens redoublez, comme les appelle Hermes; & Raymond Lulle les grands elemens. Car tout ainsi que chaque element consiste de deux qualitez, ces grands elemens redoublez, Mercure, foulphre, sel, & verre, participent de deux elemens simples, ou pour mieux dire de tous les quatre, selon le plus & le moins des vns & des autres; le Mercure tenant plus de l'eau, à qui il estattribué; l'huille, oule soulphre, de l'air; le sel, du feu; & le verre, de la terre, qui se retreuue pure & nette au centre de tous les composez elementaires; & est la derniere à se reueler exempte des autres. De ceste sorte par artifice & l'operation du feu, & de ses effects, nous depurons toutes infections & ordures, iufqu'à les reduire à vne pureté de substance incorruptible desormais, par la separation de leurs impuritez inflammables & terrestres; Tota enimintentio operantis

G iij

versaur in hoc, dit Geber, ve großioribus partibus abiectis, opus cum leuioribus persiciatur; Qui est de monter des corruptions d'icy bas, à la pureté du monde celeste, où les elemens sont plus purs & essentiels; le feu y predominat, qui l'est le plus de tous les autres. Voila quant à l'Alchimie; & en quoy elle verse.

LA MAGIE pour le monde celeste, estoit iadis vne science saincte & venerable, que Platon dedans son Charmide appelle la vraye medecine de l'ame. Et au prem. Alcibiade il met, qu'elle se souloit enseigner aux aisnez des grands Roys de Perse, pour leur apprendre à reuerer Dieu, & former leur domination temporelle sur le patron de l'ordre & police de l'Vniuers. Mais ce n'est proprement qu'vne forme de mariage du ciel estellé, comme dit Orphée, auec la terre, où il darde ses influences, dont elle s'empreigne, prouenans des intelligences qui y affiftent: & vne application des vertus agentes aux passiues, pour produire des effects admirables surpassans le commun ordre de nature: & ce sans la cooperation des demons, la pluspart malins, faulx & deceptifs; les vns toutefois plus que les autres: auec lesquels il n'est pas à croire que ces trois sages Roys & Mages qui vindrent de si loing adorer I E svs-CHRIST, eussent voulu auoir aucune accointance & commerce.

L a troisiesme est celle qu'on appelle Cabale ou reception, parce qu'on se la delaissoit verballement, & à bouche de main en main les vns aux autres. Elle est departie en deux; l'vne de beresith, c'est à dire de la creation, qui consiste au monde sensible; où Moyse s'est arresté, sans parler de l'intelligible, ny des substances separées. L'autre est de mercanah, ou thrône de Dieu, que traicte principalement Ezechiel, dont la vision est presque toute de seu; tant est cest element par toute l'escriture saincte approprié à la diuinité, comme l'vn de ses plus parfaits & proches symboles & marques és choses sensibles; par le moyen desquelles nous lommes esleuez ain fi que par l'eschelle de Iacob, & la chaine d'or en Homere, à la cognoissance des spirituelles & intelligibles : Inuisibilia enim Jux Dei à creatura mundi per ea qua facta sunt intellecta con-Rom.pr. spiciuntur, sempiterna quoque eius virtus & diuinitas. Car le monde auec les creatures y estans, sont ainsi comme vn portrait de Dieu; per creaturam enim creator intelligitur, dit sainct Augustin. Car Dieu a fait deux choses à son image & ressemblance, selon Trismegiste; le monde pour s'y esbattre & resiouïr d'infinis beaux chefs-d'œuure: & l'homme où seroit toute sa plus singuliere delectation & plaisir. Ce que Moyle a tacitement exprimé en Gen. 1. & 2. là où quand il a esté question de créer le monde, ciel, terre, vegetaux, mineraux, animaux, foleil, lune, estoilles, & tout le reste; il n'a fait seulement que le commander de parole; Quoniam ipse dixit, es Pseau. 32. facta sunt; ipse mandauit, & creata sunt: mais en la formation de l'homme il y insiste bien d'auantage

qu'en tout le reste: Faisons, dit-il, l'homme à nostre image & semblance. Il le crea masse & femelle, & le forma pouldre de la terre, puis soussa en sa face l'esprit de vie, & il fut fait en ame viuante. En quoy sont touchées quatre ou cinq particularitez. Ainsi le remarque Cyrille. Tout de mesme donques que l'image de Dieu est le monde, l'image du monde c'est l'homme; y ayant telle relation de Dieu auec ses creatures, qu'ils ne se peuuent bien comprendre, sinon reciproquement l'vn par l'autre. Car toute la nature sensible, comme met le Zohar, au regard de l'intelligible, est ainsi que de la lune enuers le soleil, qui y reuerbere sa clarté: ou de mesme que la lueur d'vne lampe ou flambeau, dont part la flamme attachée au lumignon, qui en est nourrie d'vne crasse matiere, visqueuse, adustible, sans laquelle ceste splendeur & lumiere ne se sçauroit communiquer à nostre veuë, ny nostre veuë l'apprehender. En semblable la gloire & essence de Dieu, que les Hebrieux appellent sequinah, ne se peut apperceuoir qu'en la matiere de ce monde l'ensible, qui en est comme vn patron & image. Et c'est ce que Dieu dit à Moyse au 33. d'Exode: Facies meas videre non poteris, posteriora videbis. La face de Dieu est sa vraye essence au monde intelligible, quam nemo vidit unquam, fors le Messihe, dont il est escrit au Pseau. 15. Prouidebam Dominum in conspectu meo semper. Et ses parties posterieures sont ses effects au monde sensible. L'ame de mesme ne se

peut discerner & cognoistre que par les fonctions qu'elle exerce au corps, pendant qu'elle y est annexée: dont Platon auroit esté meu d'estimer que les ames ne pouuoient consister sans corps, non plus que le feu sans matiere; si qu'apres de longues reuolutions de siecles elles reuenoient derechef à fincorporer icy bas: à quoy adhere aussi Virgile au 6. de l'Eneide,

Has omnes ybi mille rotam yoluêre per annos, Lethaum ad flumen Deus euocat agmine magno; Scilicet immemores supera vt conuexa reuisant, Rursus & incipiant in corpora velle reuerti.

Mais cela sent vn peu sa Palingenesie, & Metempsychose Pythagoricienne: dont ne s'est pas non plus destourné Origene, comme on peut voir en rosme à Auitus. Trop plus sincerement Porphyre, bien qu'au reste vn impie, aduersaire, calomnia-teur du Christianisme; que pour la parsaicte beati-lin.22.ch. tude des ames il leur faut euiter & fuir tout corps: 26. de la Tellement que quand l'ame aura esté bien repur-cité de gée de toutes ses affections corporelles, & qu'elle retournera à son Createur en sa premiere simplicité, elle n'a plus d'enuie de renchoir és maux & calamitez de ce siecle, quand bien l'option luy en auroit esté libre delaissée.

DV MONDE donques intelligible decoule dedans le celeste, & delà à l'elementaire, tout ce que l'esprit humain peut atteindre de la cognoissance

des admirables effects de nature, que l'art imite en ce qu'elle peut. Dont par la reuclation de ses beaux secrets, par l'action du seu la pluspart, se manisseste agloire & magniscence de celuy qui en est le premier motif & autheur. Car l'entendement humain, selon Hermes, est comme vn miroir, où se viennent racueillir & rabattre les clairs & lumineux rayons de la Diuinité; representée à nos sentimens par le soleil là hault, & le feu son correspondant icy bas; lesquels enslamment l'ame d'vn ardent destir de la cognoissance & veneration de son Createur; & par consequent de l'amour d'iceluy, car lon

n'aime que ce qu'on cognoist.

AINSI chacun de ces trois mondes, qui ont leurs sciences particulieres; a aussi son feu, & son sel à part : lesquels deux se rapportent, à sçauoir le feu au ciel de Moyse; & le sel, pour sa ferme consistance & solidité, à la terre. Qu'est-ce que le sel? demande vn des Philosophes chimiques: Vne terre arse & brussée, & vne eau congelée par la chaleur du feu potentiellement y enclos. Le feu au reste est l'operateur d'icy bas és œuures de l'art, de mesme que le soleil ou feu celeste l'est en ceux de la nature: Eten l'intelligible le SAINCT ESPRIT, des Hebrieux dit Binah, ou intelligence, que l'Escriture designe ordinairement par le feu. Et ce feu spirituel ou esprit ignée, auec le Chohmah, le Verbe ou la Sapience attribuée au FILs (omnium artifex me docuit Sapientia) sont les operateurs du PERE; Verbo

Dominicali firmati sunt, & spiritu oris eius omnis orna-pfazu,; tus eorum. Dequoy ne fesloigne pas fort ceste maxime des Peripateticiens; Omne opus natura est opus

intelligentia.

Voil a les trois feux desquels nous pretendons parler; dont il n'y a rien de plus commun entre nous que l'elementaire d'icy bas, grossier, composé, & materiel, c'est à dire, tous out in timoins cogneu; ce que c'est de luy, d'où il vient, & où il fen va, redeuenant à rien tout à vn instant, si tost que son nourrissement luy default; sans lequel il ne peut consister vn seul moment, ains s'enva comme il est venu, estant tout en la moindre de se parties: Si qu'il se peut en moins de rien multiplier en insiny; & en moins de rien faneantir: car vne petite bougie allumera tant qu'on voudra des plus grands s'eux qu'on se sequeroit imaginer, sans pour cela rien perdre ne diminuer de sa substance.

Mille licet capiant, deperit inde nihil. Et en S. lacques 3.
Paruus ignis quam grandem succendit materiam! Voire
vne seule petite estincelle esprendroit de seu en vn
cil d'œil, tout ce creux immense de l'Vniuers, s'il estoit remply de pouldre à canon, ou de naphte, &
puis aussit tost s'estianourioit: De sorte que de tous
les corps il n'y a rien qui approche plus de l'ame
que sait le seu, comme dir Plotin. Et Aristote au 4.
de la Metaphysique met, que iusqu'à son temps la
plus grand part des Philosophes n'auoient pas bien

Hi

cogneule feu, ny l'air non plus, pour n'estre point perceptibles à nostre veuë & sentiment. Mais on pourroit dire de mesme, que ny Aristote, ny les autres Grecs de son temps ne cogneurent pas gue-res bien le feu, & ses essects, pour le moins si exa-Etement qu'ont fait si long temps apres, les Arabes par l'Alchimie, dont toute la cognoissance du feu depend. Les Egyptiens le disoient estre vn animal rauissant & insatiable; qui deuoroit tout ce qui prend naissance & accroissement; & en fin foymesme, apres qu'il s'en est bien peû & gorgé, quand il n'a plus dequoy se repaistre & nourrir; parce que ayant chaleur & mouuement, il ne se peut passer de nourriture, & d'air pour y respirer; si qu'à faute de ce il demeure en fin amorty, auec ce dont il festoit peû. Toutes choses propres aux substances animées, & qui ont vie; car la vie est tousiours accompagnée de chaleur & de mouuement; lequel procede de la chaleur, plustost que la chaleur du mouuement, combien qu'ils soient reciproques; car l'vn ne peut estre sans l'autre. Mais Suidas forme là dessus vne telle contradiction: Que non tant seulement les animaux, ains tout ce qui prend nourriture & accroissement, tend à certain but; où estant paruenu il s'arreste sans passer outre: là où ny la nourriture, ny l'accroissement du feu ne sont point limitez ne determinez; car tant plus on luy en administre, tant plus en voudra-il auoir, & sen accroistra tousiours d'auantage. Parquoy l'vn ny

l'autre ne se peuuent point limiter, comme font ceux desanimaux; Dont par consequent il ne doit estre mis de leur rang. De sorte que le mouuement du feu se deura plustost appeller generation que nourriture ny croissance; car il n'y a que ce seul element qui se nourrisse & accroisse. Es autres ce qui y redonde est parapposition, comme si vous adioustiez de l'eau à de l'eau, ou de la terre à de la terre: vous ne ferez pas de mesme au feu, pour le cuider aggrandir, en y adioustant d'autre feu, ains par vne apposition de matiere sur laquelle il puisse mordre, & exercer son action, comme bois & autres semblables, qui par sa force se conuertissent en sanature: & ainsi il saugmente & accroist. Les fictions Poëtiques portent que Promethée l'alla desrober dans le ciel pour en accommoder les mortels; dont il fut si griefuement puny par les Dieux, que de demeurer par trente ans attachéà vne roche du mont de Caucase, où vn vaultour luy deuoroit assiduellement ses entrailles, qui renaissoient à tour de roolle. Mais est-il à croire que les Dieux qui sont si bien-vueillans & affectionnez enuers le genre humain, luy cussent voulu desnier ceste si necessaire portion de nature, sans laquelle la condition de leur vie seroit pire que des bestes brutes; tant pour la cuisson des viandes, que pour se reschauffer & secher, & infinies autres commoditez necessaires? Outre-plus, de ce qu'il tend tousiours ainsi contremont, comme estant d'vne ori-

H iij

gine celeste, où il aspire de retourner, il semble qu'il appartienne proprement à l'homme.

Pronáque cùm spectent animalia catera terram, Os homini sublime dedit , cœlúmque Videre Iusit , & crectos ad sydera tollere vultus.

Tous les autres animaux presque refuyent le feu. Dont Lactance voulant monstrer l'homme estre vn animal diuin, allegue pour vne des plus pregnantes raisons, que suy seul entre tous les autres vse du feu. Et Vitruue liure 2. met que les premieres accointances des hommes se contracterent à se venir chauffer à de communs feux. Tellement que ce que les Dieux enuierent le feu aux hommes, deuoit estre, pource que par le moyen d'iceluy ils sont venus à penetrer dans les plus profonds & cachez secrets de nature; de laquelle on ne peut bonnement descouurir & cognoistre les manieres de proceder, tant elle opere ratierement; sinon que par son contrepied, que les Grecs appellent Addums, la resolution & separation des parties elementaires, qui se fait par le seu; dont procede l'execution de tous les artifices presque que l'esprit de l'homme s'est inuenté: si que les premiers n'auoient autre instrument & outil que le feu, comme on a peu voir modernement és descouvertes des Indes Occidentales. Homere en l'Hymne de Vulcain met, qu'iceluy assisté de Minerue enseignerent aux humains leurs artifices & beaux ouurages; ayans auparauant accoustumé d'habiter en des cauernes & rochers creux, à guise des bestes sauvages: Voulant inferer par Minerue la Deesse des arts & sciences, l'entendement & industrie; & le feu par Vulcain, qui les met à execution. Parquoy les Egyptiens auoient de coustume de marier ces deux Destez ensemble; nevoulans par là denoter autre chose, sinon que de l'entendement procede l'invention de tous les arts & mestiers; que le feu puis-apres effectué, & met de puissance en action: nam agens in toto hoc mundo non est aliud quamignis es calor, dit Iohannicius. Et Homere,

or H' paysos Sidaer, & mamas A' Ann.

Qui fut la cause, comme on peut voir dans Philo-strate en la naissance de Minerue, qu'elle quitta les Rhodiens, parce qu'ils luy facrissoient sans seu, pour aller aux Atheniens. Vulcain au reste, selon Diodore, sut vn quidam, lequel de l'accident d'vn coup de souldre, dont vn arbre auoit esté embrasé, reuela le premier aux Egyptiens la commodité & vsage du seu. Car estant suruenu là dessus, tout estoit de lumiere & de sa chaleur, il y adiousta d'autre matiere pour l'entretenir, pendant qu'il sen alla querir le peuple; qui depuis pour raison de ce le dessia. A quoy se conforme Lucrece:

Illud in his rebus tacitus ne fortè requiras : Fulmen detulit in terras mortalibus ignem

Primitus; inde omnis flammarum diditur ardor.
Les Grecs l'attribuent à Phoroneus; & mettent qu

Les Grecs l'attribuent à Phoroneus; & mettent que ce fut pres d'Argos, Que le feu estant tombé du 61

ciel là endroit, il y fut depuis gardé dedans vn temple d'Apollon. Que si d'auenture il se venoit à esteindre, ils le rallumoient de nouveau des raiz du soleil: comme aussi on faisoit à Rome celuy des Vestales: & en Perse leur seu sacré, qu'ils portoient ordinairement où le Roy marchoit en personne, le reuerans singulierement pour le respect du soleil qu'ils adoroient sur toutes autres Deitez; car ils estimoient qu'il en fust icy bas l'image. Ils le portoient(dy-ie)en grand' pompe & solennité, sur vn magnifique chariot, attellé de quatre grands coursiers blancs, & suiuy de 365. ieunes Ministres, autant qu'il y a de iours en l'an que descrit le soleil par son cours; habillez de iaune doré, couleur conforme à la lueur du foleil, & au feu; chantans des hymnes à leur loüange. Et n'y auoit point enuers eux de crime plus capital & irremissible que de ietter quelque cadauer ou autre immondice dedans, ou de le souffler auec son haleine, de peur de l'en infecter, ains ne le faisoient qu'éuenter: car en tout cela il n'y alloit pas moins que de la vie; comme de l'esteindre d'autre part dans l'eau. De maniere que si quelqu'vn auoit perpetré quelque grief forfait, pour en obtenir sa grace & pardon, le plus prompt expedient en estoit, selon que met Plutarque en son traicté du premier froid, de l'aller mettre en vne eau courante auecques du feu en la main, menaçant de l'esteindre en l'eau, si on ne luy octroyoit sa requeste: mais apres l'auoir obtenuë, il ne laissoit d'estre

d'estre puny, non de son méfaict, mais pour l'impieté qu'il auoit seulement pour pensé de commet-tre. Et delà est venu ce commun prouerbe mentionné dedans Suidas ; Persa sum , parentibus Persicis natus. Persane indigena? Viique, domine. Ignem autem inquinare est nobis sæua morte acerbius. Maistout ce qui se peut faire du feu, & par le moyen d'iceluy, n'a pas encore esté reuelé, ny cogneu des hommes. Y a-il rien de plus admirable que la pouldre à canon; si aisée à faire; & ne consistant que de si peu d'ingrediens si vulgaires, soulphre, salpetre, & charbon? Lesquels semblent auoir esté mystiquement designez des Egyptiens par ces trois puissances celestes, dont ils alleguoient les tonnerres, esclairs, & fouldres estre conduites & gouvernées; Iupiter, Vesta, & Vulcain; par Vulcain le soulphre: par Iupiter le salpetre, qui est fort aëreux & venteux, comme met Raymond Lulle, qui en auoir assez cogneu & la nature, & les essects, s'il les eust voulu descouurir : & le charbon par Vesta; tant pour la terrestreité dont il est, que pour estre fort incorruptible; se pouuant garder plusieurs milliers d'années dans la terre sans s'y alterer ne gaster: ce qui fut cause d'en faire mettre vn lict & estage és fondemens du temple de Diane en Ephese. Le salpetre est appropriéà l'air, pource qu'il est comme vne moyenne disposition de nature entre l'eau de la mer, & le feu ou soulphre dont il participe entant qu'il est si inflammable; & est salsugineux

d'autre-part, seresoluant à l'humide, & dans l'eau comme font les sels, desquels il a l'amertume & acuité. Et tout ainsi que l'air enclos & retenu dans des nuées se rompt & esclate en vne impetuosité de tonnerre; de mesme fait le salpetre: le soulphre est ce qui cause les esclairs. Mais cela viendra plus à propos cy-apres és sels. Qui sçaura au reste bastir vne pouldre composée de certaines proportions de soulphre & de salpetre; & au lieu du charbon de l'immondice terrestre de l'antimoine, qui s'en separe par de frequentes & reïterées ablutions d'eau tiede, pourra partienir à vn feu artificiel, non à dedaigner; d'vne pouldre qui ne fera que fort peu de bruit; vrayest que non si impetueuse & d'vn tel effort comme est la commune. Au regard de l'in-uention de la pouldre à canon, les Relations de la Chine portent, que par leurs anciennes Chroniques il se trouue qu'il y a plus de quinze cens ans qu'ils en ont l'vsage; comme aussi de l'Imprimerie. Roger Bacchon fameux Philosophe Anglois, qui a escrit il y a plus de trois cens ans, en son liure de l'admirable puissance de la nature & de l'art, met qu'auec certaine composition imitant les fouldres & tonnerres, Gedeon souloit espouuanter les ennemis. Et encore que celane soit pas formellement comme il est escrit au 7. des Iuges, si l'a-il dit neantmoins plus de six vingts ans deuant la diuulgation de la pouldre à canon. Voicy ses mots: Praterea possunt fieri lumina perpetua , & balnea ardentia sine

fine; nam multa cognouimus quæ non comburuntur, sed purificantur. Præter verò hæc sunt alia stupenda naturæ & artis : nam soni velut tonitrui possunt fieri in aëre, imò maiori horrore quam illa quæ siunt per naturam. Et modica materia adaptata ad quantitatem Vnius pollicis. sonum facit horribilem , & coruscationem ostendit vehementem. Et hoc fit multis modis, quibus omnis ciuitas & exercitus destruatur, ad modum artificij Gedeonis, qui lagunculis fractis, & lampadibus igne saliente cum fragore ineffabili, Madianitarum destruxit exercitum, cum trecentis duntaxat hominibus. Ce pouuoient estre des grenades, & pots à feu: Et au reste rien ne sçauroit mieux conuenir de tous poincts à la pouldre à canon; mais ces bons personnages preuoyans la ruine que cela pouuoit apporter, firent trop grande conscience de le reueler. A propos de ces feux perpetuels, pour le moins d'vne tres-longue durée, Hermolaus Barbarus en ses annotations sur Pline, raconte que de son temps fut ouuerte vne vieille sepulture au territoire de Padouë, & en icelle trouue vn petit coffret, où il y auoit vne maniere de lampe ardente encore; combien que selon l'inscription il y deust auoir plus de cinq cens ans qu'elle estoit ainsi allumée. Tellement qu'à ce compteil ne seroit pas du tout impossible de faire des feux inextinguibles: car mesme nous en voyons de plusieurs sortes de celuy qu'on appelle Grec, dont Aristore, à ce qu'on dit, composa iadis vn traicté; lesquels ne se peuvent esteindre auec de l'eau, princi-

palement la marine, à cause du sel gras & onctueux meslé parmy; ains s'en rengregent & embrasent. Et quel mal y aura-il d'en toucher icy quelque chose, puis qu'aussi bien est-il question du feu? Des glands macerez dans du vin; puis dessechez & mis à la meulle, tant que la liqueur s'en exprime; laquelle accompagnée puis-apres auec d'autres huilles degraissées sur de la chaulx viue, pierre ponce, talc & alun calcinez, du fablon mesme, & choses semblables qui retiennent les impuritez adustibles au fonds du vaisseau, pendant que l'huille par la distillation monte claire, nette, & purifiée, & moins inflammable: mais cela requiert vn assez bon feu. Pour les mesches y correspondantes, faites-les de fil de cotton, degraissé dans de la lessiue; puis baignez-les en de l'huille ou liqueur de tartre, les faulpouldrant par dessus d'alun de plume, entremessé de poix-refine bien delié batuë, ou de colophone. Ces feux de si longue durée nous sembleroient chose fabuleuse, si nous n'estions acertenez par plusieurs Autheurs authentiques de ceste tant fameuse lampe penduë en certain temple de Venus, où ardoit sans cesse la pierre d'Asbeste, laquelle estant une fois allumée ne s'esteint iamais \*plus. Mais on pourroit dire que cela aussi n'est que fable. Ic le lairray decider aux autres, & diray qu'il m'est vne fois aduenu, ne cherchant rien moins que cela, de m'estre rencontré en une substance, conduit à cela par des graduez artifices du feu; laquelle bien renclose dans vne phiolle de verre, & seellée du seau d'Hermes, que l'air n'y entre en sorte quelconque, se garderoit plus de mille ans au sont d'vn tel & si long terme qu'on voudra, on y trouuera du seu sout d'vn tel & si long terme qu'on voudra, on y trouuera du seu soudain qu'elle sentiral'air, pour allumer vne allumette. No v s lisons au 2 liure des Machab. chap. 1. & 2. qu'à la transmigration de Babylone les Leuires ayans caché leur seu sacré au sond d'vn puits, septante ans apres s'y retrouua vne eau espoisse & blanchastre, qui soudain que les raiz du soleil eurent donné dessit, s'enstamba.

CES deux deïtez dessures au reste, Pallas & Vesta, I'vne & l'autre vierges & chastes, comme aussi est le feu, nous representent les deux feux du monde sensible: Pallas à scauoir, le celeste, & Vesta l'elementaire d'icy bas; lequel nonobstant qu'il soit plus grossier & materiel que celuy d'enhault, tend toussours neantmoins contremont, comme fil taschoit à se demesler de la substance corruptible où il demeure attaché, pour retourner libre & exempt de tous ces empeschemens à son origine premiere dont il est venu, ainsi qu'vne ame emprifonnée dans le corps.

Igneus est ollis viigor, es calestis origo Seminibus, quantum non noxia corpora tardant, Terreníque hebetant artus, moribundáque membra. L'autre à l'opposite, bien que plus subtil & essentiel, s'essance icy bas vers la terre, comme si ces deux aspiroient sans cesse à se rencontrer & venir au deuant l'vn de l'autre, en façon de deux pyramides, dont celle d'enhault auroit sa base plantée dans le Zodiaque, où le soleil parfait son cours annuel par les douze fignes; de la poincte de laquelle pyramide vient à degoutter icy bas tout ce qui s'y procrée, & a estre, selon la doctrine des anciens Astrologues d'Egypte; que rien ne se produit en la terre & en l'eau qui n'y foit semé du ciel, lequel en est comme vn laboureur qui le cultiue; & par sa chaleur empreignée icy bas, auec l'efficace de ses influences, conduit le tout à sa complette perfection & maturité: ce que confirme aussi Aristote en ses liures De ortu & interitu. Mais le feu d'icy bas au rebours a la base de sa pyramide attachée à la terre, faisant l'une des six faces du cube, dont les Pythagoriciens luy attribuoient la forme & figure à cause de sa forme & invariable stabilité: & de la poincte de ceste pyramide s'esleuent contremont les vapeurs subtiles qui seruent de nourrissement au soleil, & à tout le reste des corps celestes, selon que l'escrit Phurnutus apres d'autres. On attribuë, ce dit-il, vn feu inextinguible à Vesta, parauenture de ce que la puissance du feu qui est au monde prend de là son nourrissement; & que d'icelle le soleil se maintient, & consiste. C'est aussi ce qu'avoulu inferer Hermes en sa table d'Esmeraude ; Quod est inferius, est sicut quod est superius ; & è conuerso, ad perpetranda miracula rei vnius. Et Rabbi Ioseph fils de Carnitol en ses portes de la iustice: Le fondement de tous les edifices inferieurs est placqué là hault; es leur comble ou sommet icy bas, ainst qu'vn arbre renuersé. Si que l'homme n'est qu'vn artre spirituel planté au paradi des delices, qui est la terre des viuans, par les racines de ses cheueux; suyuant ce qui est escrit és Cantiques J. Coma capitis tui sicut purpura Regis iuncta canalibus.

CES deux feux aureste, le hault, & le bas, qui se recognoissent ainsi l'vn l'autre, n'ont point esté non plusignorez des Poëtes; car Homere au 18. de l'Iliade, ayant mis la forge de Vulcain au huictiesme ciel estelé, où il est accompagné de ses artisanes, douiées d'vne singuliere prudence, & qui sçatient toutes sortes d'ouurages, lesquels leur ont esté enseignez par les Dieux immortels, dont elles trauaillent en sa presence. Virgile au 8. de l'Encide n'a pas laissé de mettre ceste officine icy bas en la terre; en vne isse dite ditte la Vulcaniennos,

Uulcani domus, & Vulcania nomine tellus;

pour monstrer que le feu est en l'une & en l'autre region, la celèste & l'elementaire; mais diuersement. On constitué outre-plus quatre sortes de seux; céluy du monde intelligible, qui est tout de lumiere; le celeste participe de chaleur & lumiere; l'elementaire d'icy bas de lumiere, chaleur, & ardeur; & l'infernal à l'opposite de l'intelligible, de l'ardeur & embrasement, sans lumiere. On en voir des eschantillons és monts qui brussent par le de-

dans, comme l'Etna, & autres semblables appellez Vuicains. Et est vne chose fort admirable, comme l'a coté vn des Rabins, & qui surpasse toutes autres merueilles du feu, que le soulphre & bitume qui sont si prompts & faciles à s'enflammer, & durent si peu en leur combustion, estans exposez à l'air, restreints neantmoins dans les entrailles de la terre, femblent fy renouueller & multiplier de leur propre consomption; encore que leur embrasement & ardeur y foient trop plus violens, sans comparaison, qu'icy hault; selon qu'on peut voir es montaignes qui brussent d'vne si longue suitte de siecles; & és baings d'eau chaude. Cela semble s'emanciper hors du commun ordre de la nature, par vne secrette disposition de la prouidence diuine, qui les veut ainsi pardurer, iusqu'à ce que toute la scorie & impurité de ce bas monde soit exterminée, auec son infecte & puante odeur corruptible: & d'icy la bannir & releguer aux enfers, pour la punition & tourment des damnez; dont il est escrit au Pseaume 10. Pluet super peccatores laqueos : ignis & sulphur, & spiritus procellarum, pars calicis eorum. Ce feu-là qui est noir, obscur, espois & caligineux, dont tant plus il est deuorant & bruslant, ressemble à celuy de quelques gros charbons de pierre, qui conçoiuent vne tres-forte ignition; dont il est dit au 20. de Iob; Deuorabit eos ignis qui non succenditur. Et plus particulierement en Baruch 4. Le feu viendra dessus eux de la part du Dieu eternel, pour durer

maints iours; & long temps y habiteront les Demons. Là où le feu celeste el vout clair & luisant, ainsi que d'vne lampe, dont la flamme seroit nourrie d'vne eau de vie meslée auec certaine composition de camphre, sel nitre, & atttres telles matieres inflammatiues. De façon que ces substances combustibles, dont il y en a d'infinies fortes, peuuent durer fort longuement; bien est vray que ce sera d'vne flamme plus lente & debile. Et de femblables, mais plus subtiles sans comparaison, sont nourris & entretenus les corps celestes, qui n'ont besoin que de fort peu de nourriture, comme approchans de la spiritualité. Ie puis dire estre autrefois paruenu à faire vne maniere de soleil estincellant à l'obscurité, (c'estoit vne lumiere de lampe) si estincellant que toute vne grande salle en pouvoit estre plustost esblouïe qu'esclairée; car cela faisoit plus d'effect que deux ou trois douzaines de gros flambeaux; & si en vingt-quatre heures elle n'eust pas vséautant de l'huille que ie luy donnois, auec des mesches y correspondantes, qu'il en tiendroit dans la coquille d'vne noix. C'estoit au reste vne lampe de verre plongée dans une boulle de crystallin grosse comme la teste, pleine de vinaigre distillé trois ou quatre fois; car il n'y a rien de plus transparent, ny resplendissant. L'eau de mer l'est bien aussi, &trop plus que n'est l'eau douce, quelque pure qu'elle puisse estre: c'est le sel destrempé parmy, qui luy donne ceste clairté lumineuse.

74

Mais pour reprendre nostre propos, aucuns ont pense que puis que les est illes receuoient du nourrissement, elles deuoient aussi definer à certaines periodes de temps, & que d'autres venoient à naistre, qui n'estoit autre chose qu'vne separation de leur clarté & lumiere d'auec leur globe de substance plus grossiere & materielle, dont elles viennent à se dissiper & éuanouir dans le ciel, comme font les esprits vitaux parmy l'air, quand ils l'absentent de quelque corps animé, & le laissent priué de vie: Si que par ce moyen leur globe demeuroit de là en auant tenebreux ainsi qu'vne lampe, dont la lumiere qui luy donnoit auparauant la clarté, auroit esté amortie par faute de nourrissement, ou autre accident. Ceste clarté ou feu lumineux est aux estoilles, ce que le sang est aux animaux, & la sceve aux vegetaux. A quoy Homere semble vouloir donner au 5. de l'Iliade, où il met que pour ce que les Dieux ne viuent pas de pain & de vin comme les mortels, ains d'ambrosie & de nectar, aussi n'ont-ils point de sang, ains en lieu d'iceluy vne substance qu'ils nomment 120, qui est comme vne subtile serosité salsugineuse, empeschant la corruption és animaux, & tous autres composez elementaires. Mais il faut vn peu mieux esclarcir cecy, pour la grande affinité que le soleil & le feu ont ensemble. Il faut donc entendre que le soleil enleuant par son attraction les esprits de la terre, qui sont de deux natures (vapor humidus in-

cludens, & vapor siccus inclusus simul sursum eleuantur, dit le Philosophe au 5. des Meteores: ) l'vne chaude & humide ainsi que l'air, & eau en puissance ; ce qui est proprement appellé vapeur: l'autre chaude & seche, de nature & puissance de feu, dite exhalation. La premiere se resoult en eau, comme pluyes, neiges, gresles, brouillas, gyvres, & autres telles impressions humides, qui se forment de ceste vapeur en la moyenne region de l'air: car estans grossieres & pefantes, elles ne peuuent monter plus hault, ains apres fy eltre espoissies & congelées par la froidure qui y reside, elles retombent icy bas plus materielles qu'elles n'y estoient pas montées; & toutes finablement se resoluent en eau. La seconde, dite exhalation, est soubs-diuisée en trois especes. La premiere plus visqueuse, grosse & pesante, est celle dont se forment les feux qu'on appelle Castor & Pollux, autrement sainct Herme; les follets, & autres semblables, qui ne peuuent monter plus hault que la basse region de l'air. La seconde est aucunement plus legere, plus subtile & depurée, penetrant iusqu'à la moyenne region; là oùse forment les foudres & esclairs; les estoilles volantes, lames de feu, cheurons, & autres telles inflammations. La tierce est encore plus seche & legiere, & plus despouillée d'onctuositez; de la nature presque de ceîte quint'essence que lon remarque en l'eau de vic souuerainement depurée; parquoy elle se peut esleuer non tant seulement iusqu'à la plus haulte re-

gion de l'air, & celle du feu contigu, ains eschap pe encore saine & sauue plus hault dans le ciel; auec lequel pour sa tres-grande subtilité & depuration qu'elle a acquise en ce long chemin, elle a vne grande, conformité; car estant paruenue iusques au globe du foleil, elle est là acheuée de cuire & de digerer en vne pure & claire lumiere, pour le nourrissement tant de luy que des autres astres. Ce que touche Pline és 8. & 9. chapitres du second liure. Si que les estoilles reçoiuent toute leur lumiere & nourrissement du soleil, apres qu'elle y a esté cuite & elabourée; & non pas par forme de reflexion, comme de ses raiz qui se rabattroient dedans l'eau. ou en miroir: car tout ce qui participe de nature de feu, a besoin de nourrissement. Cela se fait comme en l'animal, où le plus pur sang vient du foye à se rendre par les arteres dans le cueur, qui le conduit à sa derniere perfection pour la nourriture des esprits. Mais cela se doitentendre, si ces exhalations & vapeurs treuuent issuë à trauers les pores & spongiositez de la terre, pour s'en euaporer à mont. Que si d'auenture elles rencontroient du tuf, ou argille, ou semblables empeschemens & obstacles qui la leur contredissent & engardassent, elles s'arrestent & espoississent-là pour la procreation des mineraux; à sçauoir l'exhalation chaulde & seche en vne nature de soulphre; & la vapeur humide en argent-vif; non le vulgaire, ains vne substance encore spirituelle & fumeuse; de l'assemblement des-

quels deux en subtile vapeur, viennent à se procréer puis-apres par de longues suittes d'années les metaux, & moyens mineraux, selon la pureté ou impurité de leurs substances coagulées; & la temperature, default ou excés de la chaleur qui les décuit dans les entrailles de le terre. Sans sortir hors du propos desfus dit des exhalations, il m'a semblé d'en toucher icy vn petit experiment où ie suis autrefois arriué de mon industrie, que ie pense ne deuoir point estre desagreable. Prenez de bon vin vieil, & iettez dedans quelque quantité de sel nitre & de camphre, en vne escuelle sur vn reschauld dans vne armoire bien fermée, que l'air n'y entre. Et faites-le euaporer là dedans, qu'il n'y ait cependant point plus d'ouverture que de l'espoisseur d'vn dos de couteau, pour y donner autant d'air qu'il en faut pour le faire brusler. Cela fait, refermez bien vostre guichet, que rien ne s'en euapore, apres en auoir retiré l'escuelle. Delà à dix, vingt & trente ans, pourueu que l'air n'y entre, & qu'il ne féuente, y introduisant vne bougie allumée, vous verrez infinis petits feux voltiger comme des esclairs par les grandes chaleurs de l'Esté, qui ne sont accompagnez de tonnerres & foudres, ny d'orages, de vents & de pluyes, n'ayans qu'vne inflammation d'air, par le moyen du salpetre, & du soulphre, qui se sont esleuez de la terre.

DEVANT que fortir hors de ce propos des vapeurs & exhalations, que personne ne doute qu'elles ne procedent de la chaleur qui s'introduit dedans la terre du continuel mouuement du ciel à l'entour, & des corps celestes, dont la lumiere est accompagnée de quelque chaleur qu'elle y darde. Venons à des experiments plus approchans de nostre cognoissance sensible Nous voyons que le feu laisse deux sortes d'excremens ; l'vn plus grossier, à sçauoir les cendres demeurans en bas de son adustion; qui contiennent le sel, & le verre: & les deux elemens fixes & solides, le feu, & la terre. L'autre plus leger & subtil, que la fumée charie en hault, qui est la suye, en laquelle sont contenus l'eau & l'air, les deux elemens volatils & liquides; les Alchimistes les appellent Mercure & soulphre; & les Naturalistes la vapeur & exhalation, Par leMercure est designée l'eau ou vapeur: & par le soulphre l'huille & exhalation. De sel & de terres, il sy en trouue en fort petite quantité, suffisante neantmoins pour y apperceuoir comme les quatre elemens se retrouuent en la resolution de tous les composez elementaires. Prenez donc de la suye de cheminée, mais de celle qui sera la plus hault montée en quelque fort long tuyau de cheminée, & tout au feste, où elle doit estre la plus subtile:emplissez-en vne grande cornue, ou vn alembicq, des trois parts les deux; puis y appliquez vn grand recipient, que vous enuelopperez de linges mouillez d'eau fraische: donnez feu par les menus; l'eau & l'huille distilleront ensemble, combien que l'eau doiue en ordre pre-

ceder à sortir la premiere. Apres que toutes ces deux liqueurs seront passées dans le recipient, & que rien plus ne montera, renforcez le feu auec des bastons de cotteret bien sees, ou autres semblables, le continuant par huict ou dix heures, tant que les terres qui seront restées au fonds demeurent bien calcinées: mais pource qu'elles seront en fort petite quantité, remettez de nouvelle suye, & continuez comme dessus, tant que vous ayez des terres à suffisance: lesquelles vous tirerez hors de l'alembicq, & les mettrez en vn petit pot de terre de Paris non plombé, ou en vn creuset. L'eau & l'huille que vous en aurez distillé, se pourront separer aisément par vn entonnoir de verre; où l'eau surnagera à l'huille. Cela fait, vous rectifierez l'eau par le baing Marie, l'y redistillant deux ou trois fois; car l'huille ne monte point par ce degré de feu, ains par le sable. Gardez-les à part, sur les terres qui auront esté calcinées dans le pot susdit, ou creuset: iettez leur eau dessus, vn peu chaulde, remuant auec'vne broche, tant que le sel qui y aura esté reuelé par l'action du feu se dissolue tout dans ceste cau. Retirez-la par distillation, & le selvous restera au fonds, de nature de sel armoniac; si que le pressant il sesseuera. Mais de cela plus à plain cy-apres en son lieu, où nous traicterons des trois sels. Des terres on ne sen doit pas beaucoup soucier; car les principales se doiuent rechercher és cendres, comme aussi le sel fixe. Le sel par le moyen de l'eau ex-

trait des cendres (nous fortirons icy vn peu de la suye pour mieux esclarcir le subiect des terres.) En cest element le plus grossier & materiel de tous, que nous appellons terre, se considerent trois substances: aussi les Hebrieux l'ont mieux distingué que nous, luy attribuant trois appellations; erehs, adamah, & iabassah. Erehs est proprement le limon, iabassah le sable, & adamah l'argille. Lauez de la terre commune auec de l'eau, & la versez soudain en vin autre vaisseau auec le limon qu'elle aura accroché. Reiterez tant qu'il ne vous reste plus rien au fonds que le sable, en l'Escriture dit arida; Et aridam fundauerunt manus eius, Pseau. 94. en quoy il a vsé proprement du mot de fonder, parce que le sable est la subsistance & retenement de la terre, où il est messé auec le limon par certaine prouidence de la nature pour l'affermir encontre l'humidité de l'eau, comme on voit au mortier, où lon adiouste du sable auec la chaulx, de peur qu'elle ne se détrempe & escoule aux humiditez suruenantes. Il fert aussi pour luy donner plus de contrepois; par-Prou. 27. ce que le sable est fort pesant; graue est saxum & onerosa arena. Maisle limon est bien plusleger, auquel se procréent les mineraux, vegetaux, animaux; comme on peut voir par experience, metrant du pur limon à l'erthre; car en moins de trois sepmaines vous y trouuerez de petites pierrettes, quelques herbes, & des vers & limas, & autres bestions qui sy sont produits. Ce qui restera du nourrissement

rissement que ces individus auront succé, sera du sable, priué de toute humidité; selon qu'on peut voir és terres, qui pour auoir esté trop labourées & ensemencées sans les amender, se reduisent de fertiles qu'elles estoient, en fablonneuses & steriles; car le fablon ne produit rien, ainsi qu'il se voit és deserts & riuages; dont seroit venu le prouerbe, littus aras, pour vn labeur inutile & vain. O R comme des deux qualitez dont chaque element participe, ily en ait vne qui luy est propre, & l'autre appropriée, la secheresse sera la propre qualité de la terre, parce que la froideur conuient plus à l'eau. C'est pourquoy la terre en Hebrieu est appellée, comme ja a esté dit, jabassah, & en Grec Ened, se- Gen. I. che & aride; & vocauit Deus aridam terram. Le limon est plus aquatique: Ex grossitie enim aqua terra concreatur, dit Hermes; comme on peut voir en de la nege, gresle, pluye, où parmy l'eau, ainsi condensée, il y a beaucoup de limon messé; duquel comme a esté dit, tout se produit icy bas en terre. L'homme mesme selon son corps, a esté formé de ce limon, & de là l'ensuit que toute la fertilité de la terre vient de l'eau. Dieu avoit creé tous les reiectons de cen. 2. la terre deuant qu'ils creussent, & tous les herbages des champs deuant qu'ils germassent; car le Seigneur Dieu n'auoit point fait encore pleuuoir sur la terre, mais vne source montoit d'icelle qui en arrousoit la surface. Ou comme le tourne le paraphraste Chaldaique Onkelos, au lieu de source ou fontaine; vapeur ou

nuée, qui s'engendre des vapeurs que le soleil enleue d'icy bas là hault en la moyenne region de l'air, pour de là en arrouser la terre. Mais ny le limon, ny le sable, ny l'argille d'vn autre costé, ne font pas chacun endroit foy, ny reduits ensemble, ceste terre vierge & pure, qui est renclose au centre de tous les composez elementaires, c'est à dire, au profond d'iceux; car ceste-cy ne produit rien, à cause qu'elle est incorruptible, & ce qui ne se peut corrompre, ne peut aussi rien produire qui soit subiect à corruption, comme nous le voyons au feu, & au sel, & au sable, qui est de nature de verre; toutes substances non seulement incorruptibles pour leur regard, mais qui engardent de corruption, ce où ils se messent; tesmoin les herbes, fruicts, chairs, poissons, & autres semblables, qui estans sallées ou enseuelies dans le sable sy contregardent plus longuement: Et és mumies de ceux qui demeurent estouffez & enseuelis dans le sable en passant les deserts; qui se conseruent en leur entier par de longues suites d'années, tout ainsi, voire mieux, que s'ils auoient esté embaulmez. Tellement que ceste terre se forme de deux substances incorruptibles, sel,&arene, moyennant l'eau qui se congelle là dessus: ainsi que nous le voyons en ce beau verre crystallin faict de sel de soulde, parmy lequel on mesle du sable pour le retenir; autrement és grandes aspretez du feu qu'il faut qu'il endure pour en ouurer, il s'en iroit tout en fumée.

On le depure & affine en clair crystallin puis-apres, y adioustant du perigort, ou du minium fait de plomb. Il y en a qui portent leur fable auec soy, comme la foulgere, le charme, ou foutteau, & quelques autres. Mais cela appartient mieux à nostre traicté de l'or & du verre sur le 28. de Iob; où parlant de la Sapience il dit, que rien ne fy sçauroit accomparer, non pas mesme l'or, ny le verre. Ceste terre donques si excellente & incorruptible, n'est pas ce vil & grossier element que nous foulons aux pieds, & cultiuons pour en tirer nostre nourriture & substentation, ains celle dont il est parlé au 21.de l'Apocalypse, claire & transparente. Te veu vn nouueau ciel, de une nouvelle terre ; & la saincte cité estoit d'or pur semblable à pur verre; & ses ruës estoient d'on or luisant & resplendissant. Voyez comme il apparie plus d'vne fois l'or & le verre, lequel se produit par les depurations du feu, car c'est la derniere action d'iceluy, n'y ayant plus de pouuoir sinon de l'affiner & dépurer, comme il fait l'or, que le soleil produit en de longs millenaires d'années. A l'imitation de cela les speculatifsentendemens se sont parforcez moyennant le feu d'extraire de la corruption de ces inferieurs elemens, & leurs composez, vne substance incorruptible, qui leur fust comme vn modelle & patron de ce à quoy doit estre finablement reduit l'Vniuers: dont icy nous tirons de la suye vne representation & image des ouurages de la nature és vapeurs & exhalations, dont viennent à

84

se former les mereores & impressions de la moyenne region de l'air; l'eau tenant lieu des aquatiques, & l'huille des ignées & inflammables; laquelle huille est du tout impure pour estre adustible; & inutile à la procreation de ceste terre vierge, appellée d'aucuns pierre philosophalle, que tant d'ignorans auaricieux ont enquise & point obtenue, parce qu'ils n'y alloient qu'à clos yeux, offusquez d'vne sordide convoitise de gaing illicite, pour se rendre tout à vn coup plus riches qu'vn autre Midas, dont ne leur est en fin demeuré que ses oreilles d'asne: & ne la cherissoient pas pour loüer & admirer Dieu en ses beaux admirables ouurages; suyuant ce qui est dit au 37. de lob, Considera mirabilia Dei. Car on ne sçauroit faire plus grand plaisir à vn excellent ouurier, que de remarquer attentiuement, admirer & magnifier ses ouurages; ny plus grand despit, que de les desdaigner, & n'en tenir compte. Et de ceux-là parle ainsi l'Apostre aux Ephes. 4. Ils ont leur pensée obscurcie de tenebres, sestans estrangez de la vie de Dieu, à cause de l'ignorance qui est en eux, par l'aueuglement de leur cueur. Prenez donc ceste huille qui aura esté extraicte de la suye, & la repassez par deux ou trois fois sur du sable; car c'est vne de celles qui dure le plus longuement. Et apres l'extraction de l'eau & de l'huille, & la calcination des terres qui en seront restées au fonds du vaisseau, iettez vostre eau desfus, & mettez la matiere à putrefier dix ou douze iours dans les fiens; puis retirez l'eau

par distillation, calcinant au bout d'icelle les terres par sept ou huict heures à feu de flamme. Remettez l'eau derechef sur les terres, putrefiez, distillez & calcinez, reiterant comme dessus; car par le moyen de l'eau & du feu les terres se calcineront, tant qu'elles ayent beu & retenu toute leur eau, ou la plus grand' part: ce qui se fera à la six ou septiesme reiteration. Cela fait, donnez feu de sublimation, & il felleuera vne terre pure, claire & crystalline, renclose au centre. L'eau a de grandes proprietez & vertus, mais ceste terre encore plus; dont ie me deporteray de parlericy plus auant. Il l'en peut extraire du sel aussi par les dissolutions de son cau; & du verre, des terres qui resteront apres l'eleuation de la terre vierge; Omne enim prinatum propria humiditate, nullam nisi vitrificatoriam prastat susionem, dit Geber: Et il y en a icy trois, deux volatiles, l'eau, & l'huille; & la tierce fixe & permanente, qui est congelée, à sçauoir le sel, Quod est super omnes alias humiditates expectans ignis pugnam; dit le mesme Geber: car il n'y a rien de plus humide & plus onctueux que le sel, ny de plus endurant le feu. Aussi tous les metaux ne sont autre chose que sels fusibles; en quoy ils se resoluent facilement. Le sel commun le fond aussi, apresauoir esté recalciné,& dissouls trois ou quatre fois, comme nous le dirons plus apertement en son lieu.

I E me suisvn peu estenduicy sur la suve, comme en vn subiect où se peuvent remarquer force beaux secrets; & de mesme au charbon de pierre, & en ceste vitrification de couleur perse, qui reste du fer, dont on en voit de grands tas és fourneaux & forges; & estant si seche il sen tire neantmoins de l'eau & huille. Nous dirons encore cecy fur la suye: Le feu brussant du bois, ou autre matiere adustible, chasse l'humidité aqueuse y contenuë, & se nourrist de l'huille ou substance aërée; la partie terrestre qui sont les cendres, demeurant en bas calcinée, où reside le sel, lequel en estant separé par des lauemens & dissolutions de l'eau, ce qui reste n'est que limon, qui f'en tire par de frequentes ablutions: & le fable reste en fin, propre à se vitrifier. Voila quant à l'vn des excremens du feu; qui ne se contente pas de cela, ains par son impetuosité & ardeur tendant de son naturel contremont, rauist en hault vne partie de ces substances plus subtiliées. Adaptons cecy aux couppelles. Nous voyons que partie du plomb fy en va en fumée, comme au feu dont se procrée la suye ; partie d'iceluy se brusse , sa partie à sçauoir sulphureuse; & partie s'invisque dans les couppelles, en forme presque de verre ou esmail. Des deux premieres volatiles il n'en faut point faire d'estat, car elles s'en vont & se disperdent: mais broyez les couppelles où ceste vitrisication s'est comme empastée; & lauez-les bien auec de l'eau tiede, pour les depurer de leurs crasses & immondices; puis les mettez en vn descensoire à tres-forte expression de seu de soussiers, auec de

sel de tartre, & sel nitre; & il descendra par le trou d'embas vne metalline; laquelle recouppellée auec nouueau plomb, vous trouuerez beaucoup plus de fin sans comparaison, qu'à la premiere fois; & de là en auant toussours de plus en plus, en reiterant ce que dessus. De maniere que qui voudroit prendre la patience de décuire le plomb en vn feu reiglé & continuel qu'il n'excedast point sa fusion, c'est à dire, que le plomb y demeurast toussours fondu, & non plus, y adioustant quelque petite portion d'argent-vif, & de sublimé, pour le garder de se calciner & reduire en poudre; au bout de quelque temps on trouueroit que le Flammel n'a pas parlé friuolement, de dire que le grain fix contenu en puissance au plomb, à sçauoir l'or & l'argent, sy multiplieroient & croistroient ainsi que le fruict fait sur l'arbre.

Mais pour retourner à ces huilles de longue durée, dont il faudroit faire vn par trop ample volume qui les voudroit parcourir non que toutes, ains vne partie; il fen tire du tattre de vin, dont le meilleur vient de Montpellier, c'est ce qui adhere au tonneau. Vne qui est fort importante: Le tartre est vn des subiects où ceux qui fexercent au seu trouuent autant de coups à ruer. Prenez de ce tartre battu en menué poudre, & le mettez en vne terrine plombée, auec de l'eau de puits bien nette, sur vn tripier, ou vn fourneau, le faisant doucement parbouillir: & escumez les vilainies & ordutes auec

vne plume; les croustons argentins qui l'esleueront puis-apres, recueillez-les auec vn test de verre, ou ces grosses moulles d'estang, tant qu'il ne s'en esleue plus, en renouuellant l'eau à mesure qu'elle viendra à se diminuer. Versez-la par inclination, & mettez à part ce qui sera resté au fonds en guise de fable. Remettez ces croustes auec nouuelle eau; faites-les bouillir comme deuant fort doucement, & recueillez les croustons qui s'en esleueront, plus clairs & lucides que les premiers, separant les ordures & impuritez, fil fen presente quelques-vnes. Et reiterez cela par fix ou sept fois, tant que vos croustons soient clairs & luisans comme argent, ou perles. Faites-les dessecher au soleil, ou deuant le feu sur vn linge: & les mettez en vne cornuë à cul descouuert, & feu gradué, le renforçant par les menus; & par le becq de la cornuë sortira comme vn petit ruisseau de laiet, lequel se resoudra en huille dedans le recipient. Repassez-le vne fois ou deux fur du fable ou du sel de tartre; qui se fait calcinant du tartre dans vn pot de terre de Paris non plombé, en feu de reuerberation, ou dans les charbons: puis le dissoluez auec de l'eau chaulde; & le filtrez & congelez; il vousrestera vn sel blanc, qui serefoudra en vne liqueur qu'on appelle l'huille de tartre: ou bien apres estre bien calciné, laissez-le refoudre à par-foy à l'humide. Ceste liqueur est d'vne grande efficace, specialement à esteundre & destraciner toutes fortes de dartres, Mais du fable qui sera

demeuré au fonds, fans feitre voulu esseuer en croustes, s'en extraira vne autre trop plus exquise huille, & moins adustible.

LE tartre se peut encore gouverner d'vne autre façon. Nous y insistons en cest endroit, pource qu'il monstre auoir ie ne sçay quoy de conuenance auec la suye. Car tout ainsi que la suye est com-, me vn excrement du feu, de mesme le tartre & lye le sont du vin, qui a beaucoup d'affinité auec le feu. Prenez donques du tartre en poudre dans vne terrine plombée; & iettez de l'eau chaude dessus, remuant bien fort auec vn baston; & apres les auoit laissé reposer tant soit peu, versez l'eau, auec ce qu'elle aura peu empoigner du tartre, qui est à guise de limon, dans vne autre escuelle: & remettez nouuelle eau tiede sur le tartre; reiterant comme dessus par tant de fois que l'eau en sorte nette.& . claire; ce qui se parfera à la cinq ou sixiesme. Et au fonds, vous restera le sable susdit, qui estant desseché, se dissoult dans le vinaigre distillé, & non en de l'eau commune. L'eau de vie le dissoult aussi, en peu d'espace, quand l'vn ny l'autre n'en voudront plus prendre. Lauez ce qui restera auec de l'eau commune, puis le dessechez lentement; & l'ayant mis en vne cornuë à assez bonne expression de feu, le graduant par les menus, s'en extraira vne huille odorante, comme d'aspic; l'vn des secrets de Raymond Lulle; qui est vne de ses principales cless & entrées aux dissolutions metalliques. Prenez les

euacuations dessudites, & en esleuez les croustons comme deuant. Mais il y auroit trop de choses à dire du tartre; & ce que nous en auons mis icy, n'est pas vulgaire, ains de nos experiments les plus rares. D v vinaigre, apres que le clair en aura esté distillé, & que les fumées blanches commenceront à apparoistre, qui est son cleaginité adustible, mettez les seces qui en resteront (mais il en faut a-uoir quantité) en vn cellier, ou autre lieu fraiz; & en cinq ou six iours sy procréeront de petites pierrettes crystallines. Separez-les de leurs residences, par des ablutions d'eau commune, & les dessechez: Il s'en tirera vne huille qui n'est pas de peu d'importance : si que grandes certes & admirables sont les substances que l'art du seu extrait du vin.

LA PLVSFART des huilles que nous auons touché cy-dessus, qui sont adustibles, sont par consequent de forte & fascheuse odeur, comme sentans le brusse quand elles ardent; parquoy il les faut insoler durant quelques iours; c'est à dire, estorer au soleil, & à l'air, pour leur oster cest empyresme. En recompense nous en traicterons icy quelques rares de bonne & agreable odeur. Et en premier lieu celle de been dont vsent les parsumeurs, n'a en soy couleur, odeur ny saucur; parquoy elle est susceptible de toutes celles qu'on y veut appliquer. Estant repasse sur du degraisser, elle servit de longue durée, & sans sentir mal; mais elle est trop chere. Quant aux huilles

d'olif, de nauette, cheneuy; de sesame aussi, mais il est rare en ces quartiers; & autres semblables qui se tirent par le pressoir, moyennant de la chaleur de feu, quelques repassées qu'elles puissent estre, elles ne laissent pas d'estre de forte odeur; mais tant moins, selon qu'elles seront depurées, & par mesme moyen de plus longue durée. Les huilles de faulge, thyn, poiure, & autres semblables qui se tirent par vn instrument propre à cela; telsartifices font si diuulguez, iusques mesmes aux chambricres, que l'aurois honte d'en parler. Celle du benjoin est plus rare, & moins cogneuë, & aussi plus laborieuse a faire. Prenez du benjoin concassé en grossiere pouldre, & le mettez en vne cornuë, auec de fine eau de vie qui y surnage trois ou quatre doigts; & laissez-les ainsi par deux ou trois iours fur vn feu moderé de cendres, que l'eau de vie ne se puisse pas distiller; les remuant à toutes heures. Cela fait, accommodez la cornuë sur le fourneau, dans vne terrine pleine de sable. Distillez à feu lent l'eau de vie, puis l'augmentant par ses degrez apparoistront infinies petites aiguilles & filamens, telles qu'es dissolutions de plomb, & de l'argent-vif. Ce qui monstre assez que le benjoin en participe. Car il blanchist le cuyure, & auiue l'or, & mis en des decoctions de gayac fait d'admirables effects; comme aussi le tartre qui contient beaucoup d'argent-vif. Quand donques ces filamens ou aiguilles se monstreront, continuez ce degré de feu; & les laissez

iouer dedans la cornue par quelque espace, tant qu'elles disparoissent du tout. Cependant ayez apresté vn petit baston qui puisse entrer dedans le col de la cornue, car ces aiguilles fy viendront reduire comme en vne moüelle; & si vous ne les en ostiez soudain, le vaisseau se creueroit. Quand ceste gomme ou moüelle sera toute passée, auec cerraine forme de beurre qui se iectera puis-apres dedans le recipient, l'huille commencera à distiller belle, claire, de couleur de hyacinthe & fragrante odeur: apres laquelle, renforçant le feu, en fortira vne autre plus espoisse & noire, qu'il faudra receuoir à part. Ceste gomme ou mouelle blanchastre que vous aurez retirée du col de la cornuë, lauezla auec l'eau de vie que vous en auez distillée du commencement, qui en extraira vne teinture de couleur citrine comme saffran, & lairra la gomme fort blanche, d'vne tres-agreable odeur, propre pour en faire des patenostres de senteurs de telle couleur que vous luy voudrez donner. Retirez voftre eau de vie par le baing, & au fonds, vous restera ceste teinture iaulne, sentant bon aussi, qui a de grandes proprietez & vertus. L'huille noire est vn souuerain baulme à toutes blessures: & des terres qui resteront s'en peut extraire vn sel de grande efficace. Ainsi vous auez du benjoin cinq ou six substances; la gomme blanche auec sa teinture iaulne, les deux huilles, & le fel.

L'EAV de vie qui est son principal desnouë-

ment, & sans laquelle rien ne se feroit en cecy, l'est aussi du storax, calamite, labdanum, myrrhe,& semblables gommes dont l'huille s'extrait par le moyen du vehicule de l'eau de vie: & y faut proceder tout de mesme qu'au benioin; maisil n'y a pas tant de choses à demesser. De la myrrhe s'extrait encore vne liqueur fort propre à oster toutes taches & marques restantes de galles, & autres semblables accidents. Ayez des œufs durs, & les fendant par le milieu ostez-en le iaulne; puisremplissez le creux, qu'il occupoit, de grains de myrrhe, & les recouurez de l'autre moitié. Laissez-les trois ou quatre iours au serein & à l'erthre, où le soleil ne donne point; & ils se resoudront tous en vne liqueur semblable à du miel ou rosée espoisse. Le mesme fait auffil'encens.

DV SOVLPHRE, il sen tire aussi vne huille adustible, par le desiement de l'eau de vie, & par d'autres voyes encore: Car le soulphre a en soy deux substances; l'vne inflammatiue; l'autre non, ains alumineuse & vitriolique: dont prouient ceste liqueur qu'on appelle huille de soulphre, qui a de fort grandes proprietez & vertus plus que n'a l'huille de vitriol, qui est plus caussique & brullante; tant enuers plusseurs mauuaises affections internes, qu'es chancres & viceres de la bouche, mal de dents, carcinomes, & autres semblables, où elle agist plus moderéement. Ayez done premierement vne mesche de sil de cotton de la grosseur du petit doigt, &

M iij

longue de deux aulnes; que vous enduirez de cire fonduë aucc de la terebenthine, comme pour faire des bougies. Ayez d'autre-part vn pot de terre de Paris, plombé, auquel vous mettrez vn lict de soulphre broyé assez grossierement, & sur iceluy estendrez vn rond de vostre mesche susdite; puis vn liet. de soulphre, & vn rond de mesche, iusqu'à tant que le pot soit plein : au hault duquel vous laisserez vn petit bout de vostre mesche pour l'allumer, (de fine chorde d'arquebouze feroit bien aussi bonne.) Mettez vostre pot soubs vne cheminée, & suspendez dessus vne chappe d'alembice, dont la bouche se rapporte à celle du pot; mais il la faut premierement crespir & enduire toute d'argille à l'espoisfeur d'vn bon pouce: & ne faut pas qu'elle se ioigne iustement au pot, ains qu'il y ait vn poulce d'ouuerture entre deux. Allumez la mesche, & faites que le soulphre brusle; qui iectera de soy vne petite fumée blanche, laquelle adherera dans la chappe, & de là se resoudra en vne liqueur de couleur de fleur de pescher, qui tombera dans le recipient, que vous aurez à ceste fin appliqué au bec de la chappe. Mais cela se fait mieux en temps mol par des vents meridionaux & d'aual, que non pas par temps sec.

Novs auons beaucoup insisté en ces huilles, tant pource qu'elles se produisent pour la pluspart de l'action du seu, dont il est icy question, que pource qu'il n'y a rienplus assin au seu que les huil-

les, graisses, onctuositez, poix resine & noire, terebenthines, gommes, & autres semblables substances inflammatiues, qui sont la vraye pasture & nourrissement d'iceluy. Et puis que nous y sommes si auant embarquez, il n'y aura point de mal de poursuyure iey tout d'vn train quelque chose de ces artifices qu'on appelle communément feu Gregeois; dont ily en a de diuerses sortes qui ne se peuvent amortir par l'eau. Le fondement d'iceux sont le foulphre & bitume, la poix noire & resine; les terebenthines, colophone, farcocolle; huilles de lin, de petrol, & laurin; salpetre, camphre, suifs, graif-ses, & autres onctuositez faciles à conceuoir les flammes. De ces feux gregeois il en est parlé dans Plutarque au traicté de ne prester point à vsure : & plus recentement en Zonare, tome 3. en la vie de Constantin le Pogonate; où il est dit, que l'an de salut six cens septante & huict, les Sarrazins estans venus assieger Constantinople, vn Ingenieur, nommé Callinique, apporta l'artifice de certain feu, par le moyen duquel la flotte des Sarrazins fut défaite. Mais la pouldre à canon, & les artifices qui s'en peuuent faire, les a tous effacez; dont consistent la pluspart de nos feux artificiels, pots & lances à feu, cercles, grenatles, saulsisses, petards, fuses,& infinis autres semblables, que nous ne pretendons pas specifier icy plus particulierement. Prênez donques vne liure de salpetre; huict onces de soulphre, & six onces de pouldre à canon. Incorporez le tout

ensemble pour les grenades & pots à feu qui s'esclattent. Mais pour attacher le feu à du bois,& semblables matieres inflammatiues, meslez vne liure de poix resine, vn quarteron de poix noire; colophone trois onces, & cinq de soulphre. Broyez les. gommes, & iettez dedans le soulphre fondu; puis quand il sera refroidi, battez-les derechef, & les destrempez auec de l'huille laurin, ou de lin. Il y a vne autre composition bien plus violente, mais plus dangereuse. Fondez vne liure de soulphre dans vne terrine plombée; & iettez-y par les menus, mais discretement, vn quarteron de pouldre grosse grenée, auec autant de salpetre, les remuant lagement auec vne verge de fer. Oftez-les du feu,& laissez fecher. Cela meslé auec les artifices susdits, fera vn merueilleux effect. On y mesle aussi vn peu de verre conquassé, lequel venant à s'eschauffer, reschausse consequemment la matiere quand elle se vient enslammer, dont son ardeur se rend plus forte, & dure plus longuement. Le camphre sertà les faire brufler dedans l'eau; comme aussi font toures les graisses, & sur tout l'huille de terebenthine,. tirée par le baing, dont il n'y a rien de plus fubțil & inflammable. Mais c'est trop auant penetrer dans ces ruines du genre humain, où il n'y auroit iamais fin quiles voudroit parcourir toutes.

Âv MOYEN dequoy retournons au propos delaisse deux feux; celly d'enhault designé par Pallas ou Minerue; & d'icy bas par Vesta: lesquels

combien.

combien qu'ils soient si essoignez, ne laissent pas toutesfois d'auoir vne telle affinité enfemble, qu'ils se transmuent fort facilement l'vn en l'autre. Car des raiz du soleil s'allume du feu par le moyen d'vne phiolle remplie d'eau, comme met Plutarque en la vie de Numa; ou d'vn miroir ardent, dont ie me ressouriens d'en auoir veu vn si puissant aux Estats d'Orleans, qu'en moins de rien, & encore au mois de Ianuier, il enflamba vn baston de torche. Et le feu au contraire par plusieurs destours & rembarremens de hault en bas, & par les costez, en plusieurs reuolutions circulaires comme celles d'vn labyrinthe, en ces fourneaux qu'on appelle à tour, son ardeur vient tellement se ramoderer, qu'elle passe en vne chaleur naturelle, viuifiante & nourrissante, au lieu qu'elle brusloit, cuisoit, consumoit. Et en tel feu puis-ie dire auoir fait esclorre'à Rome pour vne fois, plus de cent ou six vingts poullets; les œufs y ayans esté couuez & esclos ainsi que sous vne geline.

LE feu des Perses, & des Vestales à Rome, reueré des vns & des autres comme sacré-sainct, s'entre-tenoit fort soigneusement. Quant aux Perses Strabon liu. 15. escrit que les Mages auoient de coustume de le conseruer dans des cendres, deuant ses quelles ils allosient faire chacun iour leurs prieres à deuotions: ce qui n'est pas sans quelque mystere; les cendres denotans le monde sensible, & le corps de l'homme qui le represente, n'estant autre chose

que cendre; & le feu y enclos & couvert, l'estincel. le de vie dont il est animé & viuifié. Ces cendres au reste deuoient estre de quelques arbres gommeux, pour l'y faire durer dauantage; mesmement de genieure, dont i'ay autrefois gardé plus d'vn an cntier des charbons vifs, entassez lict sur lict dans leurs cendres, le tout bien resserré dedans vn petit barillet bien fermé, si que l'air n'y pouuoit entrer. Et c'est à quoy bat le Pseau.119. Cum carbonibus iuniperorum, selon l'Hebrieu, au lieu de desolatorijs. De ces charbons ardens se rallumoient enuers les Perses les luminaires de leurs temples, fils se venoient à esteindre. Mais les Vestales, aduenant que leur feu, comme il arriua quelquesfois, s'amortist, il ne leur estoit pas loisible de le rallumer d'vn autre, ains en faloit attirer de nouueau des raiz du soleil. Et non seulement n'attendoient pas qu'il se fust esteint de soy-mesme, ou par quelque accident fortuit, mais le renouuelloient tous les ans le premier iour de Mars, de celuy du Ciel, comme le remarque Ouide au 3. des Fastes :

Adde quòd arcana fieri nouus ignis in ade Dicitur, & Vires flamma refecta capit.

Ce que touche aussi Macrobe liu. 2. des Saturnales, chap. 12. Le premier iour de Mars, les Vestales allumoient un nouneau seu sur l'austel de la Deesse, as sin qu'au renounellement de l'année se renounellasse en elles le soing de le bien parder de s'esteindre. Sainct Augustin liure 3. de la Cité de Dieu, chap. 18. En quelle reputation

(dit-il) ce feu sacré estoit à Rome, on le peut cognoistre, de ce que quand le feu somit à la ville, le grand Pontife Metellus, de peur que ce feu estrange ne se messast auec l'autre, se mit en hazard d'estre consumé par les flammes, pour l'en retirer. Dont il n'y a rien de plus conforme au 10. du Leuitique. Que si ces pauures gens aueuglez, qui ne prenoient les symboles & mysteres de la religion que superficiellement à l'escorce, comme aussi n'ont fait les Iuifs, de qui ils ont emprunté la pluspart de toutes leurs plus importantes traditions, euslent cogneu ce qui estoit couvert & prefigure là dessous, quel compte est-il à croire qu'ils en eussent fait? Quelques-vns alleguent que ce feu sacré des Vestales s'allumoit par vne maniere de fuzil, en frayant deux petites pieces de bois l'vne contre l'autre; ou en les persant auec vne tariere, comme met Festus, & Simplicius sur le 3. de calo d'Aristote. Pline liu.16.chap.4.On frotte deux bois l'vn contre l'autre, dont se vient dexciter du feu, qui se reçoit en de l'amorce faite de fueilles bien dessechées, & mises en poudre; ou en vne mesche de fonge d'arbre. Mais il n'y a rien qui y duise mieux que le lierre frayé auec du laurier. Le mesime l'est trouvé plus modernement practiqué des Sauuages des Indes Occidentales, comme met Gonçalo d'Ouiedo en son histoire naturelle de ces quartiers-là, liu.6. chap. 5. liant, ce dit-il, deux bastons fecs fort à destroit l'vn contre l'autre, & mettant dedans leur ioincture la poincte d'vne baguette

bien arrondie, qu'on fraye dru & menu entre les mains, tant que le feu par la friction, & la rarefaction de l'air qui fen ensuit, fen allume. De ce rallumement nouueau, pour monstrer qu'il nous faut renouueller & renaistre à vne meilleure & plus loüable vie, ne f'esloignent pas fort les ceremonies de l'Eglise Chrestienne, quand la veille de Pasques & de la Pentecoste à la benediction des fonts, on fait vn grand cierge neuf, dont tous les autres luminaires l'allument. Quant au feu de Moyse, il fut premierement enuoyé du Ciel, & dura iusques à la construction du temple de Salomon, qu'il fut renouuellé derechef du ciel, & se maintint iusques au temps du Roy Manassés, lors que les Iuifs furent emmenez captifs en Babylone, que les Leuites le cacherent au fonds d'vn puits, où il fut retrouué à leur retour, septante ans apres, en forme d'vne eau gluante & blanchastre, comme il a esté dit cydeuant. Pausanias és Corinthiaques, met que du temps d'Antigone fils de Demetrie, se manifesta vne source d'eau chaude pres de la ville de Methana: mais du commencement elle ne l'apparut pas en eau, ains en de grosses flammes de feu, qui se resolut en eau chaude & sallée. Sainct Ambroise au reste discourant sur ceste eau des Leuites au 3. de ses Offices, met que cela demonstroit assez que ce feu estoit vn feu perpetuel qui ne se prenoit point d'ailleurs: pour denoter qu'ils ne deuoient point recognoistre d'autre Dieu, ny d'autre religion &

IO

ceremonies que celles qui leur auoient esté establies par l'inspiration du SAINCT ESPRIT, designé par le feu; car on peut voir comment s'en trouuerent les enfans propres d'Aaron, Nadab & Abihu, au 10. du Leuitique, pour l'estre voulusingerer d'offrir à Dieuvn feu estrange. Toute faulse doctrine donques, idolatrie, heresie, & impieté se peuuent dire vn feu estrange, qui deuore l'ame, comme la fieure fait le corps, auec la vie qui le maintient; là où ce vray feu enuoyé du ciel est celuy de l'Esprit Sainct, qui falle nos cueurs & consciences, c'est à dire, les preserue de corruption, selon que parle le Prophete Ieremie au 20. quand il l'eust receu: Lors fut fait comme vn feu brus-· lant en mon cueur , & renfermé dedans mes os ; & ie defaillu, parce que ie ne le pounois supporter. Que le SAINCT ESPRIT ne foit pas seulement la lumiere, mais le feu propre, Isaïe le manifeste au 10. La lumiere d'Israël sera en seu; & son Sainct sera en flamme: Car tout ainsi que les cauteres, qui sont vn feu potentiel composé de sels ignées & bruslans, n'agissent point sur vne partie morte, insensible, & priuée de sa naturelle chaleur: de mesme le SAINCT ESPRIT n'exerce point ses actions sur des cueurs refroidis & elangorez, qui ne tiennent compte de ses estincelles & semonces; ains sy monstrent contumaces & refractaires: tout ainfi que la chaleur du foleil & du feu ne feroient que rendurcir de plus en plus la terre & argille au lieu de la ramollir, & la fondre,

comme ils feroient la cire, le beurre, & les graisses; actus enim actiuorum in patientis sunt dispositione. Dont nous voyons le feu faire diuers effects en des subiects diffemblables, mais non pas du tout contraires, & directement opposez; comme quand il noircist le charbon, & blanchist la chaulx, où il imprime sa vertu, maistout au rebours: car le-feu ayant accoustumé de s'esteindre par l'eau, c'est elle en cest endroit qui enflamme & rauiue celuy qui estoit empreint & latent en la chaulx. Surquoy se presente vne belle meditation; que tout ainsi que le feu est vn symbole de vie; l'eau qui est son contraire, & l'esteint, le deura estre par consequent de la mort; l'eau de sa nature tendant tousiours contre-bas, & le feu contremont, où gist & consiste la . vie. Strabon à ce propos liu. 15. parlant des Brachmanes, met que celle que nousappellons mort, est la renaissance de vie; & que ceste vie temporelle n'est que comme vne conception & portée qui se vient au bout de son terme enfanter à mort, pour de là passer à vne vie eternelle. Ce qu'auroit imité Seneque en la 103. epistre : Le iour que nous redoutons tant comme le dernier de nostre vie, est la renaissance du iour eternel. Laissons donques alaigrement ce qui ne nous sert que de charge importune. Que voulons-nous tant tergiuerser, comme si nous n'auions pas este premier que ce corps caduque, auquel nous auons demeuré enclos & catheZ? Nous y resistons & temporisons de tout nostre effort, & non sans cause; car nous auons esté poussez de-

hors par un grand effort de la mere en nous enfantant; & nous pleurons er lamentons quand nous sommes arrivez à ce que nous cuidons estre le dernier iour : mais ce plaindre, crier o pleurer, ne sont-ce pas toutes marques of indices d'un qui vient à naistre? Et un peu plus Chrestiennement encore peu auparauant: Ie lairray ce corps où ie l'ay trouné of vestu, & me rendray là bault aux Dieux immortels; encore ne suis-ie pas sans eux maintenant: mais pendant que ie suis icy detenu d'une griefue masse de terre, en ceste basse demeure d'un siecle mortel, ma sensualité veut combattre à l'encontre de ceste autre meilleure 🖽 plus longue vie. Or comme nous auons esté renclos par neuf ou dix mois dedans le ventre de nostre mere, qui ne nous y prepare pas pour soy, ains pour paruenir en sin à ce lieu où nous deuons estre emuoyez, quand nous serons parfaictement accomplis & rendus idoines de respirer, & durer en apert hors de la cassette où nous auons esté formez: de mesme durant cest espace que nous auons parcouru depuis nostre enfance iusqu'à la vieillesse, nous nous meurissons pour aller où une autre origine nous attend, & un nouuel estat des Ehoses. Tout cela ne deroge en rien des traditions de nostre Eglise, qui celebre pour la natiuité des Martyrs, le iour de leur mort & martyre.

Povr conclurre donques ce qui a esté cy-defus dit du seu, & des quatre mondes ; celuy de l'intelligible est tout lumineux; du celeste, luisant chauld, à raison de son mouuement; de l'elementaire iey bas, luisant, chauld, & bruslant; & des enfers, rien que bruslant. Par ainsi les trois proprietez

du feu sont luire, eschauffer, & brusler; dont diuers & estranges en sont les effects, & les operations presque infinies, mesmement de l'elementaire, pour commencer à celuy qui est le plus proche de nos sentimens. Rabbi Elchana fort celebre entre les Hebrieux, met que des dix doigts de la main, addressez & conduits de l'entendement, peuuent proceder plus de differentes sortes d'ouurages, qu'il n'y a d'estoilles au ciel; la pluspart desquels vient de l'action du feu, dont dependent presque tous les outils propres à trauailler. Le feu mesmement en seruoit aux premiers hommes, qui n'auoient que luy pour tous instrumens cooperateurs. Au regard de son mouuement, on peut assez voir qu'il n'y arien de plus brillant & remuant, que le feu, qui est cause mesme de tout mouuement; sublato enim calore nullus fit motus, dit le philosophe Chymique Alphidius. Et ce mouuement est accompagné de depuration; Namignis non vult nisi res puras, selon Raymond Lulle. Caril est non seulement la plus pure substance de toutes autres, ains purge; mondifie & nettoye tout ce surquoy il peutauoir action, de ce qui y pourroit estre de corruptible: Lauabit Dominus sordes filiorum I frael , spiritu combustionis, Isaïe 4. C'est pourquoy les Grecs l'appellent ayusives, purificatif: Tellement que le καθαρμός ου ridupas, purification, ne se faisoit point qu'il n'y eust du feu; comme nous le tesmoigne ceste solennité annuelle qu'on appelle la Chandeleur. Et en

toutes les Eglifes de l'Orient, quand on veut dire l'Euangile, on allume les cierges, comme nous faifons aussi le iour de ladite Purification; & ce en signe de ressourélance, dont le seu en est vn symbole: & suiuant cela nous faisons des seux à la feste
sainct Iean Baptiste, nous conformans à ce qui est
escrit en sainct Luc 1. In nativitate eius multi gaudebunt: & des seux de ioye aussi en quelques heureux
succés de victoires, en la naissance des enfans
Royaux, & semblables occasions d'alaigresse.

Novs auons cy-deuant allegué du 31. des Nombres, ce qui est là dit des deux elemens purificatifs, feu, & eau; dont en nos baptesmes auecques l'eau on a accoustumé d'adiouster quelque petit cierge ou bougie qu'on fait empoigner à la creature, quand on la tient dessus les fonts; s'estant l'Eglise reiglée là dessus à la colonne de feu qui gardoit les Israelites de nuict; & la nuée (l'eau baptismale) sur iour. A quoy veut battre aussi sainct Iean au 3. de saince Mathieu, Qu'il ne baptisoit qu'en eau quant à luy, & à penitence; mais celuy qui venoit apres, baptiseroit en feu au SAINCT ESPRIT, à la remission des pechez: car le feu est vne des marques du S. Esprit, par lequel se confere la grace: & en forme de langues de feu il descendit sur les A- Actes 2. postres le iour de la Pentecoste. Les Stoiciens, bien que trop superstitieux en cela, faisoient vn si grand cas de cest element, qu'ils le disoient estre ie ne sçay quoy de viuant, & tres-sage, fabricateur de tout

l'Vniuers, & de ce qui y estoit contenu, à propos de ce que nous auons cy-dessus allegué de la Sapience 7. Omnium artifex me docuit Sapientia, qua omnibus mobilibus mobilior est; attingit enim vbique propter suam munditiem: En quoy sont attribuées deux proprietez du feu à la Sapience; le mouuement, & la pureté. Et en somme l'estimoient estre vn Dieu, selon que met sainct Augustin, liure 8. de la Cité de Dieu, chapitre 5. Le Zohar selon ses hault-esleuées contemplations, alleguant sur Exode ce passage du 7. de Daniel; Le thrône de l' Ancien des iours estoit de flammes de feu, & vn fleuue de feu courant legierement sourdoit de sa face, son vestement blanc comme neige; dit que dans ce fleuue de feu luisant se lauoient les vestemens des ames qui montoient là hault, & se repurgeoient par là de la vicil-le escume du serpent, sans sy consumer, ains ne faisoient que se nettoyer de l'ordure qui s'y estoit accueillie. Et cela est fort proprement dit, parce que nous voyons par experience, que les graisses ne se nettoyent que par d'autres graisses, qui s'emportent les vnes les autres, comme font le sauon, & les lexiues, qui consistent toutes de sels gras & onctueux; car filsne l'estoient, ilsne mordroient pas fur les onctuositez & les graisses, tesmoin l'eau simple qui n'y fait rien, à cause de leurs contrarietez de natures, qui ne leur permettent pas de se pouuoir ioindre & vnir; & là où il n'y a point de mixtion, aussi n'y a-il point d'alteration : quia quod non ingre-

107

ditur, non alterat, dit Geber. Tellement que les sels estans de nature de feu, en ont aussi les proprietez & effects; de purifier à sçauoir, & de nettoyer les ordures & immondices. Car tout ainsi que le sel (pourfuit le mesme Zohar) empesche la putrefaction, à quoy toute chose corruptible est assubie-&ie; de mesme le feu de l'amour diuin, & de la cognoissance de Dieu, qui s'allume en l'ame, la repurgeant de ses coinquinations corporelles, fait qu'apres qu'elle en a esté deuëment nettoyée, elle perseuere en sa pureté à tousiours, pour autant que ce feu deuore & consume l'escume immonde qui fy estoit attachée, en se reuestant d'vn nouueau & pur feu; ce qui ne se pouuoit faire autrement. Car si elle n'estoit ainsi assistée de ce pur feu, le Cheru-Gen.3. bin qui est commis à la garde de la porte du iardin de delices, auec vn glaiue flamboyant, pour en contredire l'aduenuë à l'arbre de vie, ne luy permettroit pas d'entrer là dedans; dont la curiosité de taster de la cognoissance de bien & de mal auoit exclus nos premiers Peres, & nous hereditairement auec eux. Iv s Qv'i c y le Zohar. Dontrien ne se sçauroit voir de plus conforme, ne qui se rapporte mieux à nostre subiect; Tout homme sera salle de feu, & toute Victime de sel: Car le saller en cest endroit,& le nettoyer & purifier ne sont qu'vne mesme chose; comme auffi le faller & brusser à cause de leurs consemblables effects: Vrerenes meos, & cor meum: Pfeat.25. là où le brusler est mis pour repurger & nettoyer se-

Ion l'Hebrieu, & le Chaldée. Et en Zacharie 13. Vrameos sicut vritur argentum. A quoy se rapporte aussi ce qu'escrit l'Apostre aux Corinth. 1.3. Si aucun bastist sur le fondement qui est CHRIST, or, argent, pierreries; ou du bois, foin, & Chaulme; cela sera manifesté par le feu, qui esprouuera quelles seront les œuures d'un chacun. S'il bruste, il en souffrira detriment; 🕝 neantmoins il ne lairra d'estre sauué, mais ainsi comme par le feu. Sainct Augustin citant ce lieu en tout plein d'endroits de ses œuures, l'interprete au 21. de la cité de Dieu, chapitre 26. pour les vanitez qu'on auroit trop estroitement embrassées en ce siecle-cy, dont on ne iouïra pas en l'autre, ains faut qu'elles feffacent & abolissent par la repurgation du feu: Quodenim sine illiciente amore non habuit, sine dolore vrente non perdet. Et au reste sera sauué comme par le feu, parce que rien ne l'aura peu desmouuoir de ce fondement sur lequel il aura basty. Sainct Ambroise à ce mesme propos, Sermon 3. sur le 118. Pseaume; Ainsi que le bon or, tout de mesme l'Eglise, quand elle est brussée, ne reçoit point de detriment, ains son lustre & resplendissance s'en accroissent de plus en plus. Les Perses estimoient que quand on se brusloit volontairement, l'ame demeuroit par là repurgée de toutes ses iniquitez & méfaicts, qui se consumoient par les flammes quant & le corps: ce qui auroit peu mouuoir l'Indien Calanus, & quelques autres d'en venir là. Mais au lieu de cela nous auons le baptesme; (car Dieu ne veut pas que nous nous aduancions nosiours d'vn moment;) qui à quelque heure qu'on le reçoiue, nous laue & nettoye de tous les delicts precedents: dont quelques-vns en abulans attendoient à le receuoir le plus tard qu'ils pou-uoient; & d'autres fe baptisoient pour ceux qui estoient dessa decedez. En Ethiopie, vn qui autoit 1. Coriss, ou Empereur, en se baptisant là dessus auant que

d'estre emprisonné, demeuroit absous.

Ainsi les proprietez du feu sont en premier lieu d'esclairer & luire; & cela luy est commun auec le soleil; mais il en est par trop surmonté. En apres, d'eschauffer, digerer, & cuire; ce que ce luminaire fait aussi primitiuement, comme on peut voir en ce que la terre produit : mais pource que la chaleur naturelle ne les ameine pas pour nostre vsage du tout iusqu'au dernier & parfait degré de maturité, le feu supplée en la pluspart à ses manquemens & defauts, pour le regard de la cuisson de ce qu'on mange; car mal-ailément en pourrions-nous faire nostre profit estant crud, là où cuit au feu il est de plus facile digestion, & moins corruptible, comme ayant moins de cruditez. En apres, le feu separe les choses estranges & dissemblables; & apres auoir osté les superfluitez corrompantes; l'aqueuse humidité à sçauoir, qu'il chasse hors; & l'onctuosité oleagineuse, qu'il brusse & consume, auec les terrestreitez qui en restent, il rassemble finablement, & vnist en vn nouueau composé, les pures homogeneitez: lequel composé consiste adonc, d'ame, d'esprit, & de corps, inseparables desormais & incorruptibles: lesquels se rapportent aux trois mondes; l'ame à l'intelligible, l'esprit au celeste, & le corps à l'elementaire: mais ce n'est pas vne ame raisonnable, ou sensitiue, ny vn esprit vital tel qu'és animaux, ains substances qui leur equipollent. Cela se peut voir au verre, qui est vne image de la pierre Philosophale; dont Raymond Lulle enquis de la confection de ladite pierre, & comment on y pourroit paruenir, respondit, Ille qui sciet facere vitrum; parce que leurs manieres de proceder se ressemblent. Et telle deuoit estre ceste precieuse substance, qu'Hermolaus Barbarus en ses annotations fur Pline, & Appian en ses recherches des Antiquitez, alleguent auoir esté trouuée en vne vieille sepulture du territoire Padoüan, n'y a pas cent ans; ayant ce distique auec deux autres:

Namque elementa graui clausit digesta labore Vase sub hoc modico , maximus Olybius.

Le Romain Morienes au Roy Egyptien Calid, en son traicté de la transmutation metallique; Qui-conque aura bien seu nettoyer & blanchir l'ame, es la saire monter en hault; & aura bien gardir son corps, es ofté diceluy toute obscurité es noireeur, auec la mauuai-se odeur; elle se pourra lors remettre en son corps; es à l'heure de leur reconiontion apparossfront de grandes merueilles. Rhases encore en une sienne epistre: Ainse chaque ame se reconioint à son premier corps; laquelle en

aucune maniere ne se pourroit reunir à vn autre : & de là en auant ne se separeront iamais plus; car alors sera le corps glorifié, & reduit à incorruption, es une subtilité es lueur indicible : de sorte qu'il penetrera toutes choses pour solides qu'elles puissent estre; parce que sa nature sera telle que d'un esprit. Ce qu'il auroit emprunté d'Hermes, omnem rem solidam penetrabit. Chose admirable, que ces Philosophes Chymiques, soubs le voile & couuerture de ceste art, versant du tout autour des choses si materielles comme sont les metaux, & ce qui en depend, auecques leurs transmutations par le feu, ayent compris les plus haults secrets des intelligibles, & melme de la resurrection, où il semble que cecy veut battre; en laquelle les corps seront glorifiez, & reduits comme en vne nature spirituelle, à qui nul obstacle materiel ne sçauroit contredire, ny en empescher les actions. De cela ne s'elloigne pas fort l'Apostre en la prem.aux Corinth. 15. Le corps animal est semé, & il en ressuscitera vn spirituel; car il y en a vn animal sensuel, & vn spirituel, qui n'est pas le premier, ains l'animal sensuel; puis le spirituel vient apres. Ie sçay au reste vn artifice, auquel ie suis paruenu en diuers subiects; que bruslant vne herbe, de ses cendres le sel extrait, & semé en terre, en renaistra l'herbe semblable. Mais il faut que ce bruslement se face en vaisseau bien clos, comme nous dirons cy-apres au sel. Et cependant nous apporterons icy vn autre de nos experiments qui ne deura point estre de sagreable; de trois li-

queurs surnageances l'vne sur l'autre, sans iamais se mesler ny confondre ensemble, quelques brouillées qu'elles puissent estre, qu'elles ne retournent en leur assiette & separées; pour representer les quatre elemens en vn petit vaisseau de verre, où vn peu d'esmail noir grossierement concassé tiendra lieu de la terre au fonds. L'eau fe fera ainfi; Ayez du tartre calciné, ou des cendres grauelées, qui est prefque vne mesme chose, & laissez-les aller à l'humide, prenant la dissolution qui s'en fera la plus claire que vous pourrez; & meslez parmy vn peu de roche d'azur, pour y donner la couleur d'eau de mer. Notez icy vne maxime, & cela soit dit en passant, pour ceux qui s'exercent en la Spagirique; qu'en vne de ces resolutions à l'humide qui se font de par foy, tous sels & alums se depurent & subtilient plus que non pas en douze ou quinze dissolutions qui se feroient auec le vinaigre, & autres semblables dissoluans. Tout ce qui se dissoult au reste, est de nature de sel, & d'alun, comme dit Geber. Pour l'air, ayez de fine eau de vie, que vous teindrez en bleu celeste auec vn peu de tornesol; & pour le feu, de l'huille de been: mais pource qu'elle est plus rare, prenez de l'huille de terebenthine, qui se fera en ceste sorte: Distillez de la terebenthine commune en baing Marie: monteront ensemble l'eau & l'huille aussi blanches & transparentes l'vne que l'autre; mais l'huille surnagera à l'eau. Separez-les par vn entonnoir de verre; & teignez ceste huille

11:

en couleur de feu, auec de l'orchanette & du saphran. Les trois liqueurs iamais ne se messent, quelque demener que vous les puissiez, ains se separeront distinctement en moins de rien, en se surnageant l'vne l'autre De la terebéthine qui sera restée dans l'alembicq, s'en extraira par le sable, en cornuë, à feu plus fort que par le baing, vne huille efpoisse rouge, qui est vn tres-excellent baulme. L'ean & l'huille extraites par le baing seruent de beaucoup aussi, en plusieurs accidens de la medecine & chirurgie; mesmement l'huille blanche à faire bien tost tomber les escarres, sans douleur, ny mauuaise impression. Que si auec l'eau de ladite terebenthine vous dissoluez du sel de plomb, vous aurez vn baulme encore bien plus souuerain. Mais il faut vn peu esclarcir mieux cecy: car puis que noustraictons icy du feu, & de ses effects; qui empesche que nous ne nous estendions sur beaucoup de choses que nostre long labeur, & experience nous ont acquises? CESTE huille de plombaesté vn des plus grands secrets de Raymond Lulle, & de beaucoup d'autres excellens personnages encore, qui ont fait quasi conscience de s'en souuenir; car ce leur a esté vne entrée à des ouurages admirables. Les vns, comme Riplai, & autres, ont pris le minium du plomb; mais il est trop gommeux, & de mal-aiseeresolution, comme aussi la ceruse, & le plomb calciné: De moy, ie me suis mieux trouvé du litarge, qui n'est autre chose que plomb; car

114

d'vne liure de litarge vous en extrairez quatorze ou quinze onces de plomb: mettez-lez en pouldre, & versez dessus du vinaigre distillé bouillant, remuant fort auec vn baston; & en moins de rien le vinaigre se chargera de la dissolution du litarge. Euacuez le clair, & reiterez auec nouueau vinaigre tant que tout le litarge soit dissouls. Euaporez le vinaigre qui sera insipide comme de l'eau, tant que le sel vous demeure congelé au fonds: Ayez-en bonne quantité; & mettez-en dans vne cornuë, autant qu'elle en pourra tenir moitié pleine; & mettez-la sur le fourneau à cul descouuert, chassant à leger feu du commencement, ce qui y pourroit estre resté d'humidité estrange: Et quand les fumées blanches commencerent à apparoistre, appliquez-y vn recipient assez ample, & le luttez bien aux iointures; puis renforçant peu à peu le feu, tant qu'il vienne à estre fort grand, & sa cornuë enseuelie dans les charbons, vous verrez sortir comme vn petit torrent continué à guise d'vn filet d'huille, mais blanc comme laict, & froid comme glace, lequel se viendra dans le recipient à resoudre en vne huille de couleur de hyacinthe, & odorante comme celle d'aspic. Continuez le feu tant qu'il ne forte plus rien de la cornuë, & le laissez puis-apres r'asseoir tout le long de la nuict. Voila vostre huille tant secrette, dont ce que Raymond Lulle en a iamais dit de plus exprés, a esté vers la fin de l'epistre accurtatoire en ces termes-cy: Ex plumbo nigro ex-

trahitur oleum Philosophorum aurei coloris vel quasi: & scias quod in mundo nil secretius eo est. Ce qui sera resté en la cornuë, mettez des charbons ardents dessus, & il s'embrasera comme de l'amorce de fusil: (de là vous pouuez tirer vn beau secret; car tant qu'il ne fentira l'air, il ne s'enflammera point) & se pourra derechef dissoudre auec du vinaigre, pour en faire comme deuant. Mais ce sel de plomb dissouls en de l'eau, & mieux encore de l'huille de terebenthine, se resoudra en plus grande quantité d'huille, & s'en pourront yoir d'autres plus amples merueilles. PRENEZ ceste huille, que Raymond Lulle appelle son vin, & la mettez en vn petit alembic de verre au baing Marie, & en distillez l'eau de vie qui viendra à veines tout ainsi que celle du vin. Tirezla toute tant que les gouttes & larmes se viennent manifester enla chappe, qui est signe que ce n'est plus que phlegme ; lequel en estant dehors , au fonds vous restera vne huille precieuse, qui dissoult l'or; & est admirable és playes, & és grands accidens du dedans; car elle tient mesme lieu d'or potable, ayant le plomb vne tres-grande affinité, comme dit Geber, auec l'or; cum quo conuenit in surditate, pondere, & imputrescibilitate. Et George Riplai tres-docte Philosophe Anglois, en son liure des x 1 1. Portes:

Oleum extrahitur inde coloris aurei , Aut huic simile ,ex nostro subtili rubro plumbo ; Quod Raymundus dicebat , cùm esset senex ,

Il entend ' le Miniü. Multo magis quàm aurum esse in precio. Nam cùm propter senectutem vicinus esset morti ; -Ex eo secit aurum potabile ;

Quod illum reuinificauit, vt. videri potest :

· Hoc est illud oleum, & vegetabile menstruum, &c. Au regard de l'eau ardente qui s'en est extraite plus" inflammable que la plus fine amorce d'arquebuse, elle dissoult l'argent en subtils glaçons crystallins, qui se fondent à seu de lampe, aussi aisément que du beurre, & sont fixes comme l'argent aux mesmes espreuues du feu. Voicy au reste ce qu'en met le mesme Riplai en sa moüelle de l'Alchimie: Praparato corpore, pone desuper hanc aquam ad spissitudinem Vnius pollicis, que statim ebulliet super calces corporis absque alio igne externo, dissoluendo corpus, & eleuando illud in forma glaciei, cum ipsius aqua exsiccatione. Et sic reiteretur, amouendo quod eleuatum fuerit. Mais pour abreger, (car ceste eau de vie est en fort petite quantité, & assez mal-aisée à faire,) si vous passez deux parties d'eau de depart qui dissoult l'argent sur vne partie de sel de plomb; cela fera le mesme effect pour la transmutation des metaux; mais non pas pour le dedans du corps humain, où il ne doit estre aucunement appliqué, sinon apres de grandes dulcorations, c'està dire sur vn demy sextier de dissolution de l'eau fort, faire euaporer trois ou quatre seaux d'eau, decoulans dedans par vn filtre, à mesure que le feu l'enleue auec les esprits & malignité de ce feu contre nature, l'eau fort. Ne

117

pensez pas que ie me vueille icy tant precisément arrester ny restraindre au texte de sainct Marc, ny à ce qui depend de la religion en cest endroit; com-bien que nostre principal but tende-là; que nous ne nous vueillions eslargir par mesme moyen és ouurages & progrez de la nature, dont la clef principale est l'Alchymie, pour de là monter iusqu'à l'archetype, le Createur, par le moyen de la Cabal-le. Mais nous ne voulons pas aussi reueler icy des occasions d'abuser de ceste art divine, aux maluersations des peruers ignorans, qui pour gaigner vne piece d'argent, ne feroient dissiculté de tromper le monde d'vne forte ou d'autre; comme nous pourrions faire en leur reuelant le moyen de blanchir le cuyure à pair de l'argent, auec ces glaçons, accompagnez d'vne metalline d'or-piment, lequel ainsi iaulne-doré qu'ilest, & ses elevations rouges comme rubis, estant neantmoins broyé dans vn mortier de cuyure, & sublimé sur de l'as vstum, passe dedans le col de la cornuë blanche comme argent. Que fil est bien gouverné auecques les susdits glaçons, feroient à la verité de grandes alterations sur le cuiure, dont on pourroit bien mesuser, parquoy nous nous deporterons d'en parler plus auant. Trop bien pouuons-nous dire, que la preparation de ce corps que Riplai entend l'argent, est de le calciner, & reduire en sel; ce qui se fait en ceste sorte: mais si au dissoluant il y a de l'eau forte, il suffit de le calciner. Prenez donques des lames d'argent, de la grandeur & espoisseur d'vne realle, & les mettez dans vn creuset, ou petit pot de terre de Paris, non plombé, lict sur lict auec du sel preparé, c'està dire dissouls en de l'eau commune, puis filtré, congelé, & decrepité; & lelaissez par dix ou douze heures entre les charbons ardens (en four de reverberation vaudroit mieux:)tirez-le.du feu, & iettez-le tout chaud encore dans vne terrine plombée, pleine d'eau; le selse dissouldra dedans, & ce qui sera calciné de l'argent ira au fonds. Laissez-les bien resider, & les separez cautement par inclination: Puis remettez les lamines à recalciner auec nouueau sel, & reiterez comme dessus (faites euaporer l'eau ou le sel s'il est dissouls, & celuy qui en restera sera aussi bon qu'vn nouueau) à la trois ou quatriesme reiteration toutes vos lamines se trouueront reduites en chaulx; laquelle vous dissouldrez aisément dans du vinaigre distillé; car l'argent, le plomb, & le fer ne sont pas de difficile resolution, ny le cuiure aussi, à le prendre en roche d'azur : l'estain bien plus; & l'or plus que tout le reste, parce que la cascination en est fort mal-aisée: comme l'a sceu fort bien cognoistre Geber, difficillima Solis est calcinatio completa: il en rend les causes, Mais il y auroit trop de choses à se dilater là dessus; nous nous contenterons d'en tracer quelques ombres de ce que nostre perquisition & labeur nous en a peu par l'espace de cinquante ans acquerir de costé & d'autre; & esprouue plus que d'vne fois,

pour n'en parler à la volée. Tous lesquels secrets se reuelent, comme a esté dit, par le feu. Et non de merueilles, puis qu'il descouure analogiquement les spirituelles. Tum'as essayé par le seu, es en moy ne Psau. 16. sest point trouné d'iniquité; dit le Prophete : là où voyez comme il accouple le feu auec les iniquitez, comme si c'estoit luy qui les reuelast, aussi bien qu'il fait les impuritez des metaux; où il fait la mesme operation & esset, que le sel és choses corruptibles. Car bien que les metaux soient la plus permanente substance de toutes autres, à cause de leur tres-forte composition, qui ne les permet pas aisement deiecter hors de leur forme radicale, quelque alteration qu'on leur puisse faire endurer, en pouldre, chaulx, sel, eau, huille, verre, glaçons, liqueurs, & infinies autres: ce qui n'aduient à pas vn des autres composez elementaires, mineraux, vegetaux, animaux; lesquels estans vne fois alterez de leur forme primitiue, ne s'y peuuent puis-apres reintegrer ny remettre. Au moyen dequoy, parler du feu sans les metaux, qui en sont le vray subiect; ce seroit ainsi que se proposer vn ouurier garny de ses instrumens & outils, mais qui n'auroit point d'estosses propres pour les employer, si qu'ils luy demourroient inutiles. Es metaux donques se peuuent reueler & considerer les plus beaux secrets de nature, moyennant les actions du feu. Que sien aucunes choses plus particulierement qu'en d'autrès, elle a monstré de vouloir f'esbatre, voire de

mettre en euidence son plus grand sçauoir; il semble que ce ait esté és pierreries, & és metaux, dont rien ne se peut presenter de plus beau, & plus agreable à la veuë; ny de plus vtile & necessaire, au moins pour le regard du fer, duquel mal-aissement se pourroit passer la vie sumaine, tant elle en reçoit de commoditez & vsages. Mais les pierreries, outre le simple contentement & plaisir de l'œil, n'ont rien dequoy on sceust tirer vtilité & secours en pas vn seul de nos besoins. Et si vne foiselles sont priuées de leur luisante naturelle forme, elles n'y retournent iamais plus, comme font les metaux; tant est puissant & indissoluble le premier affemblement de leurs parties elementaires, & le mélange des vnes aux autres. Parquoy il ne se faut pas esmerueiller si tant de bons esprits se sont de tout temps trauaillez à mediter sur ce subject, & leurs diuerses transmutations; y ayans esté plus tost attirez des belles considerations qu'ils y trouvoient estre pour le contentement de leur esprit, que non pas d'vne sordide & tacquine conuoitise de gaing, qui y a fait aheurter les ignorans, lesquels ont ainsi descrié ceste diuine art, sœur germaine de la Caballe: car ce que la Caballe est és choses diuines & intelligibles, és plus profonds secrets desquelles elle penetre, l'Alchimie l'est és naturelles & elementaires qu'elle nous reuele: Compositionem enim rei (dit Geber) aliquis scire non poterit, qui destructionemillius ignorauerit: laquelle destruction se parfait parles separations que cause le feu.

LA NATURE donques prend vn fort grand soing & plaisir à elaborer les metaux, & y met vne bien grande longueur de temps pour les conduire à leur dernier degré deperfection, qui s'arreste en l'or, la plus parfaicte & incorruptible substance de toutes autres, & la plus homœomere & egalle en toutes ses parties; dont il est pris pour la iustice diftributiue : car meslez vne partie d'or auec trois ou quatre cens d'argent, ou de cuiure, les laissant fondus ensemble iouer tant soit peu dans vn creuset, chaque portion pour petite qu'elle puisse estre, de l'argent ou cuiure, aura sucé sa part egalle & portion de l'or. Il est outreplus si exactement depuré, qu'il ne se peut nullement alterer ny corrompre par quelque chose que ce soit, ny en la terre, ny en l'eau, en l'air ny au feu, ny par quelque corrosif ou venin qui sy puisse appliquer: Non enim à camento pombeus. corrumpitur; nec d re qualibet comburente comburitur; nec ab aqua colorificante viridi, nec dividente mortificatur, vel deuoratur; nihil enim in eo superfluum est vel diminutum. Il y a sept corps metalliques, dit Hermes, dont le plus digne & principal est l'or attribué au soleil, dont il a le nom; car le mesme qu'est le soleil enuers les estoilles, l'or l'est enuers tous corps elementaires; que chose aucune pour bruslante qu'elle puisse estre, ne peut brusser; la terre ne le peut corrompre, ny l'eau ternir ny alterer, pource que sa complexion est temperée en chaleur, humidité, froideur, secheresse; & n'y a en luy

rien de superflu ny diminué. Au moyen dequoy ie trouue que ceux sont bien loing de leur compte, qui pour se garder d'estre empoisonnez se veulent seruir de vaisseaux d'or au boire & manger; car l'or ne se soucie non plus de toutes poisons & venins, qu'il feroit d'vn brouet de chappon; si font bien l'argent, l'estain, cuyure, plomb, & fer, qui s'y altereroient tout incontinent: Tout ainsi que quelque personne craintiue & de peu d'effort, qui au rencontre de quelque serpent, ou autre beste venimeuse passiroit soudain, & viendroite à changer de couleur. Le soing, la curiosité, & trauail assidu d'infinis beaux & meditatifs esprits par l'espace de quatre ou cinq mille ans ont trouué és metaux des secrets sans nombre; & neantmoins n'ont sceu si bien faire, qu'ils n'en ayent trop plus laissé à enquerir & rechercher, combien qu'il n'y en ait que sept en tout, y compris l'argent-vif coulant. En quoy vient à s'esmerueiller, que la nature si copieuse & abondante en toutes ses procreations, qui sont si diuerses, se soit voulu contenter en cest endroit d'vn si petit nombre. Les metaux donques estans tels, dont le regime depend du feu, qui est l'vn des plus propres symboles visibles pour representer les plus cachez secrets & mysteres de la Diuinité, inuifible & imperceptible à nos sentiments; les Prophetes aussi s'en sont voulus seruir en la plus grand' part de leurs paraboles & similitudes, enigmes, allegories, & figures, où ils ont couvert & enuelopé

ce qu'ils ne vouloient pas manifester si apertement; car fort peu souuent ils se sont expliquez, comme fait Isaïe au cinquiesme, où il interprete que la vigne du Seigneur des armées, dont il auoit là amené la parabole, estoit le peuple d'Israel; & les hommes de Iudah sa plante delectable. Et en vn autre endroit; Aqua multa, gentes multa sunt. Plus Ezcchiel au 23. ayant parlé de deux sœurs, Oholla, & Osoliba; il met que celle-là estoit Samarie; & cestecy, Ierufalem. Dieu par la bouche de Moyse au 28. du Leuitique, & au 28. de Deuter. menaçant les Israëlites, dit fils viennent à le mescognoistre, & ne gardent bien ses commandemens, qu'il feroit aussi que le ciel sur leur teste seroit d'airain, & la terre soubs eux de fer; qui sont les deux metaux les plus terrestres, & les plus durs & rebelles à se fondre,& à manier ; les opposant à la dureté de ce peuple, comme il est là dit; Ie briseray l'orgueil de vostre dureté; & vous rendray le ciel sur vous comme de fer; & la terre comme d'airain. Vojtre labeur inutilement se consumera; vostre terre ne donnera point de germe, de vos arbres ne rapporteront aucun fruict. Car les metaux ne produisent rien, ains sont steriles. Les Poëtes de leur costé en ont vsé en plusieurs sortes de metaphores & figures, comme au 6. de l'Eneide, ferrea vox, pour vne voix forte & resonnante. Et Hesiode appelle le chien infernal, Cerberus, χαλχείφωνος, voix-d'airain, pource que c'est le plus resonnant metal. Vox eius sicut aris sonabit, en Ieremie 16. &

Origene sur le 25. d'Exode; l'airain se prend pour la voix forre & esclatante, à cause de son resonnement. 1. Cor.13. Quand bien ie parlerois le langage des Anges, non que des hommes, si ie n'ay point de Charité en moy, ie suis comme l'airain sonnant, ou vne clochette qui tinte. Pindare a approprié au ciel l'Epithete de zanses segros, le ciel d'airain, en la 10. des Pythiennes, à cause de la ferme solidité du firmament, que le mot emporte. Et Homere de mesme au troissesme de l'Odyssée l'appelle maya xus; comme Euripide & Anaxagore font le soleil, vn fer embrasé; car les Poetes Grecs mettent ordinairement le fer & l'airain l'yn pour l'autre; mesmement Homere en infinis lieux; comme au 4. de l'Iliade, où Apollon pour encourager les Troyens, leur remonstre que les Grecs n'ont pas les corps impenetrables, de pierre ny de fer, qu'ils puissent resister aux coups de l'airain trenchant lans les entamer. Ce sont manieres de parler, dont ne se sont pas non plus estrangez les Prophetes qui en ont figuré la plus part de leurs solutions, soubs lesquelles estoient quelques mysteres adombrez. Que si on les vouloit prendre du tout cruement à la lettre, sans allegoriser dessus, on se trouueroit bien loing de son compte, comme dit fort bien le martyre Pamphile en la defense d'Origene, parlant de ceux qui pour fuir les allegories, estoient contraints de faheurter à de lourdes impertinences. Ils le cuident de ceste sorte, dit-il, pource qu'ils ne veulent point admettre d'allegories en l'Escriture saincle: au moyen

dequoy s'assubiectissans au sens literal, ils s'imaginent & inuentent de belles fables & fictions. Et de fait, comment pourroit-on prendre à la lettre cecy du 33. de Deuter. parlant d'Aser? Ferrum, & as calceamentum eius: Car il ne veut pas dire qu'Aser se chaussast de fer, & d'airain; ains ne veut par là entendre que sa force & puissance, denotée tant par ces deux metaux, que par le soullier. In Idumaam extendam calceamentum Pseau. 59? meum: mihi alienigena subditi sunt. Tout cela sont sigures & allegories; comme encores au 60. d'Isaïe; Pour du cuiure ie t'apporte de l'or: & au lieu du fer de l'argent : pour du bois du cuiure ; & pour des pierres du fer. Voyez comment le Prophete obserue bien les relations, opposant le cuiure à l'or, & le fer à l'argent; & derechef le cuiure au bois, & le fer aux pierres. Car tout ainsi que l'or excelle l'argent, & les arbres les pierres; de mesme en l'ordre metallique le cuiure est plus precieux que le fer. Mais tout ne tend qu'à denoter la celeste lerusalem mystique, qui est l'Église triomphante, trop plus excellente que la Synagogue Iudaïque, qui n'en estoit que la figure. Et certes qui y voudra de presprendre garde, les Prophetes n'ont iamais parlé improprement de rien quelconque, iusqu'aux moindres mestiers & arts mechaniques; car en leurs rauissemens ils voyoient les choses en leur réel estre dedans le Zipheret ou soleil supraceleste, qui est le clair miroir luisant, viue source de toutes les idées, comme les idées le sont des formes. Cela est au reste bien à

remarquer pour le regard des metaux, qu'ils associent communément le fer, & le cuiure pour l'affiterem.15. nité qui y est. Nunquid fæderabitur ferrum ferro ab Aquilone, & as? Car le fer se transmuë aisément en cuiure, par le moyen du vitriol; les mettant lict sur lict en vn descensoire, à vn fort seu de soufflets, tant que le fer coulle & se fonde en cuiure; les ayant premierement arrousez d'vn peu de vinaigre, où soient dissouls du sel nitre, ou du salpetre, du fel alcali, & fel de tartre, auec du vert de gris. Autrement; mettez du vitriol en pouldre, & en distillez l'eau en cornuë, ce qui restera calciné au fonds, empastez-le auec son eau; & y esteignez des lamines ou limaille de fer rougies au feu; vous les trouuerez peu à peu se reduire en cuiure. Autrement encore: Dissoluez du vitriol en de l'eau commune: euaporez l'eau, & calcinez la congelation qui sera restée au fonds. Dissoluez-la en de semblable eau, elle deuiendra verte; euaporez-en vne partie, & mettez le reste à la caue par vne nuict, & vous aurez des glaçons verts. Rougissez-les au feu, puis les dissoluez trois ou quatre fois en du vinaigre distillé, les dessechant à chaque fois, & ces glaçons deuiendront rouges. Dissoluez-les derechef au mesmevinaigre, & esteignez dedans des lames, ou autre ferraillerie comme dessus. Bref, que par le moyen du vitriol le fer se conuertist en cuiure, comme on peut voir en des caniuets abbreuuez d'ancre, qui est faite de couperose ou vitriol. Ces

glaçons icy sont vne entrée d'vn plus hault ouurage, & de beaucoup de choses pour la chirurgie & medicaments. Mais toutes ces practiques, me pourrez-vous dire, sont longues & penibles, & plustost de fraiz que de gaing & profit. Aussi nostre intention n'est pas icy de tendre au gaing; ce liure n'est pas de pane lucrando, ains de penetrer dedans les secrets de nature, pour de là monter, & esleuer son esprit aux choses spirituelles, à quoy les sensibles seruent comme d'vn escallier, ou de l'eschelle de Iacob. Et n'y a gueres de plus belles considerations & remarques qu'au feu, & és transmutations metalliques. Le cuiure se transmuë d'autre-part en acier, fil est vray ce qu'en cottent quelques Rabins sur le passage cy-dessus allegué du 15. de Ieremie, ferrum, et as. Vocat, disent-ils, Propheta ferrum ari admixtum, chalybem. Ce qui monstre, (car il ne faut rien dedaigner d'eux) que l'acier damasquin estoit composé de fer & de cuiure; du fer à sçauoir à demy couuert en cuiure, & ramolly pour le rafermir d'auantage, par le moyen du plomb; dont voicy ce qu'en met Abuhali au liure de la nature des choles: Faites vne petite fosse longuette dedans vne barre de fer, es y ietteZ du plomb fondu : puis le faites euaporer à fort feu comme de couppelle. Remettez-y de nouveau plomb par quatre ou cinq fois, & le fer sen ramollira; que vous pourrez puis-apres rendurcir, l'esteignant dans de l'eau de forge, pour en faire des lancettes, & autres subtils ferremens incisifs, voire qui couperont l'autre fer

sans s'esclutter ny reboucher. Et de fait, on a trouué par experience, que pour bien tremper vn harnois encontre les coups d'arquebuse, on l'addoucist premierement auce des huilles & des gommes, de la cire, & semblables choses inceratiues; & puis on le rendurcist par de frequentes extinctions en des eaux qui le resserrent. Jean le Grammairien expofant ce passage d'Hestode,

X dynu of eight look, ployes of the endropes.

Ils besongnoient d'airain, le fer n'estant cogneu; s'esforce de referer ce mot de nances au peuple des Chalybes en la Scythie, qui trouverent premierement, ce dit-il, l'vlage du fer & acier. Le Poëte Lucrece au cinquies me liure a imité en cest endroit Hesiode;

Arma antiqua manus, Ingues, dentéque fueçe, Et lapides , & item [yluarum fragminarami; Et flamma, atque ignes, postquam sunt agnit a primum. Posterius ferri Vis est , ars sque reperta;

Sed prior eris erat, quàm ferri cognitus vsus.
L'ACIER au reste se fait de ser le plus depuré & subtilié, si qu'il participe moins de la terrestreité que le ser: l'artifice en est assez cogneu & commun es sorges. Mais pour paruenir à celuy de Damas, il le faut premierement raddoucir de sa par trop esclatante aigreur; & apres l'auoir reduit en limaille, le rougir dedans vn creuset, & l'esteindre par plusieurs sois dans de l'huille d'olif, où aura aussi esté plusieurs sois esteint du plomb sondu; couurant le vaisseau soudean, de peur que l'huille ne s'enssame

me. Il y a d'autres observations & secrets encore, que nostre intention n'est pas de reueler tous; il

suffit d'en auoir atteint les maximes.

OR tout ainsi qu'il y a vne telle affinité entre le fer & le cuiure, qu'ils se conuertissent aisément l'vn en l'autre; de mesme aussi font le plomb, & l'estain par le moyen du sel armoniac, & de certaines pouldres inceratiues, de borax, salpetre, sel de tartre, sel alcali, & autres semblables qu'on appelle les Atincars; Panthée en sa Voarchadumie, oleum vitri. L'argent-vif aussi se transmue en plomb, ou estain, selon qu'il est congelé à la vapeur imperceptible de l'vn ou de l'autre en ceste sorte. Fondez du plomb ou estain en vn creuset; puis les laissez vn peu refroidir tant qu'ils soient pris, mais chauds encore; & auec vn baston de torche, ou autre semblable, faites-y vne fosse, en laquelle vous verserez de l'argent-vif, qui se congellera soudain, mais broyable en pouldre. Reiterez cela deux ou trois fois, & le faites puis-apres descuire en du ius de mercurialle, & il se conuertira au metal, à l'odeur duquel il aura esté congelé. Il y a de la perte encore, & non petite, mais pour le moins se voit par là vne possibilité des transmutations des metaux. En cest endroit outre-plus du plomb & estain se presente vne fort belle consideration, assez mal-aisée à comprendre, & qui merite que la cause en soit recherchée. On voit par experience que ces deux metaux chacun à par-soy sont fort mols, & d'vne tendre

fusion, neantmoins estans meslez ils se rendurcissent, & deuiennent plus fermes & solides: dont voicy ce que Auerrois en met au liure des Vapeurs: Ce qui consolide & affermist l'estain est le plomb; & au reciproque l'estain le plomb : car comme la Viscosité gluante qui lie. leurs parties doine consister d'humide & de sec; cela fait qu'il n'y a point de conglutination de l'estain auec l'estain : parquoy on y mesle du plomb , qui est plus humide ; & auec le plomb de l'estain, qui est plus sec. Tellement que les deux meslez ensemble se fortifient l'un l'autre mieux qu'estans separez; & de leur messange vient à se procréer vne viscosité gluante, qui leur cause plus de dureté qu'ils n'auoient , & les lie plus fermement ; tout ainsi que le sable 😙 la chaulx en la composition du mortier. Ce que confirme aussi Albert, liure 4. chapitre 5. de ses mineraux. Mais nous remettrons toutes ces particularitez metalliques, & leurs diuerses transmutations, à nostre traicté de l'Or, & du Verre, sur le 28. dé Iob; où foubs l'or nous comprendrons tout ce qui dependra des metaux; & soubs le verre les pierreries tant naturelles qu'artificielles; & toutes les vitrifications & esmaux. Icy nous n'en prendrons que ce qui duira à nostre subiect, qui est de traicter les choses intelligibles par les sensibles, à l'imitation des Prophetes; & mesmement les metaux, & le feu, dont l'operation se fait mieux cognoistre és metaux qu'en nuls des composez elementaires. Les Prophetes donques ont mis le fer & l'airain pour vne ferme refistance. Nec fortitudo lapidum for-

titudo mea; nec caro mea anea est, Iob 6. & au Picau. 17. Posuisti in arcum areum brachiamea. Plus en Michée 4. Cornu tuum ponam ferreum; & vngulas tuas ponam areas. Quant au fer, pour vne dure & rigoureuse oppression, selon qu'il est dur & inflexible de sa nature, & qui suppedite presque tout: Reges eos in virga ferrea; Pleaume 2. plus au 4. de Deuter. Eduxi te de fornace ferrea Ægypti; là où le fer denote la seruitude en quoy ils estoient pour l'oppression de leurs personnes; & la fournaise de seu celle de leurs ames & consciences, constituées parmy tant d'idolatries & impietez; qui leur deuoit estre vne seruitude plus intolerable que tous les trauaux & affli-Etions, ny tous les plus cruels & impitoyables traictemens de leur corps, d'autant que l'ame le precelle, pour le zele qu'ils portoient à leur Dieu. De la mesme locution fest seruy l'Ecclesiastique au 28. parlant de la mauuaise langue: Bien-heureux est celuy qui se peut garentir de la langue mesdisante ; car son ioug est vn ioug de fer; & son lien vn lien d'airain. Mais pour l'affliction & angoisse, tout apertement au Pseaume 104. Ferrum pertranssuit animum eius, (parlant de Ioseph prisonnier en Egypte) dones veniret verbum eius. Bref, qu'il n'y a point de locutions sigurées plus frequentes dans les Prophetes, que celles qui sont tirées des metaux, & du feu: lequel pour raison de ses proprietez & esfects, comme ce soit l'vne des plus commodes & necessaires choses de toutes autres, selon qu'il a esté dit cy-dessus; car

il cuist nos viandes, nous reschauffe & rauigore contre les froidures, nous luit & esclaire en tenebres au lieu de la clarté du soleil; & autres infinis vsages, mesmement pour l'execution des arts& mestiers: nous pouvons d'ailleurs dire que sans le fer, le feu nous seroit presque inutile pour ce regard; car Platon n'exempte vne seule art du fer, fors la potterie d'argille, au troissesme des Loix; où il trai-Ete fort excellemment de la vie des premiers hommes; & combien le fer & le cuiure leur auoient apporté de commoditez pour se ciuiliser & polir à vne vie plus humaine. Si que non sans cause ces pauures bestiaux sauuages des Indes Occidentales, l'esbahissoient en leur grossier entendement, comme ces gens de par deça, si aduisez & industrieux, pour vn peu d'or & d'argent inutiles à tous vsages, leur offroient ainsi liberallement des haches, scies, coignées, & autres telles ferrailleries commodes à tant d'ouurages, & qui leur pouuoient ainsi abregerce qu'ils auoient tant de peine à ne parfaire qu'à demy, auec le feu, qui seul leur estoit pour tous instrumens & outils, auec quelques meschans cailloux poinctus. Mais on pourroit aussi alleguer-à l'encontre les incommoditez & dommages que le fer apporte; car d'iceluy sont forgées toutes les armes offensiues dont les hommes s'abregent leurs iours par leurs reciproques massacres; si que c'est le vray ministre de Mars, exterminateur & ruine du genre humain, comme le qualifie Iupiter au s. de l'Iliade:

אף בה , אף בה , אפשל אסוצי , וומן ספים , דבוצבסו אחום; Mars, Mars, la peste & ruine des hommes, contaminé de meurtres, renuerseur de murailles. Ce qu'il ne pourroit faire, à tout le moins que mal-ailement, sans le moyen & aide du fer; aussi luy donne-l'on le nom de Mars. Mais voyons vn peu la belle allegorie qui se couure soubs la fiction de Venus, Vulcain, & Mars. Venus sans doute est le genre humain, qui se continuë par vne venerienne propagation de lignée. Vulcain son legitime espoux est le feu, qui luy apporte par vne amour coniugale toutes, ou la plus grand' part de ses commoditez necessaires, par le moyen de Mars le fer. Mais pource que c'est son adultere, il extermine aussi la plus grand' part de ce qu'elle procrée; & son mary maintient le fer à double vsage, bon & mauuais. Il ne faut pas mesurer au reste les ouurages du Createur par leurs incommoditez ou commoditez apparentes, Vidit namque Deus cuncta qua fecerat; & erant valde bona; car cela va selon que ses creatures l'appliquent. Y a-il rien de plus beau, plus plaisant, & plus delectable à la veuë qu'vne claire flamme luisante? rien qui regaillardisse plus que sa lumiere? qui nous reconforte & foullage plus que sa chaleur? & rien d'autre-part de plus nuisible & dommageable, ny plus dangereux que le feu, qui brusle & consume tout ce où il fattache? Vn Satyre la premiere fois qu'il le vit, s'en resiouit estrangement pour le voir si beau & lucide; mais s'en estant cuidé approcher de plus pres Rij

ainsi offense auec vne extreme douleur, il ne fut iamais depuis plus possible de l'en faire accoster. Le mesme pourroit-on aussi dire du fer, que Pline Liure 34. chap.14. appelle, optimum vita, pessimumque instrumentum; car nous en labourons, ce dit-il, la terre, antons les arbres, taillons les vignes; auec autres infinies commoditez & vsages; mesmement pour edifier des maisons à nous mettre à couvert, & en seureté. Mais d'autre-part, nous ne l'employons pas moins, si plus non, en nos mutuels assassinats & massacres, pour nous abreger nostre vie, comme s'il nous ennuyoit de l'auoir si longue; & toutesfois elle est si courte sans les inconueniens qui l'abregent; & faisons du fer le plus pernicieux ministre & instrument de tous autres. A propos dequoy dit fort bien Isidore; Vnde pridem tellus tractabatur, inde modò cruor effunditur. Ce qui provient plustost de nostre malice & deprauation, que de la faute de ceste inanimée insensible substance; laquelle ne se meut ny à bien ny à mal que par nous. Et neantmoins, dit le mesme Pline, il semble que la nature ne l'en ait pas voulu du tout excuser, ains l'en punir aucunement, le rendant ainsi subiect à la rouille plus que nul autre de ses confreres; & mesmement par le

moyen du sang humain, qu'il est si apte de respandre. Obstitit eadem naturæ benignitas exigentis à ferro ipso pænas rubigine , à quo sanguis humanus se vlciscitur; contactum namque eo celerius subinde rubiginem trahit.

Et de fait, il n'y a rien qui face plustost rouiller le fer que le sang humain. Mais ceste rouille, puis que nous y sommes tombezicy à propos, n'est pas inutile du tout, ains tres-salutaire à beaucoup de bons effects, tant dedans le corps que dehors; outre ce qu'il s'en fait des teintures; parquoy il n'y aura point de mal d'en toucher en cest endroit quelque chose; & en reueler ce que l'experience nous en a manifesté de plus rare, & plus important; mais cela se manie en diuerses sortes. Prenez donques de la limaille de fer bien nette, & l'arrousez d'vn peu de vinaigre distillé, la laissant ainsi à la caue par deux ou troisiours, ou autre lieu fraiz & humide; & elle se conuertira toute en rouille, que vous broyerez bien subtilement dedans vn mortier de fer, ou de pierre. Mettez-la en vn petit pot, & versez dessus. du vinaigre distillé bouillant, les remuant bien fort auec vn baston, ou verge de fer, & le vinaigre se chargera de la dissolution de la rouille. Versez-la par inclination, & y remettez d'autre vinaigre, reiterant cela tant que toute l'aluminosité & teinture du fer soit dissoulte, & que rien n'en reste que des terres noires & mortes, que vous ietterez. Faites euaporer le vinaigre fort doucement, & il vous restera vne pouldre de couleur canellée, que les Chymiques appellent crocum ferri, saffran de fer, lequel se fait aussi mettant des menuës ferrailleries à calciner au four des verriers, par trois sepmaines ou vn mois: & ils se reduiront en pouldre deliée & impalpable

comme farine, rouge comme fang; maiselle ne se dissoult pas mesme dans les eaux forts. Il n'y a boli armeni, ne terre sigillée qui s'y puissent accomparer, à qui en sçaura bien practiquer les proprietez & effects consemblables. Au regard de la precedente, ayez du phlegme d'eau de vie, & en faites là dessus tout de mesme que vous auez fait auec le vinaigre distillé sur la rouille; il sen dissoudra plus de la moitié. Retirez vostre phlegme par vne legere distillation; & sur la gomme qui en restera congelée, iettez de fine eau de vie, remuant fort auec vn baston sur des cendres tiedes; car il ne la faut pas tant chauffer que le vinaigre, & le phlegme : & quand l'eau de vie sera bien chargée de sa dissolution, retirez-la par vne lente distillation en baing Marie en vn alembicq; car elle vous seruira derechef comme auparauant: Et si elle est fort propre aux dysenteries & flux de ventre, & aux estiomenes & gangrenes des coups d'arquebuses; comme aussi est de fort grande essicace le second crocum tiré par le phlegme; & plus encore ce troissesme par l'eau de vie, qui restera en pouldre iaulne, la vraye essence du fer, qu'on a cherchée iusqu'en son centre. Mais en toutes les dissolutions prenez garde de les laisser bien reposer, & n'en receuoir iamais que le clair, pur & net, sans aucunes feces ne residences; plustost mettez-les par vne heure en vn bain tiede pour les clarifier. Le vinaigre au reste & le phlegme le pequent filtrer; l'eau de vie non, à cause de son onctuofité,

onctuosité, qui la rend plus mal-aisée à se separer de ses residences; parquoy il faut attendre qu'elle fesclarciffe.

VOILA les trois terres, & les trois diffoluans, Reymond procedans les vnes & les autres du vegetal, à sçauoir codicille. le vin, la plus excellente substance de toutes les vegetales, que le philosophe Callisthenes appelloit le sang de la terre. O R pour l'affinité qui est entre le fer, & le cuyure, nous poursuyurons icy tout d'vn train quelques experiments procedans dudit cuyure. Prenez, pour abreger d'autant, de la roche d'azur, qui est vne miniere de cuyure, dont elle vous rendra plus de douze onces de net & liquide pour liure. Mais nous serons contraints icy de faire vne petite digression pour seruir d'aduertissement: Es dissolutions metalliques (& cela soit vne maxime) on doit plustost prendre les minieres cruës, & venans de la terre, que non pas les metaux accomplis; & ce pour trois raisons: La premiere, que cela vous excuse du labeur & longueur de temps de les calciner pour les rendre dissolubles: La seconde, qu'en vne dissolution de miniere vous vous trouuerez plus de sel, & l'extrairez plus aisément que non pas en six d'vne chaulx d'iceux. Et la tierce, pource que les esprits du metal ne sont pas si auant encore emprisonnez dedans leur masse corporelle, ains comme en la superfice dans ceste miniere, & en trop plus grande abondance; là où quand elle a. passé par la rigueur & aspreté du feu, pour en sepa-,

rer le metal, la pluspart de ses esprits se dissipent; & le reste se submerge & rembarre au profond du corps, dont il est plus difficile de l'arracher: De façon que puis-apres l'huille est plus mal-aisée à extraire du lel de la dissolution des chaulx, que de celuy qui aura esté tiré des minieres. Prenez donc de ceste roche d'azur pour le plus court; ou si vous n'en auez, de l'as vstum, que nous faisons, couppellans du cuyure auec trois parties de plomb; (le verd de gris est trop gommeux, & mal-aisé) ou faifans seurir de la limaille de cuyure, tout ainsi que nous auons cy-dessus dit du fer, y adioustant vn peu d'eau fort. Vuidez le clair, qui sera verd comme esmeraude; & poursuiuez en tout & par tout comme du fer, tant que le sel ou gomme vous demeure au fonds congelée, propre à des vlceres cauerneux, & plusieurs autres effects de la chirurgie. Vous pourrez encor gouverner ceste gomme, auec le phlegme, & eau de vie, comme vous auez fait le fer; & de la premiere gomme mesme extraite par le vinaigre, en tirer vne huille, ainsi qu'il a esté dit du plomb. Au regard des terres qui seront restées de la dissolution de l'eau de vie, sans plus s'y vouloir dissoudre, ny rien y laisser de teinture, non pas sen dissoindre que mal-aisément; ny l'eau de vie se clarifier, ains demeurent empastées ensemble, comme du laict auec de la farine; car elles feront blanches, apres les auoir bien dessechées au soleil, ou deuant vn feu lent; mettez-en sur vne lamine de

fer ou de cuyure chauffée; & si elles ne fument point, c'est signe qu'elles sont du tout priuées de leurs esprits: Toutesfois mettez-les en vne cornuë à cul nud entre les charbons, & acheuez de dessecher; puis sur la fin donnez feu de calcination. lettez de l'eau de vie dessus, pour en dissouldre ce qu'elle pourra, & euacuant la dissolution, acheuez de dessecher l'humidité qui y pourroit estre restée, donnant derecheffeu de calcination à la fin; & remettant de l'eau de vie dessus pour acheuer d'en extraire tout le sel qui y pourroit estre: ce qui se parfera à la trois ou quatriesme reiteration. le vous ay mis en vne addresse à de grands effects, où ie ne pretends pas de vous mener par la main d'auantage, pour ne faire tort aux bons & curieux esprits, qui par leurs longs labeurs & perquisitions se seroient trauaillez d'obtenir ce que les autres auroient eu à trop bon marché: & aussi à ce que nous reservons pour nostre traicté de l'or & du verre, où nous esclarcirons ce qui aura esté laissé icy imparfait, ne l'ayant atteint que du bout des levres : parquoy nous n'en prendrons que ce qui sera necessaire pour esclarcir ce que les Prophetes en ont touché en leurs paraboles & similitudes. En premier lieu des deux parfaits, l'or & l'argent, où ils ont le plus insisté en la bonne part; car les imparfaits, estain, cuyure, & fer, ils les ont ordinairement appliquez à la mauuaise, pour les vices & deprauations, contumaces & duretez; & le plomb pour les vexations

& molestes: l'or pour la droicte creance, foy, pieté & religion; & en somme tout ce qui concerne l'honneur & seruice diuin : l'argent, pour les bonnes charitables œuures de misericorde, deues à l'endroit de nostre prochain. Tellement que ces deux metaux representent les deux tables du decalogue: Et ne seroit pas hors de propos d'en faire vn parement d'autel; la premiere d'or, contenant quatre preceptes, en lettres azurées qui denoteroient le ciel; & l'autre d'argent en lettres vertes denotans la terre. Origene Homelie 2. sur ce texte du premier des Cantiques ; Muranulas aureas faciemus tibi , cum clauis argenteis, triomphe d'allegoriser. L'espece de l'or, ce dit-il, tient la figure de la nature inuisible & incorporelle, (& ce pour estre ainsi d'vne substance si homogenée & subtile, que rien ne se peutestendre plus delié) & l'argent represente la vertu du Verbe, suyuant ce que le Seigneur dit au 2. d'Osée ; Ie vous ay donné de l'or & de l'argent, & vous en auez fait des idoles de Baal. Mais nous faisons des idoles de l'or & argent de la saincle Escriture, quand nous destournons le sens d'icelle à quelque interpretation peruertie; ou que nous y voulons pindariser par des elegances, comme si la verité consistoit en ces fleurs vaines de Rhetorique : Car en ce faisant nous ouurons nostre bouche, ainsi que si nous en voulions engloutir & humer le ciel, pendant que nostre langue le che la terre. Demesme que si le Prophete vouloit dire; Ie vous ay donné & sens & raison par où vous me deussiez recognoistre pour vostre Dieu, & me reuerer; mais vous les

auez destournez à en adorer des idoles : par le sens estans

designées les interieures cogitations qui les represente; & par la raison qui est le 26,295, la parole; car il signifie l'un & l'autre, que l'argent denote; Eloquia Domini, eloquia peau.t. casta, argentum igne probatum: si qu'on prend l'argent brasé au feu pour la langue du iuste; Nonne sunt verba Ierem. 23? mea sicut ignis? Mais les Cherubins sont dits estre d'or, pource qu'on les interprete pour la plenitude de la science diuine : Et le tabernacle de l'alliance d'or aussi, à cause de ce qu'il portoit le type & image de la loy de nature, où consistoit l'or de science. Tellement que l'or est referé à la conception de pensée; & l'argent à la parole; selon que l'a touché le Sage és Prouerbes 25. Sicut mala aurea cum retibus argenteis; ita qui loquitur verbum in tempore suo. Iufqu'icy Origene: mais voulons-nous ouir ce que met le Zohar, où Origene a pesché la plus part de fes plus belles & profondes meditations & allegories, à propos de ces pommes d'or enchassées dans des rets d'argent? L'or d'enhault est l'or sagur, ou enclos & enueloppé: celuy d'embas est plus exposé à nos sentimens. (Rien ne sçauroit mieux conuenir au Messihe qui est le vray or pur d'Euilah, mentionné en Gen. 2. Celuy qui est renclos dans de l'argent; sa diuinité à sçauoir renfermée dans l'humanité.) Au tabernacle (poursuit le Zohar) estoient meslez l'or & l'argent, pour assembler le diuin mystere d'enhault en un subiect, où la souveraine perfection fust trouvée : mais les Cherubins estoient tous d'or, denotans la nature Angelique, qui ne participe d'aucune corporeité; sans rien d'ar-

Г/сан.88. Isaie 16.

gent ny de cuyure meslé parmy. L'or dans l'argent denote la misericorde, pour laquelle tout cest Vniuers sut basty (mundus misericordia adificabitur) & sur qui est estably le thrône de Dieu; (Preparabitur in misericordia solium eius.) Mais la riqueur du ingement est designée par le cuyure, qui approche en couleur du sang; sans l'effusion aussi duquel ne se fait point de remission. Et t'est pour quoy il fut ordonné à Moyse, d'endresser vn serpent au desert, pour guerir ceux qui estans mords de la vermine ietteroient leur veuë dessus. L'or au reste, l'argent, & le cuyure sont les trois metaux qui l'allient ensemble, pour faire le thasmal ou electre d'Ezechiel. Et y a vne belle meditation sur les trois couleurs dont ils sont. Le blanc de l'argent, qui represente l'eau, est la misericorde, designée par la particule Iah, assignée au Pere, que l'Apostre aux Rom. 3. appelle le pere des misericordes. Le cuyure qui en sa rougeur imite le feu, c'est la rigueur & seuerité de Iustice, que les Hebrieux appellent Din, attribuée au sainct Ésprit; 5. Luc 12. contre lequel si aucun blaspheme, il ne luy sera pardonné en ce monde icy, ny en l'autre. Le troisiesme au milieu des deux, est la citrinité de l'or, composée de blanc & de rouge, comme on peut voir au saffran, au sang, vermeillon, & autres semblables destrempez en de l'eau, qui est blanche, car de là se procréera vniaulne doré. Citrinitas enim nil

aliud est (dit Geber) quam determinata albi & rubei proportio. Et est ceste citrinité dorée attribuée au Fils, qui participe de misericorde & iustice; suyuant ce

qui en est dit au 16. de l'Ecclesiastique, Q uoniam misericordia & ira est cum illo. Mais le letton qui en son exterieur a quelque ressemblance d'or, & par le dedans est tout impur & corrompu, denote l'hypocrisse, qui soubs vn masque de pieux zele de religion, couue ses iniques desirs & ambitions detestables, impietez, opinions erronées, conuoitises, rancunes, animositez, vengeances, & autres iniques & peruerses intentions. La blancheur de l'argent d'vn costé dont ce letton participe, car il n'est qu'à seize carats, estant palliée par la rougeur du cuyure, qui luy cause sa citrinité; mais ceste rougeur ne sont que cruautez & malices qui corrompent la syncerité debonnaire. Si vos pechez estoient isaie i. rouges comme escarlatte ou vermeillon, ils seront blanchis comme neige.

AV REGARD du plomb, il est mis pour les vexations & molestes dont Dieu nous visite, par le moyen desquelles il nous rameine à respisicence. Car tout ainsi que le plomb brusse & extermine toutes les impersections des metaux, dont Boethus l'Arabe l'appelle l'eau de soulphre, de messine la tribulation nous desposiille icy bas de beaucoup de macules que nous y pourrions auoir contractées; si que sainet Ambroise l'appelle la clef du ciel, sui-uante e qui est escrit au 14. des Actes; ll nois saut enter par beaucoup de tribulations au Royaume de Dieu. L'Apostre aux Rom. 5. vse d'vne sort belle gradation: Tribulation engendre patience; patience probation;

or probation, esperance ; laquelle ne confond point , pourautant que la charité de Dieu est espanduë en nos cueurs par le SAINCT ESPRIT qui nous a esté donné. Le feu denote aussi la tribulation, dont le mesme fainct Ambroise sur le Pseaume prem. Le feu, dit-il, brusle la cire, qui se fond pour estre purgée; & nous sommes esprounez par le feu; car Dieu desirant conuertir le pe-Cheur, le Chastie, & le brusle pour le purger. Ignis enim credentibus lux; incredulu, supplicium, dit fort bien sainct Ierosme sur Ezechiel; Que le feu illumine les croyans, & aueugle les infidelles, ne leur seruant que de fumée, qui les fait pleurer & offusque; sicut fumus qui noxius est oculis. De laquelle fu-

mée la maison d'Israël fut toute remplie & obtene-Isave 6. brée. Que les iustes donques se ressouissent, quand ils se retrouueront sur ce texte du 49.Pseaume: Ignis in conspectu eius exardebit; car ils en seront illuminez: & les obstinez pecheurs bruslez du mesme, ayant ces deux proprietez d'esclairer & brusler. Au regard de celuy qui esclaire, il faut que ce soit le S. Esprit, qui est le vray feu, qui l'allume en nos cueurs,& non pas nos folles & peruerties opinions, vaines & erronées, qui nous auroient bien-tost titsaie 50. rezàce que le Prophete dit, Voicy que vous tous tant

que vous estes, allumez un feu, & estes entourez de ses flammes. Cheminez donc à la lumière de vostre feu, & des flammes que vous auez réueillées; & vous dormirez en douleurs: Par là, dit Origene, il semble que les pecheurs s'allument eux-messnes le feu duquel ils

doiuent

doiuent estre cruciez. (Perditio tua ex te, Ifrael.) Et Ofée 13. Ezechiel au 28. Ignem producam de medio tui, qui deuoret te, & dabo te in cinerem super terram. La matiere au reste qui l'entretient, ce sont nos iniquitez & offences; Ardebit sicut ignis iniquitas eorum. Et en l'Ecclesia- 1saie 8. stique 7. Vindicta carnis impij , ignis & vermis : ce qui bat sur ce que sainct Marc 9. allegue d'Isaïe 66. Quorum ignis non extinguitur, nec Yermis moritur: car l'vn & l'autre sont sans fin, le feu à sçauoir qui les brusles & le ver qui ronge leurs consciences en ce monde, & en l'autre les tourmente perdurablement. Là où au contraire, si Dieu l'allume, nous pouuons dire auec l'vn de nos bons anciens Peres; O heureuse flamme ardente, mais non bruslante; illuminant, & non consumant; Tu transformes ceux que tu touches, de sorte qu'ils meritent mesme d'estre appellez Dieux. Tu as eschauffé les Apostres, lesquels quittans là toutes choses fors toy, ont esté faits enfans de Dieu. Tu as eschauffé les Martyrs qui en ont respandu leur sang. Tu as eschauffé les Vierges, qui du feu de l'amour divin ont esteint l'ardeur de concupiscence. Les Confesseurs pareillement, qui se sont separez du monde, pour se ioindre & vnir à toy. Tellemet que toute creature par la beneficence de ce feu se repurge de ses coinquinations & ordures: & n'y a rien qui s'exempte de sa chaleur, s'il veut paruenir à jouir du consorce de Dieu. Car c'est ce feu qui s'embrase en nous par les allumettes du SAINCT ESPRIT, movennant nos tribulations

T

temporelles, qui nous rameinent plus à Dieu que nulle autre chose: dont le plomb est vn de leurs symboles, faisant les mesmes operations és metaux que l'affliction fait enuers nous. Il y en a vn si beau traict dans le 6. de Ieremie, foubs la figure d'vne couppelle, que ie ne pense pas qu'il y ait orfevre, affineur, ny metallaire qui en parlast plus proprement: Ils sont tous plus corrompus, parlant du peuple Iudaïque, que le fer ny le cuyure. Le soufflet a manqué au feu, & le plomb est consumé; l'affineur s'y est trauaillé en vain; car leurs mauuaistiez ne sont pas encor consumées. Appellez-les donc argent-faux reitellé, car le Seigneur les a reprouuez. Surquoy Rabi Selomo fest vn peu entretaillé pour n'auoir bien entendu le fait des couppelles, y ayant voulu adiouster du sien. Le Prophete, dit-il, parle icy de Dieu comme d'un orfeure, lequel voulant purger de l'or, y met du plomb, ou de l'estain, afin que le feu ne consume l'or; car apres que le plomb est consumé, le feunuist à l'or en le consumant. Voyez que c'est de parler à la vollée des choses qu'on n'entend pas, car on se laisse aisément aller à de lourdes absurditez. Il y a icy deux fautes si apparentes, que les apprentifs mesmes s'en moqueroient : l'vne de méler de l'estain à la couppelle ou cendrée en lieu de plomb, car il n'y seroit pas propre; aussi le Prophete s'en est bien gardé. Voicy ce qu'en met Geber au chapitre de la cendrée : Les metaux qui participent moins de la substance d'argent-vif, & plus de celle du soul-phre, se separent plustost & plus aisément de leurs meslan-

ges: Tellement que le plomb, pource qu'il a beaucoup de terrestreitez sulphureuses, & peu d'argent-vif, & est de plus tendre & legere fusion que nul autre, dure le moins à la couppelle, & sen separe le plustost : parquoy il est le plus propre d cest examen, pource qu'il emporte auec moins de temps & de peine les impuritez des metaux imparfaits, qui sont mestez auec l'or & l'argent, sur lesquels il n'a point d'action, & par consequent y apporte moins de dommage : là où à cause que la substance de l'estain participe de beaucoup d'argent-vif, & de peu de terrestreité soulphreuse, si qu'il est plus pur & subtil, d'autant se mesle-il plus profondement, (t) adhere plus fort à l'or & l'argent, dont il se separe plus tard & mal volontiers, auec autant de leur perte & deschet. L'autre erreur est de cuider que quand le plomb à la couppelle en a exterminé les metaux imparfaits, & luy mesme s'en est allé partie en fumée, partie brussé, partie inuisqué dedans les couppelles, comme en litarge vitrifiée; le feu peust de rien nuire à l'or: car estant pur & sin, il y demeureroit mille ans, sans en estre endommagé d'vn feul grain; Cui rerum vni nihil deperit, tutò etiam in incendys rogisque durante materia, dit fort bien Pline chap. 3. parlant de l'or; comme on le peut voir par experience.Le Prophete dit doncques,& si proprement que rien plus; que tout ainsi que quand il y a tant d'impuritez meslées auec l'or & l'argent, que pour les en repurger il y faut remettre du plomb plus d'vne fois: Tout de mesme les iniquitez des Iuiss estoient si grandes, qu'il fut besoin de les visiter de

plusieurs afflictions les vnes sur les autres, pour leur faire recognoistre leurs offenses, & sen departir; de mesme que les Medecins qui redoublent souuentefois leurs purgations & medicaments en des corps dont la maladie est contumace & rebelle; car les tribulations & aduersitez sont en nous, ce que le feu, & le plomb sont és impuritez metalliques; Sicut igne probatur aurum & argentum, ita corda probat Dominus, Prouerb. 2. & au 2. de l'Ecclesiastique; Prends en gré les calamiteZ qui t'arriveront, & ayes patience; car l'or & l'argent sont esprouuez par le feu, & les hommes par la fournaise de tribulations & angoisses. Sainct Gregoire en ses Pastorales sur ce texte du 22. d'Ezechiel, qui se dilate & insiste fort en ceste metaphore & similitude: La maison d'Israel m'est tourne'e en escume. Tous ceux-cy sont airain, & estain, fer & plomb, au milieu de la fournaise: Ils sont faits escume d'argent; & pourtant, dit le Seigneur, ie vous amasseray au milieu de Ierusalem, en vne masse d'argent, & d'airain, & d'estain, & de fer, & de plomb emmy la fournaise, asin que i'y allume le feu pour les fondre. Ainsi les amasseray-ie parma fureur & parmon ire ; puis mereposeray, & vous refondray: & derechef vous ramasseray , puis vous embraseray au feu de ma fureur ; & serez refondus comme l'argent est fondu au milieu de la fournaise; & sçaurez que ie suis le Seigneur, quand i'auray respandusur vous mon indignation. Sainct Gregoire interprete cela pour les luifs, qui en leurs plus fortes aduersitez ne laissoient point de se detraquer à tous

14

vices & deprauations, ne voulans point receuoir de correction, ains ne se faisans qu'empirer. Malachie au 3. vse de la mesme forme de parler: Le Seigneur l'asserra pour fondre Epurger l'arget: Il purgera les enfans de Leui; & les coulera comme l'or, & comme l'argent; & ils offriront au Seigneur sacrifices en iustice. Voyez comme là endroit se rapportent fort bien l'or à la foy & religion, & l'argent aux œuures; dont si l'vn & l'autre ne sont bien nets, en vain les voudrions-nous presenter à Dieu. Et faut que tout cela se parface par le feu; selon que parle le Psalmiste, Tu as esprou- Pseau.16. ué mon cueur, & l'as visité de nuict: Tu m'as examiné par le feu, & en moy ne s'est point trouué d'iniquité. Car comme dit sain & Chrysostome, le feu selon la volonté de Dieu fait diuerses operations. Il n'endommagea aucunement les trois enfans dans la fournaise, & brussa ceux qui estoient au dehors: Tout de mesme que la mer donna passage à pied secaux Israelites; & submergea Pharaon, & les siens qui les poursuiuoient. Il y a vn feu, ce dit sainct Ambroise sur le Pseaume 38. qui de son ardeur deuore la coulpe, & efface le peché; mais il ne faut pasentendre le feu materiel d'icy bas; car il n'a rien de commun auec la spiritualité, sinon que par vne as nalogie & correspondance; y ayant trop de dispro-portio entre les choses intelligibles & les sensibles; comme au 20. de Ieremie; Et erat ignis flammigerans in ossibus meis. Somme que toute l'Escriture saincte est farcie de ces manieres de parler, tirées du feu, & des

T iij

150 metaux; comme au z. d'Haggée; Meum est argentum, meum est aurum, dicit Dominus exercituum. L'or, l'argent, & tous les metaux, voire generallement toutes choses quelconques, encore qu'elles se puissent dire estre de Dieu, comme dit fort bien sainct Ierosme, pourautant qu'il les a creées, & leur donne estre, subsistance & maintenement (Domini Pseam. 23. est terra & plenitudo eius) neantmoins cest or & argent que Dieu plus particulierement allegue icy estre siens, se doiuent mystiquement entendre; par l'argent les Docteurs interpretans la loy de bouche, eloquia Dei, eloquia munda, argentum repurgatum in fusorio, à terra repurgatum septuplum: Et par l'or, la loy escrite (dit le Zohar) où il y a bien de plus belles meditations à considerer; car il n'y a forme de lettre, poinct, ny accent, qui n'importe quelque mystere; comme il est particulierement specifié au Ghinah Egoz, ou Iardin du noyer de Rabi Ioseph Castiglian. D'autre-part, l'argent se rapporte au vieil Testament, & l'or au nouueau. Origene confronte la foy à l'or; & la confession & predication d'icelle, à l'argent: celuy-là aux conceptions de la pensée; & cestuy-cy à la parole & enonciation qui s'en fait de bouche, qui l'exprime & met en dehors. Argentum electumlinguaiusti.

Desquels deux metaux, à sçauoir de la droicte foy, & pureté de conscience, & de la confession verbale, le temple & Eglise de Dieu au Christianisme, & la gloire d'iceluy en estoit plus grande, que non pas en la loy Iudaïque, qui n'en estoit qu'vne ombre obscure : si que l'or designe le cueur, qui correfpond au soleil, & au feu; & l'argent les paroles auce le sel dont elles doiuent estre assainenées.

Propinquum est tibi verbum in ore tuo, & in corde tuo, Deui, so.

ve facias illud. Ce que l'Apostreappropriant; Si tu nom, 100 confesses les Seigneur I Es v s de ta bouche, & que tu croyes en ton cueur que Dieu l'a resuscipité des morts, tu seras saunée caron croit de cueur pour estre instisée; en on confesse le bouche pour avoir salut: C'est l'or & l'argent qu'il veut qu'on edifie sur son fondement: l'or d'Euilab qui croits dedans le paradis terrestre, auce l'escarboucle & l'esmeraude, que le Psalmiste au 67.

appelle la verdeur de l'or.

Voil a les depuremens qu'opere le feur oùil passe, & messmement sur les metaux, qui sont de la plus sorte & persistante composition qu'aucum eutre elementaire substance: parquoy nous y auons vn peu insisté, à cause que les Prophetes y ont sondé la pluspart de leurs allegories: où il faut noter qu'ils ont communément mis les imparfaits, plomb, estain, fer, & cuyure, en mauuais parts, plomb, estain, fer, & cuyure, en mauuais parts, et l'or quelques ois aussi, comme en Ieremie 51. Calix aureus Babylon. Et au 2. de Daniel, parlant à Nabuchodonosor; Tu es caput aureum: Plus au 31. de l'Ecclesastique; Multi suns in auro casus. Le Zohar messine l'appelle la fiente de Sathan, suiuant ce texte de Iob 37. Ab Aquilone aurum Venit; car le Septentrion est toussours pris des Caballistes en

en mauuaise part, à cause que le soleil n'y passe iamais, & se rapporte à la minuict, où les puissances nuisibles y sont en leur plus grand' vogue & vigueur; comme au contraire le midy en la bonne. Il ne faut pas entendre au reste que Iob vueille dire que l'or vienne des parties Septentrionales; car il n'y en croist point pour raison de leurs continuelles froidures; ains qu'en quelque lieu qu'il se procrée, c'est le plus ordinairement deuers le Septentrion, contre lequel le soleil comme en vne butte darde ses raiz, estant à la partie Meridionalle, tout de mesme que les bons vins. Et à ce propos Francisco Ouiedo liu. 16. chap. 1. de son histoire generale des Indes, parlant de l'Isle du Borichen, met cecy: L'Isle du Borichen, autrement dicte de sainct Iean, est fort riche en or, & sy en tire grand' quantité, mesmement en la coste du Septentrion , comme en la partie opposite, deuers le Midy, elle est fort fertile de victuailles. Ce qui s'est aussi trouué tout de mesme en l'Espagnolle. L'or donques est aucunefois mis en mauuaise part, comme au Veau d'or que les Ifraelites fondirent en l'absence de Moyse ; dont, ce dit vn de leurs Rabins, il ne leur aduint iamais calamité & misere, qu'il n'y eust vne once de ceste idole messée parmy. Mais l'argent à cause de sa blancheur, qui denote misericorde, est tousiours en la bonne, & premier en date que l'or ; ainsi qu'en Haggée 2. Meum est argentum, & meum est aurum. Les Onirocritiques aussi tiennent que songer de l'or, denote quelque prochaine

prochaine affliction, à cause qu'il convient en couleur auec le fiel, & la fanie des oreilles, deux subsistances extremement ameres; & l'amertume signifie fascherie, angoisse, & douleur; comme les perles des larmes, pour la ressemblance qu'elles ont ensemble : mais l'argent leur denote ioye & alaigresse. Et pourtant, dit le mesme Zohar, l'or est attribué à Gabriel, & l'argent à Michel, qui luy est en ordre superieur, le cuyure à Vriel, pource qu'il represente en couleur le feu, dict Vr des Chaldées. L'or, dit-il, & le feu marchent ensemble; & le cuyure auec eux, dont estoit basty le petit autel d'audehors, sur lequel s'espandoit le sang des victimes: & celuy de dedans estoit d'or, en Exode 38. & 39. L'argent est la lumiere primeraine du iour, & Iacob; &l'or celle de la nuict, & Esau ou Edom, le roux. L'argent represente le laict, & l'or le vin, denotant l'astuce & cautelle; dont il est dit en l'Ecclesiaste 2. l'ay proposé de retirer ma chair du vin , afin de m'adonner à la Sapience.

Mais pour retourner à nostre propos principal, le feu entre ses autres proprietez & essects est fort purisicatif; & tout ainsi qu'és chairs, & autres corruptibles substances, le sel consume la plus part de leurs humiditez corrompantes, le seu fait aussi le mesme: & analogiquement le seu spirituel, qui n'est autre chose que l'ardeur charitable de l'E-SPRIT SAINCT, qui nous enslamme de foy, charité, esperance, despouille les impuritez de noftre ame, suyuant ce que met saie n. Decoquam ad purum scoriam tuam, cor austram omne stannum tuum. Carce lieu-cy du mesme Prophete au 10. Et erit sumen Ifraelin igne; de sanctus eius in stamma: monstere assez que le SAINCTESPRIT n'est point lumiere seulement, mais seu & stanme, qui salle & repurge nostre conscience de la corruption de ses vices

& iniquitez.

LE SOLEIL aussi, quiest vne image visible de la diuinité inuifible, tant pour sa lumiere, que pour sa viuifiante chaleur, dont toutes choses sensibles font maintenuës, comme les intelligibles le font du supraceleste soleil: fait le mesme effect en cas de purifier que le feu; comme on voit par experience, queles lieux où fes rayons ne donnent point, font tousiours relents & moisis; & que pour les purisier on ouure les fenestres pour y admettre sa lumiere; & y allume-lon d'abondant du feu, qui est fort propre en temps de peste, car il chasse le mauuais air, comme la sumiere fait les tenebres: les mauuais esprits aussi, qui ont plus leur vogue à l'obscurité; à peste perambulante in tenebris; les Hebrieux appellent ce demon rauageant de nuict, Deber: & ab incursu & damonio meridiano; cestuy-cy du iour & midy, Keteb, les Grecs Empusa. Il y a au feu, ce dit Pline, certaine faculté & vertu medicinale contre la peste, qui pour l'absence & cachement du soleil vient à se former: à quoy lon treuue que le feu en l'allumant par cy par là, peut apporter vn fort

Suidas.

Liu.36. sb. 27.

grand foulagement & fecours en plusieurs fortes, comme le monstrerent assez autrefois Empedocle & Hippocrate. Il y eut aussi vn Medecin à Athenes, qui f'acquit beaucoup de reputation, pour y auoir fait allumer force feux durant la pestilence qui y regnoit. De façon que la vraye peste de l'ame estans ses iniquitez & offenses qui l'empoisonnent, sa theriaque & contrepoison ne se sçauroient mieux rechercher qu'au feu de contrition que le S. Esprit y allume. Concaluit cor meum intra me ; & in medita-<sub>Pfeau. 3</sub>8. tione mea exardefeet ignis. Il y a aussi le feu de tribulation, dont il a esté parlé cy-dessus, qui consume nos vanitez, & desbordées concupiscences; & nous fait retourner à Dieu; dont yn de nos anciens Peres auroit dit; Felix tribulatio, qua cogit ad pænitentiam: Et sainct Gregoire; Mala qua nos hic premunt, ad Deum citius venire compellunt. Et c'est pour nostre plus grand bien, que Dieu nous brusse ainsi par le feu de tribulation: ce qui auroit fait dire au Psalmiste, Proba me Domine, & tenta me: vre renes meos, Fsau.25. & cor meum. Et au 13. de Zacharie; car c'est vne metaphore tirée encore des metaux: l'en feray passer la troisiesme partie par le seu; & les brusleray comme on bruste l'argent; & les esprouueray comme on esprouue l'or. Car le feu a double proprieté, comme a esté dit; l'vne, de separer le pur de l'impur; & l'autre, de parfaire ce qui sera resté de pur : Aufer rubiginem de ar-pron.15; gento, & egredietur vas purissimum. Mais la proprieté de ces significations est mieux gardée en l'Hebrieu

V ij

qu'en nulle autre langue; où le verbe szaraph est ioint & attribué à l'argent, lequel signisse fondre & affiner; & à l'or bahan esprouuer. L'vn denote és esleuz de Dieu, vne saincte pureté de conscience par l'argent; l'autre par l'or, vne perfection de constance, qui ne se peut mieux cognoistre qu'en l'esprouuant: & de la prouient la dignité, & la gloire eternelle, l'vne & l'autre acquise par le seu d'examen & probation. Car comme dit sainct Chrysostome; ce que le feu est enuers l'or & l'argent, le mesme est la tribulation en nos ames, dont elle nettoye les impuritez & ordures; & les rend nettes & reluisantes; suyuant ce qui est dit és Prouerbes 17. Comme l'argent est esprouné par le feu en la fournaise, ainsi esprouue Dieu les cueurs de ses creatures: & en l'Ecclesiastique 17. La fournaise esprouue les vaisseaux du potier; & la tentation de tribulation les gens de bien. Il y en a plusieurs, dit vn des Peres, lesquels pendant qu'ils sont rougis au feu d'aduersité, se rendent slexibles & malleables; mais au partir de là le feu fen estant absenté, ils se rendurcissent comme deuant, se rendans du tout inhabiles à conversion & amendement. Origene Homelie 5. sur le 3. chap. de Iesus Naué, Qui approximant mihi, approximant igni: Si vous estes, dit-illà, or ou argent, tant plus vous vous approcherez du feu, tant plus vous en deuiendrez resplendissant. Mais si vous bastissez du bois, du foin, du chaume, sur le fondement de la foy; & que vous vous approchiez du feu, vous en serez confu-

DV FEV ET DV SEL. mé. Bien-heureux donques sont ceux lesquels en fapprochant du feu en sont esclarcis, & non bruslez; selon ce qui estescrit au 3. de Malachie, Sanctificabit te Dominus in igne ardenti. Sainct Augustin sur ce verset du Pseaume 45. Transiumus per aquam & ignem; Le feu brusle, dit-il, & l'eau corrompt. Quand il nous arriue quelque aduersité, elle nous est tout ainsi que du feu; & les prosperitez mondaines au contraire comme de l'eau. Le vaisseau de terre qui est bien recuit au feu, ne craint plus l'eau ny le feu. Recuisons-nous donques par le feu de tribulation, en la supportant patiemment; car si la poterie n'est fermemét consolidée par le feu, l'eau de la vanité temporelle la ramollira & destrempera comme fange. Et pourtant il nous faut passer par le feu, afin de paruenir à l'eau de misericorde & de grace, dont le Precurseur parle ainsi au 3. de sainct Matthieu ; Ie vous baptise d'eau à penitence ; mais celuy qui vient apres moy, & est plus fort que ie ne suis, vous baptisera au S. Esprit, & aufeu. Duquel feu on peut voir cecy au 16. de la Sapience: Chose admirable, qu'en l'eau qui esteint toutes choses, le feu estoit le plus puissant. Ce qui a fait dire au mesme sainct Augustin, qu'au sacrement de Baptesme, quand on exorcise, & que on cathechife, on vient premierement au feu, & apres au baptesme de l'eau: dont le semblable aduient és tentations de ce siecle, où en l'angoisse qui nous oppresse, le feu se presente premierement;

mais quand la peur en est dehors, il est à craindre

qu'vn vent de vaine-gloire procedant de la felicité remporelle ne se resolue en vne pluïe qui viendroit esteindre le feu d'ardeur & de charité, que l'affliction auroit espris dedans nos ames. A ce propos du feu & de l'eau baptismale, designez par le passage dessusdit: Transiuimus per aquam & ignem; cela bat sur le 31. des Nombres, des repurgemens par le feu & l'eau, selon que les choses le peuvent souffrir: car le baptesme visible se fait par l'eau qui est visible, & dont le sel consiste en parties, qui n'est autre chose qu'eau congelée par l'acuité du feu y empraint; duquel sel il faut que toute victime soit sallée, c'est à dire l'homme exterieur: & le baptesme inuifible de l'homme spirituel interne, se fait par la grace-du S. Es PRIT, representé par le feu qui est inuisible de soy, & inapperceuable, sinon entant qu'il fattache à quelque matiere, ainsi que l'ame dans le corps. Ce feu-là brusle en nous les pechez mortels; & l'eau lauc & nettoye les veniels, & l'originaire.

MAIS on demandera quel est ce seu, & d'où il vient, qui purisie ainsi nos ames, les reschausse en l'amout de Dieu, & les esclaire de sa cognois-sance; car on n'aime que ce qu'on cognoist; & nous ne pouuons cognoistre Dieu, ny voir sa lumiere, que par sa lumiere (In lumine tuo videbimus lumen) c'est à dire par son Verbe & parole, qui a daignése

Pseau.35.

Feau.118. reuestir de nostre chair: Ignitum eloquium tuum nimis ; & serenus tuus dilexit illud. Cest ce seu donques

que le SAVVEVR dit estre venu mettre en terre; s. Lucia. & que veut-il, sinon qu'il fallume? Car tout ainsi que Promethée apporta le feu icy bas, qu'il auoit allumé en l'vne des rouës de la carrosse du soleil; le Verbe nous l'a apporté allumé en la mercanah cha- Ezech.I. riot ou throne de Dieu, qui est tout de seu ; comme aussi au 7. de Daniel. Origene homelie 13. sur le 25. d'Exode, Hyacinthus, purpura, coccus duplicatus, & byssus, met que ces quatre representoient les quatre elemens; le bysse ou lin, la terre de laquelle il provient: le pourpre, l'eau; parce qu'il est extrait du sang d'vne coquille de mer: l'hyacinthe, en Hebrieu Techeleth, l'air; car c'est sans doute le bleu celeste: & le coccus ou cramoisi, le feu, à raison de sa couleur rouge enflambée. Mais pourquoy est-il là dit que Moyse redoubla le feu, & pas-vn des autres? Pource que le feu a double proprieté; l'vne de luire & esclairer; & l'autre de brusser; les choses corruptibles, faut entendre; car sur les incorruptibles, il n'a que voir pour ce regard, sinon que pour les affiner & amender de plus en plus. Nostre cueur s. Luc 24, ne brustoit-il pas dedans nous quand il parloit par les chemins, & nous declaroit les escritures? difoient les pellerins d'Emaus. Et c'est pourquoy il est commandé en la loy d'offrir de l'escarlatte redoublée, pour en parer le tabernacle. Mais comment se pourra faire cela? demande Origene: Vn Docteur instruisant le peuple en l'Eglise de Dieu, designée par le tabernacle; s'il ne fait que crier apres les vices, & les blas-

mer & reprendre, sans point apporter d'instruction & consolation au peuple, luy expliquant les Escritures, & le sens obscur qui y est caché, où consiste l'interieure doctrine & intelligence mystique, il offre bien de l'escarlatte, mais simple & non redoublée, à cause que ce seu ne fait que brusser, & n'esclaire pas. Que'si d'autre-part on ne fait qu'esclarcir & interpreter l'escriture, sans reprendre les vices & pechez, & monstrer la seuerité requise à vn annonciateur de la parole de Dieu, on offre tout de mesme de l'escarlatte simple; car ce feu-là ne fait qu'illuminer, & n'enflamme pas les personnes à vne repentance de leurs méfaits, vne correction, & amendement de vie ; à quoy coopere la grace du S. Esprit, qui est le feu domestique, dont il nous faut saller nos ames pour les preseruer de corruption:car il n'y a rien qui symbolise plus à la nature de l'ame, que le feu; à cause que c'est celuy de toutes les choses sensibles, qui approche le plus de la spiritualité; tant pour son continuel & leger mouuement, qui tend tousiours en contremont, que pour sa lumiere, que Plotin dit deuoir estre proprement attribuée au monde intelligible, la chaleur au celeste, & le brussement à l'elementaire. Et d'autant qu'il participe plus de lumiere que nul des autres elemens, cela luy acquiert auffi de la precellence par dessus; car la terre qui est vn corps du tout immobile, tenebreux & opaque, est par consequent moindre en dignité, comme le marc & lie de tous

DV FEV ET DV SEL. les autres. L'eau, pource qu'elle a plus de clarté, est plus digne; & l'air plus encore: mais le feu est ce-Îuy qui les en surpasse; parquoy il est logé au plus hault lieu, & plus proche de la region etherée. C'est ce que Vincent autheur non à mespriser, a voulu dire en son miroir Philosophique, liure 2. chap. 33. Chaque chose de tant qu'elle participe plus de lumiere, d'autant s'approche-elle plus de la divine essence, qui est la parfaicte lumiere, par où Dieu commença la creation de l'Uniuers, où la premiere chose qu'il ordonna estre faite fut la lumiere; pour nous monstrer que nous deuons tousiours cheminer en lumiere, of non en tenebres. Et au contraire, tant plus les elemens s'esloignent de la lumiere, tant plus l'approchent-ils de la dissemblance & difformité, qui est vn indice de corruption: car tant plus les parties d'vn composé elementaires sont homogenées & homœomeres, ou femblables les vnes aux autres, tant moins font-elles corruptibles & separables; comme on peut voir en l'or, la plus proportionnée substance de toutes, & qui approche le plus du feu: ce qui auroit meu Pindare tout au commencement de sa premiere

> สต์เรอง เลิง ปีอินคา 6 82 28 บราธิร , สโรโมโบบา สบีค , &c.

l'or ensemble:

Ne voit-on pas qu'à chaque bout de champ prefque la terre change de nature, & de qualité, si qu'il y en a d'infinies s'ortes ? Des caux non tant : l'air

Olympienne, de ioindre ces trois, l'eau, le feu, &

est plus semblable à soy-mesme : que s'il y a des changemens & alterations, c'est par accident, ainsi que quelques maladies qui luy surviendroient; lesquelles s'impriment plus promptement en luy à cause de sa rarité de substance, qu'en nul des autres. Le feu en est du tout exempt, estant tousiours vn,& en son tout semblable à ses parties, qui sont semblables à elles mesmes, sinon en tant que la matiere où il l'attache le feroit varier. Et c'est ce en quoy il l'approche plus de la nature celeste, qui est toute vniforme en soy, & si bien reiglée, sans rien auoir de dissemblable; & qui fait que le feu est repurgatif de tous ses confreres les elemens, les esclaire & met en euidence. En sainct Luc 12. le SAVVE VR admonneste ses disciples d'auoir des lampes allumées en leurs mains, afin que leur lumiere vinst à S.Mait.5. luire deuant les hommes; & que leurs bonnes œures se peussent voir, pour en glorisser leur pere qui est és Cieux : car qui fait mal, hait la lumiere, que la mort. C'est aussi ce que tacitement a voulu infe-

Chap. 24, lob direftre aux mal-faicteurs pire que l'ombre de la mort. C'est aussi ce que tacitement a voulu inserer Moyse en Gen. 3. où il fait promener Dieu au Midy, qui est la plus claire lumiere du iour. Et l'Apostre en la premiere à Timothée 6. le dit habiter vne lumiere inaccessible, sans laquelle tout seroit consus s'ement en uelopé de hideuses tenebres; que 5. Manh. l'Euangeliste appelle les tenebres exterieures. Don-

nons-nous donc garde que la lumiere qu'il luy a pleu mettre en nos ames, ne l'offusque & conuer-

tisse en noires tenebres: & que sur ce solide fondement qui nous a esté octroyé de sa cognoissance, nous ne bastissions du foin, bois & chaulme, toutes choses de soy obscures & tenebreuses; au lieu de l'or, argent, pierreries si clair resplendissantes & luisantes. Mais oyons derechef ce que discourt fort diuinement le Zohar du feu & de la lumiere sur ce texte du Deuter. 4. Dominus Deus tuus ignis consumens est: Qu'il y a vn feu qui deuore l'autre, comme estant plus fort, selon qu'on peut voir en quelque tison ardent, ou flambeau, dont la flamme quien procede est de deux sortes; l'vne bleüe, attachée au Îumignon noir, qui se retient là en se nourrissant de corruption. L'autre flamme procedant du lumignon rouge enflabé est blanche, & la bleuë est blanche au plus hault, comme pour retourner à sa premiere origine (cecy n'a point ignoré Homere, quad au 6. de l'Odyssée il attribuë à l'Olympe vne pure & blanche splendeur, วงบะทำ อรู " อีกเอริ่า คุณเพิ่ม อังวุงาง".) Rien ne nous sçauroit mieux representer les quatre mondes; la blanche à sçauoir, le supraceleste; la bleiie, le celeste; le lumignon embrasé, l'elementaire; & la noirceur bruslante, l'enfer: qui nous denote d'abondant le corps; la rougeur, les esprits vitaux residents au sang; le bleu, l'ame; & le blanc, l'intellect, & charactere diuin imprimé en l'ame. Et tout ainsi que la lumiere bleuë se change tantost en iaulne, tantost en blanc; aussi peut faire l'ame selon qu'elle s'encline à mal ou à bien, & qu'elle suit ou

les aiguillons de la chair, ou les semonces & enhortemens de l'intellect; suyuant ce qui est escrit en Gen. 4. Si tu fais bien, tu le receuras; & si tu fais mal, aussi-tost ton peché sera à ta porte; mais l'appetit d'iceluy te sera soubs-mis, & auras domination sur luy. La flamme blanche est tousiours la mesme, sans varier ny se changer, comme fait la bleuë. Parainsi le feu en cest endroit est quadruple; noir, au bas de son lumignon, où la flamme qui est attachée est bleuë; rouge au hault dudit lumignon, & la flamme blanche. Ce qui se rapporte aussi aux quatre elemens; le noir, materiel, à la terre; le bleu plus spirituel, à l'air ; le rouge , au feu ; & le blanc , à l'eau ; car le ciel est composé de feu & d'eau, qui est au dessus des Cieux; Benedicite aqua qua super calos sunt Domino. Et neantmoins tout cela n'est que feu, comme le declare fort bien Moyse fils de Maynon, au 2. liure de son Moré, chapitre 31. où il dit, que soubs le nom de la terre sont compris les quatre elemens; & par les tenebres estoit entendu le premier feu; car il est dit en Deuter. 4. Vous auez ouy ses paroles du milieu du feu : & puis il adiouste soudain, Vous auez ouy sa voix de l'obscurité. Ce feu au reste a esté appellé ainsi le premier feu, parce que ce n'est pas luy qui est luifant, & esclaire, ains est tant seulement transparent à la veuë comme est l'air; & ne se peut pas comprendre d'icelle:car fil estoit luisant, nous verrions de nuict tout l'air reluire comme feu. Et pource que les tenebres qui ont esté premier nommées

16

denotoient le feu, à sçauoir celles dont il est dit, Et tenebræ erant super faciem abyssi; parce que le feu estoit audessus des autres trois elemens, compris soubs ce mot d'abysme; il y a d'autres tenebres qui suiuent apres, lors que la separation des choses se fit: Et tenebras appellauit noctem. Tout cela met le Rabin susdit; à quoy veut battre ce que porte l'Alcoran en la 65. azoare : Vobis ignem clarum atque formosum immittam. Tout ce qui adhere donques à la partie basse noire, en est consumé & destruit; & tient lieu de mort, apres laquelle vient la vraye vie; la flamme bleuë semblablement si elle y degenere, & s'en laisse predominer: mais la blanche ne tasche qu'à se déueloper d'icy bas pour se transporter contremont, sans se laisser maistriser aux autres; & ne deuore ny ne destruit, ny n'est pas non plus deuorée, ny fa clair-luisante splendeur alterée, ainsi que sont celles des autres. Au moyen dequoy il nous faut adherer & laisser saller à ce feu blanc; & illuminer de ceste belle lumiere blanche, qui ne se varie iamais, suyuant ce qui est ditau 4. du Deuter. Vous qui estes adherans au Seigneur Vostre Dieu, Vous estes tous viuans aussi iusqu'à ceste heure. Mais si nostre lumiere bleuë (l'ame) adhere à la noircissante, & la rouge, qui sont nos sensualitez & concupiscences, le feu estrange s'y introduira, qui nous deuorera & consumera. Ceste cognoissance des elemens, & de leurs couleurs, n'insiste pas tant seulement és corps composez icy bas, ains par là nous

pouuons monter, ainsi que par l'eschelle de l'acob, là hault dans le monde celeste, où les elemens sont aussi, nonobstant que d'vne autre sorte, & plus simples & depurez; & de là passer outre dedans le monde intelligible, où ils sont en leur vraye essence, car tout consiste des quatre elemens. Intelligite filij sapientum, (dit Hermes en son traicté des sept chapitres) non corporaliter duntaxat, sed spiritualiter etiam, quatuor elementorum scientiam; quorum occulta apparitio nequaquam significatur, nisi priùs componantur; quia ex elementis, nihil fit absque eorum compositione & regimine. Voulons-nous là dessus profonder plus auant dans les secrets de la Cabale? Ceste composition & regime des elemens n'est autre chose que le sacré-saince tetragrammaton ineffable יהוה Ihouah, lequel comprend tout ce qui fut, est, & sera: où la petite & finale n denote le corps, & matiere, bois, ou autre semblable, où le feu fattache: le , vau ou cloud copulatif qui assemble les deux n he, l'intelligible, & le sensible, sont les esprits qui ioignent l'ame auec le corps; l'inflammation rouge du charbon ou du lumignon auec la flamme azurée, denotant l'ame. Et le iod est la flamme blanche immuable & permanente de l'intellect, où tout se vient en fin terminer: laquelle blancheur est le siege de la vraye spirituelle lumicre occulte, qui ne se voit & cognoist que par elle mesme: Car au reste nostre nature, à la prendre en . foy, n'est qu'vne tenebreuse substance, ressem-

blant droictement à la lune, qui n'a de lumiere que ce qu'elle en reçoit du foleil, qu'elle est apte de receuoir, ainsi que nostre ame est celle de la lumiere intellectuelle. Et n'y a creature quelconque qui soit de soy vne lumiere substantielle, ains tant seulement vne participation de la seule vraye lumiere, qui reluist en tout & par tout intelligiblement. C'est le Chasmal d'Ezechiel, selon le Zohar, dont procede ce feu ou lumiere assemblée de deux, qui toutesfois ne sont qu'vne seule chose; la lumière blanche à sçauoir, qui monte & esclaire, que nul œil mortel ne sçauroit souffrir; celle dont il est escrit au Pseaume 46. Lux orta est insto, & rectis corde lætitia; laquelle correspond au monde intelligible, & à l'homme interieur. L'autre est la lumiere estincellante & flamboyante, de couleur rouge embrasée, iointe & vnie au charbon, ou au lumignon, denotant le monde sensible, & l'homme externe corporel. L'ame est constituée au milieu, à sçauoir la lumiere bleuë, qui partic est attachée au lumignon, & partie à la flamme blanche; tantost adherant à l'vn, & tantost à l'autre; dont selon qu'elle fapplique elle vient à estre ou brussée, ou illuminée; suyuant ce que met Origene sur le 14. de Ieremie; Que Dieu est vn feu rouge embrasé, consumant & exterminant quant aux pecheurs; & aux faincts personnages iustes, vne blanche lumiere resiouissante & viuisiante. Iamblique, qui ne s'esseue passi hault que fait le Zohar, n'estant assisté que

de la lumiere & instinct de nature, dit fort bien, mais apres la theologie Phenicienne; que tout ce que nous pouvons parcevoir de bien & contentement en ce monde sensible, prouient de la lumiere qui nous est impartie du soleil, & des astres illustrez de luy. Et tout ainsi que le soleil depart sa lumiere à la lune, aux estoilles, & à tous les Cieux; de mesme au mode intelligible Dieu communique la sienne, viue source de toutes autres, à ses benoistes intelligences: si que tout ce que nos ames peuuent auoir de bien, de ioye, & de beatitude, soit pendant qu'elles sont annexées au corps, ou separées d'iceluy; vient de ceste primordialle lumiere, qui reluist en elles par reflexion, ainsi que les raiz du soleil dedans vn bassin, miroir concaue, ou de l'eau, ou à trauers vne verriere; selon que met sainct Denys, chapitre 4. des noms diuins; laquelle procedant du souuerain bien, en porte mesme l'appellation. Et Rabi Eliezer en ses chapitres, met que les Cieux furent creez de la lumière du vestement du Createur, se fondant sur le Pseaume 131. Amictus lumine sicut vestimento: & la terre de la neige qui estoit dessous le thrône de sa gloire. Toutes allegories Rabiniques, pourra-lon dire; mais où confistent de grands mysteres, dont ne s'essoigne pas fort le mesme sainct Denys au lieu allegué; que tout ainsi que ce beau grand soleil clair-luisant, qui a en soy vne si manifeste representation & image du souuerain bien, estend par tout l'Univers sa lumiere, &

la communique à tout ce qui est capable de la receuoir; si qu'il n'y a rien qui ne participe de sa lumiere, & de sa viuisiante chaleur; (non est qui se abs- Pseau.18. condat à calore eius ) en semblable ceste eternelle supraceleste lumiere illustre, viuisie, & parfait tout ce qui a estre; & en bannist les tenebres & relentes moisissures qui sy pourroient estre introduites; allumant nos ames d'vn desir de participer tousiours de plus en plus de ceste lumiere: car quand elle la vient esprouuer peu à peu, & par ses degrez; cela l'addresse & conduit à la jouissance & fruition du souuerain bien, qui est la lumiere de l'ame; à sçauoir l'intelle qui l'esclaire pour pouvoir apprehender la viue source dont elle procede. Car la lumiere ne se voit que par elle mesme, la plus digne & excellente proprieté du feu, auec lequel elle a cela de particulier & de propre, qu'elle se fait voir comme il fait, & par son moyen manifeste tout ce que nostre veuë peut apprehender. Cependant rien n'y a de plus mal-aise à comprendre que ce que c'est de l'vn & de l'autre; car en nous monstrant & reuelant tout, c'est alors qu'ils se cachent le plus de nous, iusques mesme à nous esbloüir, & reduire nostre clarté en tenebres : Sicut tenebra eius, ita 63 lumen eius.

I L ne nous faut donques point parler de Dieu sans lumiere, parce qu'il est la vraye lumiere; Quia 2-Reville, su lucerna mea, Domine: qui nous esclaire par sa pa- psan:18. role; Lucerna pedibus meis verbum tuum: la splen-

3

deur du Pere, & la viue source de vie, comme l'appelle sainct Augustin apres S. Iean: En iceluy estoit la vie, & la vie estoit la lumiere des hommes : & la lumiere luit en tenebres; & les tenebres ne l'ont point apprehendée. Si que de ceste lumiere nous auons double commodité; l'vne la vie dont nous viuons, & l'autre la lumiere dont nous voyons celle qui nous esclaire. L'homme spirituel, le vray homme iouist de l'vne & de l'autre; le charnel, de la vie tant seulement; car au reste il est en tenebres; parce qu'ils ont Chap. 24 esté rebelles à la lumiere, dit Iob, & n'ont point cogneu ses addresses: Tout ainsi que si lon enfermoit vn flambeau dans vne lanterne de pierre de taille, ou femblable matiere tenebreuse & opaque, où sa clarté demeureroit comme esteinte & enseuelie, sans se pouvoir estendre en dehors, pour l'obstacle qui l'en empesche. Et si la lumiere nous vient à Hexame- manquer, dit sainct Ambroise, iln'y aura plus de gentillesse, d'ornement ny plaisir en nostre maison ; car c'est ce qui fait paroistre tout ce qui y peut estre d'agreable. Ce qu'il a emprunté d'Homere, selon qu'il luy est attribué dedans Suidas, que par vn mauuais temps de froidure & de pluyes, ayant esté receu en vn hostel où on luy alluma du feu, il fit à l'impourueu des vers contenans en substance; que les enfans estoient l'ornement & coronne du pere; les tours, des murailles; les cheuaux, de la campaigne; les nauires, de la mer; les magistrats, de la place des assemblées, où ils administrent la iustice au peuple; & vn

beau ardent feu allumé, la decoration & essouisfance de la maison, qui s'en rend trop plus honorable:

व्ये के रिया है मण्डित अहत्व किया है के कार्य है कि की कार्य

Quelques-vns les attribuent à Hesiode. Trismegiste au reste appelle la lumiere le pere de tout; lequel a procreé l'homme semblable à luy, participant de lalumiere, & de la vie qui en depend; & vita erat s. Iean z. lux hominum. Le Pere est comme le soleil en son efsence, dont procedent la splendeur, & la chaleur: lesquels trois ne se separent point l'vn de l'autre, ains demeurent vnis ensemble, bien qu'ils soient distincts, en ce feu dont nos ames sont reschauffées, en l'amour & crainte de Dieu, & esclairées en sa cognoissance; dont le Pape Innocent troissesme au Sermon du S. Es PRIT met, Qu'il fut enuoyé aux Disciples en forme de seu, asin de les faire reluire par Sapience; & les reschauffer par charité, celle qui reigle & forme la vie ; & la Sapience forme la doctrine. Et comme ce feu a lumiere & chaleur, par laquelle il purifie & nettoye; de mesme le S. Esprit illumine de sa clarté l'esprit de l'homme par sa Sapience , & le repurge par son ardente charité. C'est le feu dont l'homme interieur doit estre sallé; car le saller, cuire, & brusler se communiquent leurs appellations & signifiances par leurs consemblables proprietez & effects; parce que le sel cuist au goust à cause de son acrimonie; & le feu au sentiment quandil brusle. Et vne chose sallée est à demy cuitte, comme il a

esté dit cy-deuant, tant pour se rendre de plus facile digestion, que pour se conseruer plus longuement; qui sont les proprietez & essects du feu.

Mais pour monter du feu d'icy bas au celeste qui est le foleil, l'œil & le cueur du monde sensible, & l'image visible du Dieu inuisible; Sain& Denys l'appelle vne toute apparente & claire statue de Dieu; & Iamblique l'image de la diuine intelligence, le Pere de vie, l'image & pourtrait du Prince & dominateur souverain de tout l'Univers : la lumiere de l'vn & l'autre monde, le celeste & l'elementaire. Mais n'alleguerons-nous pas tout d'vn train ceste tant belle authorité de Plutarque en l'interpretation du mot Er, où apres auoir tourné, viré à l'entour du pot par plusieurs discours qui en sin ne concluans rien l'esuanouyssent en fumée, il conclud que ce mot, comme à la verité il ne fait, ne yeut dire autre chose, sinon TV Es? Ce qui a esté tiré des deux premieres lettres du sacré-sainct Tetragrammaton in Ihouah, transposées l'vne deuant l'autre au Grec, in EI: ce qui monstre assez qu'ils ont tout beu, non ex fonte caballino, sed Mosaico; & en fin vient à dire: Nous adorons Dieu en son essence par nostre pensée; & reuerons le soleil qui est son image pour la vertu qu'il luy a donnée de produire icy bas toutes choses; representant aucunement par sa splendeur qui se communique à tout, ie ne sçay quelle apparence, ou plustost ombre de sa beatitude & clemence, autant comme il est possible à une

nature Visible d'en representer une intelligible, & à une mouuante une immobile & stable. Nous voyons le soleil aussi bien que le feu, mais non de si prés pour le pouuoir aussi exactement remarquer: trop bien coniecturons-nous en nostre esprit de ce que nous en pouuons apprehender par la veuë, que ce doit estre le plus admirable chef-d'œuure de toutes les creatures visibles: car encore qu'il ne nous paroisse gueres plus grand qu'vn plat ou afsiette, pour la tant longue distance d'icy à luy, telle que i'ay horreur de la conceuoir, apres mesmes les demonstrations de mathematique qui sont certaines & infallibles; si est-il neantmoins plusieurs fois plus grand que n'est le globe de la terre & des eaux iointes ensemble, qui contient plus de six mille lieuës de tour; tesmoignage bien apparent de la sapience & grandeur de son architecte: dont l'Ecclesiastique au 43. chapitre en fait ce bel epiphoneme: Qui est-ce qui se pourra iamais saouler de contempler la gloire du Createur? le sirmament en sa haultesse, qui comprend toutes choses soubs luy, si pur & clair? & la forme de ce vaste & immense creux du ciel, si beau & admirable à la veuë? N'est-ce pas une apparente vision de sa glorieuse & triomphante Maiesté? Le soleil à son leuer annonçant la lumiere du iour (vaisseau admirable) arriué au milieu de sa iournelle carriere , il bruste 🖅 rostist la terre. Et qu'est-ce qui pourroit subsister deuant son extreme chaleur? Il bruste au triple les montaignes plus que les plus embrasez fourneaux ne feroient la potterie qu'on y met descuire; exhalant de soy des vapeurs flambantes, & vne splendeur qui offusque la plus ferme-asseurée veuë. Certes le Seigneur qui l'a faict & formé de rien , si beau , si grand & admirable, se peut bien dire estre trop plus grand que ce sien ouur age ger qui le fait haster si viste, que de mesurer cest incomprehensible espace en vingt-quatre heures: Auec le furplus de ce propos, qui se rapporte, & est comme vne paraphrase du Pseaume 18. où en peu de mots sont touchez trois des principaux poincts du soleil: sa beauté, accomparée à vn espoux sortant de sa chambre nuptiale; Et ipse tanquam sponsus procedens de thalamo suo : sa force & impetuosité à vn geant ; Exultauit Vt gigas ad currendam viam suam; nec est qui se abscondat à calore eius: & son extreme celerité; A summo cœlo egressio eius, & occursus eius vsque ad summum eius. Si que comme le touche sainct Augustin au troissesme Sermon de l'Aduent; Trois choses sont au soleil; sa course, sa splendeur, & sa chaleur. La chaleur desseche; la splendeur illumine ; & sa course parcourt l'Uniuers. Et tout ainsi qu'en l'homme qui est le petit monde, le cueur est le siege primitif de la vie, le premier viuant, & dernier mourant; de mesme le soleil au grand homme qui est le monde, est la source, la lumiere, & chaleur qui viuifient toutes choses; lequel impartist aux estoilles, & à la lune la clarté dont ils luisent; tout ainsi que le Christ qui est le soleil de Iustice, & la lumiere de nos

ames, qui sans elle demeureroient enseuelies dans vne aueugle obscurité: Qui me suit, il ne cheminera s.lean 8. point en tenebres, ains sera illustré de la lumiere de vie: laquelle se conserue és bons, & s'esteint és meschans, par le tesmoignage de Iob 18. Lux impiorum extinguetur: dont la lumiere est telle que celle où par fois se transforment les mauuais anges pour nous deceuoir: car pour si peu que nous la puissions resoussier arriere de nous, elle s'amortist & dissipe. Mais la vraye & droicte lumiere nous esclaire sans varier, tant à la cognoissance de Dieu en ce qui depend de nostre salut, que des choses sensibles & naturelles; à quoy la clarté du soleil, & du feu, & leurs effects nous addressent plus que nulle autre chose pour apprehender quelque eschantillon de ceste souueraine Sapience, dont Dieu abasty ce grand Tout par son Verbe. Car toute science à quoy nous puissions paruenir par nostre ratiocination & discours procede de la cognoissance des choses sensibles; (non enim aliquid est in intellectu, quin prius fuerit in sensu) mais incertaines & variables, pour estre en vne continuelle mutation & vicissitude: si que ceste cognoissance qui vient de la lumiere de nature est fort debile, & pleine de doutes & incertitudes, si elle n'est illustrée de la dinine reuelation qui nous fait voir tout ce qui est, en sa vraye & réelle essence, ainsi que la clarté du solcil fait toutes choses corporelles. Tellement que la plus part des Philosophes Ethniques, apres l'estre

bien alembiquez l'esprit à la perquisition des cau? ses naturelles, sy sont trouuez tellement confus, qu'ils ont esté contraints d'aduoüer, que par la seule voye de la ratiocination, il ne fen pouvoit point tirer de verité; comme mesme le discourt bien au long Aristote au 4. de la Metaphysique: Ptolemée aussi; Qu'il ne nous faut pas fonder & reigler nos conceptions pour le regard des choses temporelles sur les spirituelles; car elles sont trop esloignées les vnes des autres; & y a trop de disparité & disproportion entr'elles: mais moins encore les intelligibles sur les sensibles, combien qu'elles nous y seruent comme d'vn escallier, suyuant ce que dit l'Apostre, Que les choses inuisibles de Dieu se voyent de la creature du monde, par les choses faites; sa vertu aussi eternelle, & sa diwinité: Parquoy il nous faut recourir à la lumiere spirituelle, qui tient le plus hault & souuerain lieu en la cognoissance de l'entendement; de forte que la lumiere est plus proprement des choses spirituelles que des corporelles, & plus certaines & veritables sont les inuisibles que les visibles: d'autant que Dieu seul est la vraye lumiere en son essence, de laquelle se deriue en nostre esprit toute la cognoissance dont il peut estre illustré; ainsi que la lumiere porentielle de nostre œil l'est de la clarté du soleil, ou de quelque artificielle à trauers la transparence de l'air: le lieu duquel œil l'ame tient en la spiritualiré, comme la diuine intelligence fait celuy du soleil, qui en est la representation & image.

Au moyen dequoy tant que nostre entendement fe laissera descuire par le feu de l'amour diuin, il gardera toussours sa clarté viue & lumineuse: mais s'il fe laisse aller imprudemment apres la lumiere exterieure, elle luy sera aussi tost offusquée & esteinte de l'interieure qui la predomine, tout ainsi qu'vne petite chandelle ou bougie des estincellans rayons d'vn clair luisant soleil d'Esté. Puis donques que ceste lumiere sensible, dit S. Thomas sur le 36. de Iob, par la toute-puissance absoluë de Dieu, qui en dispose comme il luy plaist, est cachée par fois aux humains, & communiquée par fois; il nous faut de là recueillir qu'il y a vne autre lumiere trop plus parfaicte & excellente; la spirituelle à sçauoir, que Dieu reserue pour la recompense des bonnes œuures, suiuant ce que met Iob; Dieu couure la lumiere en ses mains, & luy ordonne que derechef elle retourne & se maniseste. Il en annonce à ceux qu'il aime, qu'ils peuuent bien monter iusqu'à elle. A quoy se conforme de mot à mot Zoroastre: Il te faut monter à la vraye lumiere, (t) aux clairs rayons de ton pere, dont ton ame t'a esté enuoyée, reuestuë de beaucoup d'intellect. Voyez les relations de ces deux foleils, le sensible, & l'intelligible; & des deux lumieres qui en procedent. Car tout ainsi que celle du soleil obtient le premier lieu és choses corporelles, dit sainct Augustin au liure du liberal arbitre, & que par le moyen d'icelle les inferieures communiquent auec les superieures; tout de mesme fait la lumiere du soleil spirituelà l'endroit des intelligibles.

178

IL yaau reste des choses qui ont de la chaleur & point de lumiere, comme celle des animaux, de la chaulx-viue arrousée d'eau; le fiens tant des cheuaux que des pigeons, que Galien escrit auoir veu autrefois fenflamber de foy-mesme: des tas d'auoine, & autres grains, fors du millet; des vins nouueaux qui bouillent, & du marc de vendanges: des tas d'oliues, pommes, & poires; qui est vne espece de putrefaction, dont l'engendre tousiours quelque chaleur estrange, ainsi qu'on voit és apostemes, & és chairs qui commencent à se corrompre. Et à l'opposite, d'autres qui ont lumiere, & point de chaleur; comme ces vers qui luisent de nuict, de petits moucherons qui vollent à l'obscurité en Esté; des testes & escailles de certains poissons, du bois pourry, despierreries, les yeux des bestes rauissantes. Suidas parlant de l'égari, & degar, le visible & inuisible: Ĉela, dit-il, ne se peut bonnement expliquer de paroles; c'est tout ainsi que ces petits moucherons qui voletent l'Esté, lesquels en desployant leurs aisles, vous eslancent aux yeux de petits seux estincellans. Les vers aussi qui lussent lanuict; les testes & escailles de quelques poissons, leurs yeux, & autres semblables qui ne se peuuent apperceuoir à la lumiere, si font bien és tenebres: carle feu qui reluist ainsi d'eux à l'obscurité n'est pas vne couleur, dont le propre est de se faire veoir à la clarté du soleil, ou autre lumière; à cause que l'air estant transparent & priué de toutes couleurs, la veuë peut fort aisément le percer & passer à trauers pour les apprehender : mais il y a quatre

differences de choses visibles : les unes ne se peuvent veoir que de iour; d'autres au contraire de nuiet; d'autres de iour & de nuict; & d'autres qui n'ont point de lieu en tenebres. Les couleurs ne se voyent sinon de iour, & de nuict point. Des choses qu'on appelle resplendissantes, les vnes de iour, les autres de nuict; les autres de iour & de nuict; caril y en a d'illustres & claires, d'autres sombres omattes, or d'autres entremoyennes. Celles qui ont le lustre. & splendeur matte & sombre, ne se voyent sinon de nuict, comme les moucherons dessusdicts, vers, escailles de poisson, bois pourry, & semblables; car sur iour leur splendeur est surmontée d'vne plus puissante qui les efface; comme aussi sont plusieurs estoilles; de sorte que tant plus la nuict est obscure, tant plus clair elles luisent. Les entremoyennes, comme la lune & quelques estoilles, de iour & de nuict, ainsi que celle de l'Aurore, & du soir, ditte des Grecs le Phosphore, & des Latins Lucifer, ou Porte-lumiere ; c'est l'estoille de Venus. Le seu aussi qui penetre l'air plus qu'il peut, & l'illustre, pour y demonstrer les couleurs qui y sont : car pour le reste il se contente de se faire veoir, sans amener en action la transparence qui est en l'air, comme nous le pouvons apperceuoir és tenebres, où nous voyons bien le feu de loing, mais non pas les couleurs qui sont entre-deux. De iour il reluist aussi, mais il n'agist rien enuers l'air, à cause qu'il est suffoqué & esteint d'une plus puissante lumiere. La clarté de la Lune de mesme, pour autant qu'elle n'est pas guere obscure, se voit de iour, mais mieux de nuiel. Tout cela parcourt Suidas. Mais à propos de ces lumieres sans chaleur, ie

n'ay rien leu de plus admirable & estrange, que ce que Gonçalo de Ouiedo liure 15. chap. 8. de son Histoire naturelle des Indes, allegue de certain petit animal volant, de la grandeur d'vn haneton, fort frequent en l'isle Espagnolle, & és autres d'alentour, ayant deux aisles au dessus fermes & dures, & desfous icelles deux autres plus deliées. Le bestion, dit Cocuio, a les yeux resplendissans, ainsi que des chandelles allumées; de sorte que par tout où il passe, il illumine l'air, & y rend vne telle clarté, qu'on le peut veoir de fort loing: & en vne chambre, pour obscure qu'elle peust estre, voire en plein minuict, on pourroit lire & escrire à la lumière qui en sort. Que si lon en accouple trois ou quatre, cela pourroit plus esclairer qu'yne lanterne ou flambeau à. la campaigne, & par les bois en vne nuit des plus obscures; se faisans veoir de plus d'une lieuë. Ceste clarté ne confiste pas seulement en ses yeux, mais és flancs aussi quandil ouure les aisles. Ils ont mesmes accoustume sen seruir comme nous ferions d'vne lampe ou autre lumiere, pour soupper de nuict, & faire les affaires de la maison: mais selon qu'il vient à se definer & mourir, ceste lumiere s'esteint aussi. Les Indiens auoient de coustume d'en faire vne paste qui mettoit frayeur à les regarder à l'obscurité; parce qu'il sembloit qu'ils eussent le visage qui en estoit frotté, tout en feu. Pline liu. 21. chap. 11. parle d'vne herbe luisant la nuict, ditte nyclegretos, ou nyctilops, pource qu'on la voit resplendir de loing:

mais il allegue beaucoup de choses par ouir dire,

MAIS pour retourner à la lumiere du Soleil, qui y est plus parfaictement qu'en nulle autre des choses sensibles, auec la chaleur, car c'est le vray feu celeste, come dit Speusippus, lequel descrit tout ce qui appartient à la nourriture de ce grand homme, l'vniuers, ainsi que fait l'elementaire les viandes de l'homme animal. Et comme le cueur és animaux est le siege primitif de la vie, de mesme le Soleil est le cueur du monde, & la fource primordiale de la lumiere en iceluy, qu'il depart aux estoilles, ainsi que fait I Es vs CHRIST à nos ames. Et ny plus ny moins que le Soleil & la Lune, dit Origene sur Genese, esclaire nos corps: de mesme nos consciences & pensées le sont de ceste splendeur du Pere, si d'auenture nous ne sommes aueugles, & que cela ne procede de nostre defaut: si que nous n'en sommes pas tous egallement illuminez, non plus que le sont du soleil les estoilles, qui different en clarté les 1. Cor. 15. vnes desautres, ains selon nostre capacité & portée, & que plus ou moins nous esleuons les yeux de nostre contemplation à receuoir ceste lumiere: Re-Zacho il tournez-vous vers moy, & ie me retourneray deuers vous. Caril est le Dieu de pres, & non pas le Dieu de Hiere,22%, loing. Ce que nous pouvons avoir d'intelligence, dit le Zohar, par nostre ratiocination naturelle, est comme si nostre esprit estoit esclairé de la Lune: mais la diuine relation tient lieu du Soleil. Dont la

lumiere chasse & bannist les princes destenebres, où regne leur plus grande force & vigueur: Ortus est sol, in cubiculis suis collocabuntur: porte le Pseaume 103. parlant des demons & mauuais esprits, soubs le nom des bestes sauuages rauissantes. Car tout ainsi, met le Zohar, que ces tenebrions-là sont bien plus robustes & gaillards à l'obscurité: de mesme les bons anges qui nous assistent & fauorisent, recoiuent vn grand renfort de la lumiere, non seulement de la diuine, mais de la celeste & solaire, par laquelle la diuine & supreme clarté resplendissant impartist és cieux sa vertu, & par iceux la communique à tout ce qui est au dessous de la sphere de la. Lune, dedans le monde elementaire. Parquoy non fans cause aux corps morts, iusqu'à ce qu'ils soient mis dans la terre, lon employe des luminaires, pour en escarter au loing cest ancien serpent Zamael, à qui pour malediction il est dit, Tu mangeras la terre Genef.3. tous les iours de ta vie: Car nos corps en estans priuez ne sont plus que poudre & terre. Tellement que le feu nous est vn grand aide & soulagement, non tant seulement durant nostre vie, mais encore apres nostre mort, contre ces mauuaifes tenebreuses puissances qui roddent à l'obscurité, ainsi que les oiseaux nocturnes, & bestes sauuages, qui n'osent comparoir de iour, redoutans la lueur du soleil: combien plus donques celle des bons esprits leurs aduersaires, qui la reçoiuent de la diuine resplendissance? car le mesme qu'est le soleil enuers

elle, le feu l'est à l'endroit du soleil; qui nous sert entre autres choses à nous faire veoir ce tant bel accomply ouurage de l'uniuers, basty par le souuerain createur d'vn si excellentartifice: & ce que sa lumiere ne nous manifeste en ce monde sensible, n'est rien pour ce regard là; car le vray estre consiste és choses intellectuelles, despouillées de toute corporeité & matiere : le soleil mesme, le plus beau chef-d'œuure de tous les autres, ne se sçauroit veoir finon par sa propre lumiere, qui est accompagnée quand & quand d'vne chaleur vinifiante toutes choses. Car il a double proprieté, l'vne de luire & esclairer; l'autre de reschauser, voire brusser selon les subiacentes matieres, qu'il illumine de blancheur, ou ternist de hasle: Decolorauit me sol, Cantic. 1. Surquoy Origene annote, Que là où il n'y a peché, ny matiere de peché, le soleil ne hasse point, ny ne brusle, suiuant le Pseaume 121. Le soleil ne vous bruslera point de iour, ny la lune de nuict. Car le soleil illumine les gens de bien, mais il brusle les pecheurs, lesquels haissent la lumiere pour le mal qu'ils font: car en plusieurs lieux de l'Escriture vous trouuerez que le foleil, & le feu dont elle parle, ne sont pas ceux que nous voyons, ains les spirituels.

Le soleil spirituel, dit sainct Augustin, ne se leue sem. 15, qu'aux sainctes personnes, suiuant ce qui est dit des de tempoperuers au 5. de la Sapience: La lumiere de iustice re. ne sesse sui se de sapience per se soleil d'intelligence ne nous est venu esclairer. Quant à sa chaleur, il se 184

Pf. 18.

faut plustost retenir au tesmoignage de l'Escri-ture saincte, Non est qui se abscondat à calore eius; que non pas aux friuoles imaginations & subtilitez de ceux qui le maintiennent n'estre ny chaud ny froid, se fondans sur cest argument: Toute chaleur à la longue continuée, encore qu'elle demeure tousiours en vn mesme estat & degré, s'augmente neantmoins de forte qu'elle seroit intolerable. Si donques le soleil estoit si chaud comme il nous semble, depuis cinq ou six mille ans en ça qu'il fut premierement creé, s'ensuiuroit qu'il fust aduenu vne conflagration soubs la zone torride d'où il ne bouge, qui de là se fust estendue à tout le reste de la terre: là où lon voit du contraire, car le tout est tousiours en vn mesme estat. En apres d'autant que le soleil est plusieurs fois plus grand que le globe de la mer & la terre, & la sphere si esloignée d'iceluy, qu'il n'a point de proportion auce elle, il faudroit qu'il fust aussi chaud en vn temps, & vn lieu, qu'en vn autre. Auec semblables deductions, à quoy il est assez facile de contredire, mais cela se destourneroit trop auant de nostre subject principal. Aussi Anaxagoras ledisoit estre une grosse pierre enslambée, ou une placque de feu ardent : Anaximander vne rouë pleine de feu, vingteinq fois aussi grande que toute la terre : Xenophanes, vn amas de petits feux: les Stoiques, vn corps enflambé procedant de la mer: en quoy ils ont monstré l'affinité du feu

18

feu & du sel ensemble: Platon, vn corps de beaucoup de feu: & ainsi qui d'vne façon, qui d'vne autre, mais toutes tendans à le faire de nature de feu. C'est au reste vne chose trop admirable de sa grandeur ainsi immense; sur quoy l'esprit humain a de belles galleries à se promener en de haut-esseuées meditations des merueilles de Dieu: car, comme dit fort bien S. Chryfostome sur Genese, il faut de la contemplation des creatures monter & paruenir au Createur; si que ceux-là sont bien ignorans & despourueus d'entendement, qui des creatures ne peuuent atteindre à la cognoifsance du Createur. Ceux qui habitent és extremitez du Ponant, où il se va comme coucher dans les ondes de l'Ocean, le voyent à son leuer de la mesme grandeur que ceux du Catai, où il se leue. Ce qui monstre la petitesse & disproportion de la terre en comparaison d'iceluy. Que si la lune qui luy est de beaucoup inferieure en grandeur, fy monstre presque egalle, c'est à cause de la grande distance de l'vn à l'autre; car tant plus les choses sont esloignées, tant plus l'amoindrissent-elles à nostre veuë; & cela est assez verifié par les reigles de la perspectiue. Certes ce sont deux beaux chefs-d'œuure que de ces deux grands luminaires, qui ne sont pas de peu d'ornement & commodité pour la vie humaine, comme met sainct Chrysostome sur le Pseaume 135. ains y contribuent beaucoup, voire le tout presque au regard de ce qui concerne le

corps; car outre la lumiere dont ils nous esclairent de jour & de nuict, ils distinguent les temps & les saisons; nous addressent à voyager tant par la mer que par la terre; meurissent les fruicts, sans lesquels nostre vie corporelle ne se sçauroit maintenir; auec autres tels infinis vsages qui nous en procedent. Le soleil est mis pour tout le ciel, parce que c'est la plus belle partie d'iceluy; & pour le feu: & le ciel est le siege & vaisseau des corps incorruptibles & inalterables: la lune qui preside à l'humidité, represente l'eau & la terre; & le sel qui en est compole; car il n'y a rien où l'humidité soit plus permanente, ne qui soit plus humide que le sel, duquel la mer consiste la plus grand' part: & il n'y a rien où la lune face plus distinctement apparoistre ses mouuemens qu'en la mer; comme on peut voir és flots & reflots; & és ceruelles & moüelles des animaux; si qu'à bon droit elle est ditte la regente des eaux, & de l'humidité phlegmatique & aqueuse: laquelle encore qu'elle semble morte & inanimée, au respect du feu qui est vif, est permanente, principalemet au sel qui a vne humidité inexterminable; & c'est ce qui engarde la mer de se dessecher, car sans cela il y a desia long téps qu'elle fust espuisée & tarie: là où le feu ne vit pas en soy, mais en autruy; car en tant qu'il est element materiel, il n'a point de lieu à luy propre. De ces deux, la chaleur à sçauoir du soleil, & l'humidité de la lune, est engendré l'air, chaud & humide, où consiste la vie de toutes

choses, & sans lequel rien ne se produiroit, croistroit, maintiendroit, non pas le feu mesme, qui ne sçauroit tant peu subsister sans air, lequel est double; l'vn participant de la chaleur du feu montant de l'eau (ex natura humida visceribus syncerus ac leuis ignis protinus euolans alta petit, dit Trismegiste: & l'autre comme eau descendant du feu, tant qu'elle vient à se congeler: car par ainsi il y a vne eau humide qui tend en hault pour se raresier en air,&vne autre froide, descendant en bas pour se respoisfir en nature de terre, tant qu'en fin elle se vient terminer en vn rouge feu qui est en l'or; car l'or est la derniere substance de toutes. Et l'air est vn entremoyen conciliateur entre l'humidité de l'eau passible qui constituë la matiere; & la chaleur du feu, dont depend l'agent & la forme. La terre en est comme vne matrice; où le feu par le moyen de l'air & de l'eau introduisant son action, excite & pousse ce qui s'y engendre iusqu'à sa fin determinéc. Les cinq autres planettes & les estoilles fixes n'y viennent que collaterallement, & comme afféeurs & coadiuteurs des effects des deux luminaires, où se reduisent toutes leurs influxions, comme font les fleuues dedans la mer, & de la terre reciproquement leur reuient leur nourriture: si que le ciel, & le feu sont comme le masse agissant; & l'eau & la terre comme la femelle passible : mais loubs le ciel est compris l'air. Et comme la semence de l'homme renclose & enueloppée dans la matri-

ce, est là nourrie, fomentée, & entretenue d'vn fang corrompu, moyennant la chaleur naturelle: de mesme le feu par le moyen de l'air & de l'eau est maintenu dedans la terre pour la production des choses qui sy engendrent. Ainsi le ciel, le soleil, le feu & l'air marchent ensemble; & la terre soubs laquelle sont compris les bas elemens; l'eau, & l'aride de leur costé. C'est le ciel & la terre de Moyse; & le hault & le bas d'Hermes, qui se rapportent l'yn à l'autre; Quod est superius, est sicut quod est inferius, de è conuerfo, ad perpetuanda miracula rei vnius, dit-il en sa table d'Esmeraude. Le Zohar, le monde intelligible, & le fensible, par la contemplation duquel nous venons à la cognoissance des choses spirituelles: ce qu'auoit touché deuant luy l'Apostre aux Rom. prem. Inuisibilia ipsius à creatura mundi per ea qua facta sunt intellecta conspiciuntur. Car tout ce qui est icy bas en la terre, est de la mesme maniere que là hault au ciel: car Dieu le Createur fit toutes choses annexées les vnes aux autres, ce que n'auoit pas ignoré Homere en sa chaine d'or, pour lier ce monde inferieur au superieur, & qu'ils adherassent l'yn auec l'autre; afin que sa gloire s'espandist par tout, en hault & en bas. Et à l'imitation de cela, l'homme qui est l'image du grand Monde, & la mesure de toute chose, fut d'iceluy faict & formé des choses basses & des haultes ; Accepit Deus puluerem, & ex eo formauit Adam, & insufflauit super eum spiritum vita. La lumiere mesme qui luit au monde sensible,

depend de ceste superieure lumiere qui nous est cachée, d'où procedent toutes facultez & vertus, qui de là s'expliquent à nostre cognoissance: car il n'y a rien icy bas qui ne depende de là hault, d'yne puisfance particuliere qui luy est commise pour la gouuerner & l'exciter à tous ses appetits & mouuemens,

si que tout est lié ensemble.

Novs tenons bien au demeurant que tout ce que nous auons de lumiere au monde sensible, vient du soleil; car celle de la lune, & des estoilles, bien qu'innumerables, est fort peu de chose, encore procede-elle du foleil: & celle du feu n'est qu'artificielle pour nous esclairer au defaut du soleil. Mais comment pourra quadrer à cela, de vouloir attribuer la primitiue source de la lumiere, & mesimement de la produisante & viuisiante, au soleil; parce que nous voyons au commencement de Genese, que la premiere chose qui fut faicte fut la lumiere en la premiere iournée; & le soleil ne l'est qu'en la quatriesme; les vegetaux ayans esté produits dés la precedente? Cela fut, dient les Rabins là dessus, tres-sagement aduisé de Moyse, comme tous ses autres escrits procedans de la diuine inspiration; pour ofter aux hommes toute occasion d'idolatrer ce luminaire, quand on verroit la lumiere auoir esté procreée premier que luy. Mais en cest endroit se presente vn fort beau mystere, & bien digne d'estre remarqué; que la perfection complette des choses eschet tousiours au quatriesme iour;

comme de la lumiere. Le soleil & la lûne furent fairs. le quatriesme jour: les eaux de la seconde journée ne produisent les poissons que le cinquiesme, qui est le quatriesme d'apres: & tous les animaux le sixiesme, auec l'homme, pour lesquels les fruicts de la terre auoient esté creez le troissesme. Ce qui nous monstre que le quaternaire tant celebré de Pythagore, denote la perfection qui reside au dix, resultant des quatre premiers nombres; car 1. 2.3. 4. font dix. Aufli a voulu Platon enfourner son Timée, où il traicte de la procreation des choses, par ces mots-cy, είε, δυο, πείε, δ δε δη πέπερος ήματ, &c. Vn, deux, trois, où est le quatriesme ? Le Zohar sur ceste particule du 14. de Leuitique, Sabbata mea cu-Stodietis: Voyez, dit Rabi Eliezer, quel est le mystere cy contenu: En six iours fut creé le monde, en chacun desquels se manifesta l'ouurage qui y fut fait; & Dieu luy donna sa particuliere vertu apres l'auoir paracheué: mais au quatriesme il en attribua vne trop plus expresse; car celles des trois precedens estans occultes & cachées ne venoient point en euidence, sinon que le quatriesme iour escheu leurs facultez se reueloient. Car l'eau, l'air, & le feu, les trois superieurs elemens, demeuroient comme suspendus; & l'ouurage d'iceux ne paroissoit point iusqu'à ce que la quatriesme iournée l'eust manifesté: & lors apparut ce qui auoit esté fait en chacune. Que si vous voulez alleguer que , c'estoit la troissesme iournée, lors que Dieu dit,

Que la terre germe & produise herbe verdoyante Gon. 1. produisant semence, & arbre fruictier faisant fruict selon son espece, lequel ait sa semence en soy-meseme sur la terre; & sur ainsi fait: ce neantmoins encore que cela aduinst au 3. iour, il ne laisse d'estre annexé auec le quatriesme sans aucune separation, lequel 4. vient à se rencontrer au Sabat, qui est le quatriesme iour d'apres le 4. & est à par soy le parsait quatriesme, où apparoissoient tous les ouurages des six iournées precedentes. Et c'est le quatriesme pied de la merchanah ou throne diuin, auquel Dieu s'assi pour se reposer de tous ses ouurages. Ainsi en discourt le Zohar.

NE FAV T outrepasser icy vn autre mystere, que ces deux luminaires ont chacun trois noms enuers les Hebrieux ; le soleil estant appellé non chomah, fapience; wow Schemesch, chaleur; & Dan theres, test ou secheresse. (Platon au Timée, Tout humide que la celerité du feu enleue, & ce qui en reste demeure aride & sec, nous l'appellons xéequor test de poterie) Celuy de מאור maor, luminaire, est commun à l'vn & à l'autre. La lune f'appelle מלכות malchut, regne ou royaume; iareha, ce que les Grecs appellent uluin, pource qu'elle parfait son cours en yn mois; & לבנה, lebenah, blanche; car comme le soleil represente IESVS-CHRIST, lalune denote son Eglise, qui est toute blanche, sans aucune tache, suyuant ce qui est escrit és Cantiques 6. Qui est ceste-cy qui se vient esteuant comme l'aube du iour, belle & claire comme la

192 TRAIGTE

lune. De ceste lumiere du soleil de iustice, dont il est die en Malachie 4. A vous qui craignez mon nom, le soleil de Iustice se leuera: dont la lune, l'Eglise, est illustrée en vniour perpetuel sans tenebres, selon ssarée so. Le Seigneur te sera pour lumiere eternelle; lequel a planté son tabernacle ou Eglise, dans ce beau clair-luisant soleil, qui illumine rout homme venant en ce monde; ny plus ny moins que les estoilles, qui sont innombrables, & la moindre aussi grande que toute la terre, reçoiuent toutes leur lumiere du soleil visible. Duquel ne nous sera-il pas icy loisible d'apporter quelque chose de ses loüanges, de l'hy-

mne que luy addresse Orphée?

fean I.

Escoute-moy, & bien-heureux Soleil, le cueur & œil du monde; Clarté celeste reluisant De rayons d'or, infatigable; Des viuans agreable aspect; Engendrant l'Aurore à main droicte, Et à la senestre la nuict. Les quatre saisons tu gouvernes, Qui dansent vn ballet en rond, Au son de ta lyre dorée. Tu parcours cest immense creux Dessus ta luisante carrosse, Attellée de tes coursiers, Qui respirent Chaleur & vie. Ardent, impollu, mesureur Du temps ; qui par tout te demonstres

Aide

Aide souveraine à chacun : Gardant la foy, œil de iustice ; Clarté de vie reluisant.

VOILA ce qu'il nous a semblé deuoir parcourir icy des trois feux, (quant aux trois sels qui s'y rapportent, nous en parlerons cy-apres) le terrestre à sçauoir, & elementaire ; le celeste, & solaire; & l'intelligible, celuy de la diuine essence denotat lePere, d'où procede la lumiere qui est le Fils;& des deux la chaleur du Sainct Esprit, qui allume nos cueurs en l'amour & cognoissance de Dieu, & en la charitable dilection de nostre prochain. De mesme au ciel la lumiere du soleil sespadàilluminer tous les astres; &icy bas à la production & viuification de tout ce qui fy engendre & maintient. Et au monde elementaire le feu nous esclaire, reschauffe, cuist nos viandes; & nous preste toutes nos autres commoditez & vsages. Quant au feu d'Isaïe 66. que cite icy l'Euangeliste: Quorum ignis non extinguitur, & vermis non moritur; c'est sans doubte le destiné à la punition des reprouuez, lequel ne s'esteindra iamais; ny le ver qui leur remord la conscience ne mourra point. Pour garder que ce ver qui s'engendre de corruption, ne s'y procrée, il la faut saller de discretion & de prudence, à ne rien faire qui puisse offenser & scandaliser son prochain, selon que l'Euangelistele specifie, Qui scandalisauerit vnum ex his pusillis credentibus in me. Et quant à bannir & chasser le feu estrange, qui deuore nostre ame, comme vne

Bb

10

fieure ardente fait la chaleur vitale, il faut que cela se parface moyennant l'interuention du feu diuin, qui est trop plus puissant que n'est l'autre. Oyons ce qu'en allegue à ce propos S. Ambroise au 3. de ses offices: Sainct lean baptife IESVS CHRIST au Sainct EspRIT, & au feu, qui est le type & image du Sainct Esprit, lequel apres l'Ascension d'iceluy deuoit descendre pour la remission des pechez, enflammant ainsi qu'vn feu l'ame & le cueur des fidelles, selon que dit Ieremie au 20. apres auoir receu cest ESPRIT SAINCT; Et factum est in corde meo vi ignis ardens, flammigerans in ossibus meis. Que veut donc dire ce passage des Machabées, Le feu estoit deuenu eau; & ceste eau excite du feu: sinon que la grace spirituelle bruste par le seu, & par l'eau elle purifie & nettoye nos pechez? car le peché se laue & brusle, selon ce que dit l'Apostre: Le sea prouuera quelles seront les œuures de chacun : car il faut necessairement que cest examen se parface à tous ceux qui desirent de retourner en Paradis. N'estant pas sans cause ny oysiuement escrit en Genese 3. qu'apres qu'Adam & Eue en furent banns, Dieu posa à son issuë un glaiue de seu voltigeant pour garder l'aduenuë de l'arbre de vie. De ce feu doncques il faut que tous ceux-là soient sallez, qui sont en voye de salur, suiuant ce que met Origene Homelie 3. sur le Pseau. 36. Il nous faut tous aller au seu de Purgatoire, & Pierre & Paul: mais tous n'y passeront pas de la mesme sorte que ceux-là sirent, dont il est escrit en Isaie 43, parlant des esleus : Quand tu passeras parles eaux, les flots ne te countiront point; car ie feray

2.liu.1. O 2.

a.Cor.3

auecques toy: & quand tu marcheras à trauers le feu, la flamme ne te brustera point non plus. Les Israëlites passerët à pied sec par la mer rouge, & les Egyptiens y demeurerent submergez. Les trois enfans en la fournaise de Nabuchodonosor ne souffrirent aucun detriment, & ceux qui allumoient le seu par dehors, en surent consommez. Et en l'Homelie 19. sur le 16. du Leuitique: Tous ne sont pas purgez par ce feu qui part de l'autel, c'est le seu du Seigneur: car celuy qui est hors de l'autel, n'est pas de Dieu, ains un seu estrange dedié pour le cruciement des pecheurs, esquels il ne s'esteint iamais, ny le ver qui les ronge ne define point. Car apres que l'ame par la multitude de ses mauuais comportemens a entaßé en soy vne abondance de pechez; ceste congregation de maux, par succession de temps vient à bouillir & s'enflammer d'vne peine & supplice interne, comme le corps fait d'une fieure prouenant des 'excés de bouche, ou autres superfluitez, quand elle se viendra à ramenteuoir, & teistre une histoire de ses forfaicts, qui luy seront un perpetuel aiguillon dont elle sera tourmentée ; si qu'elle se constituera comme accusatrice & tesmoing contre soy-mesme. Selon que dit l'Apostre, Inter Rom. 2. se inuicem cogitationibus accusantibus, aut etiam desendentibus in die qua iudicabit Dominus occulta hominum. Mais Ieremie d'autre part parle d'un brenuage de l'ire de Chapas. Dieu qui doibt estre Versé à toutes manieres de gens, dont quiconque ne voudra boire, ne sera point purifié. Et de cela nous apprenons, que la fureur de la vengeance de Dieu profite pour le repurgement des ames, tant en general qu'en particulier: & iln'yarien de plus purgatif que Bb ij

le seu: Dont le Prophete Malachie au 3. auroit dir, Sanctificabit eos Dominus in igne ardenti. Et tel est le feu de tribulations & aduerlitez, duquel il faut que. nous soyons sallez & purgez: car le sel est purgatif sur toute autre chose, comme on a peu assez de fois apperceuoir en ceux qui boiuent de l'eau marine, qui meurent tous de flux de ventre. De l'autre feu qui est l'exterminatif & estrange, dont il estainsi parlé au 10. du Leuit. Et egressus est ignis à Domino, & deuorauit Nadab & Abihu: Dieu dit au 32. du Deuter. Le feu s'est allumé en ma fureur; qui brustera iusques en la plus profonde fosse d'Enfer, il deuorera la terre, & tout ce qui se produit en elle, & embrasera les plus bas sondemens des montaignes. Car la iustice du Tout-puissant, dit l'vn des bons Peres, preuoyant ce qui deuoit aduenir désl'origine du monde, crea ce feu de la gehenne eternelle (celuy dont entend parler Isaie, quorum ignis non extinguitur) pour commencer d'estre le supplice & punition des meschans, sans que son embrasement & ardeur prenne cesse, ores qu'il n'y ait bois ny charbon, ny autre matiere pour l'entretenir, ains en seront eternellement tourmentez en corps & en ame, puis qu'ils auront offencé de l'vn & de l'autre. Car les pechez sont l'amorce & nourrissement de ce feu; qui par vne coaceruation de méfaits, & surabondance d'iniquitez entassées les vnes fur les autres, enflambent l'ame à vn perdurable supplice; tout ainsi qu'vne sieure ardente le

corps trop replet & rendu cacochyme par vne fu-

perfluité de viandes, & autres desordres & excés, dont il se seroit attiré vne mauuaise habitude. Car l'ame se venant lors à ramenteuoir ses delicts, agitée de vifs & tres-rigoureux aiguillons qui la poignent, vient à estre elle-mesme son accusatrice par certain remords de conscience, qui ne luy peut plus de rien profiter, (quia in inferno nulla est redemptio) & estre son tesmoin & son iuge, selon ce que met l'Apostreaux Rom.2. leur conscience rendant tesmoignage, 🕝 leurs pensées s'entr'accusans, au iour que Dieuiugera les secrets des hommes. Mais il y a aussi vn feu en ce monde, duquel nous y deuons estre sallez & purifiez, pour autant de deduction de celuy qu'il nous faudroit endurer par delà: les tribulations à sçauoir, qui nous sont ainsi qu'vn minoratif en la medecine, de la complette purgation que nous y deuons recenoir.

Les deux feux dessustates au reste, celuy de l'autel, & l'estrange, se peuvent assez proprement comparer, celuy-là à de l'eau de vie; & l'autre aux eauxforts, qui exterminent & destruisent tout, là où l'eau de vie nous sert de nourriture: car tout ce que nous mangeons & beuuons en participe, & est ce qui passe « se conuertit en nourrissement. Bien est vray qu'elle se reuelle plus prochainement en d'aucuns subjects qu'en d'autres. Le vin est celuy où elle se maniseste plustost, & auce moins de preparations, & de peine: le froment apres, & ainsi du reste; car il n'y a rien dont la nature face si tost son

198

profit que de cesdeux. L'eau de vie est aussi appellée ardente; pource qu'elle conçoit ainsi facilement la flamme, & se brusse; parce qu'il faut de necessité que tout ce qui nous nourrist, patisse soubs l'action du feu: autrement comment est-ce que la chaleur naturelle y pourroit agir, qui est trop plus debile que celle du feu? Nous voyons par experience que nous ne sçaurions tirer nourriture quelconque des pierres, metaux, terre, & autres substances surquoy le feu ne peut mordre. Que si les loups mangent quelquefois de l'argille, & les canards & autres oiseaux de petits cailloux & grauier, c'est ou pour euiter la vacuité, ou pour quelque medicament à eux cogneu par vn secret instinct de nature : mais non pas que cela se digere ny leur serue de maintenement, non plus que le fer aux austruches, que toutefois elles corrompent par la forte & grande chaleur de leur estomac. Mais on dira que ceste assimilation contrarie à ce texte du 10. du Leuitique, où les enfans d'Aaron font ainsi embrasez pour auoir offert du feu estrange. Ce que Rabi Simeon au Zohar refere en partie, qu'ils auoient seruy à l'autel estans yures & chargez de vin, car ce qui suit apres le demonstre; que Dieu dit à Aaron, Toy ne tes fils ne boirez point de vin , ny d'autre chose qui enyure , lors quevous entrerez au tabernacle. A quoy on peut respondre, que les similitudes ne peuvent pas en tout & par tout conuenir; autrement ce seroit la mesme chose qu'elles representent. L'eau de vie n'enyure

pas: ioint qu'on n'en prend telle quantité à la fois qu'elle peust aliener les gens de leur esprit. Et encore qu'estant separée du vin, ce qui en reste ne soit plus que phlegme & residences, qui ne peuuent aucunement enyurer, n'y estans meslées & adiointes de la nature, que pour reboucher l'acuité de l'eau de vie: Toutefois on voit par experience en Allema-gne, & autres regions froides où l'eau de vie est en grand' vogue, que pour quelque quantité qu'on en puisse prendre, elle n'enyure pas pour cela, comme feroit le vin en telle quantité que celuy dont elle auroit esté esteinte: & mettant vn peu d'eau dans du vin bien fort, il enyurera plustost que le beuuant pur. l'ay veu esprouuer de plus, que reconioignant l'eau de vie à ce dont on l'auroit tirée, ce mellange ne pourroit point enyurer non plus; parce que les parties vne fois separées des composez elementaires, puis y reconiointes, prennent toute vne autre nature que la leur premiere. Certes c'est un grand appuy & soulagement que de l'eau de vie pour vn estomac debilité, soit par l'âge, ou par quesque ac-cident, encore qu'on cuide qu'elle brusse & ofsense les parties nobles, car pour estre ainsi inflammable, elle n'est pas pourtant bruslante. Qui en voudra veoir de grandes vertus, lise les quintessences de Raymond Lulle, de Rupescissa, le ciel des Philosophes d'Vlstadius, & autres: car nous ne nous y voulons pas icy arrester, comme à vne chose qui est par trop triuialle & batuë. Ils l'appellent la quintessen-

ce, pour la conformité qu'elle a auec la nature celeste: & le ciel, à cause que tout ainsi que le ciel, qui est comme vn autre air, mais plus subtil que l'elementaire, contient les estoilles, dont il reçoit diuerses impressions & effects qu'il nous influë & communique icy bas; de mesme l'eau de vie s'empreigne aisement des qualitez & vertus specifiques des simples qui y sont mis en infusion. A ce propos du ciel & estoilles, & de leurs differentes impressions, nous n'outrepasserons point icy vne belle dispute qui se presente.Le comte Pic de la Mirandole, vn prodigieux esprit certes, accompagné de tres-grande litterature; au 3. liure contre l'Astrologie iudiciaire, chap. 25. transporté d'vne trop ar-dente curiosité d'impugner ceste art: Voulonsnous, dit-il, prouuer que la proprieté & vertu de toutes les estoilles n'est qu'vne mesme? presupposons ceste maxime: Que la nature du ciel ne se peut plus apertement & fuccinctement exprimer, qu'en disant, le ciel estre vne vnité de tous les corps; car il n'y a rien en tout l'vniuers qui ne depende de certain v N, ainsi que de sa primitiue source: auec plusieurs autres premises, dont il veut conclurre, que de la proprieté & vertu de chaque estoille indifferemment, depend la faculté & vertu de tous les composez elementaires, sans y auoir autre difference entr'elles, fi d'auenture ce n'estoit en grandeur, comme il se voit apparemment; ny qu'on puisse dire que l'vne preside plus particulierement à vne chose

chose d'icy bas, qu'à vne autre; car chaque estoille preside à tout : de maniere que si elles estoient toutes iointes & vnies ensemble en vn seul corps, ce seroit tout ainsi que si infinies flammes & feux venoient à l'assembler pour n'en faire qu'vn; lequel seroit plus fort de vray, mais non pas de diuerse proprieté & nature, qui ne se change pas és substances homogenées & homœomeres par vne coaceruation, ne qui vinst à produire d'autres effects qu'il faisoit estant separé, comme on peut voir en de l'eau: & vn gros flambeau, au prix d'vne petite bougie, qui en allumera infinies autres, aussi bien que fera le flambeau; bien que plus puissant pour reschausser, cuire, & brusler, comme estant en plus grand volume. Mais c'est vne chose bien mal-aisée, que de renuerser une opinion dessa conceuë de longue-main; mesmement si elle est appuyée de l'authorité de l'Escriture saincte, qui nous doit estre comme vne pierre de touche pour y verifier nos ratiocinations, la pluspartincertaines & erronées, si elles ne sont conduites de la diuine inspiration. Car il est escrit au Pseaume 146. Dieu sçait le nombre de toutes les estoilles, & leur donne à chacune son nom. Que si elles ont toutes leur nom different & particulier, dequoy pourroit-il seruir sinon pour les distinguer entre elles d'effects, de proprietez, qualitez & vertus? Car le nom des choses importe cela, suyuant ce qui est dit au 2. de Genese; Ainsi qu' Adam nomma chaque chose, telest son vray & propre

nom : Que Platon en son Cratyle dit estre non tant seulement le type & representation des choses, mais leur essence. Et en cest endroit y a vne belle consideration bien à remarquer; que Dieu laisse à Adam la nomination des choses terrestres, mais il se retient à soy celle des celestes; comme l'exprime le Pseaume 113. Calum cali Domino, terram autem dedit filijs hominum : Qui est autant à dire, selon Rabi Moyse Egyptien, liure 2. de son Moré ou directeur, chapitre 25. Que le Createur sçait luy seul la certaine verité des Cieux, quelle est leur forme & leur substance, & leurs mouuemens: mais sur ce qui est au dessous du ciel, il a donnéle pouuoit à l'homme de le cognoistre; car c'est proprement le monde de l'homme que la terre, où il est produit, & le lieu de sa conversation pendant qu'il est en ceste vie, tout ainsi qu'vn feu & lumiere attachée à la matiere: là où les causes surquoy nous pourrions fonder nos demonstrations quant au ciel, sont hors de nostre cognoissance pour en estre ainsi esloignez; & en cest endroit de Calum cali Domino, il y peut auoir double exposition selon la punctuation & lecture; Que le ciel appartient au Seigneur du ciel; & ainsi le prennent quelques Hebrieux; mais qui doute que la terre ne luy appartienne aussi bien que le ciel?

Figure 25. Domini est terra, es plenitudo eius. Et en Ieremie 23. Nunquid non calum es terra impleo? L'autre est, Que le ciel du ciel est reserva à Dieu; es la terre il l'a delaissée aux enfans des homes: qui est vne maniere de parlet vsitée

en l'Escriture saincte; Si enim calum, & cali calorum 3. des Roys capere te non possunt; dit Salomon à Dicu: car les He- 8. brieux appellent metaphoriquement ciel, les choses qui sont fort esloignées de nostreveue; & nous aussi à leur imitation, comme quand nous disons d'vn milan, heron, & gerfault, qui se sont si hault esleuez, qu'à peine les peut-on discerner, qu'ils se vont perdre dans le ciel. Si que tout ce qui est d'icy à la sphere de la lune, & generalement tout ce qui est au dessus de nous, ils le noment ciel : & le ciel du ciel est la region etherée, depuis la lune iusqu'au firmament; ou bien le firmament mesme ou ciel empyrée. Mais au demeurant, que les estoilles soient toutes d'vne mesme nature, proprieté & effect, pour les voir ainsi si semblables fors de grandeur & de clarté, il ne fensuit pas que cela voise de la mesme sorte qu'au feu, encore que communément nous les appellions feux & lumieres celestes: c'est tout ainsi que des semences des arbres & plantes, dont il y en a infinies qui s'entreressemblent; & les premiers germes aussi qu'elles iettent, qui ne different comme rien; mais à mesure qu'ils parcroissent, leurs differences se manifestent. Les Hebrieux tiennent qu'il n'y a si petite & mallostruë herbe en la terre, ne rien quelconque des trois genres des composez mineraux, vegetaux, animaux, qui n'ait là hault son estoille correspondante qui luy assiste, & dont elle reçoit son maintenement & conseruation. Mais comment peut quadrer cela? dira quelqu'vn à la trauerse; parce qu'il semble deroger & contreuenir à ce qui est en termes exprés dans Genese, chapitre premier; où il est escrit, comme en la troisseme in ournée la terre de soy produit herbes & arbres, contenans en eux leurs semences selon leurs especes; & neantmoins le soleil, ny lalune, ny les estoilles ne furent creez que le lendemain, le quatriesme, dont mesme est là designé l'essect & sonction: Soient faits des luminaires au sirmament du ciel; à sgauoir le soleil, la lune, & les estailles, pour separer la nuiet du ione; & soient en signes & saifons, en iours & en années; sans leur est attribuer de leur assistance sur les arbres & plantes, & autres choses elementaires.

Mais pour retourner aux particularitez de l'eau de vie, il n'y aura point de mal de toucher icy vn petit experiment qui sen fait, fort gentil & rare, laissant les autres qui sont plus vulgaires. L'eau de vie a cela de particulier, qu'elle ne dissoult point le sucre, ny ne se ioint auceques luy comme fait son phlegme, & l'eau commune, le vinaigre, & autres liqueurs: mais par artifice il se fait des deux vne tres-soiestue liqueur, fort propre contre les sluxions des catharres & rheumes sallez qui molestient l'estomac & la gorge; & en est vn bien grand soulagement. Faites tremper vn ou deux iours de la canelle concassée grossierement dans de l'eau de vie, & en prenez l'insusion bien nette. Ayez du sucre sin dedans vne escuelle à oreille, reduit en

menuë pouldre, & pour l'aromatiser meslez-y quelque portion de sucre rosat. Versez dessus ceste eau de vie, & les faites vn peu chauffer sur les cendres; puis mettez-y feu auec vn papier allumé, remuant bien tout auec quelque petite broche de bois bien nette, tant que l'eau de vie ne brusle plus: & il vous restera vne liqueur la plus agreable au goust qui sçauroit estre, & merueilleusement confortatiue. Vous y pouuez adiouster de la liqueur de perles, de coral, & autres semblables, qui se dissoluent aisément dans du ius de citron, ou du vinaigre distillé, qu'on raddoucist faisant euaporer dessus quelque quantité d'eau commune ou de phlegme d'eau de vie; & non pas en les calcinant, comme fait Paracelse & ses sectateurs, auec du salpetre, qui est tout vn manifeste poison; ioint que frustra sit per plura, quod per pauciora fieri potest, dummodo id aquè rite siat. Chacun au reste sçait assez la maniere de tirer l'eau de vie, emplissant les deux parts d'vn alembic deverre, ou de terre de Beauuais, de bon vin vieil; & le distillant à feu lent par le bain dans vn chaulderon plein d'eau auec de la paille. Continuez la distillation tant que vous verrez de longues veines & filamens apparoistre en la chappe, & dans le recipient; car c'est l'eau de vie qui monte la premiere, & le phlegme vient apres en grosses gout-tes, comme larmes, qui est signe qu'il n'y a plus d'eau de vie. On la peut affiner la repassant vne autre fois; mais ie ne serois pas d'aduis que pour en Cc iii

prendre dans le corps, elle le soit plus d'vne fois: & est chose estrange que de sa grande subtilité; car elle montera à trauers cinq ou six doubles de papier brouillas sans le mouiller: le m'en suis veu en ietter vn plein verre en l'air, & n'en tomber pas vne seule goutte en terre. Elle est d'vne souueraine efficace contre toutes brusleures, & mesme celles des harquebuzades, dont elle empesche, comme a esté dit cy-deuant, les estiomenes & gangrenes; ce qui monstre assez la pureté de son feu, qui se peut à bon droict appeller celefte. Voicy ce que met Raymond Lulle de ses proprietez & vertus: Il ne nous faut pasattendre, dit-il, que ny la quintessence, ny autre chose d'icy bas, nous rende immortels; statutum enim est omnibus hominibus semel mori : ny nous doine prolonger nos iours outre & par dessus le terme prefix; car cela est reserué à Dieu; Brenes dies hominis sunt, onumerus mensium eius apud te est. Constituisti terminos eius qui præteriri non poterunt; là où au contraire ils se peuuent bien accidentellement abbreger. L'eau de vie donques, ny toutes autres sortes de quintessences & restauratifs ne nous sçauroient alonger nostre vie d'vne minute d'houre; trop bien la peuuent-ils conseruer & maintenir iusqu'au dernier but, la preseruant de putresa-ction, qui est ce qui plus l'abbrege: mais desendre la putrefaction par des choses corruptibles, cela ne se peut; parquoy il faut chercher quelque substance incorruptible, propre & familiere à nostre

Heb. 9.

100 10.

nature, & qui en conserue & maintient la chaleur radicale, ainsi que l'huille fait la lumiere d'yne lampe. Telle est l'eau de vie tirée du vin, la plus confortatiue & connaturelle substance de toutes autres; pourueu qu'on n'en abuse point par excés. Plutarque liure 3.question 8. des Symposiaques, accompare le vin au feu, & nostre corps à de l'argille. Si vous donnez le feu, met-il là, qui soit mediocre; à de l'argille & terre à potier, il la consolidera en des pots. bricques, thuilles, & autres semblables ouurages: mais l'il est excessif, il la resoult, & fait surfondre & couler. L'eau de vie outre-plus preserue fort de corruption, comme on peut voir par les choses vegetales & animales qu'on y met tremper, qui par ce moyen se conseruent en leur entier longuement. Elle conforte & maintient la personne en vigueur de ieunesse, qu'elle restaure de iour à autre: regaillardist & renforce les esprits vitaux; digere les cruditez prise à ieun; & reduit à vne égalité les superfluitez excessiues, & les defauts qui pourroient estre en nostre corps; causant diuers effects selon la disposition du subiect où elle s'applique, comme fait la chaleur du foleil, qui fond la cire, & endurcist la fange : & le feu de mesme. Er est ce celeste esprit resident en l'eau de vie, si susceptible de toutes qualitez, proprietez & vertus, qu'il se, peut rendre chauld en l'empreignant de choses chaudes, froid de froides, & ainsi du reste, neutre qu'il est; conformément à nostre ame, inclinable au

bien & au mal. Car encore qu'elle consiste des quatre elemens, ilsy sont neantmoins si proportionnez que l'vn n'y predomine pasă l'autre: Parquoy on l'appelle ciel, auquel on applique telles estoilles que on veut, à sçauoir les simples elementaires, dont elle conçoit les proprietez & essent. On y peut donc

accomparer ce feu celeste de l'autel.

Mais les eaux fortes qui dissipent & ruinet tout, font ce feu estrange; & ainsi les appellent les Alchimistes,& le feu contre nature, le feu externe, & autres semblables exterminatifs. Certes si les effects de la pouldre à canon sont si admirables, consistans de fi peu d'especes & ingrediens, qu'on la peut bonnement appeller le vray feu infernal, deuorateur du genre humain, l'action des eaux fortes ne l'est pas moins, qui brussent tout, composées qu'elles sont seulement de deux ou trois substances: celle qu'on appelle communément de depart, de salpetre, & vitriol, ou alun de glace: & ceste-cy dissoult l'argent, le cuyure, l'argent-vif, & le fer en partie. La regalle qui n'est autre chose que la precedente, rectifiée sur du sel armoniac, ou sel commun, dissoult partie du fer, le plomb, l'estain, & l'or indomptable à toutes sortes de feux: bien est vray, que les eaux fortes n'exterminent pas les metaux, qu'ils ne retournent en leur premiere forme & nature; mais elles les attirent en eau & liqueur coulante. Ce a esté certes vne bien artificieuse industrie à l'esprit humain, d'excogiter vne voye siabregée de separer l'or & l'argent fondus

fondus ensemble, & si vniformement meslez, qu'vne once d'or fonduë auec cent marcs d'argent, chaque partie d'iceluy en attirera esgallement sa portion; comme on peut veoir par la practique des affineurs, qui pour esprouuer ce que tient d'or & d'argent vne masse confuse de diuers metaux, n'en prendront que trente grains pour en faire leur essay à la couppelle; & de là ils iugent que la mesme proportion qui se trouuera en ce petit volume, sera aussi en toute la masse. Tout ce qui y peut estre de metal impur imparfait, l'en va partie en fumée, partie se consume par le feu, & partie sinuisque dans la couppelle, ne demeurant dessus icelle que le fin, l'argent à sçauoir, & l'or, qui y est enclos, qu'on en separe par l'eau fort, ditte à ceste occasion de depart; qui resoult l'argent en eau, & l'or s'en va au fonds comme vn sable: l'eau puis apres euaporée, l'argent se retire. Mais il y auroit trop de choses à dire sur les effects des eaux-forts, l'vn des principaux & plus abbreuiatifs instrumens d'Alchimie,& art du feu & du sel; auec infinies belles allegories qui s'en pourroient approprier sur l'Escriture faincte.

C Es deux feux encore se peuuent accomparer, l'estrange à scauoir au leuain, à l'eau de la mer qui est sallée, & au vinaigre, vn vin corrompu, & autres fortes de ferments, seux contre nature: & leceleste de l'autel, à la paste pure & azyme, à l'eau douce propre à boire, & à l'eau de vie, dont le vinaigre est

destitué; representans l'estat d'innocence de nos premiers peres auant leur transgression, & la simplicité de leur cognoissance à eux infuse du Createur. Mais quand tentez de l'ambition puis apres, de sçauoir plus qu'il ne falloit, ils voulurent par l'humain discours deuenir plus subtils & sages, en goustant du fruict de science de bien & de mal, leur paste azyme se vint lors à ensler & enorgueillir du leuain qu'ils y introduirent, qui la peruertit & gasta, l'appropriant aux choses corporelles & sensibles: car le pain que nous mangeons est leué, & celuy dont on vse en l'Eglise ne le doibt estre, non sans cause; car du pain azyme se gardera plus de semestres sans se moisir & corrompre, que la paste leuée ne fera de sepmaines: c'est pourquoy l'Apostre a dit; Modicum sermenti totam massam corrumpit. A cause que l'vne des proprietez des fermets, est de conuertir en leur corruption tout ce qui y est adioint de leur nature, comme fait le vinaigre le vin, & le leuain la paste pure: la presure aussi, qui est du nombre des ferments. Et quand on n'a point de leuain, on en fait, corrompant la paste auec du vinaigre, residences de bieres, œufs, & semblables substances, qui par leur corruption s'acquierent la proprieté d'vn feu estrange, qui est aussi de con-uertir à sa nature ce où il peut mordre; comme on peut veoir de la fieure enuers la chaleur naturelle: si qu'il se tourne en toutes choses, & touten luy, selon Heraclite, qui le mettoit pour le principe; apres

toutesfois Zoroastre, lequel estimoit toutes choses L'engédrer du feu, apres qu'il estoit esteint: car estát vif il n'engendre rien, come ne fait non plus le sel, ny la mer qu'Homere appelle de là de vigers infru-Etueuse; ains ne fait que consumer & destruire: Immensa es improba rerum portio (dit Pline) es in qua chap. dubium sit, plura absumat, an pariat. Le leuain don-dern. ques est vn feu estrange, & de faict il est caustique; car appliqué sur la chair nuë il y engendre de petites cloches, ce qui monstre son igneité: (aussi ne se fait-il point sans du sel) dict pour ceste occasion en Latin sermentum, quòd seruendo crescat; & en Grec Zuunde Lew boüillir, brusler. Les Chymiques l'appellent le feu interieur, ignem intra vas : car nous voyos par experience, que le pain, si la paste n'en est leuée, quelque cuisson qu'on luy puisse donner, ne sera iamais qu'elle ne soit de dure & malaisée digestion, & chargeant fort l'estomac, si que le leuain qu'on y adiouste la fait cuire par le dedans. Dont vient donques que Moyse si sçauant homme, & si illustré de l'esprit diuin, reiette ainsi vne chose si vtile & necessaire, & bannist si expressément le leuain de ses sacrifices, qui est vn si grand aide & secours en nostre principal aliment, le pain? Nequicquam fer-Leuit.3. menti aut mellis adolebitur in sacrificio Domini. Et au 12. d'Exode il condamne à mourir ceux qui durant les iours des azymes auroient mangé du pain leué, ou qui en auroient tant soit peu chez soy. Est-ce point pource que les idolatres vsoient de leuain?

Dd ij

Mais il ne le defend pas en tout & par tout: car au 23. du Leuit. il veut qu'on offre deux pains leuez. Dauantage les idolatres employoient bien aussi en leurs sacrifices & du sel & de l'encens, & plusieurs autres choses qu'il n'a pas defendues: il faut donc qu'il y ait quelque mystere caché là dessous. Origene Homelie 5. sur le Leuit. interprete le leuain pour l'arrogance que nous conceuons d'vne vaine doctrine mondaine, qui nous enfle ainsi que le leuain fait la paste; & nous enorgueillist, estimans plus sçauoir que nous ne faisons: si que nous quittons là l'expresse & directe parole de Dieu, pour nous retenir à nos traditions fantastiques, comme le reproche le SAVVEVR aux Pharifiens, en saince Marc 7. Certainement Isaie a fort bien prophetisé de vous , hypo-crites, quand il a dit , Ce peuple icy ne m'honore qu'assez de leures, mais leur cœur est au loing de moy. Car en delaissant les commandemens de Dieu, vous vous retenez auxtraditions des hommes. Et pourtant il nous admo-5. Manh. neste de nous garder de ce leuain. Et sur les Nombres, Iln'est pas à croire, dit le mesme Origene, que Dieu eust voulu faire punir de mort ceux qui durant la folennité des azymes eussent mangé du pain leué, ou se fust trouué du leuain chez eux, si cela n'importoit autre chose que ce qu'il signisse à la lettre: ains par ce leuain sentend la malignité, enuie, rancune, concupiscence, & semblables vices, qui enflamment nostre ame, & la font boüillir à de mauuais & pernicieux desirs, corrompant, alterant,

& peruertissant tout ce qui y pourroit estre de bon, suiuant ce que dit l'Apostre, Modicum sermenti totam 1. Cor. s. massant mortunpit. Parquoy il ne nous saut point mespriser vn petit peché; car à maniere du leuain il en aura bien tost produit d'autres. Ne mesprisez pas, dit sainct Augustin, les machinations & embusches de peu de gens : car comme vne scintille de feu est peu de chose, &qui à peine se peut discerner; sielle rencontre de l'amorce & nourrissement, elle embrasera en peu de temps de grosses villes & citez, des forests, & des contrées tout entieres : de mesme est le leuain, qui pour peu qu'on en adiouste à de la paste ou farine, il l'alterera en peu d'espace, & la conuertira à sa nature. De mesme est la peruerse doctrine, qui gaigne peu à peu pays, comme vn cancer dedans le corps. Et au 3. liure contre Parmenian: Se glorifier non de ses pechez, mais de ceux des autres, comme fait ce Pharisien en S. Luc 18. Je te rends graces, Seigneur Dieu, que ie ne sus point comme les autres hommes, rauisseurs, iniustes, adulteres: ie ieusne deux fois la sepmaine, erc. comparant son innocence aux defauts des autres, cela n'est qu'un peu de leuain: mais de se glorifier de ses iniquitez & mefaits, est bien grand. Le leuain au reste est pris en bonne, aussi bien qu'en mauuaise part dedans l'Escriture saincte; si qu'il se rapporte aux deux feux. La mauuaise a esté cy-dessus touchée pour vn orgueil & mauuaistié qui corrompt l'ame. Quant à la bonne, au 7. du Leuitique il y a des pains de paste leuée, qu'on

Dd iij

214

offre pour les pacifiques, auec l'oblation de graces: & au 23. de chaque famille deux pains leuez des primices des bleds à la Pentecoste. Et en S. Matthieu & S.Luc 23. I E s v s C H R I s T accompare le regne de Dieu au leuain qu'vne femme a mis dans trois mesures de farine, tant qu'elle fust toute leuée. Car là il est pris pour vn feruent zele d'vne foy ardente: Et c'est le feu dont nous deuons estre sallez : car tout ainsi que le feu cuist nos viandes, & le sel les asfaisonne; aussi le leuain est cause que la paste se cuit bien mieux, & se prepare par iceluy à se rendre plus faine,& de plus legere digestion;& plus sauoureuse & de meilleur goust: auquel cas le leuain se rapporte à la loy Euangelique, ainsi que dit S. Augustin; & le vieil leuain à la Mosaïque, que les suifs ne prenoient qu'à l'escorce, & par les cheueux. Au moyen dequoy l'Apostre nous admoneste de le reietter loing de nous, c'est à dire toutes superstitions & malices. Despouillez-vous de ce vieil leuain, à fin de vous rendre une nouuelle paste comme vous estes, destrempée sansiceluy, dont un bien peu la feroit leuer toute; car nostre agneau paschal, IESVS CHRIST, a esté immolé pour nous. Pourtant celebrons-en la feste, non pas auec le vieil leuain, ny auec vn leuain de malice & iniquité cauteleuse, mais auec des pains sans leuain, de preudhommie & de verité. Lequel leuain est sans doubte ce feu estrange quinous deuore & consume par le dedans, c'est à dire l'ame, pour nous aualler & faire descendre tous viuans en Enfer. Et le feu de l'autel, le ce-

leste, de charité, foy, esperance, est celuy dont nous deuons requerir à Dieu d'embraser nos cueurs, & saller toutes nos pensées & nos desirs, qu'il ne sy engendre point de corruption; comme celuy d'icy bas le fait és choses corruptibles & corporelles; prompt ministre & executeur de ce qu'il plaist à la bonté diuine nous eslargir de soulagemens, & commoditez en ceste vie temporelle. Quantes obligations t'auons-nous donques, excellente portion de la nature, sans laquelle nous viurions en si grand'misere? Tu nous esclaires en tenebres: Tu nous resiouis à l'obscurité, nous apportant vn autre iour. Tu deschasses d'entour nous les puissances nuisibles; les frayeurs & illusions nocturnes: Tu nous reschauffes ayans froid, & ressuyes estans mouillez: Tu cuis nos viandes: Tu es le souverain artisan de tous les mestiers & manufactures, qui nous ont esté reuellées pour nous remparer contre nos imbecillitez naturelles, qui nous rendent pour le regard du corps le plus foible & infirme animal de tous autres. Tout cela moyennant la diuine beneficence, tu le communiques à tous les mortels. ET toy, ô clair lumineux foleil, l'image visible du Dieu inuisible, la lumiere duquel se rabat en toy, ainsi que dedans vn beau poly miroir, te rendant plantureux en toutes sortes de bienheuretez, que puis apres tu communiques à toutes les creatures sensibles: Qui tant beau, & si desiré liberal bien-faicteur te leues tres-resplendissant aucc tes lumineux

rayons, que tu espands en tous les endroits de ce monde, & par la vertu de ton esprit & haleine, par ta vigueur viuifiante, tu gouuernes & maintiens ce grand Tout. Toy l'illustre phanal du ciel, toy la lumiere de toutes choses; cause & autheur secondaire de tout ce qui se produit icy bas : qui par la faculté & puissance que t'a eslargie le souuerain dispensateur de tous biens, obliges à toy toute la nature: Qui d'vne course infatigable parcours & visites iournellement les quatre coings de l'vniuers. Ta beauté & lumiere, tu l'empruntes de l'incogneuë & imperceptible à nos sentimens, la Diuinité, & la depars d'vne liberalle largesse, sans aucun voile ne couuerture qui se vienne interposer entre deux, à la lune ta chere espouse, pour nous en esclorre icy bas les effects; allumant par mesme moyen de ton inextinguible & inexpuisable flambeau tous les feux celestes. Regarde-nous donc d'vn œil benin & fauorable,& par l'excellente beauté qui se monstre en toy, esleue-nous l'entendement à la contemplation de ceste autre plus grande que nul œil mortelne sçauroit soustenir, ny l'esprit apprehender, que par vne profonde & pieuse pensée, entant qu'il luy plaist l'en gratifier.

MAIS toy Souucrain pere de cest intellectuel feu & lumiere, que te pounons-nousicy apporter que de deuotes supplications & prieres? qu'il te plaise brusser du feu de ton SAINCT ESPRIT, les volontez & les courages de nous autres tes hum-

DY FEV ET DV SEL

bles creatures, afin que nous te puissons seruir d'vn corps chaste; & t'agréer d'vne pure & nette conscience, à l'honneur & gloire de ton sainct nom, & salut de nos ames; par nostre Seigneur IESVS-CHRIST ton cher fils, qui vit & regne auec toy Dieu coëternel, és siecles des siecles.

AINSI SOIT-IL.





## TRAICTE' DV FEV ET DV SEL

PAR LE SIEVR BLAISE DE VIGENERE.

SECONDE PARTIE.

OVT homme sera sallé de seu, co toute victime sera sallée de sel, en saince Marc 9. Du seu il en a esté parlé cy-dessus. Reste le sel dont il n'y aura moins de choses à dire. Mais c'est un cas estrange que les ceremonies du Paganisme se soient trouvées en cest endroit, & infinis autres, aux traditions Mosaïques, Le seu brusser tous sur paratitions Mosaïques, Le seu brusser tous ser un transition sur la dit au 6. du Leuitique, lequel le Presser entretiendra en y mettant du bois chaque matinée. Le feu sera perpetuel sans iamais failles sur l'autel. Et au second, Tu saleras auce du sel toutes les oblations de tes sacrifices; con n'oublieras de mettre le sel de l'alliance de ton Dieu dessus ceux: Tu offiras en toutes oblations du sel. Lequel sel au 181. des Nombres est appellé la paction sempirernelle deuant

TRAICTE DV FEV ET DV SEL. 219 Dieu d Aaron & a ses fils. Et Pythagore en ses symboles, ordonne de ne parler de Dieu sans lumiere, & d'appliquer du sel en tous sacrifices & oblations. Et non seulement Pythagore, mais Numa aussi, que la plus part tiennent auoir precedé Pythagore de plus de centans, institua le mesme selon la doêtrine des Hetrusques. Il n'est pas à croire que Moyse si cheri bien-aimé de Dieu, & si illustré de ses inspirations dont procederent tous les enseignemens qu'il laissa, & si ardent persecuteur des idolatries & Superstitions desEthniques, en eust rien voulu emprunter. Plus est-il vray-semblable qu'eux par les instigations du Diable, qui l'est tousiours constitué come vn singe de son Createur, pour se faire idolatrer, ait voulu destourner ces sacrez mysteres à leurs abusiues impietez, selon que le deduisent fort bien Iosephe contre Appion, & sainct Ierosme contre Vigilantius. Si que, tout de mesme qu'en la loy Iudaïque, il ne se faisoit point de sacrifices & oblations au Paganisme, qu'on n'y admist du sel, selon que le tesmoigne Pline, liu.31. chap.7. Maxime autem in sacris intelligitur salus authoritas, quando nulla conficiuntur sine mola salsa. Platon au Timee, Quand en la commixtion & messange des elemens, le composé est destitué de beaucoup d'eau, & des plus subtiles parties de terre, l'eau qui y reste vient à se congeler à demy, la salsature sy introduit, qui le rendurcist d'auantage; & ainsi se procrée le corps du sel, communicatif à l'usage de nostre vie, en tant que touche le corps & ses sentimens; ac-

commodé par mesme moyen selon la teneur de la loy, à ce qui depend du divin service, comme estant sacré et fort agreable aux Dieux: dont il l'appelle %οφιλές σωμα. C'est pourquoy Homere l'appelle diuin; dont Plutarque au 5. liure de ses Symposiaques, question 10. rend plusieurs raisons, & entre autres, pource qu'il fymbolise à l'ame qui est de nature divine, & tant qu'elle reside au corps, elle le garde de putrefaction, comme fait lesel la chair morte, où il s'introduit en lieu de l'ame qui la garde de se corrompre: dont quelques-vns des Stoïques auroient dit que la chair de porc de soy estoit morte, & que l'ame n'y estoit semée qu'à guise de sel pour la conseruer plus longuement exempte de putrefaction; Quibus anima data est pro sale. Nos Theologiens disent que la ceremonie de mettre du sel dedans l'eau quand on la benist, est venuë de ce qu'Elisée fit au quatriesme liure des Roys, chapitre 2. de radoueir les eaux de Iericho, en ierrant du sel dans leur source. Et cela denote que le peuple, lequel est designé par l'eau (Aque multe, gentes multe sunt) pour estre sanctifié, se doit instruire de la parole de Dieu, que le sel signifie, auec l'amertume & repentance qu'on doit auoir d'offenser Dieu; comme l'eau fait aussi la confession tant de sa foy, que de ses pechez : de la commixtion desquels deux, sel & eau, en procede vn double fruict, le separer de ses méfaits, & se conuertir à de bonnes œuures. Et d'autant que la repenrance de ses pechez doit preceder la confession auriculaire; laquelle repentance est denotée par l'amertume du sel, on le benist aussi premier que l'eau. Il est pris aussi pour la Sapience, Vos essis sal terre, &, Habete sal in vobis. Et pource qu'en tous les darissices anciens se mettoit du sel; de là est venu qu'au baptessme on met du sel en la bouche de la creature, auant que la baptiser de l'eau. A ce qu'elle ne peut auoir encore actuellement, le mystere du

sel y supplée pour l'heure. DV FEV donques, & du sel dependent de grands mysteres & secrets, compris soubs les deux principales couleurs, rouge & blanc: car, comme met le Zohar, toutes choses sont blanc & rouge; mais il y a beauçoup d'interualles de l'vn à l'autre. Dieu teint nos pechez qui sont rouges, car la concupiscence vient de sang & de la sensualité de la chair arrousée de sang; & nous teignons sa blancheur & misericorde en vn rouge ou rigueur de iustice par le feu qui embrase nos charnels desirs, & leur pourchasse le iugement, qui est par tout où est le feu, s'il n'est amorty de l'eau salutaire. Et quand les peruers preualent au monde, comme ils font ordinairement, la rougeur & le iugement s'y espand: & toute la blancheur se couure, qui s'altere plustost en rouge que ne fait le rouge en blancheur; laquelle si elle predomine, tout au rebours resplendist d'elle. A ces deux couleurs se rapportent aussi la loy ancienne, & l'Euangelique: la rigueur de iustice, & la misericorde; la colonne de

feu par l'obscurité de la nuict, & la nuée blanche fur iour; le vin & le pain, le sang & la graisse, qu'il n'estoit pas loisible de manger: Vous ne mangerez point de Éhair auec le sang: en Gen.9. & au 3. du Leuir. Toute la graisse est au Seigneur par un edict perpetuel. Vous ne mangerez aucune graisse ny sang. Ce qui est encore plus particulierement repeté au 17. où la raison en est renduë, pource que l'ame, c'est à dire la vie de la chair, est au sang, lequel mystiquement representoit celuy du MESSIHE, auquel consistoit la vie eternelle; si qu'il n'estoit pas loisible d'en vser d'autre auant son aduenement. De mesme la graisse estoit reseruée à Dieu, tant celle que les Hebrieux appellent cheleb, qui couure les intestins, & est separée de la chair; que l'autre ditte schumen, qui y est annexée. Mais metaphoriquement la graisse est prise pour la substance la plus exquise; comme au 18. des Nombres, les decimes qui estoient le meilleur des fruicts, sont dites la graisse d'iceux. De laquelle maniere de parler nous vsons aussi, quand nous disons; Faites que ceste portion soit bien grasse, de quelque chose que ce soit. Et au Pseaume 80. Cibauit eos ex adipe frumenti. Pourroit estre aussi que Moyse sçachant assez que ces deux substances, sang & graisse, sont de mauuais suc & nourrissement, & se corrompent bien tost hors de leurs vaisseaux, en auroit defendu l'vsage: ou si nous voulons entrer en quelque mystere, pource que dans le sang cossistent les esprits vitaux,

Zohar M.30.

22

qui sont de nature de feu; & que la graisse est fort sufceptible de flamme, & propre à faire des lumieres, qui sont vne representation de l'ame. Mais l'huille l'est aussi pour les lampes, qu'il n'a pas defenduë au manger, & nous ne voyons pas qu'au divin service on vse de chandelles de suif. Ces deux encore, feu & sel, denotent le vin & le laict. l'ay beu mon vin auec mon laict. Cant. 5. par le vin estant designé l'arbre de science de bien & de mal, à sçauoir la vaine curiosité des choses mondaines; & par le laict celuy de vie, dont Adam fut priué pour auoir voulu gouster de cest autre-là, qui estoit la prudence humaine. Deuant qu'Adam eust transgressé (dit le Zohar) il estoit fait participant de la Sapience de la lumiere superieure, ne s'estant point encore separé de l'arbre de vie: mais quand il sen voulut distraire apres la notice des choses basses, ceste curiosité ne cessa qu'elle ne l'eust du tout despouillé de la vie, pour l'incorporer à la mort. Iacob & Esau, les deux principaux Potentats de la terre qui en sont descendus. Item la rose & le lys; dont l'eau qui s'en extrait & monte par la chaleur dufeu qui l'esleue est blanche, encore que les roses soient rouges; comme est la fumée qui s'exhaloit du sang & de la graisse qu'on brussoit à Dieu pour en enuoyer en hault la vapeur; afin de denoter, dit le mesme Zohar, qu'on ne luy doit rien offrir que de candide : car la rouge represente le peché, & la punition qui s'en ensuit; & le blanc la syncerité auec la misericorde & la recompense

finale qui l'accompagne. Qu'est-ce, dit le Zohar, qui se designe par les roses rouges, & le lysblanc? C'est l'odeur de l'oblation , prouenant du sang rouge , & de la graisse qui est blanche ; que Dieu se reserue pour sa portion. Laquelle graisse se rapporte à la victime, ou hommeanimal qui se nourrist de la graisse, ainsi que les esprits vitaux font du sang : Parquoy il est dit, quand on ieusne pour s'extenuer & macerer les aiguillons de sa chair & concupiscence; qu'on offre sa graisse à Dieu, lequel veut de sa creature l'ame, qui est le feu & le sang; & le corps, à sçauoir la graiffe dont il fe nourrist; mais l'vn & l'autre incontaminez, purs & nets, sans corruption, ainsi que fils estoient passez par le feu & sallez. Pourtant il veut qu'on les luy brusle, afin qu'ils montent en fumée blanche, & odeur de suauté deuant luy: car la fumée est plus spirituelle que la matiere, dont le feu la subtiliant l'enleue à guise d'vn encensement. Et de fait tout ce monde icy n'est qu'vne odeur qui monte à Dieu, par fois bonne & agreable, par fois mauuaise & ennuyeuse. La forme de la chose qui consiste en sa figure & couleur, demeure incorporée à la matiere, où l'œil la va apprehender, & s'y associe. Le goust y demeure aussi attaché; que la saliue destrempe pour le communiquer à la saueur. Mais l'odeur s'en separe, & paruient de loing en vapeur inapperceuable au sentiment du nez & cerueau. Parquoy l'escriture particularise l'odeur en la rose & au lys; le rouge & le blanc; dont l'odeur

deur ne s'esuanouist point. Et encores que les roses soient rouges, l'eau neantmoins qui s'en distille, & la fumée, si on les brusloit, en sont blanches, ainsi que celles de l'encens, dont il est dit au Pseaume 140. Dirigatur oratio mea sicut incensum in conspectu euo: par les oraisons s'entendans non tant seulement les prieres, mais tous nos desirs, nos pensées, actions & comportemens: & là dessus Rabi Eliezer fils de Rabi Symeon autheur du Zoar, faisant sa priere, paraphrase ainsi: Cela est assez cogneu & manifesté deuant toy, 6 Seigneur mon Dieu, Dieu de nos peres, que ie t'ay offert ma graisse, & mon sang. Ie te les ay offerts en odeur de suauité, auec une ferme foy & creance; macerant, Chastiant la sensualité de mon corps. Qu'il te plaise donques, Seigneur, que l'odeur de ma priere sortant de ma bouche soit presentement addreßée deuant ta face, comme l'odeur d'un holocauste qu'on te brusteroit dessus l'autel de la propiciation; er de l'auoir pour agreable. Il dit cela, pource que depuis l'aduenement du SAVVEVR & la destruction du second temple par les Romains, les sacrifices Iudaiques furent conuertis en prieres; les sacrifices sanguinolents denotez par les roses rouges de couleur de sang; & les incruétes, comme les minchad, & autres semblables de farine, par les liz qui sont blacs, suivant ce qui est dit és Cantiques 5. & 6. Dilectus meus candidus 😙 rubicundus : qui pascitur inter lilia.

Soubs ces quatre couleurs au reste qui designent les quatre elemens; le noir, la terre; le blanc, l'eau;

le bleu, l'air; & le rouge, le feu, sont compris de tresgrands secrets & mysteres. Autrefois en lisant dans Pline liu.35.chap.to.qu'Apelles auoit peint Alexandre tenant la foudre dans la main: digiti eminere viden. tur, & fulmen extra tabulam esse; sed legentes meminerint omnia ea constare quattuor coloribus; Iene sçauois bonnemét specifier quelles estoient ces quatre couleurs qui debuoient estre les principalles en nature, iufquesà ce que l'ay appris du Zohar de les confiderer en vne lumiere; où cela est bien à noter, qu'il y en a deux attachées au lumignon, à sçauoir le noir denotant la terre, & le rouge qui en procede, le feu; & deux à la flamme, le bleu en la racine vis à vis du noir, & le blanc au haut opposé au rouge. Mais voyons comment cela quadre bien à la theorie Chymique, qui constitue de ces quatre elemens deux solides & fixes, qui se preparent ensemble, la terre & le feu qui adherent au lumignon; & les deux autres liquides volatils & coulants, l'eau & l'air, blanc & bleu, comme est la flamme qui est liquide & en perpetuel mouuement. Et ne faut pas trouuer estrange que l'air, le bleu, soit plus bas que l'eau ou la flamme blanche qui est au haut, parce que la partie aërée, qui est l'huile & la graisse, se separe plus tard & plus mal-volontiers du composé que ne fait l'eau qui est plus opposée aufeu: mais voyons plus mystiquement là dessus ce qu'en parcourt encor d'abondant le Zohar. La lumiere rouge tant en la terre comme au ciel est celle qui

22

destruit & dissipe tout, car c'est la tige de l'arbre de lamort; comme on peut veoir en vue lampe, chandelle & autre lumiere, dont la racine est en la terre, à scauoir ceste noirceur corruptible & corrompante qui abbreuue le lumignon, & les branches & rameaux sont la stame bleuë & blanche. Le lumignon auec sa noirceur & rougeur est le monde elementaire, & la flamme le celeste. La couleur rouge commande à tout ce qui est au dessous d'elle & le deuore. Et si vous dites qu'elle domine aussi au ciel, non qu'au monde inferieur: on pourra respondre; Et combien y a-il de vertus & puissances là haut qui font destructives, & dissipent les choses basses subiacentes? Toutes les superieures sont anchrées en ceste lumiere rouge, & ses inferieures non; car elles sont crasses, grossieres & obscures: & ceste lumiere. rouge, qui est contiguement au dessus, les ronge & deuore, & n'y a rien en ce bas monde qui n'en soit destruit. Elle penetre & entre és pierres, les perse & trouë, que les eaux peuuent passer à trauers, & novent tout dans les abysmes & creux de la terre, où elles se departent de costé & d'autre, tant qu'elles viennent à se rassembler de nouueau en leurs abysmes, passans à trauers les tenebres qui se confondent auec elles: ce qui est cause que les eaux montent & deualent; (montent quand elles viennent de la mer pardessous terre, à leurs sources, pour de nouveau couler dessus terre en bas, retournansau lieu d'où elles sont parties) si que les

eaux, les tenebres & la lumiere se pessemeslans il se fait là dedans vn autre chaos, que la nature vient à demesser (la chaleur à sçauoir qui y est enclose) de l'ordonnance du dispensateur souuerain, qui luy commande. Et l'en font des lumieres qu'on ne sçauroit vegir, parce qu'elles sont tenebreuses. Chaque canal au reste monte contremont auec sa voix, dont ces abysimes sont esbranlez, & crie à son compagnon, ( Abyssus ad abyssum clamat in voce cataractarum (uarum:) Et qu'est-ce qu'il crie? Ouure-toy auec tes eaux, & i'entreray en toy. Ce sont tous mysteres assez mal-aisez à comprendre, mais qui ne tendent qu'à demonstrer l'affinité & connexion du monde sensible auec l'intelligible, & de l'elementaire au celeste: car comme est dit en vn autre endroit; Le firmament vniuersel, qui s'appelle le firmament du ciel, contient les choses superieures & inferieures, bien que par diuerses manieres : ce qu'on peut veoir en vn flambeau, où la noirceur, qui est la terre, est le fondement des trois elemens & couleurs; la rouge n'estant qu'vne inflammation & ardeuriointe à la noirceur, sans flamme aucune ny lumiere, comme font le bleu. & le blanc, qui procedent d'vne mesme racine, toutes tendans à s'aller vnir auec la flamme blanche qui est au dessus, & la plus haut esleuée des autres: neantmoins elle n'est pas pour cela fi pure & si despoüillée de toutes ordures, qu'elle ne procrée de la suye & sumée noire &infecte: dont elle a besoin d'estre depurée par le

feu, tant qu'il ait acheué de consumer sa corruption, & la rendre en vne parfaicte blancheur, qui de là en auant ne s'altere plus. Et c'est ce que nous auons dit cy-deuant, que le feu laisse deux sortes d'excremens non assez depurez pour le premier coup; les cendres en bas, dont par le mesme feu f'extrait la substance incorruptible du sel, & le verre finablement: ce que le Zohar n'a pas ignoré; quand il dit sur Exode, Ex lixiuio ex quouis cinere confecto, educitur sal & vitrum: Mais ores qu'il ne l'eust pas dit, c'est chose assez commune & manifeste à ceux qui manient le feu. Lequel excrement cineral vient de l'adustion & embrasement des charbons: mais la suye qui est plus spirituelle, parce qu'elle monte & est esseuée en haut, naist de la flamme qui n'a eu le loisir & pouuoir de l'acheuer de mondifier; si que le pur & impur sont montez ensemble. Et certes rien ne sçauroit mieux conuenir à nos ames apres leur separation du corps, qui emportent auecques elles les impuritez qu'elles ont attirées de luy pendant leur seiour icy bas, si qu'il faut qu'elles repassent par le feu, & en soient acheuées de blanchir du tout : Omnis homo igne salietur, & omnis victima sale salietur: Le lumignon & les cendres representans l'homme exterieur animal, & son corps, & les deux flammes bleuë & blanche; la bleuë le corps celeste & etherée, & la blanche, les ames despouillées de toute corporeité: qui és gens de bien seront brusseés du feu qui

230

ard tousiours dessus l'autel, & sallées du sel de son alliance; les promesses à sçauoir de son M E s si H E, auquel le Prince de cemonde n'a que veoir, ainsi qu'il a en la posterité d'Adam, qui est toute remplie. de cendres, dont il fut le premier basty; & de la suye du peché originel, dont il l'entacha par sa desobersfante prevarication: si que nous sommes la nuict où Moyse commence à compter le iour, parce que felon la chair nous fommes devant le MESSIHE, lequel estant venu depuis, est le jour esclairé de ce clair soleil de iustice, que les Caballistes dient estre la representation du min Ihouah, dont le fourreau, comme ils l'appellent, est Adonai, dont Dieu le deuoit tirer dehors: car c'est celuy qui mondisiera les iustes, & brussera les meschans du feu noir & caligineux. A quoy bat aussi ce qui est dit que des animaux du throne descendra un lyon enflambé lequel deuoroit les oblations. Il y a des Anges commis sur chaque membre qui peche, dont ils se constituent les delateurs: car tout homme qui commet quelque offence, soudain il se delegue luy-mesme vn accusateur qui ne luy sera pas fauorable plus qu'il ne doibt, ains luy apprestera vn feu d'enhaut pour brusser ce membre qui aura forfaict. Mais le Ihouah interuient là dessus, qui auec son eau de misericorde esteint ce seu, apres que la partie delinquante aura esté purgée de ses macules. Et n'y a que luy seul, qui est l'Ange de paix, qui puisse faire la reconciliation de l'ame à Dieu, à quoy elle paruient par l'intercession de ce sacré nom. Non est aliud nomen. Tout cela met le Zohar, qui est assez Chrestiennement parlé pour vn Rabin, qui iamais nefut baptisé.

CELA premis pour vn fondement de ce que nous dirons cy-apres; le texte Greede sainct Marc porte, não gura áxì áxi dhora; là où la version Latine que l'Eglise tient, pour Juda a victima, comme à la verité ce mot Grec signifie toutes sortes de facrifices, hosties, victimes, & ceremonies. Mais Porphyre liure 2. des facrifices le particularise aux herbes qu'on offroit aux Dieux. Car du commencement on ne leur presentoit pas, cedit-il, de l'encens, myrrhe, benjoin, storax, aloes, labdanum, & autres semblables gommes odorantes; ains tant seulement quelques herbes vertes, ainsi que certaines primices des germes que la terre produisoit; Moys de car les arbres furent procreez de la terre premier sina le que les animaux, & la terre reuestuë d'herbes auant mesme en Gen. 2. que produire les arbres. Au moyen dequoy eux cueillans certains pieds d'herbes toutes entieres, auecleurs fueilles & racines, & leurs semences, ils les brusloient, sacrifians l'odeur & fumée qui en procedoit, aux Dieux immortels: & de ceste exhalation qu'elles iettoient, que les Grecs appellent Sumians, le mot de Suna seroit prouenu; parquoy on ne le refere pas proprement aux sacrifices sanguinolents: car par plus de huict vingts tant d'ans les Romains, de l'ordonnance de Numa, n'eurent

' aucunes images des Dieux; ny autres facrifices que de farine auec du sel, qui estoient de là appellez δοάμωκτα, c'est à dire sans sang. Iusqu'icy Por-

phyre.

I L a esté dit cy-deuant, que rien n'estoit plus commun, ny moins bien cogneu, que le feu: & autant en pouvons-nous dire du sel: pourquoy c'est que Moyfe en a fait si grand cas, que de l'appliquer en tous facrifices, l'appellant l'alliance perpetuelle de Dieu auec son peuple: de laquelle alliance, des Hebrieux dicte berith, s'en trouuent trois ou quatre marques dans l'Escriture: l'arc en ciel au 9, de Genese: la circoncisson à Abraham au 17. & la paction du sel vniuerselle au 18. des Nombres : Plus la paction de la Loy receuë en Horeb, au Deuter. 5. Dominus Deus noster pepigit nobiscum pactum in Horeb: ·lequel a esté de tout temps en vne tres-singuliere & venerable recommandation enuers toutes fortes de gens: Benedicitis mensas salinorum appositu, dit Arnobius aux Gentils. Mais Tite-Liue au 26. Vt falinum paterámque deorum causa habeant. Et Fabrice tres-vaillant Capitaine Romain, n'eut onques or ny argent qu'vne petite tasse, dont le pied estoit de corne, pour faire ses offrandes aux Dieux; & vne falliere pour l'en seruir en ses sacrifices : defendant, selon que met Pline liure 33. chap. 12. d'auoir autre argenterie que ces deux-là. C'estoit au reste vne marque & symbole d'amitié, que le sel; parquoy la premiere chose qu'on seruoit à des estrangers suruenans

uenans, estoit du sel, pour denoter la fermeté de leur amitié cotractée. Et le grand Ducde Moschouie, selon que met Sigismundus Liber en son traicté de rebus Moschouiticis, ne sçauroit faire vn plus grand. honneur à ceux qu'il veut fauoriser, que de leur enuoyer de son sel. Archiloque, comme l'allegue Origene contre Celsus, reproche entre autres choses à Lycambe d'auoir viole vn fort sainct & sacré mystere, de l'amitié conceuë entr'eux par le sel, & leur commune table. Et sur sainct Matthieu parlant de Iudas, Il n'a point eu, ce dit-il, de respect ny de 1 souvenance de nostre commune table, ny du sel ny du pain que nous auons mangé ensemble. Et Lycophron au poeme de l'Alexandre appelle le sel à yiras, purificatif & lustratif, faisant allusion à cecy d'Euripide, Odrawa unil ambina la Desmai nans, Que la mer laue tous les maux des hommes : parce que la mer, que les Pythagoriciens, à cause de son amertume & salsuginosité, appelloient la larme de Saturne, & vn cinquiéme element; n'est autre chose que du sel dissous dans de l'eau. Et certes c'est vne chose fort admirable, de la grande quantité qui est du sel; attendu que nous teñons pour vne infallible maxime, que Dieu & la nature ne font rien en vain: Car outre ce qui s'en trouue dedans la terre, partie en liqueur, qu'on fait descuire, partie en glaçons, comme à Halle de Saxe, & à Berrhe en Prouence; partie en roche dure, comme en Teplaga, terre des Negres, où on l'apporte de plus de deux cens lieuës

loing sur leurs testes, & la transportent de main en main par relais iusques au Royaume de Tobur, seruant de monnoye quia cours par tous ces quartiers;. comme on fait aussi en la prouince de Caindu en la Tartarie Orientale selon Marc Pole liu 2. cha.38.& aussi que sils n'en auoient à tous propos en la bouche, leurs genciues se pourriroient, à cause des ardeurs extremes qui y regnent, accompagnées de certaines humiditez marescageuses corrompantes, pour raison dequoy ils ont besoin de la tenir continuellement arrousée d'vne chose qui empesche la putrefaction. l'ay esprouué par plusieurs fois fort exactement, que de l'eau marine il se tire pres de la moitié de sel, faisant euaporer doucement l'eau douce qui y est messée. Quelle quantité donc enorme de fel resteroit-il, si la substance douce de la mer en estoit extraite? Il n'y a sablons & deserts de quelque longue estenduë qu'ils puissent estre, qui by sceussent accomparer, non pas à la deux-milliéme partie; car beaucoup de gens veulent égaller, voire preferer en quantité & grandeur la mer à la terre. Il ne nous faut tropicy arrester à beaucoup de particularitez que touche du sel Pline liure 35. chap. 7. la plusgrand part ne dependant que d'vn ouir dire; car toutes ne tendent qu'à monstrer qu'il y a en premier lieu deux sortes de sels, comme c'est la verité; le naturel & artificiel. Le naturel croist en glaçons, ou en roche à par soy dans la terre, comme nous auons dit cy-dessus; l'artificiel se fait de

l'eau de la mer, ou de la liqueur, comme vne saumeure qui se tire des puits salins, ainsi qu'en Lorraine, & la Franche-comté de Bourgongne, qu'on fait décuire & congeler sur le feu. Il en apporte tout plein d'exemples, & mesmement de ceux qui sont les plus difficiles à croire : la foy en soit par deuers le diseur: & entre autres de certain lac du Tarentin en la Poüille, point plus profond que de la hauteur des genouils, dont l'eau en Esté par la chaleur du soleil se conuertist toute en sel. Et en la prouînce de Babylone croist certain bitume liquide, vn peu espois, dont ils vsent en leurs lampes en lieu d'huille. Ceste substance inflammable en estant despoüillée, reste du sel qui estoit caché là dessoubs : comme de fait nous le voyons par experience, que de toute chose qu'on brusle s'en peut extraire du sel; mais il ne se reuele point, que ce qui y est d'aquosité & d'onctuosité inflammable n'en ait esté exterminé par le feu: cela fait, le sel reste és cendres: & ce sel-là, dit Gebert en son testament, retient tousiours la nature & proprieté de la chose dont il est extrait, si cela se fait en vn vaisseau clos, & que les esprits ne s'en enaporent point; car il resteroit ce que l'Euangile appelle sal infatuatum, comme nous dirons cy-apres.

Le meilleur sel au reste qui soit point, & le plus sain, est celuy qui se sait de l'eau de la mer en Brotiage. Et à l'exemple d'iceluy il faut que le

terrouer par tout où se fait le sel d'eau marine, soit argilleux & gluant, comme la terre à potier, & celle dont se font les thuilles. Il faut courroyer outre-plus par artifice ce terrain, de peur qu'il ne succe & en boiue l'eau qu'on y attirera : ce qui se fait en le battant auec vn grand nombre de cheuaux, asnès & mullets attachez les vns aux autres, qu'on y promeine, tant qu'il soit bien ferme & solide, ainsi que quelque aire de grange à battre le bled. Cela fait, & apres auoir creuseles canaux, pour y mettre l'eau, dont il faut que ces salins soient aucunement plus bas que la mer, (Pline liure second chapitre 106. met que le sel ne se peut faire sans de l'éau douce) on dresseen premier lieu vn grand receptacle où fattire l'eau, lequel est nommé le Iard; & au bout d'iceluy vne escluse, par laquelle, y ayant esté appliquée au bas vne hanche auec son bondon, dit l'amezau, on fait couller l'eau du iarden des parquets qu'on nomme couches: & de ces couches, y donnant la pente requise, par d'autres bondons, deux en nombre, appellez les pertuis des poesses, qui y sont enchassez dans d'autres parquets dits entablemens, virefons, & moyens, pour faire tourne-virer l'eau par diuers destours & canaux, à guise presque d'vn labyrinthe; si qu'elle fait vn grand chemin, auant que de se venir à la fin rendre dedans les parquets & carreaux où le sel se doit congeler; tousiours se diminuant la quan-

DV FEV ET DV SEL. tité de l'eau, afin que les raiz du soleil y puissent auoir plus d'action, & qu'elle en soit mieux eschaussée, auant que d'entrer dans les aires où se fait la finale congelation. Mais pour paruenir à cela par certains degrez & mesures proportionnées, il y a par tout des palles qu'on haulse & baisse ainsi que celles d'vn moulin. Toute la terre au reste qu'on tire en creusant ces parquets & aires, on l'arrenge autour d'icelles, comme vne chaussée ou rempar, qui est appellé le bossis, de largeur conuenable pour passer deux cheuaux de front; lequel sert tant à retenir l'eau, qu'à mettre dessus les monceatix de sel fait & congelé, dits les vaches; & à aller & venir, comme sur vne digue, ou chaussée de maretz à autre, pour l'enleuer, & porter sur les bestes de some dans les vaisseaux qui l'attendent là aupres en la rade. En hyuer ils les couurent de iones, lesquels se vendent puis apres fort bien pour l'vtilité qui s'en tire; & ce de peur des pluyes & neges, & autres humiditez de l'air, qui le destremperoient de nouveau. Et sont toutes ces leuées si obliques & tournoyantes, que pour vne lieuë en trauers de droit chemin, il en faut faire sept ou huict; de sorte que s'y estant enfourné bien auant on s'y, pourroit perdre qui ne cognoistroit les addresses, ou n'auroit quelque bonne guide, à cause des détours & des ponts qu'il faut sçauoir aller choisir pour passer d'vn lieu à autre : & seroit bien mal-ai-

sé d'en faire vne charte & description, principale-

Gg·iij

ment en hyuer que tout est presque couuert d'eau, & encore plus d'y entrer à main armée. Pour la conferuation de ces marez salins, tous les ans apres que les chaleurs sont passées; le sel ne se pouvant faire que durant les mois de May, Iuin, Iuillet, & Aoust, les saulniers ont accoustumé d'ouvrir certaines bondes, pour y laisser entrer l'eau de la mer, tant que toutes les formes & parquets soient couverts; autrement les gelées les dissiperoient. Que si durant que le sel se glace & se cresine il survient quelque forte pluye, c'est autant de retardement, & de quinze iours pour le moins; parce qu'il faut vuider toute l'eau des parquets que la pluye auroit alterez; & pourtant és années froides & pluvieus malaissement en peut-on faire.

I e me viens en cet endroit souuenir d'vn experiment que i'ay fait plus que d'vne fois, lequel donneroit bien à penser, fust-ce à Aristote. Ie pris huich ou dix liures de grossel commun, que ie sis dissouldre dans de l'eau chaulde, escumant les ordures qui y pouuoient estre: & l'ayant bien laissée rasseoir, versay le clair par inclination dans vn chaulderon sur le feu; où ie sis euaporer toute l'eau, tant que le sel me resta au fonds blanc comme nege: puis acheuay de le dessecher dans vn pots luy donnant à la sin vne bonne estrette de seu par quatre ou cinq heures. Restroidy qu'il sur, ie le departis en plusseurs escuelles de Beauuais, pour abreger & gaigner temps au serein sur vne fenestre où le soleil ne

donnoit point, & auois choisi vn temps humide pour plus faciliter la dissolution; recueillant tous les matins ce qui fen estoit resoult en eau, tant que au bout de sept ou huict iours tout le sel acheua de se dissoudre; n'en restant que ie ne sçay quelle crasse ou limon, en bien petite quantité, que le mis à part. Toutes mes dissolutions ie les mis en des cornuës, & distillay toute l'eau qui peut monter, laquelle estoit douce, car la salsuginosité ne monte point, ains demeure fixe au fonds du vaisseau; & donnay sur la fin vne autre bonne estrette de feu auec des bastons de cotteret. Ayant rompu les cornues, ie mis le sel qui y estoit demeuré congelé, à dissouldre à l'humide comme deuant, tant qu'il n'en resta que de la crasse & limon comme au precedent. Ie distillay ce qui peut monter d'eau, & reiteray tous ces regimes, tant que tout mon sel en fust resoult & distillé en eau douce: ce qui vint à la sept ou huictiesme fois. Les limons ie les lauay fort bien auec l'eau, pour en extraire ce qui y pouuoit estre resté de saleure; & si les recalcinay & lauay, tant qu'il n'en resta qu'vn limon ou terre pure sans aucun goust. De ce peu dosel que i'en auois extrait, i'en sis comme i'auois fait des autres; si que tout mon sel, sans rien perdre de sa substance, sen alla en eau douce, & en ce limon insensible, qui ne reuint qu'à vne ou deux onces. Que seroit donques deuenue ceste salsature du sel? Certes i'y perds mon latin: & ne Îçay que dire là dessus:mais tant est qu'il

en va ainsi à la verité que ie dis. Si quelqu'vn me vouloit desnotter ce poinct, certes il me feroit plaifir. Ie le lairray donc demesser aux autres pour venir aux particulieres louanges du sel, sans lequel, dit le mesme Pline, on ne sçauroit viure ciuilement. Toute la grace & gentillesse, l'ornement, plaisirs & delices de la vie humaine, ne se sçauroient mieux exprimer que par ce vocable; lequel festend aussi aux voluptez de l'ame, la douceur & tranquillité de la vie : & à vne souveraine resiouissance & repos de toutes fatigues & trauaux. Il renouuelle les Palacitas. aiguillonnemens & desirs amoureux d'engendrer son semblable: & a obtenu ceste honorable quali-

Sales.

té de salaire des gens de guerre; & des plaisans mots facetieux, & ioyeuses rencontres, sans blesser perfonne, dont il auroit esté appellé les Graces; dont sainct Paul aux Coloss. 4. Vostre parole soit tousiours confite en sel auec grace: Et en fin est tout l'assaisonnement de nos viandes; qui sans cela demeureroient fades & insipides. Si qu'à bon droit auroit-on dit en commun prouerbe, Sale & fole nihil viilius; qu'il n'y a rien plus vtile & necessaire que sont le soleil,& le sel: Ainsi en discourt Pline au lieu allegué. Et Plutarque liure & question 4. des Symposiaques; Sans le sel rien ne se peut manger d'agreable au goust; car le pain mesme en est plus sauoureux si on y en mesle; parquoy lon accouple ordinairement és temples & lectisternes Neptune auec Cerés; car les choses sallées sont comme yn allechement & aiguillon excitant l'appeiit; Si

que deuant toute autre nourriture on prend celle qui est aigue & sallée; là où si on commençoit par lesautres, il se prosterneroit incontinent. Cequin'a point de saueur, se pourroit-il manger sans sel? dit sob, s. chap. Le sel aussi rend le boire plus delicieux, & est d'infinis autres vsages & commoditez à la vie qui tient plus de l'homme, là où la priuation d'iceluy la rend brutale. C'est au reste vne marque & symbole d'equité & iustice; à cause qu'il garde & conserue ce où il s'introduit & attache. D'amitié aussi & de gratitude, suyuant ce qui est dit au premier d'Esdras, chap. 4. où les Lieutenans du Roy Artaxerxes luy escriuent en ceste sorte; Nous resouuenans du sel que nous mangeons en ton Palais, nous ne voulons faillir de l'aduertir fidellement de ce qui vient à nostre cognoissance, concernant le service de ta haultesse. Estant le sel là mis pour vne des plus grandes obligations qu'on puisse auoir, parce que c'est vne chose pure, nette, & saincte & sacrée, qu'on appose la premiere dessus la table: Si qu'Æschines en son oraison de la mal-administrée ambassade, fait grand cas du sel & table publique d'vne ville conféderée auec vne autre: Et de fait, ya-il rien de plus permanent & plus fixe au feu, ny de plus approchant de sa nature? parce qu'il est mordicant, acre, aceteux, incisif, subtil, penetratif, pur & net, fragrant, incombustible, & incorruptible, voire ce qui preserue toutes choses de corruption: & par ses preparations se rend clair, crystallin & transparent comme l'air;

car le verre n'est autre chose qu'vn sel tres-fixe, qui se peut extraire de toutes sortes de cendres, des vnes plus prochainement que des autres; mais il n'est pas dissoluble à l'humide comme le sel commun, ny celuy qui s'extrait des cendres par vne forme de lexiue, qui est liquable auec cela, és fortes expressions de feu: qui sont neantmoins deux cotraires resolutions,& repugnates l'vne à l'autre:principe en apres de toute humidité liquable, onctueuse, mais inconfumptible. Il est outre-plus la premiere origine, tant des metaux que des pierres & pierreries, voire de tous les autres mineraux; des vegetaux pareillement, & des animaux, dont le fang, l'humeur yrinalle, & toute autre substance est sallée pour la preseruer de putrefaction: & en general, de tous les mixtes & coposez elementaires. Ce qui se verifie de ce qu'ils se resoluet en luy; si qu'il est comme l'autre vie de toutes choses;& fans luy,ce dit le Philosophe Morien, la nature ne peut rien ouurer nulle part; ny chose aucune estre engendrée, selon Raymond Lulle en son testamet. A quoy tous les philosophes Chymiques adherent, que rien n'a esté creé icy bas en la partie elemétaire de meilleur ny plus precieux que le sel. Il y a donc du sel en toutes choses; & rien ne pourroit subsister, si ce n'estoit le sel qui y est mellé; lequel lie les parties ensemble comme vne colle; autrement elles s'en irojent toutes en menuë pouldre: & leur donne nourrissement. Car au sely a deux substances; l'vne visqueuse, gluante & on-

ctueuse de nature d'air, qui est douce: & de fait, il n'y a rien qui nourrisse que le doux; l'amer & le sallé, non. L'autre est aduste, acre, pungitiue, & mordicante, de nature de feu, qui est la xatiue; car tous sels sont laxatifs; & rien ne lasche qui ne participe de nature de sel. Voila pourquoy c'est que ceux qui boiuent de l'eau marine, meurent bien tost de dysenteries; le sel qui y est messé leur faisant vne erosion és boyaux; car il n'y a rien de corrosif qui ne foit sel, ou de nature de sel; ignée de soy, ce dit Pline, liure 31. chapitre 9. & neantmoins ennemi du feu actuel; car il y trepigne, tressault, & petille: corrodant au reste tout où il s'attache, & le dessechant; combien que ce soit la plus forte & permanente humidité de toutes autres; & est humiditas, dit Geber, que super omnes alias humiditates expectat ignis pugnam; ainsi qu'on peut voir és metaux qui ne sont autre chose que sels congelez & décuits par vne longue & successive decoction dans les entrailles de la terre: où leur humidité l'est d'abondant sixée par la temperée chaleur qui s'y retrouue. Et ces selslà participent de nature de soulphre & argent-vif; lesquels ioints ensemble font yn troisiesme, le sel à sçauoir metallique, qui a la mesme fusion & resolution que le sel commun: lequel est pris pour vn symbole de l'equité & iustice, comme aussi sont les metaux, bien que par vne autre consideration: car fondez de l'or, argent, cuyure, & autres metaux ensemble, ils se messent tous également; de façon

que si sur cent parts d'argent, voire deux cens, vous en fondez vne d'or, la moindre partie de cest argent, en quelque endroit que vous la vueillez prendre de la maffe totalle, aura endroit foy pris fa iuste & égalle portion de l'or, & non plus ny moins: par-quoy ils sont pris pour la iustice distributiue. Mais le sel, c'est pource que par tout où il s'attache, chair, poisson, vegetaux, il les garde de se corrompre, & les conserue en leur entier, & les fait durer par de longues suittes de siecles; au contraire du feu, qui est vn fort mauuais hoste; car il brigande & extermine tout ce qui le loge chez soy, ne cessant qu'il ne l'ayt conuerty en cendres; dont s'extrait le sel quiy estoit auparauant contenu. Si qu'ils s'accordent & conviennent eux deux, feu & fel, & auec les ferments aussi, en ce qu'ils conuertissent tout ce furquoy ils peuuent exercer leur action. Plutarque liure & question 4. des Symposiaques, extollant le sel, met que toute chair ou poisson qu'on mange, est chose morte, & procedée d'vn corps mort: mais quand la faculté du sel s'y vient introduire, c'est comme vneame qui les reuiuisie, & leur donne grace & faueur: Et au cinquiesme liure, question dixiesme, rendant raison pourquoy Homere appelle le sel diuin; il met que le sel est comme vn temperament& fortification de la viande dedans le corps,& qui luy donne vne conuenace aucc l'appe-tit.Mais c'est plustost pour lavertu qu'il a de preser-uer de putresaction les corps morts, qui est comme

resister à la mort, ce qui appartient à la diuinité; (Non dabis sanctum tuum videre corruptionem) ne permettant pas que ce qui est priué de vie, perisse si tost de tous poincts; ains tout ainsi que l'ame, la diuine partie qui est en nous, maintient le corps en vie (anima data est porcu pro salute, ce met Pline apres les Storciens) de mesme le sel prendainsi qu'en sa fauuegarde vne chair morte pour la garentir de putrefaction; dont le feu des foudres est reputé pour estre diuin, à cause que ceux qui en sont touchez demeurent longuement sans se corrompre, comme fait de sa part le sel qui a ceste proprieté & vertu. Ce qui monstre la grande conuenance & affinité qu'ils ont ensemble; parquoy Euenus souloit dire, que le feu estoit la meilleure saulce du monde: ce qui est de mesme attribué aussi au sel. Toutes lesquelles choses cy-dessus confirment l'occasion pour laquelle Moyse, & apres luy Pythagore, au-roient faich si grand cas du sel, pour couurir dessous son allegorie ce qu'ils vouloient donner à entendre par luy, que nos ames & consciences, denotées par l'homme en sain & Marc ; l'homme à sçauoir interieur; & nos corps par la victime, doibuent estre offerts purs, non souillez & sanscorruption, à Dieu; V texhibeatis corpora vestra hostiam vinentem, sanctam, Rom. 2. Deo placentem, esc. Il y auroit peut-estre vne autre raison qui auroit meu Moyse à exalter si fort le sel; que selon que le deduit bien au long Rabi Moyse Egyptien au 3. liure de son Moré, chap. 47. où il

Hh iii

rend particuliere raison de la plus part des cerimonies Mosaïques, son principal but estoit de renuerser toutes idolatries, mesmes celles des Egyptiés où elles auoient la plus grande vogue qu'en nulle autre part; luy voyant que leurs Prestres detestoient si fort le sel qu'ils n'en vsoient en sorte quelconque à cause de la mer dont il procedoit, en l'amertume de laquelle falloit perdre & saller la douce substance du Nil, qu'ils tenoient estre pour l'humeur radicale dont germent & se nourrissent toutes choses icy bas; en despit d'eux, & au contraire de leurs traditions, il en voulut faire vne forme d'alliance & paction de Dieu auec le peuple Iudaique, que toutes leurs oblations seroient accompagnées de sel. Et au 2. du Paralip. chap. 13. il est dit, que Dieu donna à Dauid & à ses enfans le Royaume Îsraëlitique par vne alliance de sel, c'est à dire tres-ferme & indissoluble; pource que le sel empesche la corruption. Et pourtant le Savvevr esseut ses Apostres pour estre comme vn sel des hommes, à sçauoir pour leur annoncer la pure & incorruptible doctrine de l'Euangile, & les confirmer en vne ferme persistante foy, tant par paroles que par faicts. Les Caballistes penetrans plus auant en quelques mysteres enclos là dedans, meditent certaines subtilitez par vne reigle de la Ghematrie ditte ghilcal, qui consiste és equiualences des nombres, que les Hebrieux assignent aux lettres. Celles de ce mot n'a malach, qui signifie sel, montent en leur supputation 78.car

mem vaut 40. lamed 30. & heth 8. Or diuisez de telle sorte que vous voudrez ces 78. tousiours en resultera quelque nombre representant vn mystere des noms diuins. Pour exemple, la moitié qui font 39. montent autant que les lettres de ma chuzu, le fourreau ou reuestement du grand nom; car caph vaut 20. vau 6. Zain 7. & l'autre vau 6. Si en trois parties, chacune montera 26. qui est le nombre du tetragrammaton יהוה Ihouah, vau vallant 10. he 5. vau 6. & he 5. En six parties, ce seront 13. pour chacune, qui equipollent à la numeration de pieté. En treize ce feront six que vaut le vau, lettre representant la vie eternelle: outre que le six est le premier nombre parfaict, parce que ses parties le constituent, sa sixiéme à sçauoir vn; sa tierce, deux; & sa moitié trois; laquelle perfection n'a pas vn des autres nombres: & en six jours fut parfaicte la structure de l'vniuers. Il y en a autres plusieurs mysteres en l'Escriture. En xxvi. ce sera le nombre de la tres-saincte & sacrée TRINITE', car trois fois xxvi. font Lxxviii. En xxxix. deux, que vaut le beth, symbole du Verbe ou seconde personne, & la maison des Idées de l'Archetype, que Platon a fort bien cogneuës, Aristote non. Et finablement les 78. denotent autant d'vnitez, dont chacune represente l'vnité de l'essence d'vn seul Dieu. Tout de mesme est-il du mot בחל lechem pain, qui est vn anagramme du precedent, & consiste des mesmes lettres: parquoy non fans cause porte le prouerbe, Manger du sel aucc

son pain. Rabi Selomo sur les lieux dessusdits de l'alliance de Dieu auec son peuple, designée par le sel, par où s'entend le pact eternel du grand sacerdoce du MESSIHE, nous apporte vne forme d'allegorie assez estrange & fantastique: Que les eaux d'icy bas en la terre se mutinerent, qu'on les eust ainsi separées des supracelestes, ayant esté le firmament mis entre deux: au moyen dequoy Dieu pour les appaiser, leur promit de faire qu'elles seroient perpetuellement employées à son seruice en toutes les offrandes, sacrifices, comme il sit depuis en la loy qu'il donna aux Iuifs: Quidquid obtuleris

Lenit. 2. sacris, sale condies.

I L y a au reste diuerses sortes de sels, qui ont differentes proprietez & vertus, selon les choses dot ils sont extraits: Sal enimretinet proprietatem illius rei à qua ortum est, dit Geber en son testament: voire autant qu'il a d'odeurs & saueurs, qui toutes dependent du fel: car là où il n'y a point de fel, il n'y a point aussi d'odeur ne saueur. Et neantmoins de toutes les saueurs, que Plutarque és causes naturelles limite à huict; Pline liure 15. chap. 27. les estend à treize; il n'y en a pas vne qui soit sallée; parce que la saueur, comme veut Platon, vient de l'eau, qui coulle à trauers la tige de quelque plante, & laisse sa saleure qui ne peut passer, comme plus grossiere qu'elle est, & terrestre; ainsi qu'on voir en l'eau de la mer quand on la distille, ou qu'on la passe à trauers du sable, où elle laisse sa salsature. Mais on pourroit

pourroit dire à Platon que la saueur ne gist pas seulement és plantes, ains aussi bien és animaux & mineraux, & tous autres composez elementaires. C'est que luy & Aristote, & autres ratiocinatifs Philosophes, se sont seulement arrestez à ce que leurs argumens & discours leur en imprimoient en la fantasie, estimans qu'il ne poust estre autrement que ce que leurs raisonnemens leur en demonstroient, la plus part faux & erronées: là où fils y eussent voulu penetrer empiriquement par des experiments qui leur eussent-monstré au doigt & à l'œil la verité de la chose, ils en eussent peu estre mieux acertenez, comme ont fait depuis les Arabes, & les Philosophes Chymiques, qui ne se sont voulus afseurer de rien, que de ce qu'ils ont veu par plusieurs fois sans varier au sentiment. C'est vne maxime receuë pour infallible de tous les Naturalistes, que la transparéce vient de quand l'eau en la coinposition & mellange surabode à la terre: & l'opacité au contraire, quad la terrestreité predomine l'eau: & seroit vn crime de leze majesté irremissible d'en douter; car qui est-ce qui doute, ce diront-ils, qu'il ne soit ainsi Moy, repliquerai-ie, à qui l'experiece monstre tout le rebours, au moins que la cause de la transparence & opacité ne prouient pas de celle qu'ils alleguent. Prenez du crystal, & passez-le vn tant foit peu sur des cendres chaudes, autant qu'on mettroit à faire rostir vn marron : vous le trouuerez tout opaque, sans plus de transparence dedans ny

dehors en la superfice; & ce sans aucune deperdition de sa substance, ny diminution de son poids. Et à l'opposite en vne forte expression de feu, soufflant dessus le plomb, dont rien ne peut estre de plus opaque, se conuertira en vne forme de hyacinthe si transparente qu'on pourroit lire vne menuë lettre à trauers , ores qu'elle cust vn pouce d'espoisseur: & ceste hyacinthe par le mesme feu retourne derechef en plomb, & le plomb en hyacinthe. Si donques ces profonds contemplateurs de la nature & de les effects, eussent voulu accompagner leurs discours imaginatifs, de l'experience qui reuele infinis secrets par le feu, ils ne fussent pas tombez en de telles absurditez; & cussent manifestement apperceu sans aucun voile ny obstacle tout plein de choses dont ils sont demeurez en irresolution & en doute, n'en ayans parlé que comme aueuglettes & à tastons. Car nous ne pouuons pas descouurir les secrets des choses par y proceder directement, ne y paruenir en y entrant, à maniere de parler, par la porte de deuant; car la nature va en ses ouurages ratierement & à cachettes; ains par la porte de derriere, ou l'eschellant par les fenestres; les Grecs appellent cela Adavos; Compositionem etenim rei aliquis scire non poterit, dir fort bien Geber, qui destructionem illius ignorauerit. Et cela se fait par le feu, lequel separe les parties, comme il a esté dit . cy-deuant. Il y a donques deux diuerses substances au sel, par quoy il cause diuers effects; l'yne douce

& glutineuse, inflammable, de nature d'air, nourrisfante, l'autre, acre, mordicante, & separatiue, qui n'engendre rien. Les Poëtes en leurs mythologies ont appellé ceste-cy Ocean; & la douce, dont la faulmeure de la mer est destrempée, & renduë liquide, Tethys, comme met Plutarque au traicté d'Osiris, laquelle alaicte & nourrist toutes choses. Mais l'eau simple ne seroit pas suffisante elle seule pour nourrir, si elle n'estoit assistée, és choses qui sont attachées à la terre, du sel qui y est enclos & meslé parmy, ayant vne douce onctuosité glutineuse. Car tout ainsi qu'en l'eau de la mer il y a deux fubstances, la douce & sallée; il y en a subalternatiuement deux au sel. Mais on pourroit dire qu'il ne nourrist pas, ny ne produit rien : c'est pourquoy on a accoustumé de raser les maisons des traistres, & les semer de sel, comme si on les reputoit indignes de rien plus produire. Le sel de vray ne produit rien ainsi qu'il est; ou sa substance douce est tellement enfoncée dans la sallée, qu'elle ne se peut expliquer en action, ainsi qu'il est, si d'auenture elle n'en est desprisonnée ; car la salsature la predomine & la couure. Mais on pourra repliquer à ce qui a esté dit cy-dessus, que l'eau douce seule ne nourrist ny ne produit rien: qu'on voit du contraire par experience en plusieurs herbes aquatiques, qui croissent au milieu des eaux, & en des cailloux, qu'elle engendre des coquilles, des poissons mesmes, & des vers : Somme que sa procreation s'estend és

trois genres des composez, mineraux, vegetaux, animaux. Et defait, mettez de petits cailloux dans quelque phiolle, & de l'eau dessus, la renouuellant tous les iours; au bout de quelque temps vous les trouuerez tellement engrossis & accreuz, qu'ils ne pourront plus sortir par le goullet où ils estoient entrez. Mais à la verité tout cela prouient du limon qui est messé parmy l'eau; comme les grenouilles & autres choses qui se procréent en la moyenne region de l'air, du limon que les raiz du soleil y ont enleué auec l'eau; car toutes pluyes, neiges, & autres telles impressions participent beaucoup de limon. De là vient que la neige fume & engraisse les terres; & que l'eau de pluye est plus connaturelle aux arbres, herbes & semences, mesmement celles qui tombent auec orages & tonnerres, que celles des puits & des rivieres. Dequoy l'efforce Plutarque d'amener tout plein de raisons és causes naturelles, qui n'ont pas beaucoup d'apparence. Plus en y auroit, de dire que c'est pource qu'elles sont là mieux décuites & accompagnées d'vn plus sub-til & chaud limon, & sont de plus legere concoction & nourrissement pour les plantes; tout ainsi que des viandes en l'estomac des animaux, les vnes plus que les autres: là où les eaux d'icy bas sont plus cruës & indigestes. Nous insistons vn peu à l'eau, pource que le sel n'est autre chose qu'eau meslée & liée auec vneterre arse & brussée, de nature de feu, qui la rend amere & sallée. Si qu'auant

que sortir hors de ce propos de l'eau douce, nous en toucherons icy vn experiment des plus rares, & dont procedent plusieurs belles considerations secrettes. L'eau douce est vn corps si homogenée, qu'il sembleroit à la voir ainsi claire, transparente, & liquide, en toutes ses parties ressemblant à soy-mesme, qu'il n'y eust qu'vne seule substance, attendu mesme que par les distillations elle passe toute; mais il sy en trouue bien vne autre solide & compacte en forme de terre, messée parmy son homogeneïté liquide, dont elle se separe par artifice. Et c'est ce que veut dire Aristote en la Turbe des Philosophes: Ex grossitie aqua terra concreatur. Et cela se peut voir d'une eau agitée & battuë, puis redistillée par plusieurs fois, separant tousiours la cinq ou sixiesme partie qui passera la premiere. Il vous faut donc prendre bonne quantité d'eau de puits, de fontai-. ne, ou riuiere, & de pluye mesme; & la laisser rasseoir par vingt ou trente heures, afin que s'il y a quelque ordure ou limon, il sen separe. Prenez de ceste eau, comme vous pourrez dire, quarante pintes; & faites-en euaporer la moitié à feu fort leger qu'elle ne bouille: mettez ces vingt pintes à part; & en prenez de nouuelle eau comme dessus, dont vous en ferez euaporer la moitié. Et continuez tant que vous en ayez bien cent pintes d'à demy euaporée. De ces cent, faictes-en euaporer trente pintes; & des soixante dix, vingt; des cinquante qui resteront, vingt; des trente, dix; & des vingt, dix: & iet-

li iij

tez tous les limons qui resideront, car ils ne vallent rien, & ne sont qu'immondicité & ordure, iufques à la sept ou huictiesme euaporation ou distillation, après laquelle en vostre eause manifesteront infinis petits atomes & corpuscules, qui en fin peu à peu se congeleront en vne substance folide de couleur grisastre, deliée comme farine; de laquelle i'ay veu de si admirables effects, qu'à peine le sçauroit-on croire, en des chancres, gangrenes, hemorrhagies, flux de sang, en des femmes nouuellement accouchées, & par le nez; maladies d'estomac, & infinis autres tels accidens, que nulle terre sigillée, ny bolarmene ne sy sçauroient accomparer. Il s'en peut faire des trochisques, l'empastant auec les dernieres eaux qui en auront esté extraites, qui sont aussi de grande vertu à lauer des playes, maladies inueterées d'estomac, & autres Temblables; parquoy il les faut bien garder. Vous la pouuez aussi calciner par six ou sept heures dans vn petit pot bien lutté, & iettant dessus du vinaigre distillé, bouillant, en dissoudre vne partie, nourrissant le reste. Calcinez-le derechef, & dissoluez tant que vous ayez tout le sel qui sera blanc & de goust suaue : faictes-le dissoudre à l'huille : vous en tirerez bien de grands effects, mesmes sur l'or. Mais l'eau de la mer est encore de plus d'efficace que celles des puits & riuieres; l'eau douce, dy-ie, qui aura esté separée de la sallée par distillation. Ce qui seroit fort aisé à faire pres de la mer, ayant à ceste sin

quatre ou cinq alembics de terre plombée, & plus encore de l'eau douce qui se tire par distillation du

sel resouls en liqueur à l'humide.

M A 1 s il y a bien vne autre maniere de proceder en la separation des substances de l'eau commune, & plus spirituelles que la precedente. Prenez de l'eau bien nette de puits, de riuiere ou fontaine; laissez-la rasseoir par vingt quatre heures, & prenez-en le pur & le clair, que vous mettrez en des vaisseaux de terre de Beauvais bien bouchez à putrefier dans le fiens chauld, par quarante iours, le renouuellant deux ou trois fois toutes les sepmaines: filtrez l'eau; & donnez-luy cinq ou fix bouillons seulement, en l'escumant auecvne plume des ordures qui l'esseueroient au dessus: Puis la mettez en des cornuës de verre, n'y en mettant que la tierce partie, ou la moitié au plus, de ce qu'elles pourroient contenir; & distillez-en des deux parts les trois: puis changez de recipient, & acheuez de distiller toute l'eau, mais à petit feu. Alors renforcez le feu peu à peu, tant que vous voyiez monter des fumées blanches; continuez ce degré de feu sans l'accroistre iusqu'à ce qu'il ne monte plus rien: laissez esteindre à par soy le feu, & refroidir le vaisseau; puis cueillez ce sel qui se sera ainsi esleué vers le bec de la cornuë & dedans le recipient, & le gardez en vaisseau de verre bien clos & seellé, en lieu chaud & sec, afin qu'il ne se surfonde & dissolue. Remettez la cornue auec ce qui sera resté au fonds;

& renforcez le feu tant que vous verrez monter vne huille rougeaftre ; acheuez-lade distiller : puis cessez le feu. Prenez les feces noires qui seront restées au fonds; broyez-les, & mettez-en vn sublimatoire de bonne terre, à l'espoisseur d'vn pouce, & non plus: par six heures premierement petit seu; puis renforcez-le pardouze autres, tant que le sublimatoire soit rouge, le seu estant tousiours en yn mesme degré. Laissez refroidir & cueillez le sel qui fera monté, & le gardez comme le precedent. C'est. le second sel armoniac volatil qui s'extrait de l'eau; & sont l'vn & l'autre de grande vertu à la dissolution de l'or, ne portans aucun danger auec eux, comme pourroit faire leur sel armoniac vulgaire, qui a en soy de fort mauuaises qualitez, là où cestuicy est extrait d'une substance si familiere au corps humain, qui est l'eau douce. Maintenant prenez toutes les feces & residences qui seront demeurées au fonds du vaisseau; broyez les, & les faites dissoudre dans la premiere eau que vous en aurez distillée, apres l'auoir fait vn peu chauffer, afin qu'elle dissolue le sel qui y peut estre. Laissez-les reposer, puis euacuez, & mettez à distiller la moitié de l'eau. Changez lors de recipient, & à vn peu plus fort feu distillez le surplus de l'eau: & gardez-les chacune à part en lieu froid. Mais n'acheuez pas de congeler du tout le sel au fonds du vaisseau; ains y laissez quelque peu d'humidité pour créer des glagons. S'il n'est assez blanc, faites-le calciner par

257

trois ou quatre heures en vn pot de terre non plombé; puis le dissoluez en la seconde eau: filtrez &congelez, & le gardez en lieu sec, car c'est le sel fixe & fusible. Si en tirant le premier sel armoniac volatil, l'huille qui est orde & ne vaut rien, montoit auec, faudroit mettre sel & huille en nouuelle eau, & depurer & putrefier comme deuant; qui seroit àrecommencer; parquoy il y faut aller lagement en besongne. Il y a vne autre maniere d'y proceder, qui est plus courte : Nam plures sunt via ad vnum intentum, & vnum finem, dit Geber. Prenez de l'eau de pluye, ou de fontaine: mettez-en en yne cornuë fur le sable à feu fort lent, & distillez-en la quatriesme partie, qui est la plus cruë & subtile. Continuez puis apres la distillation iusqu'aux feces que wous ietterez. Et faites que vous ayez bonne quantité de ceste moyenne substance, dont vous reïtererez la distillation par sept fois, estant tousiours la 4. partie qui fortira la premiere, qui est le phlegme, & les feces sont le limon. A la quatriesme, vous commencerez à voir des sulphureïtez de toutes couleurs en forme de tayes & paillettes. Les sept distillations paracheuées, mettez vostre moyenne substance en vn alembic à feu de bain fort leger, & tirez ce qui pourra monter; qui sera encore du phlegme. Puis vous verrez créer de petits lapilles, & paillettes de toutes couleurs, qui iront au fonds. Cessez la distillation, & laissez rasseoir: puis euacuez ce qui sera resté de l'eau doucement; &

faites ainsi de toute vostre moyenne substance, & faites créer dans le bain ces lapilles. Quand vous en aurez quantité, dessechez-les au soleil, ou deuant vn fort leger feu, & les mettez dans vn mattras bien seellé, à feu de lampe, ouvn semblable, par trois ou quatre mois; & vostre matiere se congelera & fixera, horsinis quelque petite portion d'icelle, qui felleuera le long des costez du vaisseau. Ceste-cy est la moyenne substance de la premiere matiere de toutes choses, qui est l'eau. Mais afin qu'on ne s'abuse, toutes ces practiques ne sont qu'vne image & portrait à demy esbauché icy, de la maniere qu'on doit tenir à extraire des liqueurs d'où se resoluent de soy-mesme à l'humide toutes sortes de sels, tant le commun, que sel alcali, de tartre, & autres semblables; la substance douce, oleagineuse, furnageant à l'eau, d'auec la fallée & amere qui y demeure dissoulte, & apres l'extraction de l'eau demeure en sel congelé au fonds, c'est à dire, separer l'huille des sels: ce qui ne se fait pas sans grand artifice, maisil n'est pas raisonnable de le descouurir & diuulguer tout apertement, qu'on n'en reserue quelque chose, de peur de faire tort à la curieuse recherche des hommes doctes qui ont tant pris de peine & trauail pour paruenir à la cognoiffance de ces beaux secrets.

Il nous a semblé deuoir aucunement parcourir les experiments dessussation de l'eau, tant pour l'importance & la rarité dont ils sont, que pource que

259

cela depend du sel, dont l'eau fait la principale partie; & pareillement de la mer, dont separant la substace douce le sel demeure congelé solide: & de ce sel resouls à par soy à l'humide, s'en extrait par distillation la pluspart d'eau douce; au moyé dequoy fans fortir du subiect du sel, il n'y aura point de mal de toucher icy quelque chose de la mer, dont l'eau est comme le corps; le sel y enclos non apperceuable à la veuë, trop bien au goust, sont les esprits vitaux, & la substance oleagineuse inflammable enueloppée dans le sel, l'ame & la vie de nature d'air ou de vent; Memento quia ventus est vita mea. Il y a donc deux substances en la mer, & par consequent au sel; l'vne liquide & volatile qui monte en hault, & est double; l'eau à sçauoir & l'huille, l'vne & l'autre douce: & l'autre fixe & folide, qui est l'amere & fallée. C'est pourquoy Homere appelle l'Ocean le pere des Dieux & des hommes; car l'espandant de toutes parts à trauers les conduits & spongiositez de la terre qu'il tient embrassée tout à l'entour, ainsi qu'vne seche accrochée à quelque rocher; là dedans par vne prouidence de nature se fait vne separation de substances; de la douce à sçauoir, & de la sallée; car l'eau marine passant à trauers ces conduits fy dessalle, tout ainsi que si on la distilloit par vn alembic ou cornuë, ou qu'on la coulast plusieurs fois à trauers du sable, dont partie en demeure empastée auec la terre pour la production & nourriture des vegetaux; partie passe és sources, puits &

fontaines, dont se forment tous les fleuues & les zeclesiaste riuieres: Tous fleuues entrent dans la mer, sans que delà elle en regorge; puis ils retournent en leur lieu, afin que derechef ils coulent. Et partie s'esseue là hault par le moyen du soleil & des astres qui l'attirent & succent, tant pour leur nourriture que pour la formation des pluyes, neiges, gresles, & autres impresfions aqueuses de l'air. La sallée qui est plus grofsiere, pesante & terrestre, demeure inuisquée és veines & conduits de la terre, où la chaleur enclose la cuit, digere, altere, & change d'vne en autre nature pour la production de toutes sortes de mineraux, moyennant la portion de l'eau douce y entremessée, qui dissoult & relaue ces sels, tant que finablementayans esté amenez à leur derniere perfection selon l'intention de nature, elle en forme ce qu'elle aura determiné. La mer donques n'est pas si sterile & infructueuse, comme quelques Poetes & Philosophes l'ont faite: Platon mesme dans le Phedon, où il dit que rien ne s'y peut procréer qui soit digne de Iupiter, parce que tous les animaux qui s'y procréent sont tres-farouches & indomptables, indociles, & où il n'y a aucune amitié ny douceur. Mais que dirons-nous du Daulphin qui fauua Arion; & de plusieurs autres alleguez de Plutarque en son traicté, Quels animaux sont les plus aduisez, ceux de la terre, ou ceux des eaux? du poisson pareillement dont les Indiens se seruent ainsi que d'vn leurier d'attache? mais il est petit, pour pren-

dre les poissons, ne desmordant iamais ce qu'il aura vne fois attaché. Certes vn bracque, ny chien couchant ne sçauroient estre plus spirituels ny dociles que ce poisson-là, s'il est au moins vray ce qu'en raconte auoir plusieurs fois veu à l'œil, Gonçalo de Ouiedo au 13. liure de son histoire naturelle des Indes, chapitre 10. & Dom Pietro Martyre d'vn autre sorte de poisson dit Manati; lequel ayant esté pris en la mer tout petit encore, & de là porté en vn lac, se rendit domestique, & priué venoit prendre de la main des personnes du pain; & ne failloit de venir de fort loing quand on l'appelloit, se laissant manier à leur volonté: & les portoit mesme dessus son dos comme en vn radeau à trauers le lac d'vn bout à autre. Mais les poissons d'eau douce sont-ils plus dociles que ceux de la mer? Les Prestres d'Egypte sur tous les autres abhorroient la mer, l'appellans la fin finale, mort & destruction de toutes choses, à cause que son eau tuë tous les animaux qui en boiuent; & est come vn sepulchre de tous les sleuues qui se vont perdre & mourir là dedans; de mesme que la terre l'est de tous les corps, sans que l'vne ny l'autre en regorge. A ce proposChiia dans leZohar, deplorat la mort de Rabbi Simeo autheur d'iceluy, apres s'estre prosterné en terre, & l'auoir embrassée, vse d'vn tel langage;O terre,terre,pouldre,pouldre, que tu es dure & impitoyable; car tout ce qui peut estre de plus desirable à la veuë, tu l'éuieillis& le difformes. Tu débrises les luisantes colones du mode.

Combien esteins-tu de claires resplendissantes lumieres, qui reçoiuent la leur de la viue source eternelle, dont le monde est par tout illustré: Ces Princes & Potentats donnez aux peuples pour les gouuerner, & leur administrer iustice, dont ils semainriennent & subsistent, senuieillissent & definent en toy; & tu demeures tousiours persistante en toy, ne te pouuant saouler n'assouuir de tant de corps qui y retournent, afin que le monde ait à l'y deperir & gaster, & puis se renouueller soudain: toutes lesquelles mutations aduiennent en toy. Mais pour le regard de la mer, les Prestres Egyptiens la detestoient tant, qu'ils ne pouuoient voir mesme les mariniers, ny les insulaires, comme gens qui de toutes parts estoient retranchez de l'humain commerce (Semotosque orbe Britannos) par vn element, qu'ils disoient estre le cinquiesme, ainsi austere, outrageux & impitoyable: & pour ceste cause s'abstenoient du sel, pource qu'entre autres choses il prouoquoit la lasciueté. L'occasion pour laquelle aussi ils reiettoient ainsi la mer, estoit aucunement mystique & allegorique, pource qu'elle ne laue ny ne nettoye les taches & ordures : si qu'Homere fait, & non fans raison, que Nausicaa fille d'Alcinous, laue ses'linges & drappeaux en vne fontaine d'eau douce sur le riuage de la mer; car à la verité l'eau marine ne laue pas : ce qu'Aristote, comme met Plutarque au premier des Symposiaques, question 9 refere à la saulmure dont l'eau de la mer est tou-

263

te remplie; si que n'y ayant rien de vuide, elle ne peut receuoir les ordures: Et vne lexiue n'est-elle pas de mesme, voire encore plus remplie de sel, voire plus onctueux & gras que celuy de la mer? Si que selon le tesmoignage du mesme Aristote, on met de l'eau marine dans les lampes pour les faire luire plus clair, & iettée dessus la flamme elle s'allume. En quoy il y pourroit auoir aussi quelque mystere contenu, concernant le seu & le sel & leur affinité ensemble: Ioint qu'on voit par là que le sel est ennemy des ordures & immondices; & ne s'y veut pas ioindre ny associer, non plus que le feu: qui non vult nisi res puras, dit le bon-homme Raymond Lulle. Au propos dessusdit encore, Plutarque és causes naturelles, met que l'eau de la mer ne nourrist pas les arbres ny les plantes; parce qu'estant groffiere & pesante, elle ne peut monter en leur sceue: laquelle pesanteur & grossitude se voit de ce qu'elle porte de si grands fardeaux plus que la douce; & cela vient du sel qui y est dissouls, & est terrestre, & par consequent plus mal-ailé à enfoncer. Outre-plus, les arbres estans selon l'opinion de Platon, Democrite, Anaxagoras, & autres, ainsi qu'vn animal terrestre, elle n'y peut donner nourriture, nam amarum non nutrit, sed dulce tantum. Mais que dirons-nous de tant de sortes de poissons qui se procréent & nourrissent dedans la mer; des herbes aussi & des arbres? Francisco d'Ouiedo, liure 2. chapitre cinquiesme, met qu'en la premiere

descouuerture de Christophle Colomb, ils trouuerent comme de grandes prairies vertes & iaunes en la haute mer plus de deux cens lieuës loing de terre, de certains herbages dits salgazzi, qui vont flottans à fleur d'eau, selon que les vents les transportent de costé & d'autre. En la relation de Francisque Vlloa, il met que la racine des herbes dont il donne la description & figure, ne s'enfonce point dauantage que de douze ou quinze brasses dans l'eau, iaunes au reste comme cire. Mais on voit assez d'autres herbes & arbrisseaux croissans le long des plages de la mer, & dans la mer mesme. Plutarque insiste au reste que ceux qui croissent le long des riuages de la mer rouge, sont là procreez & nourris du limon qu'y charrient les fleuues qui tombent dedans. Ce qu'il eust peu dire plus à propos de la mer majour, autrement le pont Euxin. Et Pline liure 18. chap. 22. que les herbes qui naifsent dans l'eau ne se nourrissent que des pluyes; mais il s'en ensuiuroit qu'aussi bien s'en procréeroit-il en tous les endroits où il pleut indifferemment. Aristote auec meilleure raison le refere à la salsuginosité grasse & onctueuse; qui y est meslée; le sel estant gras & onctueux; ce qui est cause que l'eau de la mor n'esteint pas si aisément le feu, que la douce. Mais ceste saltuginosité est égallement par toute la mer. Le mesme Pline, liure 19. chap. 11. specific certaines herbes à qui les eaux sallées profitent beaucoup. Ce sont des secrets de nature à quoy le discours

discours humain peut malaisément arriuer: car les herbes par vne prouidence d'icelle peuuent aussi bien succer & distraire de l'eau sallée la substance douce dont elles y sont procreées & nourries que les poissons. Mais cela n'est pas de nostre propos principal; nous ne l'auons icy atteint que pour monstrer que le sel n'est pas infertile, ains cause la fertilité, prouoquant l'appetit Venereen, dont Venus auroit esté ditte dishons, engendrée de la mer; si qu'on donne du sel aux animaux pour les eschauffer dauantage, & leur fait-on manger des salures, comme met Plutarque és causes naturelles, question 3. Et voit-on par experience qu'és basteaux chargez de sel s'engendrent plus de rats & souris qu'és autres: ce qui deburoit d'autant descrier le sel pour le regard des choses sainctes, dont toute lubricité doibt estre bannie; mais le sel est du nombre des choses qui s'appliquent en la bonne & mauuaise part. De la bonne nous en auons cydeuant allegué plusieurs passages: de la mauuaise, pour la sterilité en Gen. 14. Tous s'assembleront en la vallée syluestre, qui est maintenant vne mer de sel. Et au chapitre 19. comme aussi en la Sapience 10. de la femme de Lot, qui pour son incredulité & n'auoir obey à la voix des Anges, fut conuertie en vne statuë de sel. Aug des Iuges les habitations des rebelles & traistres sont ra sées & semées de sel. Et au 2. de Sophonias; Moab sera comme Sodome une desolation d'orties & de chardons; & monceaux de sel. Mais nous

voyons sur les hausses & leuées des marez salins de Xainctonge, où lon vuide les fanges qui sont aussi sallées que la mer propre, il se produit des meilleurs bleds qu'il est possible, & en fort grande quantité; des vins aussi fort excellens. Mais il y a vne autre consideration en cela, comme en la marne, & és Essards de l'Ardenne, où lon brusle des taillis de sept ou huict ans, ainsi qu'on fait aussi les chaux-viues: ce qui tient lieu de fiens en leurs terres; car ces cendres-là ne produiroient rien de foy, non plus que la marne & le sel; mais ils sont cause de production, pource qu'ils eschauffent & engraissent la terre. Il y a encore vne autre raison, qu'allegue Plutarque; Que par tout où il y a du sel mellé, rien ne se fige & constipe au dedans ; laquelle constipation empescheroit les herbes de poindre. Du sel outre-plus nous proviennent infinis medicaments & remedes; furquoy ie ne m'amuseray point icy à ce qu'en ont peu mettre Diòscoride, Pline, & autres, qui en ont traicté comme à la baulde & la vollée à clos yeux les vns apres les autres, sans en auoir fait l'espreuue; ioint que cela est si triuial & battu que rien plus: ains toucheray icy en passant pays, vn experiment dont i'ay veu de fort admirables effects en des fiebures aigues & inquietudes où lon ne peut prendre cos. C'est vn frontal fait de ceste sorte: Prenez vn moyeu d'œuf fraiz, & autant de gros sel: battez-les ensemble en forme d'onguent, que vous appliquerez sur le

front entre deux linges & compresses. Il ne morfond point le cerueau, ny ne cause de tels accidents que font la conserue de roses, l'oxyrhodinon semblablement, & apporte bien plus de soulagement.

FIN.















